### GIFT

Yince on a suimmer was the last yin that caad me young as sixteen year, an juist afore the faa o leaf made for nae less nor seeventeen year, "I think ye'll lyke this," Guy Love said, an puit a smaa quair in ma hauns.

"Thanks, Guy," I said, an lukin at it, I turned til Chaipter Yin an read that 'Ketill Flatnose was the name of a man.' I snichert cuddie-nicher, because *Flatnose* was suddent twoe ither soonds, *Fletneb*, I mynd.

Yer quair was caad *Laxdaela Saga*, made ower fae auld Ycelandic speak bi Muriel A.C. Press, langsyne in aichteen nynetie-nyne was furder

ayont oor ain bit yuithheid as gy nearhaun noo yae hunder year.

In daedicatin this til you, Guy, as *In Memoriam* for thanks, I think o you in Newarthill as mibbes three or fower year aulder, but here thegither, this yince mair we're young afore I'm gane lik you.

Page

### CONTENTS

Chaipter	
Ι	Anent Ketill Fletneb and his Efterkin, 9th Centurie AD
Π	Ketill and his Sons busk thursels tae leave Norowaa
III	Ketill's Sons gang til Yceland
IV	Ketill gangs til Scotland, AD 890
V	Unn gangs til Yceland, AD 895
VI	Unn divvies-up her Laund
VII	Anent Olaf Feilin's Waddin, AD 920
VIII	The Birth o Hrut, an Thorgerd's Saecont Weidieheid, AD 923
IX	Hoskuld's Mairriage, AD 935
Х	Anent Killer Hrapp
XI	Anent Thord Goddi an Thorbjorn Dwaiblie
XII	Hoo Hoskuld bocht a Bond's-wumman
XIII	Hoskuld gangs hame til Yceland
XIV	The Murder o Hall, Ingjald's Brither
XV	Thorold shoots-the-craw wi Asgaut the Thrall
XVI	Thord becomes Olaf's Foster-faither, AD 950
XVII	Anent Killer Hrapp's Ghaist, AD 950
XVIII	Anent the Droondin o Thorstein Black
XIX	Hrut comes til Yceland
XX	Melkorka's Mairriage, and Olaf-the-Peacock's Traik, AD 955

XXI	Olaf-the-Peacock gangs til Yreland, AD 955
XXII	Olaf-the-Peacock comes harne til Yceland, AD 957
XXIII	The Mairriage o Olaf Peacock an Thorgerd, the Dochter o Egil, AD 959
XXIV	The Biggin o Herdshaw, AD 960
XXV	Anent Hoskuld's Sons
XXVI	The Daith o Hoskuld, AD 985
XXVII	The Arval made for Hoskuld
XXVIII	The Birth o Kjartan, Olaf's Son, AD 978
XXIX	Olaf's Saecont Traik til Norowaa, AD 975
XXX	Anent Giermund an Thured, AD 978
XXXI	Thured's Saecont Mairriage, AD 980
XXXII	Anent Osvif Helgison
XXXIII	Anent Gest Oddleifson an Gudrun's Dreams
XXXIV	Gudrun's Furst Mairriage, AD 989
XXXV	Gudrun's Saecont Mairriage, AD 991
XXXVI	Anent Kotkell an Grima
XXXVII	Anent Hrut and Eldgrim, AD 995
XXXVIII	The Daith o Stigandi. Thorleik leaves Yceland
XXXIX	Anent Kjartan's Freenship wi Bolli
XL	Kjartan an Bolli sail til Norowaa, AD 996

- XLI Bolli retours til Yceland, AD 999
- XLII Bolli's Winshin o Gudrun, AD 1000

XLIII	Kjartan comes hame til Yceland, AD 1001
XLIV	Kjartan comes hame, AD 1001
XLV	Kjartan mairries Hrefna, AD 1002
XLVI	Faest at Herdshaw, an the Tynin o Kjartan's Sworde, AD 1002
XLVII	Kjartan gangs til Laugar; and anent the Niffer for Tongue, AD 1003
XLVIII	The Men o Laugar an Gudrun plan a Loor for Kjartan, AD 1003
XLIX	The Daith o Kjartan
L	The Daith o Hrefna. Paece Saettlement, AD 1003
LI	Osvif's Sons are fleemit
LII	The Killin o Thorkell o Goatsfells
LIII	Thorgerd's Eggin-on
LIV	Halldor maks ruidie for tae venge Kjartan
LV	The Daith o Bolli
LVI	Bolli Bollison is born, AD 1008
LVII	Anent Thorgils Hallason, AD 1008
LVIII	Anent Thorkell an Grim gaun Norowaa Wy
LIX	Gudrun caas for Vengement ower Bolli's Daith, AD 1019
LX	Gudrun's Eggin-on
LXI	Anent Thorstein-the-Black an Lambi
LXII	The Thorgils Crew leave Hame
LXIII	The Descryvement o his Faes as brocht til Helgi bi his Hirdlauddie

The Laxdale Saga

- LXIV The Daith o Helgi
- LXV Anent Gudrun's Cheatrie
- LXVI Osvif Helgison an Gest Oddliefson dee
- LXVII The Daith o Thorgils Hallason, AD 1020
- LXVIII Gudrun's Mairriage wi Thorkell Eyjolfson
- LXIX The Castin-oot anent Gunnar
- LXX Thorleik Bollison gangs til Norowaa
- LXXI Baurley cried anent the Bollisons and Olafsons, AD 1029
- LXXII Bolli an Thorleik tae gang Abraid, AD 1029
- LXXIII Bolli abraid wi Thorleik, AD 1029
- LXXIV Thorkell Eyjolfson gangs til Norowaa
- LXXV Thorkell an Thorstein and Halldor Olafson, AD 1026
- LXXVI The Droondin o Thorkell, AD 1026
- LXXVII Bolli's Retour
- LXXVIII The Daith o Snorri, an the End o the Saga, AD 1031

Crib in English to THE LAXDALE SAGA as made over in Scots Verse

#### THE LAXDALE SAGA

Chaipter I

### Anent Ketill Fletneb and his Efterkin, 9th Centurie AD.

No yince upon a wheesht o tyme that didnae blether lyke a bard, thare was a sooch hearsay heard tell Ketill Fletneb was the name o a man, at that the son o Bjorn-the-Ungartert. Ketill was michtie a kinna man as nae mibbes aboot it, and heech-born at that, airtit in Norowaa, an kent thare as highheidyin (hersir).

He badd in Raumsdale, in the airt-grund o that Raumsdale folk that liggs atween the Soothmere yonner an the Northmere.

Ketill Fletneb haed taen for wyfe yon Yngvild, dochter o Ketill Wether, another man o meikle waarth.

They haed five bairns aathegither, yin o the childer bein caad Bjorn-the-Aestman, yin caad Helgi Bjolan.

Thorunn-the-Horned was the name o yin o Ketill's dochters, hersel the wyfe o Helgi-the-Skelfie, son o Eyvind Aestman and yin caad Raffertie that was born the dochter o Kjarval was the Yrish keeng: some folk, tho, leave her oot the saga.

Unn, that was kent as "Faurben-thocht-yin" anither o Ketill's dochters, was the wyfe o Olaf-the-Whyte, the son o Ingjald whoe was son hissel o yin Frodi-the-Valiant, thon chiel was duin til daith bi Svertlings.

Jorunn, anither o Ketill's dochters, kent aften as no bi thon byname "Men's-Wit-fair-gane-in-Witlessness." 10

20

She was the mither o Ketill, the Finn whoe airtit hissel on til Kirby. His son was Asbjorn, faither o Thorstein, faither o Surt, hissel the faither o Sighat, glib as Speaker-at-Law.

#### Chaipter II

# Ketill and his Sons busk thursels tae leave Norowaa.

Whuin Kettill was gettin on a bit, the pooer o yon Keeng Harald Fairhair was fairlie in a bizz o dinnle, in thon wy no yae airtgrun keeng nor onie ither waarthie bodie aboot the place cuid dae awo in paece unless the Harald yin, it was, said whoe was whoe an juist the whoere it was the whoe was whoere.

Whuin Ketill heard that ettlement was in thon Harald think-it-dae-it tae puit til Ketill that same chyce areadies puit til men o micht athooten mibbe ays or naws, and in this sorte o mainner ot no juist tae puit up wi the shame o haein his kinsmen puitten doon, but wi the peelslik kinna sklander on his ainsel bein made nae better nor no juist onie nyaff no waarth a bowle o brose, but mair the lyke o some paer nyuch no even waarth ocht mair nor slabber at a bowle

o whammlins - Ketill caad thegither his kinsmen for a bit collogue, syne made a speil lik this for think ont:

"Aa you folk ken the kinna ongauns that thare hae been atween masel and Harald, sae nae mair ongaein anent thae fashious maitters; ay, we maun tak tent o aa the tribbles fornent us that are lyker mair

the muckle fasheries o dreedour. It's I masel hae haed guid coonsel anent the wrangeousness o Harald no juist til me but til yersels,

and I can tell ye that yae thing that isnae twoe. Tak tent o this: free men lik you, at laest here free as listen gars ye dae or daenae, lippen the-nane on Harald Keeng 10

20

30

and you will dae as I will dae an that is hae the nocht adae wi Harald, but an dae the differ, and you will ken whit Harald daes is for hissel, hissel alane.	
We hae twoe chyces: chaise the yin is flee the laund still free tae flee, or byde sae ilka yin be slauchtert	
athin his saet he thocht his beild.	50
For ma ainsel, I'd raither byde the samin daith ma kinsmen thole, but wuidnae lead ye, thrawartlyke as thowless, intil fasherie the lyke a that, for I ken weed	
the lyke o that, for I ken weel the temper o ma fieres an folk,	
that you'd desaert me nane, even tho	
it shairlie wuid be sairlik tholin	
for you tae follae me ma airtin."	
Bjorn, son o Ketill, gied this aunswer:	60
"I tell ye furst that's telt for aye.	
It's I will follae the ensample	
o highheidyins an flee this laund.	
This is ma deemin; naebodie	
wuid be the waur for bydein laich	
alow the keeng, but that bit laicher	
nor his ain man, a naebodie.	
The bydein here is no haill bydein	
wi whit ye hae, but liggin laich	
alow in utter daurk wi aa	70
ye hae abuin ye for a happin."	
It may be guessed that noo thare were as monie Hear-hears as Encores, the wy a Skol is aftentymes a Slainte in a ceilidh drammin,	
for aabodie thocht weel anent	
the wy a something Bjorn haed said	
haed some thing ither ben it for them.	
That was the common gree thon day:	00
that aabodie suid say fareweel	80
til Norowaa thur auldtimm hame,	
Ketill an baith his sons fair for it,	
wi no the yae speak made against it.	

Bjorn and Helgi were baith fair set
tae gang til Yceland, haein heard
a rowthe o guidlie wirds anent it,
guid grun thare and nae need tae py
the best o siller for yae fuit
upon it, nor the common copper
for tither fuit doon clappit thare;
thare was a rowthe o creeshie whales,
as weel as siller saumon soomin,
wi ither fishin aa year thru.

But Ketill said, "In this ma eild,

it's no ma ettlement tae gang
ower yonner juist a fishin place.

It's I'd gang waast athorte the swaw, for aa ma greinin's liggin ben ma kennin o a comelie airt will see me oot in byte an sup."

He kent guid grun was braid as wyde, for he haed herriet wyde as braid.

90

#### Chaipter III

#### Ketill's Sons gang til Yceland.

Efter that, thon yin Ketill made a meikle faest was aa guid-aetin Thorunn-the-Hornit, his ain dochter, mairriein Helgi caad the Skelfie as said afore nae waur nor noo, daein wi wurds the whit is duin, an no whit folk wuid hae were said, the-wy some folk say *skol*, no *sko-ol*, or as some folk caa *slainte slanjie*.

And efter that again, lik sayt yince mair for siccarness, the Ketill puit graithin til his airtin waast that's faur ayont the swaw nae furder nor Unn his dochter gaed ayont alang wi him an monie freens: they gaed, lik tyme gane bye in stoor that neever stops tae say fareweel.

In that same suimmer-dim o licht baith sons o Ketill gaed awo til Yceland wi the Helgi Skelfie, guidbrither as he was til thae yins, for as is said bi better skalds wi naething better for tae dae, dae it as weel as able for it.

Bjorn, Ketill's son, brocht roond his ship til thon waast airt o Yceland, Braidfrith, an scoored in up alang the frith, alang the suddroun straund ot whoere anither wick athin the frith inbrekks the grun, wi yae heech ben abuin the ness the benner wick-syde, an ysland liggin nearhaun thare.

Bjorn badd them aa tae byde a wee the-tyme he gaed athorte the grun wi twoe-three men, an daunnerin alang the straund, fund thare was nocht but little enyeuch o laund atween the fell abuin an foreshore laich, tho, as ye ken, a little enyeuch is aye the mair nor nocht avaa 10

20

whuin you're sair puit tae finnd ocht mair.	The Laxdale Saga
As you'll can ken, then, Bjorn, nane-glaikit, thocht this was juist the place tae byde, sin hereaboots athin a burn he fund the wuiden totem stabs fae his auld hoose in Norowaa, haein cast them oot, as was the custom in makkin laundfaa in an airt as freemitlyke as taks the fancie.	
Here Bjorn taen a thocht tae bigg 50 his hoose, an syne taen aa the grun fae Reever Staff til Lavafrith, bydein in that place aye sunsyne caad Bjornhaven liggin tweesh the Halie Fell an Lavafrith.	
He was caad Bjorn-the-Aestman, here again telt lest ye think he was anither waast in Yceland here.	
His wyfe, yin caad Gjaflaug, was60the dochter o yon auld yin Kjallak,60thur sons yin Ottar caad, an Kjallak60whoese son was Thorgrim whoe was faither60o Fecht-Steer and anither Vemund;60but the dochter o Kjallak was caad Helga60whoe was wyfe til Vestar o Eyr,60the son o Thorwald "Blether-skull",60whoe saettlt Eyr: thur son was Thorlak60	
Helgi Bjolan (telt twyce for shair sae you will mynd he was nane ither nor yon yin Ketill Fletneb's son)70brocht his ship til the sooth laundairt, an thare taen aa Keelness atween the Kollafrith an Whalefrith, bydein at Esjiberg til gyan auld.70	
Helgi-the-Skelfie yin sae caad (as here caad yince again tae mynd ye he was the man o yon yin Thorunn- the-Hornit whoe was Ketill's dochter)80brocht his ship til the laundairt north, an taen Yslefrith and aa alang atween Mastness an Rowanness,80	

The Laxdale Saga

bydein at whit was caad Kristness.

Frithyslanders the yin and aa are fae thon Helgi and his Thorunn.

#### Chaipter IV

#### Ketill gangs til Scotland, AD 890

Noo, Ketill Fletneb brocht his ship athorte the wastren swaw til Scotland, an was made fairlie waalcome thare bi aa the highheidyins aroon,

wi *Hy thare, man, we're gled tae see ye,* for he was as kenspeckle as guid faimlie is the best fuit furrit.

The muckle folk thare gied til Ketill a place among them wi the best was gaein in the wy o grund, 10 and aa his companie o kinsfolk puit doon thur ruits an saettlt in lik ettlement nocht mair tae dae excep for Thorstein, his ain graunson, a dochter's lauddie, whoe gaed furth at yince that bydes-the-nane for efter, tae mak his name in weire, and herriet Scotland as faur awo as yonner an braid as fae the here til thare, and ayeways bore-the-gree, they say. 20A whylsin on, that's lang enveuch in fechtin, he and aa the Scots thocht fit tae caa a baurley, and he taen the yae haill hauf o Scotland. His wyfe was Thurid, whoe was dochter o Eyvind, an the sisterbodie o Helgi skinnie as a skelf, as some folk say, tho ithers daenae, The Scots, as caunnie as aye keep thur coonsels til thursels, played caurrie 30 an killt him whuin he wasnae kennin whether the whoereaboots he was was aiblins no the place tae be. Ari-the-Wysslik, Thorgil's son, scryvin anent thon daith, puit doon he taen his stoond athin Caithness. Unn, Faurben-thocht-yin, was in Caithness whuin her son Thorstein fell, duin doon til daith, and hearin he was deid,

an that her faither tae was gane

thon wy the last lang braith is pecht as dwaiblie as can pech nae mair, she taen a thocht she'd get nae guid o bydein thare amang her deid. Sae ben a wuid in dern lik keep her ain caum sooch can tell nae lee, she biggit up a bonnie boat, an ginn it was as readie as the wuin wuid wheech her ower the swaw, she buskit it as brawlie as 50 fou staichit wi the best o graith: an taen wi her the ilka yin o aa her kin were still alyve. Juidge weel you as aa men hae deemit, that luk ye roond an roond aboot tae speit intil the ilka nyeuk, and you will finnd thare's no the yin amang aa wemenfolk hae gotten as muckle waalth taen oot o weire or sic a rowthe o guidlie chiels: 60 fae this ye'll ken lik speir nae mair hoo heech abuin aa wemen she. Ye hae tae laern tae lead yer folk no juist sae you maun laern aboot it, but sae they ken that they are led bi yin the waarth the follaein. Monie the man o meikle waarth lik siller wechtie ben the pootsh. an monie mair o heechest bluid that kent thur mithers, gif no faithers, 70 stuid in wi Unn whoe made her plan, lik yin caad Koll, as waarthie as highheidyin heech anuin the lave, yae chiel aye sat abuin the saut. An thare was yin wuid gang wi Unn, a bodie bi the name o Hord wi waarth as muckle as his name an faimlie on the lips o skalds. Ye hae tae laern tae lead yer folk no juist that you ken whoe ye lead, 80 but thae yins in amang the lave yae ken are ill enyeuch tae lead.

Whuin she was ruidie as her ship. she sailed it nor-aest til the Orkneys, an badd a wee whyle thare, the-tyme she saw young Gro wad, she that was dochter o Thorstein caad The Ruid: she was the mither o Greilad quyne whoe'd mairriet Jarl Thorfinn, son o Jarl Turf-Einar, son again til yon yin Rognvald Mere-Jarl; thur son in turn was Hlodvir, faither o Jarl Sigurd was the faither o Jarl Thorfinn. Fae aa thaem come aa the kin o Orkney Jarls: some folk say thae things, ithers daenae.

Unn sailed awo til Faroe Ysles, an steyed thare lang enyeuch was tyme tae see anither Thorstein dochter mairriet as snode as byde as bien as she and her man Olof made the maist o best o Faroese were later kent abraid as Yett-bairds, tho some folk daenae tell us that.

Ye hae tae laern tae lead yer folk sae that they ken that you yersel can order folk as ordered you yersel wuid be gif led sae weel. 90

<b>C11</b> ·		* *
Chai	nter	V
Chai	pici	v

#### Unn gangs til Yceland, AD 895.

Unn gat aa ruidie noo tae gang an yoke upon the swaw ayont the Faroe Ysles, an telt her freens Yceland wuid be the laundfaa neist.

Alang wi her gaed Olaf Feilan, the son o Thorstein; wi them, aa the Thorstein's dochters still no mairriet.

Syne, puittin oot til sea, the dauphins on aither bowe as virrfoulyke as kent they saw a yin waarth seein, an waather on the swaw as kynd as wuin on sail, she cam at lenth laundairtit on the sooth o Yceland til thon place caad the Vikrarsheid, a name anent the pumice rocks.

Here, tho thur ship was wrackit sair as made for muckle mendin ot, the folk athin and aa thur graith were safe as thole anither wrack, for they were hardie chiels cuid say *Gin ower sair fasht as greet wi pain, greet gin ye lyke but daenae girn.* 

A whylsin efter, aathing puit til richt that leaves the nocht til wrang

in case the wrang's the Deil hissel, she gaed tae finnd her brither Helgi wi twintie menfolk at her heels, an comein til him as he cam til her, he badd her stye wi him alang wi ten o aa her kinsfolk, (tho mynd ye, ither folk say nyne)

for you'll can ken athoot the tellin he thocht the scran gy smaa tae scrunch wi aa thae mous lik gannet bills.

Unn's aunswer was as angersome as burn the air wi wurds lik lowes in sayin she haed neever thocht the lyke o sic a man a nyaff, and aff she gaed lik steer the stoor 10

20

tae finnd her brither Bjorn in Braidfrith.	40	The Laxdale Saga
Whuin Bjorn heard tell that she was comein, he gaed tae meet her wi his men braw-buskit for tae waalcome her, an wi his airms the six-fuit braid said, "Here we are for you tae be as yin wi us as we wi you are aathegither kynlie folk," for weel he kent she thocht faurben		
yont thocht in commonalitie		
He telt her she and aa her folk cuid stye wi him and his wi pleesure, and Unn fair lykit whit he said, an thankit him for guidliness lik greeance o the man an means.	50	
Unn badd thare aa that wintertyme		
as waarm as neever feared the cauld; as lauchinlyke as yin wi sang that dirlit ruif an raefters roon		
lik sing an owercome yince again; as ruchlik as the brode wi maet aneath fou leeries on the waa:	60	
ay, aathing thare was aagaets hers as weel as for her companie,		
fae muckle siller ruch ben pootshes.		
Come voar that puits the fuit abraid tae daunner furth an meet the wurld, Unn and her folk gaed ower the Braidfrith til yae ness whoere they brakk thur fast		
sae that Brekkfastness was the name they gied the place for aye and on: fae thon airt Middisfellstraund streetches aestwart fornent the mornin sun.	70	
Sailin her ship til Hvammfrith wy,		
an comein til anither ness, they badd a whylie thare whoere Unn lik onie ither wumman, tynt her kaim, sae that the folk foreever		
caad that place Kaimness, you'll can guess.		
Gaein aa attoore the Braidfrith Dales, she taen a muckleness o grund, - as lang as sydiewys, folk say -	80	

sae that ginn she cuid sail her ship up til the heid o that bit wick, her wuiden totem stabs fae hame were cast upon the straund the whoere she kent the verie place fairdab for biggin up a bonnie hoose:	7
caad Hvamm sinsyne, the place she bidd.	
In that same voar that saettlt Unn at Hvamm, Koll up and mairriet Thorgerd, dochter o Thorstein caad The Ruid; and Unn, as aipen-haundit as faurben in thocht, gied brydal-faest for yin and aa, giein for tocher til Thorgerd, Saumonreeverdale.	90
<ul><li>Koll set up hoosehaud thare, upon</li><li>the sooth syde o the Saumon Reever.</li><li>He was a man o meikle pech.</li><li>He and his Thorgerd haed a son,</li><li>the lauddie bein caad Hoskuld.</li></ul>	100

#### Chaipter VI

#### Unn divvies-up her Laund.

Efter that, Unn gied til mair men pairts o thon haill grun she haed taen. Til Hord she gied the haill Horddale as faur as Reever Skraumuhlaups. He badd at Hordabolsteid as yae man o meikie merk, an blisst wi faimlie bairns gat great renoun. His son was Asbjorn, caad Weel-aff, whoe leeved in Ornolfsdale, that is, at Asbjornsteid, an taen for wyfe Thorbjorg, dochter o Midfrith-Skeggi. Thair ain dochter was Ingibjorg whoe mairriet Illugi-the-Black, thur sons bein caad yin Hermund, the-tither Gunnlaug Worm-tongue. They folk were the Gilsbecking clan.

Apairt fae Hord abuin, the lave o ither folk thare nummert-aff as tho upon a padyane-grund, are no athin some ither wark owersets the saga as furst-telt, but thare they are for thair ain sakes as weel as for the monie sakes that cam fae thaem amang us noo.

Unn spak til aa her men lik this: "It's tyme an bye the tyme that I suid staun ma haun for aa yer wark, for noo I'm gy weel-aff and hae enyeuch as leave masel gy snode yince I hae pyd aa you for darg o wark an nocht avaa the snash the-tyme ye did the whit ye did was that bit mair nor haed tae dae, and as ye ken that need nae tellin, as guid's ye are at whit ye dae, thare is yae tyme sae fangit-fou wi lyfe ye cannae dae ocht better, and I wuid better that gin able."

"Ye aa ken I hae gien the man caad Erp, the son o Jarl Meldun, 10

20

30

the freedom that nae dacent bodie suid be athoot, for in ma mynd I coodnae thole tae think the thocht that yin was born sae heech as he suid gang aboot lik onie nyuch. He is a man that kens this truith: thare comes a tyme as laichlie as the bab-the-powe in sair defaet will bou ye doon the faur the waur."		11
And efter that, Unn gied him grun caad Sheepfell in atween Tongue Reever an thon Mid Reever. His bairns were the tin caad Orm, anither Asgeir, then Gunbjorn, and yin Halldis caad that Alf o Dales wuid hae for wyfe.	50	
Til Sokkolf, Unn gied Sokkolfdale whoere he wrocht on until auld age gart him sit quaetlie bi the fyre an listen as his auncient baens gaed creikle-crackle wi the bleeze.	60	
Hundi was yin o Unn's ain freedmen. She gied him Hundidale. He was as Scots as kin o aa the wurld as aa the wurld is Scottish kin.		
Tho some folk daenae puit the neist athin the saga wark avaa, the fowerth man freed bi Unn was Vifil. She passed ower Vifilsdale til him, an nae doot, gif no weel-kent then, lik aa folk else wuid be mair kent for folk o his cam efter him.	70	
Thorstein-the-Ruid's fowerth dochter was caad Osk, an she becam the mither o Thorstein Black-the-Wyss, thon man that gied til ilka seeventh year the whit was caad the suimmer week sae tyme wuid tyne its days nae mair. (Till Thorstein cam, the yearlie days were juits three hunder sixtie-fower).		
Thorstein-the-Ruid's fifth dochter was caad Thorhild whoe becam the mither	80	

o Alf o Dales, an monie men

o meikleness can claim thur lyne richt doon til him. His dochter was Thorgerd, the wyfe o Ari Marson o Reekness, son o Atli, son o Ulf-the-Skellie and o Bjorg was Eyvond's dochter whoe was sister til yon yin Helgi caad The Skelfie.

Some folk say nocht anent thae bodies tho fae them come thae folk were caad Reeknessings. Vigdis was the name o thon sixt dochter o Thorstein-the-Ruid. Fae her come Heidlaund o Yslefrith men.

(An shairlie monie mair as micht jalouse gif telt the-tither hauf o aa the stories juist hauf-telt).

#### Chaipter VII

#### Anent Olaf Feilan's Waddin, AD 920

Olaf, caad "Feilan", was the youngest o Thorstein's childer. Growne gy tall, strang wi't anaa an buirdlie tae, a man o meikie stoorieness.

Unn luvit him abuin aa men, an made it kent til aabodie that she was myndit for tae saettle on Olaf aa the graith she haed at Hvamm whuin her day was as duin as dae nae mair means nocht tae dae.

Unn caad til her the Olaf chiel, an said til him, "It's in ma myn lik tak a thocht the furder ben,

ma kinsman that ye are, that you suid saettle doon an mairrie wysslik."

Olaf taen this gy weel, an said he'd tak guid tent o her avysement, for weel he kent he'd hae tae see her lyke o eild hissel tae ken ocht better nor her coonsels gien.

Unn puit her thocht fornent him then that she'd haed ben her mynd a whylsin: "I'm thinkin that yer waddin-faest wuid be the nane-the-waur for bein

no at the back-end o the year but better at the end o suimmer, for aathing then is rowthielyke

an fou o guidliness fae growthe,

and in the bygaun, monie freens will lyke tae come and hae a hooch at sic a tyme, for I can tell ye, this will be sic a brydal-faest

the lyke was neever seen, because it is the hinmaist yin I'll gie."

Olaf gied aunswer: "That is spakken as weel as nocht can better it, but let me tell ye this for truith lik licht athorte the aer-on swaw a pleesure til oor mornin een, 10

20

The Laxdale Saga 40 I'll tak nae wyfe will tak fae you yer place an grace an coonsel sage, an neever mynd yer siller aither." That suimmertyde saw Olaf mairriet til Alfdis, wi the waddin haudit at Hyamm in Unn's ain hoose at hame. Unn fairlie made a splore that day, wi meikle siller spent as free as tho it flappert lyke the dulse amang the seabree on the rocks, for she haed speired at monie men 50 tae come an pree a dram or twoe, men roondaboot fae aa the airts, highheidyins tae amang the lave kenspecklelyke in name an fame. Wi monie ithers, clan an clannit, cam Bjorn and Helgi Bjolan, baith her brithers, and alang wi thaem cam Koll o Dales, Unn's ain guidkinsman, and Hord, thon vin fae Hordadale, alang wi monie meikle men. 60 The waddin-faest was thrangitie, folk back an furrit lyke the gairies attoore amang late suimmer heather; the young folk roond and roond aboot lik feet can clitter-claitter dauncein; the auld menbodies up an doon wi Skol for this an Slainte that auld wemen in a connieshonnie, clackin anent thae waddin ploys they'd seen were better faur nor this yin; 70 and younger bodies, lassies, lauddies, mair fair taen-on wi thair ainsels nor oniebodie in the haa. Ay, fairlie croodit-oot, tho less nor Unn haed speired at for tae come, lik Yslefrith folk, ower faur awo tae tak the tyme tae traik ower thare, aye myndin they'd tae traik back hame. Auld age noo comein doon on Unn lik sleepin hauf the day awo 80 an gangin aer-on intil bed,

	11
no yin avaa did she aloo	
tae come for coonsellin atween	
the tyme she gaed tae sleep at nicht	
an tyme she waukent wearilie:	
gy angrie wuid she be gin onie	
speired gin her strenth were failin her.	
On this parteeclar waddin-day,	
Unn slep that bit mair late nor yaisual,	
yit, ginn her guestfolk cam, she was	90
abraid as licht upon the fuit	
as met her kinsfolk and her freens	
as coorteous as caunnilie,	
sayin til thaem fornent her thare	
that she was fair taen-on wi thaem	
for thair guidgree til her because	
o thair oncomein here fae thonner	
sae faur awo, and in especial,	
s'she, "I luk at Bjorn and Helgi,	
tho still-an-aa, I thank ilk yin	100
for makkin here sic companie.	
Syne Unn gaed ben the muckle haa	
wi monie folk for companie	
alang wi her, an ginn aa saets	
athin the haa were taen, ilk bodie	
was mair nor fairlie flabrigastit	
tae see sic rowthe o ruchness thare.	
Unn said amang them aa thare gethert:	
"Bjorn here and Helgi, you ma brithers,	
and aa ma ither kin an freens,	110
I caa ye roon tae witness this,	
the whit I hae tae say the-day	
because the-morra's ower late mibbes;	
ma hoose and hame and aathing roon,	
wi aa the graith an grun fornent us	
that you folk ken is myne tae luft	
an lay at ma ain pleesure, here	
I puit intil the haunds o Olaf	
as his alane tae keep an care for	120
for aa tyme on as he see fit."	120
And efter that, auld Unn stuid up	
as straucht as onie totem stab,	
an said that she wuid gang inbye	
the booer her chaumer-bed athin,	
but badd the ilka yin aroon	

	The Laxdale
tak ocht fae aa the laden brodes	
wuid cheer the mynd an fou the wame	
the-tyme the commonalitie	
cuid pree the best o gowden yill.	
Sae telt for whit was said, thon Unn,	130
still sonsielyke, weel-puittent-on,	150
an still as tall as shoothers square,	
then steppit oot alang the flaer	
amang them aa athin the haa,	
an smert as straucht fornent her lukin,	
ilk said til ilk yin ither thare	
hoo graun she gaed, the-nane her lyke,	
as sae here said for whit was telt.	
The bodies yokit on the scran	
lik Mynd-yersel-for-I'll-myn-me,	140
until they gaed til bed at last	140
tae fletten hoveit wames in slaep.	
the netter nover wantes in shep.	
Come morra-morn whuin Olaf gaed	
inbye Unn's slaepin-booer, he fund	
her sittin up athin her bed,	
the pillie-code against her back,	
Unn deid as merble-cauld the broo.	
Then aff gaed Olaf til the haa	
an telt the bodies aa aboot it,	
an thare was this, a muckle mervil,	150
lik wunder ben a storie telt,	
that aabodie athin the place	
thocht Unn anither mervil thare,	
her storie ben the wunder ot	
until the verie day she deed,	
her mynd as straucht as siccarness	
made thochtfouness her ither name.	
Yae thing was Olaf's waddin noo,	
anither Unn's ain yirdin dooce,	
the yill abuin the bed for him,	160
the yill abuin the yerd for her,	
til on the hinmaist faest-day thare	
they taen Unn til her yirdin-howe	
and happit up a knowe upon it.	
Athin a ship athin a cairn,	
wi meikle siller, muckle graith	
happit aroond her for a treisure,	

the cairn was steekit yince for aye.		The Laxdale Saga
Then Olaf Feilan, wi the greeance o aa his kinsfolk gethert thare, taen ower at Hvamm baith hoose and haud, and aathing else athin its graithin.	170	
Syne, ginn the ongauns ower an duin, Olaf gied monie the brawlik giftie till aa the men maist meikle thocht o, an then they gaed thur ain gaets hame.		
Olaf hissel becam gy michtie, baith as a man and as a laird, an that's a thocht that's guid tae think as weel's the dacent speak tae tell, for monie michtie lairdie chiels are mair lik nyaffs, no dacent men.	180	
Olaf badd on at Hvamm until auld age cam hirplin ben at him wi humphie back as roon's a bool, and haunshak waek as onie waen's.		
Olaf and Alfdis haed fower bairns: yin was a son Thord Yeller caad tae be anither man aboot the hoose; an dochters three tae redd the clart that menfolk spreid aroon.	190	
Thord Yeller mairriet Hrodny, dochter o Midfrith Skeggi, an thur sons were Eyjolf Grooyin whyles sae caad, and thon Thorarin Fylsenni, alang wi yin caad Thorkell Kuggi.		
Yae dochter o the Olaf chiel, yin Thora caad, was taen for wyfe bi Thorstein Tarskabyter, son o thon yin hairie, Thorolf Mucklebaird: thur sons were Bork-the-Stoot, an Thorgrim, faither til Snorri caad The Praest.	200	
The saecont dochter o oor Olaf and Alfdis was caad Helga: she it was becam the wyfe o him caad Gunnar Hlifarson; thur dochter was Jofrid, yin that Thorodd, son		27

The Laxdale Saga

	тпе Еаха
o thon Tongue-Orrie, haed for wyfe and efter, Thorstein, Egil's son; gien-name o yin o Thorodd's dochters was Thorunn, whoe becam the wyfe o Herstein myndit as the son o thon Thorkell Blund-Ketill's son.	210
Thrid dochter til Alfdis and Olaf was Thordis: she becam the wyfe o him Thorarin, Speaker-at-Law, an brither o yin Ragi caad.	
Tho some folk gie the juist fower names that cam fae Olaf and his Alfdis, in case ye're yin that cam fae thaem, thare ye can read yer kin abuin, an gin ye ken then eik til thaem yer ain name for a faimlie kennin.	220
At that timm, Olaf bydein thare at Hvamm, guidbrither Koll o Dales becam no weel, and thon Auld Daith, as sleekit as the hinmaist sooch o pech the naither in nor oot o kist, cam ben an smoored the fuff ot.	
Hoskuld, the son o Koll, tho young the day his faither doon an deed, was aye aa-thare as neever thonner, yin aye as furrit as no blate, an weel-made in the myn, wi ingyne weel-graithit tae as baen an sinnen, taen ower the grund an meltith-brode haed made the Dales his faither's pryde: the hoose and hame caad efter Koll becam Hockuldsteid no lang efter	230
becam Hoskuldsteid no lang efter. As heech abuin as he becam, freens gethert roon tae lauch an sing whuineer the humph cam up his back tae haud a ceilidh thru the nicht in suimmer dim or winter dimmer.	240
Thorgerd, that Thorstein's dochter was, an mither tae til Hoskuld, still the young enyeuch as lukin bonnie, was no taen-on wi Yceland, naw,	
no noo Koll gane athin the yerd, an telt her son that she wuid gang	250

	Th	e.
her ain gaet suin ayont the swaw,		
takkin wi her the whit was hers		
wuid see her bydein ruch enyeuch		
whoereer she micht weel saettle doon.		
Hoskuld, sair puitten oot tae hear		
the ploy his mither haed in myn,		
for weel ilk looed the-tither yin,		
said still-an-aa he'd dae the whit		
was richt that nane cuid say was wrang		
	260	
An for tae dae't lik dae it weel	200	
that is the best that can be duin,		
he bocht the hauf-share o a ship		
for his dear mither, whoere it lay		
an badd its wheesht at Brekkfastness		
beached thare but no wi gaizent brodes.		
beached thate but no wi gaizent brodes.		
Syne Thorgerd berthed hersel aboard,		
wi aa the guids an gear she haed,		
an puitten oot til sae she sailed		
her bowes intil the mornin sun	270	
thae lang leagues aest til Norowaa,		
yin no at hame awo fae hame:		
or sae thocht dauphins aither bowe		
as that taen tent o her aboard,		
because they cheetlt ilk til ither,		
Ay, here she comes that micht weel be		
the better gif she styed at hame.		
We growe awo fae whit we are		
whuin bydein yont oorsels ower thare.		
Thorgerd haed monie kynlie freens	280	
in Norowaa, an kinsfolk tae		
as guid o bluid as highheidyinlik,		
and aa were fair taen-on tae see her		
weel-at-hersel for aa the skaith		
the deid o Koll haed duin til her:		
they said that she cuid hae the whit		
was ben thur hauns tae chaise her chyce,		
an she was blisst as pleased tae say		
her ettlement was thare tae byde.		
She haednae been a weidie lang	290	
afore a man cam furrit winshin,	_/0	
bi name yin Herjolf, weel-tae-dae		
as coodnae weel dae onie better,		
as coounae weer dae one better,		

wi monie ells an faas o grund as puit the maet upon the brode lik cut-an-come-again for mair; and he was tall an strauchtlik made as sterk in kist and haun an fuit, tho this tae tell, a thochtie juist upon the aidge o ugsomeness, naw, no lik that, a weething grugous, but aiblins no that aither, ken, for he was strang wi't at the wark that caas for battle-aix an sworde as made a brawlik fechtin chiel.

Altho the folk colloguit roond anent the ongauns tween thae twoe, sin Thorgerd was in weidieheid the ay or naw anent the maitter was hers and hers alane tae speil; syne, takkin tent o guid avysement fae aa the bodies roond aboot, an kennin that her ain behauf micht weel be made the mair the haill alang wi Herjolf, she said "Ay" tae please hersel as weel as ithers.

She mairriet Herjolf, gangin wi him intil his hoose at hame thon wy she thocht the-nane o ither days yince made for ither kynds o nichts, but made her sittin-doon wi Herjolf as tho the wurld were made anew, the baith o thaem juist finndin oot whit furst was fund oot lang sinsyne.

An no juist that atween thae twoe fornent ilk ither's mien and een, but in amang the preein folk wi kyndliness an guidlie gree that saw Herjolf as dacentlyke as onieyin in Norowaa, or eever sat fornent an oar in onie frith in Norowaa: weel was he bookeit up this graun for takkin Thorgerd as his wyfe. 300

310

320

# Chaipter VIII

The Birth o Hrut, an Thorgerd's Saecont Weidieheid, AD 923
No that lang mairriet as become gy easie-oasie wi ilk ither, Thorgerd was bairnt and haed a son caad Hrut, name gien thon wy they spairged his broo wi sloosh o watter.
Nae stumpie stoosie as a bairn, but aer-on growein heech as strang, whuin he becam a man, thon Hrut was braid aboot the shoothers as athwartships in a bonnie boat; his middis was as flet's a brode abuin his twoe stoot stabs o legs; his hauns were frames o manliness, his feet were fleet in monie gemmes.
Amang maist men Hrut aye was seen the maik o onie man abraid, an wemen thocht his face as fair as his graunfaither Thorstein's yince, an betterlyke, it maun be said, nor yon yin Ketill Fletneb's yince, tho folk said Hrut was gyan lyke him.
Aa things thegither puit for yae thing that can be said anent them aa: Hrut aye was brawlik til aa men as he was bonnielyke til wemen.
Herjolf taen no-weel lyke sae monie that neever think the day will daw whuin daith comes ben in tacketies tae stramp them doon aneath the cly; an daith indaed did doon on Herjolf thon wy the folk aroon the doores can dae nocht mair nor shak the powe an sooch anent the awfie losse.
Her lyfe noo cawed agly, fair baet as didnae ken the whoere tae turn nae mair nor dae a haun's turn aither, Thorgerd then taen an awfie greinin tae gang til Yceland for tae veesit

The Laxdale Saga

		The Laxaa
Hoskuld her son, for even yit that is foreever whit was yince, she luvit Hoskuld best o aa, and efter aa, as she kent weel,	40	
Hrut wuid be weel lukt efter here in Norowaa amang his kin.		
We byde awo fae whit we were whuin growein yont, lik no aa-thare.		
Oot thonner waastlins, Thorgerd sailed til Yceland middis in the sae, the bowes o her ain bonnie boat		
straucht furrit ben the eenin sun as dauphins lowpt on aither bowe wi <i>Here she is for hame again</i>	50	
whoe micht weel be the better ot. Fae whit we were we byde awo		
lik growne ayont as no aa-thare.		
Lang leagues awo fae Norowaa was hame furst saw her greinin-tyde, thon place made Hoskuld luvit maist,		
thon son in Saumonreeverdale.		
His waalcome til her spreid his airms twoe ell the less yae fuit and hauf, for weel his mither was beluvit	60	
abuin the lave around him thare.		
Thorgerd was gyan ruch in siller, thon wy that naebodie was boun		
tae staun-the-haund in cheritie, naw, naebodie was puittent-oot yae wy or onie ither wy.		
She styed wi Hoskuld til yon day that saw the nichtin ben her een	70	
some winters efter comein hame, whuin auld daith, quaetlik in her seikness, neever let dab she was tae dee,		
naw, neever let her ken she'd deed.		
We're aye for hamewith, even tho it is oor lang hame hains whit thocht it.		

Her dacent yirdin ower an duin,

The Laxdale Saga

Hoskuld taen ilka siller bit, ay, ilka smaa bit maik anaa that haed belangit her, altho, as aabodie that thocht ot kent, the hauf ot suid hae gane til Hrut.

# Chaipter IX

# Hoskuld's Mairriage, AD 935

At that timm, Norowaa itsel was ringit ower bi yon yin Hakon, yince foster-bairn til Athelstan the keeng o Wessex ower in England.	
Hoskuld, in Hakon's bodieguaird, badd ower in Norowaa yae year, the neist hame, turn an turn aboot, lik eeksie-peeksie aest an waast: he was a gy kenspeckle man in Yceland as in Norowaa.	10
Noo, thare was yin, a man caad Bjorn, whoe leeved at Bjornfrith whoere he'd taen as muckle grund as gart the frith be caad bi his name for the kennin. This frith cuts back intil the laund northwys fae Steingrimsfrith, a neck o grund atween the twoe launds rinnin.	
Bjorn was a highheidyin at that, wi's muckle siller in the pootsh as herrin in a league o sae: Ljufa gien-name o his wyfe.	20
Thur dochter's name was Jorunn: she was intil fairheid lyke tae catch the braith and haud it furst timm seein, an wi it, prood as luft the broo an cast the lock asyde gin hearin the whit she didnae lyke tae hear or seein ocht no lykit seen; weel intil cleveralitie	
anaa, thon Jorunn dadnae need tae luft a broo or cast a lock, for aa folk kent the wy she lukit shawed gin or no she was in greeance: for aa that, she was thocht tae be the marra was the best o chyce in aa the friths alang the waast.	30
The Hoskuld chiel haed heard o her, an tho that was the feck enyeuch, thare was anither feck the mair	

The Laxdale Saga 40 that was enveuch as made the haill, an that was that her faither Bjorn was feck-fou his ainsel wi siller, nae highheidyin oot-thru the Straunds as weel-aff as thon faither Bjorn. Up and awo fae hame rade Hoskuld, wi ten guid men for tail tae follae, tho some folk say they nummert nyne, an gaed til Bjorn's hoose at Bjornfrith whoere he was waalcomed lyke a freen, for Hoskuld and his wys o daein 50 were gy weel kent til Bjorn hissel. Hoskuld fornent him then puit furrit his ettlement, that was tae seek the haund o Jorunn, paum til loof, an Bjorn said he was gy pleased, for it was tyme an richtlie tyme his bonnie dochter suid be mairriet: but juist the same, he thocht it wyss that she hersel say ay or naw. 60 Puittent til Jorunn, she gied aunswer the yae wy thonner, tither thare, in sayin, "Fae aa I hear tell anent ye, Hoskuld, whit ye speir at is no that bad, an that's gy guid, and I am shair the wummanbodie that mairries you will no dae bad; but juist the same, I think it wyss tae let ma faither hae his say anent the ploy: gin he say ay, it's I will be in greeance wi him." 70 The lang an shorte ot aa, that is as braid as it is sydiewys, was Jorunn puit hersel in hecht tae mairrie Hoskuld, tocher guidlie til Hoskuldsteid whoere she wuid wad. Aathing anent the maitter duin lik nae mair need be duin the-noo, Hoskuld, wi tail o his braw chiels, gaed hame til Hoskuldsteid tae byde in paece o myn lik saucht o spreit 80 until the waddin-day wuid come. The waddin-faest guid-aetin noo,

Bjorn fae the northern airt cam doon amang a bonnie companie o muckle bodies, freens o his.	The La.
Hoskuld haed speired at monie guests that they wuid bliss his hoose at hame, an thae folk cam, baith freens an kin, an kin o freens, an freens o kin, the nane o thaem clanjamphrie folk, for this was yae graun waddin-faest, no juist a luft-an-saut-an-chowe, but tichtener lik knyfe-an-forker.	90
Syne, ginn the ilka brode scoored clean and ilka dram fair sloocht awo, the ilka bodie made for hame wi gifties in alow the oxter an freenship buckelt ben the belt.	
Bjorn's dochter Jorunn taen her saet at Hoskuldsteid as wyfie thare wi aa the hoosehaud care in haund as she in Hoskuld's care hersel.	100
It wasnae lang or she was seen as wyss as gy weel-at-hersel, an furrit aye as whit tae dae as intil kennin whit was whye, tho aftentymes lik raise-the-ruif wi temper, clashin pans thegither.	
Altho thae twoe, Hoskuld an Jorunn were lyke the yae yin whuin thegither, lik luvin yin anither weel, they were a weething intil blateness fornent the lave o folk aroon.	110
Highheidyin syne the Hoskuld chiel, as michtie as the dunt o nieve straucht-furrit, wechtie in ahint it, and haein muckle siller tae, was nane less nor his faither, Koll, tho siller ben the pootsh is no aye maik o wyssness ben the heid.	120
Hoskuld and Jorunn that were twoe made furder yin bi haein childer no that lang efter bein mairriet;	

	The L
a son, the eldest o the bairns,	
haed gien-name Thorliek, then yin, Bard,	
anither son asyde the ingle	
alang wi dochters tae, yin Hallgerd,	
gien byname Langshanks syne-an-on,	
tho mynd ye, ithers bodies say	
	130
Langbreeks the paer sowl's byname was:	150
an thare was yin was Thurid caad,	
the naething else, tho, said anent her.	
And aa the faimlie, it was said,	
haed aa fornent them chyce for chaisin.	
Thorliek was tall as gart plain folk	
luk up at him as he glowered doon,	
an strang as gart a waeker chiel	
glunsh as tho soor ploom bree ben mou	
gif Thorliek gied his haund a grup;	
and as braw-lukin as cuid gar	140
the lassies keek at him, een wunnerin	
as see him mibbe lyke perhaps	
or even aiblins tak a chaunce;	
but wi it, he was quaet anaa,	
the roch as onie drumlie swaw	
ye'd sail ayont afore gang thru,	
and as til that, men taen a thocht	
tae haud a weething aff his coorse,	
no lukin for tae be taen-in,	
no fair taen-on wi whit he did:	150
Thorliek his son, the faither said,	
taen efter aa that race o men,	
the clannit folk athorte the Straunds.	
Bard, whoe was Hoskuld's ither son,	
was braw as manlie in his wy,	
•	
an strang enyeuch the mair nor maist;	
and aesie wi it as was felt	
bi yin and aa aroon the place	
whoe kent the lyke o him was seen	
the eemage o his faither's folk.	160
Bard was a quaetlik chiel anaa	
whuin he was growein-up, thon wy	
as kyndlie as the caumer swaw	
-	
athin a loch fae shore til shore,	
thon wy whuin lukin ben the watter	
ye see the ferlies o the deep;	
waanchauncie-nane wi aa his freens	
whoe lukit on him wi respeck,	

he lukit doon on naebodie, sae aa jaloused that Hoskuld luved the young Bard best o aa his childer.	170
In honour noo lik trumpet blast, and heech renoun lik stoond o drums, the hoose o Hoskuld stuid apairt for tyme tae puit a deemin ont.	
Groa was Hoskuld's sister, and it was aboot the-noo that Hoskuld gied her in mairriage til Velief was caad The Auld; an syne they haed a son was kent as Holmgang-Bersi.	180

### Chaipter X

## Anent Killer Hrapp

Hrapp was the name o a man whoe badd in Saumonreeverdale, north bank o the reever fornent the Hoskuldsteid at thon place later caad Hrappsteid whoere aathing noo is sairlie tasht, no even waarth the docken leaf that's no that lykelie tae be fund thare.

Hrapp was the son o Somerled,
his byname bein Fechter Hrapp,
as some folk caad him, ithers, tho,
wi betterlyke name, Killer Hrapp:
he was Scots on his faither's syde,
as thocht he kent the mair nor maist,
his mither's kin the Waastren Ysles folk
whoe thocht the mair nor maist, they thocht:
he was brocht up amang thae folk.

He was an awfie muckle bodie, as strang as waarsle wi a buhll, a man that taen nae tent avaa o whit or whoe stuid up fornent him as lang as he cuid puhsh or puhll; he was as blooterie in mainner as gulderie wi aa the lave, thon wy that did the whit was duin athooten fash for whoe was skaithit, sae at the hinner-en the chiel taen aff the waast ower sae athorte, til Yceland whoere he bocht the grun wuid see him saettle doon in lyfe.

Vigdis his wyfe was caad, the dochter o Hallstein, son caad Somerled: her brither, Thorstein Black-the-Wyss, badd at Thorsness, as telt afore, an Somerled was brocht up thare, an up-an-comein laud o pairts.

Thorstein haed mairriet lang sinsyne, his wyfe noo deed indaed bi noo as yin wi tyme in memorie, altho he haed twoe dochter bodies tae keep her memorie in tid: 10

20

30

the name o yin o thaem was Gudrid, the-tither dochterbodie, Osk. Gudrid was mairriet til vin Thorkell, byname The Fringe, an thae twoe badd in Svignaskard. He was as heidie as able for tae let the wurds come oot as slee as tho they were on stockin-soles, or yatterin as rummle in amang the haerns, forbye bein highheidyin anaa: he was the son o Ruadabjorn, tho some folk daenae tell us that. Osk, tither o thon Thorstein's dochters, was gien in mairriage til a man fae Braidfrith whoe was caad Thorarin. As brave a bodie as kenspeckle, he badd wi his guidfaither, Thorstein, that needit meikle care because his tyme was dwynin intil eild, haul-waukrif ilka morn as tho hauf-thinkin "Birl the bowster ower tae gar me gang til slaep again." Lykit-the-nane bi aabodie for bein ower blooterie in mainner as faur ower gulderie in speak, Hrapp taen it on hissel tae wecht the whit he was the wy he was on aa his neebors, tellin thaem tae think-the-nane yae ither man cuid bear the gree against hissel. At that, the neebor bodies roon colloguit aathegither, gangin til Hoskuld, tellin him thur tribbles: and Hoskuld telt them: "Let me ken gin Hrapp daes oniebodie skaith,

for naebodie lik him is gaun tae herrie me o men an siller." 50

70

Charpter M	Ch	aipto	er XI
------------	----	-------	-------

## Anent Thord Goddi an Thorbjorn Dwaiblie

Thord Goddi was the name o a man whoe badd in Saumonreeverdale upon the norairt o the reever, his hoose, af coorse, caad Goddisteid.

He was a gyan waalthie man, tho as ye'll ken, you yins that think it, weel, pootshes fou o siller arenae the lyke o wyssheid maks ingyne; he haed nae bairns, and he haed bocht the grund he badd on, nae herm duin. Hoskuld was lukin efter him, sae that he leeved in saucht at hame, for aa Hrapp was his neeborbodie, whyles takkin thocht tae dae Thord ill that micht hae gart him be no weel.

His wyfe was Vigdis Ingjaldsdochter, graundochter her o Olaf Feilan; she was Thord Yeller's brither-dochter her faither's syde, an brither-dochter o Thorolf Ruidneb o the Sheepfell, that vin upon her mither's syde.

This Thorolf chiel, kenspeckle hero, was no juist weel abuin the folk, but aye stuid oot fornent them tae, sae kinsmen aa wuid gang til him whuin sair in need o some remeid.

As faur as Vigdis was concaernt, (for she cuid coont mair nor her fingers), she mairriet thon Thord Goddi less for hichtenin hersel nor coontin the siller wi her taes anaa.

Thord haed a bodie wi him come til Yceland whoe was intil thralldom: caad Asgaut, he was meikle enyeuch athorte the kist as wi it michtie abuin the maist o men aroond, an tho weel-kent as thrall, no monie amang the freemen were his maik. He kent fyne hoo tae ser his maister, 10

20

		The Laxdale S
an tho Thord haed the monie thralls,	40	
this yin alane is puittent here		
for aabodie tae ken aboot him.		
Noo, Thorbjorn was the name o a man		
whoe badd in Saumonreeverdale,		
but up the strath tho neist til Thord		
abuin the ferm caad Goddisteid.		
And here's a thing that isnae twoe,		
altho caad Thorbjorn Dwaiblie, he		
was intil muckle graith at hame,		
a rowthe o gowd an siller intilt;	50	
and he was awfie meikle made		
as weel as bein strenthie wi it.		
Tho aa the commonalitie		
o paer folk were as rowthie as		
the herrin in a skailin creel,		
Thorbjorn kept ilka back-tuith, him,		
an gied nae paer sowl yae bawbee:		
ach, wyssheid makkin for ingyne		
athin the powe maks siller naething.		
Hoskuld, the son o Dalakoll,	60	
was sair puit oot wi's hoose and haud		
an thocht tae tak a luk aroon		
tae see the whit was whaat ayont		
the swaw; an sae he bocht a ship		
fae yin that was a Shetland man.		
It lay at Blandamooth, doon-reever,		
that Sodor folk caa Inverblanda		
an Scots folk furder aestlins wy		
are lyke tae say is Aberblanda.		
Whiteever, makkin guid the graith	70	
that foonds a ship upon the watter,		
he telt aa folk he was for aff		
as straucht as intil mornin sun		
abuin the ruid upon the swaw,		
and aff he gaed, leavin his wyfe		
Jorunn tae tent his hoose an bairns.		
Til Norowaa then, Norowaa		
acorss the faem til Norowaa,		
wi dauphins on the aither bowe		
squeechlin Come catch me gin ye can,	80	
soothwartlie they made Hordaland,		
the better kent for mairket-toon		
the thareaboots as Bergen noo.		

Hoskuld laid up his ship an gaed amang his monie kinsfolk thare (the saga daesnae gie them names), but didnae gang tae see Keeng Hakon whoese saet was ower bi Oslofrith, for sic a waalcome Hoskuld haed as gart him feel he was as snode as hame fornent his inglesyde.

Thon winter ower in Norowaa gaed bye athooten sturt an steer.

#### Chaipter XII

### Hoo Hoskuld bocht a Bonds-wumman

Come aer-on suimmer, clash cam on lik "Wheesht, I'm tellin ye!" that Hakon the keeng haed sailit aestwart airt wi aa his ships tae mak a tryst at Brenn Ysles for tae puit his merk upon the saucht ower aa his laund, for as was laid doon in the law lik here-it-is-for-luft-it-up, he haed tae dae't the ilk thrid suimmer. Amang highheidyins aa aroon, colloguin was lik creesh ableeze upon a fyre tae mak a gleed wuid let folk see tae mak aa richt was wrang afore, an gie thae yins were wrangouslyke sair paiks tae thole, as is the wy o keengs that mak the laws for commonalities as weel as maitters aa anent haill kintries sic as Norowaa an Sweden tae as weel as Denmerk. Aabodie gaed til sic a splore, for it was lyke an ongaun ceilidh that pleesured tyme itsel tae byde wi bodies fae as faur awo as yonner isnae that nearhaun, as weel as bodies roon the doores as nearhaund as no yonner faur. Hoskuld ran oot his bonnie boat upon a watter chirrickie as chunnerin alang the strakes as tho she were, lik Hoskuld tae, gy greininlyke tae see Brenn Ysles, because, as you'll can aa jalouse, he haednae been tae see his keeng, the lyke o laggard laird was he whoe'd sat fornent his winter ingle wi lazie tartan cleedin legs.

Forbye, thare was a fair tae see wi monie ferlies ben its bothies;

30

10

40 an sic a getherin o folk ye wuidnae see the lyke at hame; an sic a lauchin, sic a taer ye neever see among the dooce; folk on the ran-dan tae, an gemmes fae aa the airts ye haednae kent, ay, thare were things tae see an dae are neever seen or duin at hame! Apairt fae thae things, naething ither as muckle as clash on aboot, taen place thare efter that, but Hoskuld 50 met monie o his ither kinsfolk come up north aa the wy fae Denmerk. Yae day, the neebor o the lave o days the tyme o year puits on for bonniness or common cleedin, Hoskuld gaed oot wi ither men tae tak a turn aroon the bothies an speir whit ploys were thare tae pree, an saw ayont the-tither bothies a brawlik tent o guidlie claith. 60 Up til the tent gaed Hoskuld then, and ben the faulds as galluslie as let-me-see-whit-is-tae-see. an thare fornent him sat a bodie as weel-puit-on as siller made it, upon his heid a bunnet, furrie as eever saw the Rooshian steppes. Whuin Hoskuld speired the bodie's name, the furrie-heidit yin said: "Gilli, but monie caa til myn the man 70 I am yince hearin byname; I am caad Gilli-the-Rooshian." Hoskuld said he haed heard hear-tell o sic a bodie, and he thocht he was the waalthiest o men belangin til the chapman chiels and he gaed on: "I'm shair ye hae the things tae sell that we wuid coff." Then Gilli speired at him the whit 80 he and his companie micht waant, and Hoskuld said that he hissel

wuid lyke tae see gin he cuid coff yin whoe was yae bondswummanbodie, that is, gin he haed yin tae sell.	Th
Gilli gied aunswer: "I am thinkin ye set me up lik onie stookie tae plap at me wi dollie-shots in speirin at me gin I hae whit you micht think I daenae hae, but daenae be sae shair I daenae."	90
Hoskuld then saw that richt athorte the bothie thare was drawn a pand, an ginn thon pand was luftit up bi Gilli, Hoskuld saw thare were twal wemenbodies saetit yont it.	
"Gang ben an tak a keek," said Gilli, tho mynd ye, it's no taste an try afore ye buy, as some folk say as tho a wummanbodie were nae mair nor kitchen for tae pree; then haein lukit, chaise yer chyce an we'll be thranglik at the niffer."	100
Juist that did Hoskuld, aa the wemen thegither saetit ben the bothie for him tae chaise the chycest yin, but he taen in the mair nor thaem, for thare was yae yin wasnae twoe but aa hersel lik no the yin amang thae ither common wemen, an she was saetit at the pand owerbye fae aa thae wemenbodies: her claes made-nane the best o her.	110
As faur as he cuid see, tho, Hoskuld thocht she was bonnie in ahint the claes, thon wy the orrie wummanbodie is as byordnar oniegaets as natur's ainsel left alane.	
Said he, a trimmle in his spreit in case he tyne her at the niffer, "Hoo muckle is it that ye waant for that yin sittin bi hersel?"	120
Gilli gied aunswer: "Siller bits	

"Ye're haein me on, man," Hoskuld said,		
wi sic a chairge for this bondswumman,		
for that's the whit micht weel be gien		
for three the lyke o sic a bodie,		
an that wuid be enyeuch as mair	130	
wuid be that bit ower muckle, lyke."		
Gilli gied aunswer yince again		
wi truith athin his speak as swaet		
as hinnie ben a gairie's byke,		
"Ye're richt, but she is lyke thon gem		
that's caad a pearl bi Scottish folk		
an fund athin thur Reever Tay,		
sae you'll can ken, gif think aroond it,		
she's waarth the mair nor aa the lave.		
Chaise onie o the eleeven ithers	140	
an gie me juist yae siller merk		
as lang's ye leave this yin for me."		
Said Hoskuld then, "I'll hae tae see		
hoo muckle siller's in the sporran		
here hingin on ma belt; get you		
yer scales made ruidie as I pree		
the whitlik siller's in ma aucht."		
Then Gilli said, "As faur as I		
am intil this athoot decaet,	1.50	
Hoskuld, I hae tae tell ye this:	150	
aathing anent this wummanbodie		
is no as straucht furst as plain sailin		
is race along afore the wuin,		
an thare is yae thing you suid ken		
afore the niffer back an furrit		

"An whit wuid that be?" Hoskuld speired, puit aff a weething, tho no baet, nae mair nor saumon yince cawed back whuin lowpin up a watterfaa.

the weibauk wechts as yin, twoe, three,

as muckle as is juist enyeuch as cannie weel be onie mair."

Gilli gied aunswer: "She is dumb as cannae dae the mair avaa nor gaup an gant - no even mant altho it's I hae duin ma best

lik tack aboot fornent a wuin."

160

tae gar her speak at laest enyeuch as let us hear the bodie's name: but no the yae wurd, no enyeuch as let us hear her say 'Guid morn.' She cannae speak at aa, at aa.	The Lax
Nae mair adae nor no dae-'t-nane, said Hoskuld then, "Bring oot yer scales, an let us ken gif wecht o siller that I hae ben this sporran here is waarth this bonnie wumman's wecht." As swythe as on-wi't naething sweir, Gilli gart weibauk ryse an faa wi siller yae wy, wecht the neist as read the siller yin, twoe, three, the juist enyeuch as nane-the-mair.	170
Said Hoskuld then: "The maitter stauns lik nae mair teeter-totterin, but furrit thru a guidlie rin efter the waarslin pech an pant o saumon ower a watterfaa. Naw, no a differ in the niffer, as folk micht say gif sae they thocht it: you tak ma siller for yersel an that will mynd ye aye o me as I will tak her for ma ain	180
<ul> <li>as I will tak her for ma and tae caa til mynd yersel for aye.</li> <li>I'll tell ye this that you can tell til aabodie will hear it said, as honest you, sae I believe ye're no at cheatrie in the laest."</li> <li>Hoskuld then gaed til his ain bothie wi thon bondswumman bonnilyke, an that same nicht he beddit her</li> </ul>	190
as tho upon a waddin-nicht; an ginn the morra morn was licht as no lang efter dawin-tyme, he said til her for pleesure gien as muckle as for pleesure giein, "Thae claes the waalthie Gilli gied ye are no the lyke I lyke upon ye, tho true enyeuch as tell nae lee, it's easier for me tae cleed the yin lik you nor for thon chiel tae cleed a dizzen wemen brawlie: ay, tell nae lee, it's true enyeuch."	200

Sae tuimmin oot a kist o claes, Hoskuld gied her some brawlik gouns, and aabodie that saw her cled lik that, as fyne as onie braw, were heard tae say she lukit lyke the bonniest in aa the airts.	210
Weel, no lang efter that, highheidyins thocht they haed coonselled lang enyeuch, wi aa things duin as law said dae, and aa wurds said lik say-nae-mair, sae aa colloguin was puit bye til suimmer three timms come again, and aa folk ruidie for the aff.	220
An tyme an bye the tyme anaa, Hoskuld gaed roon tae see Keeng Hakon, an spak the keeng as wurthilie as yin whoe micht be nane-the-waur for listenin til Hoskuld's speil as Hoskuld his ainsel, ye ken, was nane-the-better for no caain afore the-noo tae see the keeng.	230
Hakon lukt at him, something juist the thocht the skellielyke at that, an said, athoot a snirtle, mynd: "Hoskuld, we're takkin gyan kynlie til your bit speil, altho I tell ye that needs the tellin nane, I'm thinkin, ye micht hae come afore the-noo tae gie us sic a brawlik speak, but aer or late wi't, I'm for thinkin it's I maun thank ye awfie kynlie."	240

### Chaipter XIII

# Hoskuld gangs hame til Yceland, AD 948 And efter that, the keeng becam as pack wi Hoskuld as gy thick, lik neebors roon the doores thegither, an speired at him gin he wuid come aboard Keeng Hakon's ain guid ship, sayin wi't "...and you be wi us lang as you micht byde in Norowaa." Hoskuld gied aunswer: "I maun thank ye awfie kynlie, but this suimmer, as you'll can ken, it's I hae been 10 as thrangitie as midgie thingies aroon the lugs in suimmer eenins, an by-the-bye that's noo fornent ye, that is the whye I was sae late in comein for tae see ye. I was efter seekin oot hoose-timmer tae bigg a better hoose at hame." Hakon then telt him for tae bring his ain ship til the Wick, and Hoskuld badd wi the dacent keeng for sometimm. 20 As faur as thon hoose-timmer gaed - an that was no as faur as Hoskuld haed muckle ettlement anent it -Keeng Hakon, as dacentlyke again as dae his devoirs for his freens, saw til't thare was a rowthie lade o brodes o aa kyns gien til Hoskuld as gart his ship ligg laichlie doon athin the watters o the Wick. Noo aa was tiddlie as made snode 30 as in fair tid the bonnie boat, the keeng then made this speil til Hoskuld: "Byde here as lang's ye lyke, or gang the yonner swythe as oar an sail can tak ye til yer waastren airt, tho gin ye gang as smertlik as the wyss wurd says a gaun fuit is aye gettin, mynd ye whit we say, that we'll no finnd a guidlie chiel the lyke o you tae tak yer place." 40

And Hakon said or Hoskuld gaed, "As honourable sowl I fund ye, I tak a sair bit thocht the-noo that gars me ken that you are sailin the hinmaist tyme fae Norowaa the-tyme I'm ringin ower this laund."	
An sayin that, that was lik said the yince is said for aye and on, the keeng poued aff fae his ain airm yae gowden gaud, wecht yae haill merk, tae gie til Hoskuld as a gift, then gied him for anither gift as tho the furst were no enyeuch, a guidlie sworde for him tae weare, wi hauf a merk o gowd upon it tae busk it brawlik gauderin sae fairlie ferlie was thon blade.	50
Said Hoskuld til his ain liege-lorde, "I thank ye awfie kynlie, sur, no juist for thae twoe bonnie gauds but for the honour duin til me as yin fae yonner waast ower sae whuin here in your ain Norowaa."	60
Twoe-sixin then for heave and haul the pooer ahint the airms an shoothers, Hoskuld and aa his sailorbodies puit oot til sae and ootwarts ben the sun ruid-waasterin the swaw yae muckle ruid baa ower the watters, an wi yae fair wuin in ahint that garred them scud alang lik stoor, saw northwartlie the soothairt shore o Yceland for a kent laundfaa, wi dauphins on the aither bowe wi <i>Here they are fae whoere they gaed til,</i> <i>back hame again the betterlyke</i> <i>for haein gane awo fae here.</i>	70
<ul> <li>Syne furder waast an bye Reekness lik <u>Luk ower thare, d'ye myn the day</u>?</li> <li>Then Snawfellness an starboard bowe lik <u>See It thare, we're nearlie hame</u>!</li> <li>Syne ben the Braidfrith, furder ben lik <u>Here, noo, Saumonreevermooth</u>!</li> </ul>	80

Hoskuld taen aathing fae his ship an beached it somewy up the reever: he biggit up a shed tae haud it - the lairach o it on the grun may still be seen whoere it was biggit.	
Thare he set up some bothies tae, the place the folk caa Bothiedale.	90
Nae boather noo avaa, the wark o cairtin hame the timmer lade, for hame was no that faur awo; Hoskuld, wi twoe-three men alang, rade hame , jocose as waarmlie waalcome, as was tae be expeckit, lyke.	
Hoskuld fund aathing in his aucht at hame was gyan dacent keepit, but Jorunn haed anither thocht nor bits an babs o hamelie graith, an sae she up an speired at Hoskuld, "Whoe is that wummanbodie cam wi you an no wi onie ither?"	100
He gied this aunswer til his wyfe: "Ye micht think that I gird at ye gin I maun say I daenae ken the name she haes at hame, nae mair nor dae I ken the place she cam fae."	
<ul> <li>Said Jorunn then, lik tak it furder is no tae leave it as it is for saucht, but eggin on for anger is ben ower muckle switheratioun,</li> <li>"Thare are a yin or twoe things shair that cannae be the hauf o aither: the clash o heard tell roond aboot is aither lyke a lee for lood, or else ye maun hae spakken til her</li> </ul>	110
as muckle's garred ye speir the name she haes at hame, an whoere she badd in kintrie hauds her hoose at hame."	120
"I gainsay that the-nane," said Hoskuld, then telt her aa the truith ot, lyke the lee no lood atween the lips, an puit his ettlement fornent her	

1ik here it is whitlyke it luks, an that was that the wummanbodie suid be the-nane avaa sair duin til, an by-the-bye that unnerscarts whit suid hae first been said, she was tae byde inwith the hoose in saervice.	130
Said Jorunn - for she haed tae say the whit she thocht anent his ploy, an mibbe wuid been fasht the less gif she haed kept hersel mim-moued - "I'm no for castin-oot wi her, this mistress brocht fae Norowaa suid she finnd-nane a pleesure bydein wi me athin yer hoose, an laest o aa that aiblins is the maist ot aa, it's I that wuidnae think ot gif she is deif as weel as dumb."	140
Efter his comein hame, Hoskuld slep wi his wyfe the ilka nicht, and haed as little enyeuch tae say til thon paer sowl bondswummanbodie as nocht is roond as bosse ben naething.	
But aabodie aboot the place saw cleirlie, as nae caunnle needit athin the licht o suimmer-dim, that thon bondswumman haed a something athin her, no the maik o nithin, that spak athooten wurd she was heech-born in thon wy that she stuid lik straucht bous-nane, and in thon wy her walk was lythesome as a cheetie, and ower abuin the bonnie aathing the wummanbodie was, she was nae fuil, as aabodie was shair.	150
The something that the wumman haed becam a bairn wi bellowses that telt the wurld the whoere he was was gaun tae be whoere folk wuid ken him, as he gied purr til't late that winter.	160
Hoskuld was telt ot, and he saw as ither bodies did, and as they thocht, sae Hoskuld thocht anaa, that neever was a guidlier,	

nane nobler-lukin nor the laud,	Ine
an neever was a seemlier,	
nane heechbornlyke as this bit laud.	170
Folk speird at Hoskuld: whitten name	
was waarth the puitten on this lauddie	
tae haud him heech abuin the lave	
as he wuid haud the name abuin?	
"Olaf," said Hoskuld, for a myndin	
o thon yin Olaf Feilan deid	
the no that lang afore: thon man	
haed been Hoskuld's dear mither's brither.	
As faur abuin the ither childer	
as neever laich fornent them aither,	180
this lauddie gied as muckle blytheheid	
as taen the meikle luve fae Hoskuld.	
Come suimmer, Jorunn said, "That wumman	
will hae tae dae some wark or ither,	
or else gang yonner that is faur	
as ithergaets no in ma sicht."	
But Hoskuld said the wummanbodie	
suid dae sic devoirs ben the hoose	
as wait on him and Jorunn tae	
as weel as takkin best o tent	190
o his by-blaw, the lauddie Olaf.	
As young as twoe-year auld is no	
that faur fae bein juist a waen,	
Olaf was yatterin awo	
as tho the wurds were sang or storie,	
an ran aboot wi ithers aulder	
bi twoe-three year upon thur kennin	
that made the naething o a differ.	
Aer-on yae suimmer mornin, as	
Hoskuid gaed roond aboot his ferm	200
tae pree the grund an whit was growein	
an see the baess athin the parks,	
the waather was as fyne as kittle	
the spreit wi pleesure for the mornin,	
the sun no heech yit in the luft	
but waarm as dicht awo the dew,	
he heard a speak was quaet as kynlie a weething yont the place he stuid.	
a weening you me place he stude.	

He gaed doon whoere a burn was rowein

	• 1 0	The Laxdale Saga
amang the parks upon the mains somewy alow a srnaa bit brae, an thare he saw and heard twoe folk he kent as weel the baith his ain; yin was son Olaf, listenin til whit his mither haed tae say, for she was yatterin awo as tho the wurds were singin ballats: ay, doot nae doots, nae doot aboot it, In talkin til thon lauddie, Olaf,	210	
she fairlie gied her speilin purr.	220	
Tho hauf puit-oot tae hear her speak, Hoskuld was that bit fair taen-on wi soond o wurds ilk stoond in haerns, that he gaed doon til her an speired her gien-name, sayin it was yuissless tae hyde her true sel ben a lee.		
She said, "Och ay, that's true enyeuch, for fauseness bydes in hiddlins aye because it is a feartie lyke the cooard dernin ben the saul," an sae sat doon upon the brae athin the hame-park gerss tae talk at last aboot thur talk-aboots.	230	
"Weel, gin ye waant tae ken ma name," s'she, "at hame I'm caad Melkorka on Sundays as on ither days."		
<ul><li>Whuin Hoskuld speired anent her kin,</li><li>she said, "Ma faither, whoe's a keeng</li><li>in Yreland sittin, haes the name</li><li>Myr Kjartan: an whuin I was juist</li><li>the fifteen winter auld as cauld,</li><li>I was taen preisoner o weire."</li></ul>	240	
Hoskuld said she haed kep ower quaet the faur ower lang for yin her lyke, whoe yince haed bidd an yit wuid byde amang highheidyins lyke hersel.		
And efter that, Hoskuld gaed hame lik yin wi storie for tae tell fair stappit wi the orrie speak, but whuin he telt his wyfie, Jorunn, the whit he'd fund athin the park	250	

whuin he was takkin his bit daunner,	170
she said gin aa the snaws were haws	
we'd neever see a winter come,	
an that was lyke the wunnerment	
she haed anent the Yrish quyne:	
an that was that, lik say nae mair	
is haud-the-wheesht in case o differ.	
Jorunn, as weel set in her place	
as plankit doon fornent the fyre	260
in lazie-tartan waather, puit	
the nae mair kyndness on the quyne	
nor she haed duin afore, in fac	
thon wyfe said naither eechie nor ochie	
anent the bonnie bondswumman	
Hoskuld haed bocht in Norowaa,	
nae mair nor did the quaetlik bodie	
say ocht anent the Jorunn wyfie,	
tho as you'll aa can ken, ay, mowt	
cuid she the yae wy or the-tither	270
nae maitter whit she micht hae thocht:	
but Hoskuld haed the kynder wurd	
for her whoe was his Olaf's mither.	
But byde a wee, lik haud the wheesht	
is mowt-the-nane until ye hear	
the whit it was cam efter that	
lik mibbes whit ye wuid expeck,	
yae nicht whuin Jorunn made for bed	
in mood for neither slaep nor dover,	
Melkorka was undressin her	280
an puit her shoon upon the flaer	200
whuin Jorunn taen the stockins aff her	
an skelpt her wi them roon the lugs.	
an skelpt her withen toon the tugs.	
Melkorka got her Yrish up	
that neever is faur doon at that,	
an wi a nieve o hardie knuckles	
she beltit Jorunn on the neb	
wi stoond that gart the bluid rowe doon.	
e e e e e e e e e e e e e e e e e e e	
Hoskuld cam ben thon flytin chaumer,	
his eenin quaet fair deeved wi soond	290
o skellochin an lood stramash,	
an claucht the yin awo fae tither	
tae keep the hair upon thur heids.	

And efter that, for paece at hame

lik quaet aroon the ingle-end, he let Melkorka gang awo an made a place for her tae byde in saucht o mynd an bodie baith athin the Saumonreeverdale, thon place that later on was caad Melkorkasteid for memorie that myns whit folk recaa for truith sae skalds can sing nae lees anent it: sad, sad the day, lik sangs nae mair, Melkorkasteid's noo grallocht grun soothairtit on the Saumonreever. Hoskuld did weel enveuch for her an gied her aathing til her hauns tae mak her bien as gyan snode, thon Yrish bodie that she was ay, as the saw says, she was Yrish as aa the pigs o Dochertie, but no lik thaem, she was as bonnie as suimmer roon the faerie ysles in thae blue watters o Lough Erne, as Yrish folk thursels micht say gif sae they thocht tae say the saw. Olaf, her son, Hoskuld's by-blaw, gaed wi his bonnie Yrish mither, an suin enyeuch, as no lang efter is wunner whoere the days hae gane, folk saw the cullan growein up was faur ayont the-tither men for fairheid lyke Hy, luk at him, an guidlie mainners lyke See yon.

300

310

Chaipter XIV

#### The Murder o Hall, Ingjald's Brither.

Noo, Ingjald was the name o a man. He badd in Sheep Ysles that are thonner oot-liggin ben the Braidfrith airt.

Ingjald was caad the Sheep Ysles Praest, a waarthie chiel, an furrit wi it thon wy he stuid abuin the lave och, wyssness ben the heid ingyne is yont aa siller ben the pootsh.

Hall was the name o Ingjald's brither, a meikle cullan wi the makkins athin him o a man o micht, but for aa that, and *aa that* leaves

as little as can maitter ochtlins, thare wasnae muckle gaun for him, folk thinkin thare was nithin til him.

The brithers didnae puhll thegither, for Ingjald thocht Hall didnae puit his best fuit furrit tae stravaig, and Hall thocht Ingjald suid hae gien him the sic a punt as puit him furrit.

Thare was a fishin place in Braidfrith caad Bjorn Ysles, monie peerie yslands amang them liggin aathegither, wi monie fishes in amang them, the fishin thare for aa the wurld lik pickin siller pieces up.

At that timm, monie men gaed thare for fishin, for as aabodie can tell ye, fishermen gang gyte as gannets gif the fish are rowthie, sae aa year lang, as you may guess, thare were as monie men in boats as fish athin the watter soomin.

Wyss bodies set great store bi folk bydein in saucht on fishin-gruns, sayin it wuid be gy waanchauncie for fishin gin they aye were castin as muckle as aye castin-oot, 10

20

an maist men did tak tent o that.

The tale that's telt yince telt for aye lik coont the wurds tae tell the truith ot, as coont the soonds athin a sang tae sooch the melodie an meanin, is this, that yince athin a suimmer that was a tyme lik merk it doon, Hall, brither o Ingjald-the-Praest, cam til the Bjorn Ysles for the fishin that merkit tyme athin a place.	40
Hall taen his ain place ben a boat, a smaa bit faering o a boat, wi yin caad Thorolf for a neebor whoe was a Braidfrith man hissel, tho aften gaun aboot the lyke o tinklerbodie aa the airts, but wi it, licht upon the fuit as swythe as swither-nane at that.	50
Noo, Hall was thare an thareaboots as lang as gart the fuhlla think he kent the whit was whaat as weel as whye whyles whitforno anent the fishin o the frith, in fac, the better nor the ither chiels.	60
Ach, thare are folk that hae the een tae see the whit they read, but haenae the lugs tae hear the soond o whit is read tae soople up the craichle ingyne can mak athin the haerns in soochin soond o ballat-singers.	
Yae gloamin, ginn this Hall an Thorolf cam back an grundit on the straund tae divvie-up the catch o fish, Hall taen a thocht as stuipitlyke as aff-the-heid stramullyochlyke, that he hissel wuid no juist chaise the chycest o the fish tae creel but divvie thaem hissel anaa tae tak the best as weel's the maist: ye ken, he thocht the mair the man hissel, the mair the fishes for him.	70
Thorolf, as swither-nane as swythe,	80

		Th
wuid hae the-nane ot, sweir-the-nane		
tae tell Hall whit he thocht aboot it		
til baith were gyan angersome,		
takkin nae tent o tither's thocht,		
but makkin muckle o the speak.		
Sae yokit-on bi Thorolf's wurds		
he kent-the-nane the whit he did,		
Hall puit his haund upon an aix		
(tho some folk say it was a leister)		
was faur ower haundie til his nieve,	90	
and ettled for tae cast the waepon		
at Thorolf's heid (tho ithers say		
tae caw it Thorolf's heid ootthru)		
but ither menfolk breenged atween		
an stoppit Hall, tho juist in tyme:		
gyte gane as gy near losst-the-place,		
Hall coodnae dae ocht mair aboot it.		
The fish were left dividdent-nane,		
an then, as Thorolf shote-the-craw		
that eenin, Hall taen aa the catch	100	
because he thocht he bore-the-gree.	100	
Anither haun was no a fuit		
in Thorolf's place athin the faering,		
and Hall gaed fishin yince again.		
Puit-ootent wi his lote as no		
inwith a betterment o myn,		
Thorolf felt he was inbye shame		
mair lyke a sklander on his kyn		
because o whit the Hall haed duin,	110	
yit badd he in the yslands, ettlin	110	
tae sowther Hall for garrin him bou laich as doon alow the lave		
as tho his will the laichest o them.		
as the first will the fatchest o them.		
The Hall yin, tho, was skowthielyke		
as feart-the-nane o skaith avaa,		
an thocht that no the yin wuid daur		
in his ain airt tae meddle wi him.		
Yae day fair-waatherin the wuin		
upon a wheesht, thare on a faering		
upon the watters o the frith,	120	
Hall oared athooten pech or pant		
wi twoe new neebors, for the darg		

o wark wuid see the fish in creels. The fish were bytin, no juist pookin aa thru the day, lik guts the bait as tho the hinmaist day for aetin, and as the men oared hame ginn gloamin, the ilka chiel was mirrie as anither siccan day tae come. As watch an ward is eagle ee 130 on ilka baest upon the strath, sae Thorolf played the ploy on Hall upon the watter o the frith, an kept in dern upon the straund whuin Hall brocht in his fishin-boat. Hall, oarin at the fish-howff foredeck, lowpt ower the syde tae stuidie her as she was grundit on the straund, and as he lowpit, Thorolf strak a blade upon his hause abuin 140 the shoother, strak him thru wi sic a cloore as cawed the heid cleir aff his bodie lyke a baa. Thorolf then shote-the-craw lik stoor that coodnae catch him up tae clart him, the-tyme that aa the Hall yin's feires were thrangitie as hurrie-burrie aroond his corp a waste o tyme, wi him duin doon lik get up nane. The clash anent Hall's murderin 150 was telt fae ysle til ysle, as swythe as flicht o burds abuin the watter: an unco thing, thocht aabodie, for wasnae Hall o dacent birth, tho that was naither here nor thonner for yin waanchauncie as hissel. Efter his daein whit he'd duin that wuidnae mend the doom intilt, Thorolf taen aff lik baet the burds, for he was gy weel shair thare was 160 naebodie whoe wuid keep him lown amang the lave o ysland folk, as naebodie the roondaboot

was kin that kent him for hissel

nae mair nor kent him for his faither.	The Lana
An certain shair as gy weel ken it, athin that airt were monie folk no sweir tae puit the hems on Thorolf, the ilk a man o meikle pooer lik Ingjald, Sheep Ysles Praest, an brither til yon yin Hall the murdert chiel.	170
As daurk in dern as heid doon laich as see the naeyin, nane see him, Thorolf was ferried ower the frith tae mak the mainlaund in sic hiddlins that nane haes heard tell hoo he gaed nor seen the orrie wy he cam.	
No yae smaa cheep tells o his traik until yae nicht he cam as quaet til Goddisteid as onie scadda atween muinlicht an leerie-licht.	180
Here Vigdis, wyfie til Thord Goddi, an kin til Thorolf, or, some say, (folk no here noo tae tell the storie) mair kinnafa lik faur-oot cuizzin, an that was whye he cam til her, altho, as ithers say whoe arenae here nooadays tae tell us, Thorolf gaed thare til Vigdis, kennin fyne that she cuid weare the troosers, hauf the man again nor Thord her man: she was yae wyfe o stoot courage.	190
As richt awo as daenae byde in case the morra mak a differ, that nicht then Thorolf spak his speil anent the whit was whye he cam an whye he'd duin the whit he did that gart him speir for help fae Vigdis.	
Vigdis gied aunswer til his speil: "I ken that you're a freend o myne as closse as near enyeuch ma kin as no say naw til that, nor naw til thinkin you are nane-the-waur for daein whit ye did. Yit luk at it this wy that I am speakin, an no the yon wy ithers micht,	200

62

and you will ken that folk that beild ye will puit thur aathing, lyfe an means, upon the chaunce lik puit-an-tak-it; an mynd anaa the muckle men amang yer faes ye may be shair will tak bluidwyte in graith an bluid, or lyke enyeuch in baith o thaem."	т 210
Then she gaed on tae say as muckle as mak the maist o need tae sayt, "Thon Thord, ma man," s'she, "is naething ye'd caa the lyke o bonnie fechter; an still-an-aa, tho wemen talk wi's guid a coonsel as maist men, whyles thare's a thochtiness lik sweirt tae mak a kirk ot or a mill ot: sae I am laith as poued the yae wy as I am sweirt as puhshed the-tither tae see ye duin for doom because ye cam tae gar a wumman help ye sin no yae man daured succour ye."	220
Wi that, she taen him til a bothie an telt him thare tae byde for her, then puit a sneck upon the door.	
<ul><li>Til Thord she gaed then, an she said,</li><li>"We hae a man here as a guest.</li><li>His name is Thorolf, and he is <ul><li>a faur-oot cuizzin, kinna thing.</li><li>I'm thinkin he'll byde here a whyle,</li><li>a gy lang whyle, gin you alloo it."</li></ul></li></ul>	230
Thord said he coodnae dae avaa wi bodies fae the here and yonner comein lik <i>Here I am tae stye</i> , syne gangin on lik <i>I'm for aff</i> as tho he ran a ludgein-hoose, but telt her, aa the same, tae let her cuizzin byde the nicht and ower the neist day gin in tribble nane, but gin he was in tribble - <i>Aff</i> , lik caw the stoor aboot his feet!	240
Vigdis gied aunswer lyke <i>Here'tis,</i> sae haud yer wheesht anent the maitter, "Areadies I hae gien ma wurd tae let the bodie byde; I cannae	

250 tak back that wurd as tho it were clish-clash around us in the air. mynd-nane that he's been castin-oot wi ither bodies yont awo." An then she telt Thord o the cloore was fell upon the man caad Hall, and hoo the haun that wrocht sic fell was airmit wi the wecht o Thorolf. As capernoitit as capootert wi whit wuid be wuid be adae byordnar as foryet-it-nane, 260 Thord said he kent fou weel enyeuch that was the mair nor certain-shair, that Ingjald wuid be efter him for siller yont the ordinar because areadies they haed gien the Thorolf beild ahint a doore sneckit tae keep the man in hiddlins. Here Vigdis said a ferlie thing ayont the inwit o her man, 270 "Naw, no yae siller bit o yours will lownlie ludge in Ingjald's pootsh for giein Thorolf vae nicht's beild, naw, no the yin; an this for shair that's no the laest o whit I say, Thorolf will byde here winter thru." Thord aunswert her, as fasht wi fear as feart for furder fashin int, "By Sursse, I'm fairlie stymied here, tho I can tell ye, I'm no wi't: it isnae fair that sic a man 280 as Thorolf, thon waanchauncie yin, suid byde here sae waanweirdielyke." But juist the same as maks nae differ, Thorolf was snode thare aa that winter. The kintrie clash anent thir things gaed widdershins aroon the airt lik Dae ye say, an deishilwys lik Sayt again, until in tyme that taks nae tent o clash nor cloore, 290 Ingjald, Hall's brither, heard o it.

Ingjald was intil bluidwyte noo

64

anent the clooterin o Hall, sae made aa ruidie for tae speir athin the Dales come aer-on voar, an sae wi an eleeven crew ran oot a ship upon the watter.		TÌ
They sailit fae the waast afore a nor-waast wuin that drave them on lik whitter-whatter ower the swaw, syne in the hauf-licht o the eenin puit in til Saumonreevermooth.	300	
Thur boat brocht up upon the straund, they airtit on til Goddisteid athin the later eenin licht, and as thur vaigin thare was kent as naething itherwyse expeckit, the folk foregethert wi a dram and <i>Hoo're ye daein? Hoo's it gaun?</i>		
Ingjald taen Thord asyde tae speir a yaething wasnae twoe anent the wy he cam the thareaboots, sayin that he heard tell that Thorolf haed been aboot the place aa winter.	310	
Whit cood Thord say but whit that was nae truith avaa but lee gy lood? An whit cuid Ingjald say but "Thord, lee you nae mair sae lood the lee." Then sayin on, "We're at the niffer: gie up thon Thorolf, caunnie as nae sturt nor steer anent the maitter, for I hae three guid merks o siller will ligg as lown athin yer pootsh will gar me think tae fash me nane anent the fash athin yersel for giein beild til yon yin Thorolf."	320	
Thord thocht thon siller fair enyeuch as in his aucht tae mend the fash, and in especial nane-the-waur for daein awo wi aa the chairges haed been sae muckle dreedour til him that weel micht toomed his ilka pootsh o aa the siller o his ain.	330	

As sae he said, as was his wy

tae play the yae thing gainss the-tither,
"Athooten doot, ay, doot nae doots, ill-wuin'll wyle amang the folk
tae blaw nae guid til me amang
the yins I ken aroon ma doores, but nane the less that's muckle mair,
I'll be the better o the differ."
Wi that, the yin wi inwit cleir as dichtit wi his devoirs duin,
slep lyke a lammie in the fauld, the-tyme the-tither, wi inwit

as clartie as the glaur o cheatrie groolyke upon the saul, juist dovered,

hauf-in, hauf-oot o slaep until

an oor afore the day cuid daw.

### Chaipter XV

### Thorolf shoots-the-craw wi Asgaut-the -Thrall

That mornin, or the daw grew ruid as Hall's bluid yince upon the straund, Ingjald and aa his men gat up, buskin thursels tae meet the morn.

Vigdis noo speired at Thord anent the whit his talk haed been aboot wi Ingjald on the hindernicht.

"Och that!" said Thord, "Och, monie things the naither here nor thonner wechtit, but thare was yae thing in amang them that wasnae twoe nor hauf-a-dizzen, an that was that the fermtoon here wuid be thru-lukit for tae finnd the Thorolf fuhlla; gin he wasnae athin the place, that was the end ot." And he gaed on, "Sae I telt Asgaut, the thrall, tae tak Thorolf awo."

Vigdis said she haed nae mair lykin for leein nor onie kynd o cheatrie, an tho she was the gyan sweirt tae hae this Ingjald sneeflin, snooflin aroond her hoose lik onie messan, still, let him no be baet but dae't.

Then Ingjald gaed aboot the place gif no lik messan snoofle, sneefle, then plowterie as traik-in glaur, but dae the whit he haed tae dae, he didnae finnd the Thorolf thare.

Whuin this was ongaun hauf-stramash and hauf a stuishie mak a splore, back cam the Asgaut thrall, an Vigdis speired at him whoere was Thorolf noo. Asgaut gied aunswer he haed taen him til whoere Thord telt him, thair sheep-bothies.

Vigdis lukt doore an thrawnlik as a messan wurriein a baen, an said, wi angersomeness ryfe as chowe-the-fat wi vengement int, 10

20

		The	Laxdale
"That puits o	or Thorolf ben the airt		
that Ingjald ta	aks whuin gangin back	40	
tae boord h	nis ship the straund doon-bye."		
	-		
An she gae	ed on, lik rummlin roon		
-	ness as caunnilie		
-	tak anither thocht,		
-	ed at hersel, "Were they		
•	eekitlyke as caurrie		
tae mak a plo	y is mair a plot		
tae tak a ha	aud o Thorolf thare?"		
An sae she	said til Asgaut, "Gang		
	ell ye noo, as swythe	50	
-		50	
	tent o tyll an trauchle:		
•	Thorolf faur enyeuch		
	ourns and on til Sheepfell		
tae finnd his	namesake Thorolf Ruidneb,		
an gin ye dae	't as noo ye're telt,		
ve'll get a	yae thing coontit twoe,		
, ,	hing free as air, caad freedom,		
•	something lets ye spend		
• •	s free as air, guid siller:	<u>(</u> )	
wi thaem, gai	ng you the whoere ye will."	60	
"That's fair e	enyeuch for me," said Asgaut,		
	stoor that cannae fyle		
	t fluffit it aroond,		
	ed til thon sheep-bothie		
-	-		
	olf was in hiddlins lyke		
	bon alow the licht		
	folk abraid micht see him;		
an finndin hi	m as laich as lownlik,		
telt Thorolf,	"Up and oot at yince		
afore the hun	t is at yer heels."	70	
Whuin they g	gaed on lik hurrie-burrie		
juist canna	e byde for caw gy caunnie,		
Ingjald rade of	oot fae Goddisteid		
	as in best o tid		
	waarth o siller-niffer		
-	sel and yon yin Thord.		
atween ms	sei and yon ym 1110fd.		
-	-bye fae Thord's fermtoon,		
and onwarts f	til the laich o carse,		
alang the le	enth o reever-syde,		
he saw twoe	bodies comein furrit	80	
	are was naewhoere else tae gang:		

an shair enyeuch as luk again for certaint, yin o thaem was Thorolf, the-tither yin the thrall caad Asgaut.	
This was the mornin aerlie as the daylicht no abuin the fell nor braid upon the laich o grund, an Thorolf wi the Asgaut thrall cuid gang the naither back nor furrit, for on the yae syde Ingjald stuid lik <i>Let me get ma haunds on ye</i> , and on the-tither, Saumon Reever lik <i>Come on ben and hae a soom</i> .	90
The reever was as fou as drumlie, wi yce oot-jaggin fae the banks in meikle dauds baith thick an thin, whyle in the middis o the melt, it rowed, terrificatioun ryfe, a spate o watters melled wi yce, a ferlie thing tae win athorte.	100
Thorolf lukt furrit Ingjald's wy, that was lik gangin intil deid, an lukit ower the cauldrif watters that were lik soom for deid at that, then lukin at the thrall caad Asgaut, he said, "It seems til me we hae a chyce tae tak, dae this or that, the yin, tae staund oor grund an fecht lik deevil tak the yins gang wi us, for it is certain Ingjald's men will gar us gang wi onie thaem; the-tither is tae fecht the watters an dree the weerd o soom or droon."	110
Asgaut agreed the Thorolf wy that whit he did the thrall wuid dae, an Thorolf said for ettlement as swythe as swither-nane avaa, "The reever be it then," an sae it was, thur hivvie claes taen aff, then ower the bankwart yce: yae luk for whoere tae dook, then deidman's plump. By Sursse, they were the hardie chiels, for sploongein thru thon rowein melt,	120

for sploongein thru thon rowein melt, hetbluidlik ben thae cauldrif watters,

they made the-tither syde, an sprauchelt upon the bank-yce thare, then ower.	The Laxdale
Ginn they were ower the watter, drookit as chitterin tae hae a byte, Ingjald and aa his men taen staunce upon the-tither bank fae thaem, and Ingjald said, his fieres amang, "Whit dae ye think, lads? Ower the reever as thae twoe did?" His men gied-nane the aunswer, speirin at the Praest that he suid mak the chyce for thaem as for hissel, altho they thocht	130
the reever no the wy tae gang.	
Ingjald said, "Ay, lads, naw, nae wy tae gang avaa that reever thare, sae we sall turn awo fae that."	140
Whuin Thorolf an thrall Asgaut saw that Ingjald and his sweertie fieres haed naither pech nor pith tae soom athorte the reever lyke thursels, they thocht thursels the nae smaa drink,	
as furst they wrang thur sploongein claes, then puit them on again an lowpit tae gar the bluid no coorie doon but up an rin fae heid til fuit	
as het as on a suimmer's day: an sae thae twoe gy hardie chiels made ruidie for tae up an gang.	150
They traikit on an better on the haill day thru, til gloamin-faa saw thaem at Sheepfell, waalcome as the onie guest avaa, for thare, fornent the Sheepfell doore, the stane was sklidderie the-nane avaa.	
As richt awo as daenae byde for nicht tae puit the scadda on the face ye puit fornent a freen, thon thrall caad Asgaut gaed tae see Thorolf Ruidneb, an telt him aa thare was tae tell anent his devoir: "Hoo Vigdis, his kinswummanbodie, haed sent his namesake here for help." An gied him siccan tokens Vigdis	160

haed sent for truith ot as fae her.

"Ay, ay," said Thorolf Ruidneb, then, "As richtlie gars me see nae wrang tae dae whit Vigdis waants anent ma namesake, sae I'll gie him help; but this I'll tell ye for tae tell the truith ot lyke nae cairriet storie, I'm shair that Vigdis did her devoirs lik dae the whit maun weel be duin or dae it nocht avaa, but losh, whittan a peetie sic a wumman is mairriet til a sumph lik Thord!"	170
"Asgaut" he said again, "as faur as you're concaernt, byde here as lang as you wuid sup the lavriest o kail, the twoe-or-three-day-auld, or til the humph comes up yer back tae gang an chowe the coode o waalcome some ither gaet or back at hame."	180
"Naw, I maun thank ye awfie kynlie, but I'm for aff," said Asgaut then, because athin his myn thare were a wheen o things he haed tae dae anent the greeance made wi Vigdis.	190
This was the ploy noo: Thorolf Ruidneb taen namesake Thorolf in amang his clannit companie o freens, an baith said fare-ye-weel til Asgaut as best o neebors til him as the morra saw him airtit hamewith.	
But here noo is the speil anent the Ingjald fuhlla was thon Praest that neever haed the muckle guid o sic a sanctitie o mainner.	200
Whuin Thorolf wi the Asgaut thrall haed shote-the-craw athorte the reever, Ingjald gaed back til Goddisteid no stotiouslyke as angersome, but stottin thare no doocelik aither.	
Bi that timm, tho, for fend no bend, some twintie men caad up bi Vigdis	

	The Laxaan
fae aa the fermtoons roond aboot haed gethert thare at Goddisteid.	210
For aa that, yince the Ingjald chiel and aa his men cam ben the yett, he caad the Thord yin til him, sayin, "Ye did the durtie on us, Thord, as cooardlyke as clart the truith sae Thorolf micht gang clean awo."	
Thord said the whit an whye ot aa were ootwith ocht he kent aboot, but syne he kent the mair ot muckle as aa the ploy atween thae twoe was yowled amang the caller air whuin Ingjald said, "Gies back ma siller was gien ye at the nifferin."	220
Vigdis was staunin bye, her haunds upon her hips lik <i>Luk at me</i> , her heid hauf-cockit sydiewys lik <i>Ay</i> , <i>I'm listenin til ye tae</i> , an guid as stuid, she better said, lik <i>Listen you that luk at me</i> , "The baith o ye hae gotten waarth that ilka yin gied til the-tither, an that is naething but sair paiks, sae Thord, haud back his siller nane, for you hae taen't the cooard wy."	230
Thord telt her for tae dae the whit she wuid, for naething else wuid dae her, sae ben the biggin Vigdis gaed lik <i>Kent did she the whit she did</i> , and aipent up Thord's muckle kist: noo, tho the shottle ot was tuim, in hiddlins at the boddom ot, she fund yae heftie purse, a poke she taen ootsyde whoere Ingjald stuid, an telt him, "Here, you, tak yer siller!"	240
<ul> <li>Whuin Ingjald saw thon wechtie poke, his face lit up lik Halloween athin a bairnie's lanthorn neep, an sayin, "Here, gie you it me," his haun gaed oot lik grab for greed.</li> <li>"Ay," Vigdis said, "I'll gie it you,</li> </ul>	250

260
270

fair puittent-oot ower sic a traikin.

### Chaipter XVI

# Thord becomes Olaf's Foster-faither, AD 950

Asgaut cam hame aboot this tyme, an Vigdis gied him waalcome lyke My, gled tae see ye as she speired anent his ither Sheepfell waalcome. He telt her ilka haet, an quotit as plainlie as athooten mant the virrfou wurds o Thorolf Ruidneb anent her devoirs and her man. Vigdis was gyan taen wi that, an said, "Man, Asgaut, you hae duin as weel as faithfoulyke is waarth the wages were ma hecht til you; an no juist that, but muckle mair nor aa the siller in the wurld, yer freedom ben ma hecht anaa; sae you fae this day on may say freeman ve are lik onievin abuin the saut upon the brode, and you sall hae the ilka haet o siller that was pyed til Thord for Thorolf ma ain kinsman's deid. That siller coodnae gang a gaet as guid as Asgaut's gaet will gang." The suimmer neist, Asgaut taen berth at Brekkfastness, an fairlie scuddit afore a wuin haed no the tyme tae tak a blaw, but wheecht the ship athorte the swaw til Norowaa, the dauphins on the aither bowe fair pleased tae see a man lik thaem as free as flee afore the wuin. Sin efter that, til Denmerk, sooth gaed Asgaut for tae saettle thare, yae man that ilka bodie thocht as leal as brave: an gif that's aa the tale can coont o Asgaut's days, fareweel says til him, Gang nane-ill.

But nae fareweel til Vigdis yit: thinkin anent the stuishie wrocht 10

20

40 upon her and her kinsman Thorolf because o thon ill-fuitit niffer atween Thord Goddi and Ingjald, the Sheep Ysles Praest, she hovit-up wi haterent lyke a roch curmurrin athin the haerns wuid leave her nane till she wuid brak the mairriage baun that knottit her til Thord Goddi. And aff gaed she amang her kinsfolk tae tell them aa anent the clash amang the wuins upon the Dales 50 an whit hersel was efter daein. Thord Yeller, tho, was no that pleased, but thare was naething cood be duin tae mak a differ in her ploy. Nae mair nor whit was hers alane that she haed taen til her doon-sittin, did Vigdis tak fae Goddisteid, but Hvamm menfolk said they wuid tak for thair ainsels the hauf o waalth still left ahint at Goddisteid. 60 Heard tell o this athin his lugs lik Deevil tak them, Thord, as feart as Deevil, leave you me alane, rade ower til Hoskuld for tae tell that bodie lyfe was yae sair fecht that gart him be ill-fasht lik this. Sklintin at Thord lik seein him the wy a burd keeks at a wurm afore the jaggin o the bill, Hoskuld said, "Tyme an tyme again 70 lik owercome ben a ballat sung, ye hae been feart as fuishonless, but I can tell ye yae thing noo that's mair lik hauf-a-dizzen weerds, ye neever were the waur nor noo for coorie doon as seen nae mair." At this, that wasnae onie lee, but truith no hinnie on the tongue, Thord said, "Help me as sweirt-the-nane 80 and I sall gie ye siller lyke the hinnie ben a byke o bees."

Lik seein him the wy a burd keeks at a wurm afore it jags it, sae Hoskuld sklintit ower at Thord an said, "It's kent for ordinar amang the folk lik sing a sang, that you are even sweir tae let the sun keek on the yae bawbee afore ye wheech it back athin yer pootsh or ben a laether poke."	90
Forfairn as gy sair duin til, Thord lukt sydiewys hissel as tho thare mibbe was a chiel aboot wuid tak his braith, no juist his siller, an said til Hoskuld, "Thare's a differ the-noo that isnae lyke the wy I was a whylsin back, a differ tae amang the folk aroond, as tho they cannae wait tae see the day will see-me-nane an thaem aa snirtlin."	100
"Forbye," said Thord again, "I taen a thocht the lyke no taen afore bi me. Here'tis. I'd lyke tae puit the ilka haet o aa ma siller, and aa that's in ma aucht for graith, ben your ain hauns tae treisure it as tho it were yer verie ain; an that bein duin lik gy weel duin, then let me foster your son Olaf."	
"And here's the baur athin ma ploy, as I hae naebodie in Yceland tae tak ma waalth whuin I am deid as yont the daumert thocht o eild, the ilka haet ot gangs til Olaf as herried-nane bi freends o Vigdis." Ay, as the saw says, shair it taks	110
aa sortes tae mak a wurld o folk. Hoskuld puit greeance on the ploy bi witnesses whoe heard the wurds as soonds they kent for truith tae tell lik scrape an scart o fedder pens tae mak the soonds o wurds lik truith. Ay, ay, tho, as the saw micht say	120

gif gien the tyme tae think o it, it taks aa sortes o ither folk far tae unmak a wurld o man.	The L
And as is fairlie said no fause but true as tyme haes seen ilk yin, the folk that mak a wurld are aa the yin-waan lyke the six that are the same as hauf-a-dizzen o them.	130
Melkorka, yon yin Yrish as the grumphies o the Dochertie, an bonnie as the suimmer roon the faerie ysles in watters blue as luft abuin the faur Lough Erne, was fair puit-oot wi this as lyke in waanhowp for tae sklim the waas.	
"Forbye," s'she, "as I am Yrish as dochter o a keeng anaa, thon Thord yin is ower laich a chiel for Olaf, graunson o a keeng tae be brocht up wi. It's no fair!"	140
"Think you the-nane lik that," said Hoskuld, for Thord is growein gyan auld as aiblins no that lang tae leeve, and haein no yae bairn hissel, is gled tae see his siller gang nae gaet but Olaf's wy stravaigin: as I masel an gaun tae see til't thon siller's ben nae ither pootsh nor Olaf's for the spendin ot."	150
"An mynd ye, hen," said Hoskuld til her, "it's no lyke he's awo for guid that lyke or no micht mak him ill as no the faur fae gy no-weel; and you yersel, lik naebdie else til him, can tak a daunner whyles an speir, <i>Son, are ye daein fyne?</i> "	
Wi that Thord taen young Olaf wi him, the bairn years seeven, ilk yin better tae mak an mend his ward at will wuid see hissel the better for it, sae Olaf til him sin becam his treisure faur abuin his siller.	160

Whuin aa this was lik clash-the-air amang the wuins upon the Dales, the bodies wi the law ahint them that thocht Thord's siller up for grabs, thocht noo nae noo wuid eever be the tyme o day tae bear-the-gree.	170
And Hoskuld, fly as mibbe thocht that he cuid walk upon the ceilin, sent gifties sae Thord Yeller saw him as no sae bad is gyan guid, an taen the pynt lik merk in mynd as Hoskuld said, tae tak the rue as no that angersome anent the fac nocht in the law wuid gie them the yae bawbee fae thon Thord siller; and in especial as nae chairge was brocht on Thord bi his wyfe Vigdis because hersel haed shote-the-craw whuin she micht weel hae bidd at hame.	180
"An furdermair that mibbe is as muckle as the nanetheless," said Hoskuld, "Thord is nane-the-waur a man for lukin roon for coonsel tae redd hissel o sic a chiel puit on til him for byte an sup, a man that was beset wi guilt as buss o juiniper wi jags."	190
Whuin thon Thord Yeller heard thae wurds lik soond o truith can tell nae lee, an wi them aa thae meikle gifties, garred him see Hoskuld lyke hissel, then yon yin thocht that aathing was lik no sae bad is gyan guid, an said the siller was as safe as tho it were in his ain haund: anent the giftie tae he said, "It's I maun thank ye awfie kynlie."	200
Mynd you, gin aa was quaetlik as <i>Wheesht, daenae mak a claitter</i> , freenship atween thae twoe was no as waarm as kep the skin fae bein cauld whuin shakkin haunds in suimmertyme.	

As tyme, that taks nae tent o folk, gaed on lik Daenae boather me, the folk thursels taen tent o tyme 210 that saw the Olaf laud growe up as daein gyan weel wi Thord, an syne he was a man as tall as trig wi shoothers braid an square. He was sae braw an strappinlyke, his marra neever neebored him, and even as a twal-year-auld, whuin he rade oot wi ither folk tae gang til Althing for colloguin, the men in aa the airts aroon 220 thocht sic a traik was weel waarthwhyle gif juist tae see thon brawlik cullan. In keepin wi the siccan mainner, his weire-graith and his cleedin baith ave buskit him abuin the lave tae let them ken the whit he was was as byordnar as a ferlie, an no the lyke o common bodies. Thord, sumph or no as daesnae maitter, did guid enyeuch as no that bad 230 vince Olaf was his foster-bairn. But here's a baur lik Daenae tell me, Hoskuld gied his son byname "Peacock" that stuid for him for aye and on

an said a something for the dy as muckle as it did for Olaf.

#### Chaipter XVII

## Anent Killer Hrapp's Ghaist, AD 950

Anent Hrapp caad the Killer chiel, thare is the speil that tho gy bad in lyfe, that wasnae hauf the bad he was in daith, for thon was awfie.

Afore that tyme, as folk wuid tell, he was a rowster roon the doores, his neebors in the sic a state as didnae ken whit wy tae turn wuid bear-the-gree wi sic a man.

But yae thing that was aa itsel, wi nocht avaa o aathing else, ginn Olaf was a muckle man, Hrapp left Thord Goddi weel alane, for he cuid dae the nocht avaa wi Thord that was a something else.

Even whuin eild was in upon him lik coodnae myn whit day it was, aither the neist-but-yin or else the-day-afore-the-morn in tyme tae think the whit he meant tae dae was no whit he was at-the-daein, his ettlements were still as bad as gy ill-cankert, deevilish, an syne he haed tae byde in bed.

At that timm that was noo high-tyme he kent whit lyfe was aa aboot was nithin mair nor come til deein in saucht wi hinmaist greinin gien, he caad his wyfie Vigdis til him an said til her, altho she kent it, "Weel-at-masel hae I aye been aa thru ma lyfe, sae it is certaint as shair enyeuch says *Sae it is*, that this curmurrin ben ma spreit is lyke tae dae me in an doon, makkin oor lyfe thegither yin will hae tae be the twoe in twain."

"That bein sae that cannae be ocht else nor waarth the thinkin ot, 10

20

The Laxdale Saga 40 whuin I am deid as yont the dover, wi naither pech nor puff ootgiein, howk oot ma mools atween the jambs alow the thrashel o the haa; and yird me doon thare staunin up amang the mools as straucht as heech, sae in ma deid as in ma quick I'll see whit's ongaun roon ma hoose." Whuin Hrapp was deid as naither pecht nor pufft, weel yont the doverin, the mools were howkit straucht as deep, 50 and he was yirdit staunin up alow the thrashel o the haa atween the jambs sae he cuid see the whit was ongaun roon the hoose, for Vigdis didnae daur dae else. As gy ill-cankert, deevilish as yince he was whuin he was quick aa thru his lyfe in nyafferie, the waur-the-mair he was whuin deid 60 amang the mools in nyucherie, for it is said he traikit oot an awfie lote, nicht efter nicht, waanrestie in amang the mools as no-aa-thare is yonner fund. Wi ghaistliness as grugous groo can trimmle grue alang the skin, folk said he frichtit monie cullans. an killt the fermtoon orriebodies cuid staun-the-nane ill-mynditness. The neebors tae wuid swaarf wi fear, 70 and Hrappsteid fermtoon at lenth was left as toom as soondit bosse gin knuckles chap upon the doore or fuit step caunnilie on flaer. Hrapp's wyfe, the Vigdis bodie, gaed waastairtit as the faur enyeuch fae thon fey hoose as no waanchauncie, that is, as near as Naw, no me, tae stye wi Thorstein Black, her brither, 80 an wi her gaed her bits o sticks and ither hoose-graith o her ain.

Then, as sae aften as for yaisual is juist whit folk wuid maist expeck, men gaed til Hoskuld wi the clash anent whit Hrapp in daith was daein, indaed-in-troth, in deid was daein, an speired at Hoskuld for tae dae indaed the whit was needit duin tae redd them o the deidlie fash was weirdit wi the ghaist o Hrapp.	90
Hoskuld said, "Ay, as shair as daith, I'll dae the whit is needment quick as puit the deid yin in sic strunts will gar him let the leevin leeve in saucht wi yin anither swaet.	
An sae he gaed wi ither chiels til Hrappsteid, tuin o aa but Hrapp, and howkit up thon muckle corp fae in alow the thrashel stane: syne, cairtit thon fey thing awo and yirdit it ayont the skliff o auntrin fuitfaa ower the grund as yont the cluits o lowein kye.	100
Whuin efter aa was duin an said, lik efter aa was said an duin, the ghaist o Hrapp was gyan sweir tae traik as aften as afore or as afaur as boather folk.	
The waalth that Hrapp haed left ahint as faur ower bookeit for the mools ower muckle ruchness ben the pootsh, was aa taen ower bi Somerled, his son, whoe that neist voartimm, fermed at Hrappsteid, as waanchauncilie as puit a feydom on hissel, for no lang thare he gaed fair gyte an deed as shorte o braith as sense that is the saul gane fae the corp as naewhoere but in memorie.	110
His mither, Vigdis, whoe was still aa-thare as gyan sweir at that tae gang til yon fey Hrappsteid place, was left the waalth o Somerled, sae Thorstein Black taen aa was gaun	120

tae hain it gyan caunnilie.

At that timm he was growne as auld as wunner whit he'd meant tae dae but haednae duin for wunnerin anent the fash o daein it, but still-an-aa weel-at-hissel as hertielyke at wark an brode.

#### Chaipter XVIII

# Anent the Droondin o Thorstein Black

At that timm, airtit in Thorness, twoe bodies, Thorstein's kinsmen baith, the yin caad Bork-the-Stoot, the-tither his brither, Thorgrim caad, were heezit as heech abuin the common lave as thocht thursels the nae-smaa-drink wuid fou a muckle siller tassie wi sic a dram wuid skol a slainte.

Misdoot-ye-nane, lik daenae fash tae finnd a lee ot ben the truith, thae twoe chiels meant tae be mair heech nor highheidyins amang the heech.

An this was whye the Thorstein Black, whoe wuidnae lowt til sic a breed, but didnae waant tae taigle wi them, telt folk aroond he was for aff tae saettle doon at Hrappsteid yonner: sae he was makkin for tae flit owerbye ben Saumonreeverdale.

His kye aa cawed aroon the straund tae mak thur wy til thon Hrappsteid that wasnae bettert yit as bien but still waanchauncielyke as fey, come voar Althing a wee bit efter, an Thorstein Black was yokit on the wark wuid mak his flittin ruidie.

Thorstein taen on a ferrie-boat tae tak his graith athorte the watter: (some say a dizzen men gaed wi him, and ithers say eleeven thare gif coontin his ain dochter Osk, his guidson whoe was caad Thorarin wi thair ain dochter Hild whoe was as auld as juist the three year young, while ithers say Thorarin was guidbrither til him, makkin three abuin the twal wi Osk and Hild). Thorarin was guidbrither nane but guidson, makkin differ richt. 10

20

The Laxdale Saga 40 As rowsterie as ranterie, lik three-pairts-cut athorte the swaw, the sou-waast wuin cam gowlin on lik yae ill-dreedour on the ship, an drivv her in amang the roosts and in especial ben the vin caad Coalkistroost, maist meikle o them athorte the airt o Braidfrith watter. They made nae mair the saewy thare nor furrit ocht againss the ebb, the watter blooterie in scuds 50 that brak the sae around thur hochs, then deed awo lik pech nae mair as ben trochs left them waalterin. Thorstein was steerin: roond his shoothers the braces o the sail were rowed because thare wasnae muckle room, the ship sae fou o graith, wi kists on tap o yin anither, heech as made for little furrit sicht, and hivvie made for little luff. 60 Laundfaa was near enyeuch as naet is faur ower faur wi nae saewy in sic a roost wi ebb o tyde. Aathing as wrang as richt-the-nane, they sailed upon a reef in dern alow the drumlie watter-laevel, enyeuch tae stoond them wi the dunt but no as muckle's mak a wrack. As swythe as *Think nae mair anent it*, Thorstein haed thon sail taen doon quick 70 as Dae it, think aboot it later, then telt his men tae tak lang poles an punt the ship doon aff the reef. But that was naither here for guid nor yonner for the feck o better, but wrang as aither waur at that or waarse as *Lae the thing alane*, for thon swaw was as larboard deep as starboard peels wi sic a daipth thur lang poles coodnae boddom doon. 80

As cauld as drookit wi the sloongein, they haed tae byde no wheesht but tyde tae luft them up abuin the reef, for noo the watter ebbed awo	
tae straund them heech as weel as waat. Noo, here's a ferlie maks for wunder lik tell the whit is ferliest, thae folk whoe see it or are seen bi whit they think is ferlie seen, for here in Braidfrith aa thon day they saw a selkie in the swaw as muckle as byordinar the faur ayont the-tither baess, as roond and roond aboot the boat	90
<ul> <li>it soomit in thon wy it seemed tae say I'm lukin at you folk sae I sall ken ye for yersels an no some ither bodies syne.</li> <li>Tho he haed flippers muckle mair nor maist o selkies in the sae,</li> <li>his een were mair lik mankynd's een that ken the whit they're lukin at is aither ferlie maks for wunder or wunder whit maks for a ferlie.</li> </ul>	100
Then Thorstein did an unco thing that aiblins was as gyte a ploy as no the richt-haun syde o thocht nor caurrie syde o think-again: he telt his men tae puit a leister as deep athin the muckle baest as kill it cauld amang the watters; but tho thur ettlement was straucht as caw the waepon ben thon selkie, thur een were skellielyke tae see't and haunds as caurrie as thur castin. Some folk say Thorstein telt his men	110
tae shoot the selkie: chaise yer chyce. Aa duin as no-that-richt is wrang, the tyde cam in, and thon paer ship was no that wrang as aamaist richt an babbin up abuin the reef, whuin gowlin o the sou-waast wuin cam on again lik stoond o hert, terrificatioun strak the folk as sydiewys as erselins cowpin	120

thur bodies in jurmummelment athin the drumlie swaw in deid yince they taen watter ben the braith that neever wuid tak air again: them aa, that is, excep for yin caad Gudmund, were cast on the straund wi bits o timmer fae the wrack, alang wi bits o sticks o splechrie; the place whoere he was waasht ashore sinsyne caad Gudmund's Ysles for him.	The 130
Gudrid, wyfie til Thorkell Fringe, the Thorkell Black's yae ither dochter, was heir til aa that Thorstein left.	
The wurd anent the droondin gaed ower aa the airts the wuins played pec lik sing a sang or sooch a stave fae bellowses o man or wumman, the owercome ot the bodies droont lik neever sook the braith again ben ilka kist sae fou o watter.	140
Nae hunker-slydin tho wi Thorkell, for at-the-toot as swaet as hinnie, he sent for Gudmund waasht ashore as luckie as the Twal Apostles, an made a niffer wi the chiel that Gudmund's speil anent the wrack suid be the wy that Thorkell telt him.	150
Gudmund agreed, but whye he did the saga daesnae say avaa, and aiblins gin it did, the whye he did micht tak as lang tae tell as whitforno the-tither speil.	
Thorkell noo speired at him tae tell abraid amang as monie folk as turn a lug upon the clash tae hear him nummer aff ilk daith as true as caain zeentie-peentie made magical in bairnies' gemmes.	160
An that is hoo thon Gudmund speiled as tho amang the gowlin swaw an clitter-claitter o the wrack noo on the reef, syne ben the frith	

	The Lax
lik rummel-tummelin aroon, he haed tae thole the devoirs on him	
	170
tae coont the weird o ilka yin	170
but his ainsel telt aff for deid	
as magicallie nummert aff	
as onie bairn whuin playin gemmes.	
"The furst yin droont was Thorstein Black,"	
he said, "as swep oot-ower an doon	
as companie for muckle selkie,	
the neist his guidson, thon Thorarin	
as companie for baith o thaem."	
(The siller noo and aathing else	
wuld gang til Hild, the wee bit bairn	180
whoe was the dochter o Thorarin).	
"An then," he said, "the bairn was droont	
wi haurdlie tyme enyeuch tae greet."	
(As sae she haed tae droon juist then,	
because she was the neist in lyne	
til her paer mither, yon yin Osk).	
Wi that, af coorse, it was as certaint	
as swither-nane anent it, aathing	
wuid gang til Thorkell Fringe because	
his ain wyfe Gudrid haed tae hae	190
the aathing that haed been her sister's,	
nane ither nor thon paer sowl Osk.	
Ower aa the airts the wuin can pech	
lik ballat sung or saga telt,	
the Thorkell Fringe and aa his men	
puit bellowses ahint the speil,	
but monie folk were no taen-in,	
because the Gudmund chiel haed mowtit	
anither kinna sooch o sang,	
wi owercome ot a differ tae.	200
Misdoot lik Daenae tell me that	
gaed in amang Thorarin's kinsmen,	
thon wy they stuid wi nebs as heech	
as tho the speil gaed stinkin bye.	
And as they stuid, they said they'd byde	
for caller air tae come upon them	
tae waff them wi a speil o pruif	
anent the tellin, lee or truith:	
the burthen o baith truith an pruif	
1.	

was that Thorarin haed tae hae the hauf o whit was gaun for grabs.	210	The Laxdale Saga
The ilka haet o aa was gaun fae whit was yince Thorarin Black's, was aa his ain and his alane, said Thorkell, and he wuidnae see Thorarin's kinsmen in his purritch; an gin they thocht tae bear-the-gree, then let them saettle it in ordeal as was the wy they aye haed duin it.		
At that timm, that is noo langsyne as tells us no enyeuch anent it tae think ot widdershins or deishil, the ordeal was tae waarsle thru alow a lang an waablie airch o sward cut greenlie fae the grund, a strip ot wi the ends ot fast.	220	
Noo, Thorkell Fringe aboot this tyme haed some misgieins ben his mynd anent the tymin o the daiths that he an Gudmund puit abraid, an whitforno, because he kent as Gudmund kent hissel anaa: weel, takkin thocht anent it, hoo the ordeal made the ay or naw, tummlin-the-wulkies gaed his haerns wi feartiness that neebored dreedour.	230	
The Christian an the haethen bodies were aa the yin-waan takkin ordeal as Thorkell six-and-hauf-a-dizzen, whoe wasnae richtlie shair avaa that he cuid walk alow the strip o turf athooten skaith ot drappin upon his powe as leear lood.	240	
Sae this is whit he did: he made a niffer wi twoe cullans, nocht the differ fae the yin he'd made wi Gudmund no that lang afore, that they wuid be nearhaun the-tyme the ordeal was aboot tae stert, an they wuid then cast-oot lik messans sae they wuid tuitch the sward-strip airch an caw it doon aroon thur feet.	250	

This wuid be duin mishanterlyke as furrit cam the ordeal bodie, an sae it was, the airch doon-dungit as baith thae cullans set aboot tae thwack ilka ither wi thur weire-graith - but no sae haurd at that, for neebors pairtit the pair lik shaefs o breid upon a flet at denner-tyme.	260
Then Thorkell Fringe speired at the folk whit thair opeenioun was anent the whit haed happent at the ordeal: and as was certain shair at that athooten switheratioun ont, his men said aathing wuid been richt gif naebdie'd puit his fuit in it.	
Thorkell taen aa thare was tae tak o whit was thare tae get for grabs, but aa the grund at Hrappsteid liggit as tho it taen a blaw fae wark lik Hrapp's ghaist takkin soondless pech.	270

## Chaipter XIX

## Hrut comes til Yceland

The tellin noo lik telt again for makkin siccar whit is telt athin the Saga is the truith that lees nae lee lik leears lood, an says thon Hoskuld yin was bookeit as faur abuin the lave o folk as muckle as highheidyin caad.

Intil his aucht for cooterin as caunnilie as keep it snode, he haed an awfie lote o siller belangin til his ain hauf-brither, the yin caad Hrut was Herjolf's son.

As monie men as gar folk gulder *Aa thaem!* thocht Hoskuld's income wuid be ootgien as wi nae hauns gin he wuid hae tae py til Hrut whit Hrut was due fae his deid mither.

Hrut was byordnarlyke as braw, an graitht for weire amang the chyce o chaisen in the bodieguaird o Gunnhild's son in Norowaa, Keeng Harald, an weel thocht o thare as heech abuin the lave in fecht, an strappinlyke as best o aa that "lap an sprang an flew an flang" afore the keeng in Norowaa.

An Queen Gunnhild anaa, folk said, was that taen-on wi him, she speiled thare was nae marra neebort him amang the bodieguaird o men as braw as breenge in battle furrit, and ilka yin as strang at that as kill a bear wi twoe bare haunds.

An no juist that, she said, in coort his maik cood no be fund for speak and ease o mainner, nor indaed for ocht else dacentlyke in men.

Ay, seek the lyke, gif lyke o Hrut

10

20

were tae be seen amang a wheen,	
and in amang a wheen a curn	40
o thae highheidyins staunin thare	
lik See the lyke o us, no monie,	
aabodie wi the een tae see	
the whit fae whaat fae whaat was whit,	
kent Gunnhild thocht that no the yin	
was peels wi Hrut, an that that thocht	
an auntrin yin was gyan lyke him,	
haed ill-will ben the thocht at laest,	
or gif no that was hauflins gyte:	
ay, she cuid tell ye, cood she no,	50
	50
Hrut was the wale o waarthiest.	
Sin ower in Yceland Hrut haed siller	
as rowthielyke as jingle-jangle	
that he cuid tak an cooter caunnie	
athin his pootshes for the pleesure,	
an sin he haed a wheen o kin	
aa gangin gaets he'd lyke tae traik,	
he thocht tae sail as faur ben waast	
as see the sun sink yont Braidfrith.	
As Hrut made ruidie for tae gang,	60
Keeng Harald hansellt in the wark	00
bi giein him a guidlie ship	
wuid see him yonner waast awo	
as bien as neever weet a sark,	
an swythe as skliff oot-thru the swaw	
as virrfoulyke as dauphinlyke	
a blissin for the een tae see.	
Keeng Harald gied him sic a ship	
because Hrut was as leal a man	
as bravelie fechtie aye as gaun	70
	70
as furrit as the fuit wuid tak him,	
an neever sweir wi nieve and airm	
tae bear-the-gree for keeng an kintrie.	
Queen Gunnhild, Harald's mither, cam	
tae say, "Fareweel, fareweel awo	
as I can sayt wi soonds as cleir	
as ring aroon the tapmaist riggin	
sae nane can say I haud ma wheesht	
•	
anent ma finndin you the bravest	80
that eever taen ma haund in his;	80
an maik o aa the lave aroond	
in Norowaa fae north til sooth	

	The I
laich ben the friths or heech on bens,	
ay, sae ye are, but your ingyne	
is faur ayont the best o thairs	
fund north til sooth in Norowaa	
heech on the bens or laich ben friths."	
A wechtie ring, o gowd as ruid	
as bonniest o wumman's hair,	
far gaun-awo gift gied she him	90
tae weare upon his wrist for myndin	20
o whit she said he was til her,	
then, she gaed on, "I'm for awo,"	
puittin her heid in dern aneath the cleedin o her cloak aboot her,	
,	at
sae nane micht see her chafts were we	el,
begruttent fae her een abuin:	
an sae she gaed awo for hame	
whoere she micht be in dern hersel.	
Hrut gaed aboard his ship, an puit	100
til sae tae sail fornent a wuin	
was no a wechtie yin, but skelpt	
the swaw wi pech that soved them har	ne
til Braidfrith, nor-waast ower in Yceland	
as dauphins on the aither bowe	
said Here, this fairlie will be somethin	g
the nithin lyke a nocht in Yceland.	
Inbye the frith, lik Here we are,	
atween the ysles lik <i>No faur noo</i> ,	
ben Braidsoond lyke <i>We're nearlie the</i>	<i>are</i> , 110
then Kaimsness in alow the gangwy,	
and Yceland is alow the feet.	
A many shire (hans	
A new ship thare, an news o it	
a clash oot-thru the ilka airt,	
but naething lyke the claik o tongues	
said Herjolf's son, Hrut, was the skipper	
Och ay, and as we'll aa can ken	
whuin aathing isnae rinnin for us,	
wi no a pook tae tell the differ,	
(and Hoskuld was nae saumon aither),	120
thare's whyles a something lyker naeth	
we'd eever waant tae see avaa,	-
an sae wi Hoskuld, puittent-oot	
tae hear the clash, wuid meet Hrut nane,	
but badd his wheesht bi Saumonreeven	r.

130
140
150
160

taen him for whit he was hissel

an folk said-nane they kent his faither. 170 Three winters lang that greined for voar tae come lik Waather's on the turn. Hrut styed at Kaimsness, aa that tyme priggin at Althing for the siller in Hoskuld's aucht was no that chiel's tae jingle-jangle ben the pootsh, but Hrut's ain fae his mither Thorgerd tae kirk it, mill it or tae dram it: an folk said that he spak his speil as straucht alang the lyne o truith as his ainsel was straucht as bous 180 the back til nane whuin truith is weire. Hoskuld puit furrit his ain speil that skytit caurrielyke a weething ayont the truith, bi sayin Thorgerd haed mairriet Herjolf true enyeuch as taen the lyne she did, but no as richt enyeuch as taen avysement fae Hoskuld, seein that he was her guairdian in law an she haed wad athooten his guid coonsel: 190 an thare the maitter drapt, no lyke the soond o siller jingle-jangle, for Hoskuld still made plain til Hrut nae yae bress faurdin wuid he gie him. Athin the faa o that same year as groo as onie girnie puhss, whuin folk tak thocht tae hae a burst afore the winter snecks the doore, Hoskuld gaed owerbye til a faest Thord Goddi gied for Weet yer whissle, 200 and hearin ot, Hrut taen a thocht was no anent the drammin ot, for ower til Hoskuldsteid gaed he, as some folk say, wi twal men, tho some ithers say the juist eleeven, and herried twintie owsen fae't, tho lettin twintie ithers byde. Fae thare Hrut sent til Hoskuld wurd whoere aa his owsen micht be fund gin he wuid lyke tae pree the place 210 was no sae faur awo ayaa.

Wi that, that was lik skreech o pibroch, or fierie corss gaun ower the maer amang the heather an the broom, the hoose-carles ben the Hoskuldsteid lowpit lik lauddies daein doakies, taen haud o weire-graith, sworde or aix, speired at thur neebors for tae gie a haun that wasnae lyke a fuit, an syne a baund some fifteen strang	220
rade oot as swythe as taen nae thocht the whit it was they meant tae dae againss a fechtie chiel lik Hrut.	
Hrut and his reivers didnae see thae het-trode hoose-carles on his heels lik messans yowpin for the kill til no that faur fae Kaimsness ferm.	
At yince, lik <i>Ay, aboot tyme tae</i> , Hrut and his reivers lowpit aff thur horse an tethert ilka baest afore he and his men gaed furrit an sklimmed upon a saundie knowe, tho some folk say a grushie bank.	230
Here Hrut said they wuid mak thur staund, am mowtit, gin his claim for siller gaed slaw as coodnae baet gy caunnie, aa noo micht see his furrit feet cuid thole-the-nane tae rin awo as swythe as caw the saund attoore afore the feet o Hoskuld's thralls.	240
Hrut's reivers said the odds were mair nor let them keep the upper haun, but he said, "Tak nae tent o that: the monie mair thare are tae fecht, the monie mair thare are tae kill, sae let the wark gang even-on lik pech the mair tae gie ye pith."	
The men o Saumonreeverdale cam up an lowpit aff thur naigs an sorteit oot thursels for fecht, and aiblins thocht that they wuid kill as let the wark gang bonnilie	250

as gie them pith tae pech the mair.

	The Laxe
And Hrut, as swythe as neever sweir,	
said til his chiels, "Ach, fash-the-nane,	
anent the odds, for aa thae carles	
are in a boorie," an wi that,	
he breenged doon on them fae the knowe	
wi helmet on his heid tae guaird	
his haerns asotterin alow,	260
a sworde athin his strang richt haun	200
that neever gied a caurrie cut,	
an tairge wi caurrie elbuck ben	
tae guaird against a deidlie cloore.	
tae guand against a delune cloore.	
Hrut was as skeelie wi the sworde	
as hame fae hame wi't ben his grup,	
an kent the wy tae wecht his tairge	
as tho a fecht were wapenschaw	
an naither ding o steel on steel	
-	270
nor dunt o stoond o steel on tairge.	270
He was nearhaun berserkerlyke	
as eever stuid barescud in weire,	
sae wuid wi angersomeness, nane	
cuid haud him aff nor byde the wecht	
o sic a waalterin he wrocht.	
o sie a waanerin ne wroent.	
Baith reivers and hoose-carles focht weel	
afore the slauchter made it plain	
as coont the odds mair even noo,	
the men o Saumonreeverdale	
kennin that Hrut was sic a bodie	280
thare wasnae yin amang them aa	200
his neebor maik in battle-graith, for ilka onslaucht that he made,	
twoe slauchtert liggit at his feet.	
The men fae Saumonreeverdale	
noo cried a baurley in the fecht	
and Hrut was ruidie for thur paece	
as dacentlyke as taen a blaw.	
as cacentryne as taen a blaw.	
Aa thae hoose-carles fae Hoskuldsteid	
that were alyve were gy sair skaitht	290
as kent whit fechtin was aboot,	~ ~
an fower o thae Hoskuldsteid carles	
were deid as didnae ken or care	
gif that sair fecht were still ongaun,	
or ower an duin lik thair ainsels	
as still as ower an duin for aye.	

Aff hame gaed Hrut, skaitht his ainsel but no that waur as boathert him, an wi him gaed his reivin bodies as lichtlie skaitht as boathert-nane, but gled that thare was nane for aa that amang thursels as deid as duin: and efter aa, they still were quick as kent they were the wy they were for Hrut it was haed wrocht the wark.	300
Yit, as for thae yins killt kent-nane the wy they were nor whoere they were, were they no as heroic as the hero Hrut still staunin heech abuin the cly that made thur mools gaun intil tyme athooten name, tho Hrut hissel wuid neebor thaem in tyme tae come wuid ken nae differ tween hero did and heroes duin as aa the yin-waan but for name?	310
<ul> <li>Whoere aa thae heroes focht thegither in tulyie made for straks o doom as tho they coodnae byde thur wheesht for folk tae tell the storie ot,</li> <li>the place sinsyne haes aye been caad Fechtdale in case folk micht forget an tyme itsel no myn the storie.</li> </ul>	320
And efter aa the slauchter made ower aa the owsen haed been reivit, Hrut slauchtert ilka paer bit bruit cuid dae nae mair nor chowe the coode, as unheroical a ploy as gars us wunner whye he did it, for naebodie haes telt us yit.	
Whit is telt is the hurrie-burrie the Hoskuld yin was in on hearin whit Hrut haed duin wi sic stramash; sae Hoskuld and his men rade hame, and as he rade he thocht, "Ay, ay, whuin I kent Hrut haed come ower here, I kent whit he'd be at was no whit I'd be at gin he'd no come." Whuin he gat hame, as tetchitie	330

	The Laxda
as tho hauf-tuitcht lik hauflins wuid, it was a gyan draiglie tail o hoose-carles he saw sklifterin	340
an sklooterin back hame again	
tae tell him sic a sairie traik	
an trauchle they haed haed wi Hrut.	
-	
At this, as gyte as mair nor hauflins,	
ay, mair lik muinbrunt throch-an-thru	,
Hoskuld was angersome as rant	
the air aroond him ruid as bluid,	
an said he wuidnae thole sic wark	
o reivin an sic slauchterin	350
fae Hrut again, for onie sake:	
and aa day lang (that seemed nae tyme	
avaa), tae tak the place o thinkin	
the whit it was was ongaun int,	
he gethert aa his men aboot him.	
Seein whit was ongaun roond aboot he	r
lik oose aa ower the place no redd,	-
wi men an graith in fanklement	
lik naething whoere it suid hae been	
and aathing else whoere it was yuisless	s, 360
Jorunn, the wyfe o Hoskuld, gaed	
and haed a quaetlik wurd or twoe,	
speirin at him anent whit was	
athin his myn that made for this,	
an was his myn made up for that.	
Said Hoskuld: "No that muckle yit	
hae I made up ma myn tae dae, but I'm for thinkin I micht dae	
as muckle as is juist enjeuch	270
tae gar the folk ower as the airts	370
the wuin can blaw the clash aroon,	
think something else nor sic a thing as made for slauchter o ma hoose-carles.	
as made for stauchter o ma noose-cartes.	
Jorunn gied aunswer in a speil	
he neever thocht tae hear the lyke o	
no juist in aa his born days	
but aa the days afore, an days	
tae come wuid clash the whit she said,	
or gif no clash it, sing the speil.	
S'sha "Gin you would think too kill	380
S'she, "Gin you wuid think tae kill the sic a man as your hauf brither	500
the sic a man as your hauf-brither,	

yin heech as faur abuin the lave,	
ye're awo wi the faeries, sae ye are,	
for you ken weel as daenae need	
tae nod the heid, that monie folk	
wuid say that he was in the richt	
as naething wrang avaa aboot it,	
tae tak thae owsen langsinsyne."	
tae tak thae owsen langsinsyne.	
"An noo that shairlin is the day	
"An noo, that shairlie is the day	200
afore the morn, an no the neist	390
ye're on the wy tae makkin lyke	
duag's brekkfast mixter-maxterie,	
Hrut staunds afore us lyke the best	
o aa his forefolk gied him pith,	
ay, made him whit he is the-noo,	
yae man that weel can tak his ain,	
and he's no gaun tae staund as blate	
as some bit paerlik bastart gett	
will neever git the whit is his."	
"An no juist that, that is the wale	400
o whit ye micht expect o him,	
he's no sae gyte as haesnae speired	
aroon the airts o meikle men	
as hereaboots as no ower yonner,	
ay, hereawo as hereanent,	
for I hae heard no juist hearsay	
but ettlements anent the maitter	
soochin tween him and thon Thord Yeller:	
I'm thinkin you suid think on that	
afore ye cairrie on wi this."	410
afore ye canne on writins.	410
"Doot you the-nane aboot it noo,	
Thord Yeller will be no that sweir	
tae puit his wecht ahint his shoother,	
-	
his fuit a stell athin the glaur	
tae gar Hrut's ain wecht gurrie on	
tae win the heech grun for his staund:	
and aabodie can see whoere that is,	
sin you byde that wee bit the laicher."	
"An award 1'm tallin you so me	
"An mynd, l'm tellin you no me,	400
for this is your ain plot, no mynes,	420
ye hae tae myn, sin castin-oot	
wi Thord Goddi and his wyfe Vigdis,	
ye haenae been as pack an thick	
wi thon Thord Yeller as were yince	
lik surturbrand in lava laevels,	

	Т	he Laxdo
altho ye think he and his folk		
were pyed aff wi yer gifties gien		
tae let them see ye lyke thursels		
or let you thaem see lyke yersel."		
"And I can tell ye this for skelps	430	
that leaves ye flush as neednae py		
for onie coonsel lyke avysement,		
or avizandum o it aither,		
ay, Hoskuld, I am tellin you,		
sae listen, daenae gie a cheep:		
thae bodies arenae sweir tae think		
they're faur the waur for aa the graith		
an betterin ye're aye for giein		
til your hauf-Yrish bastart Olaf."		
"And here's ma coonsel juist yae thing	440	
that isnae twoe but muckle mair		
as rowed aroon lik butter-baa		
upon a piece upon a piece-flett		
for you tae pree or leave alane;		
ye'd be as wyss as gyte-the-nane		
tae mak as dacentlyke a niffer		
wi your hauf-brither Hrut, for as		
the saw says, wolf can wolf		
lik greedie-guts the-nane less grup:		
shair Hrut will no byde angersome	450	
sin he is gyte-the-nane but wyss		
as ken a niffer dacentlyke		
as betterin the baith o ye		
in your ain een and aabodie's."		
At that, the Hoskuld yin was quaet		
as didnae mowt lik splooterin,		
as didnae mant lik spelsh the spit,		
as didnae mump lik slaiger speak,		
an was in greeance wi the coonsel		
because he thocht that Jorunn's speil	460	
was lyke whit he haed neever thocht		
tae hear in aa his born days,		
for he kent fyne it was a sooch		
that wuid be clasht in days tae come,		
or gif no clasht, wuid sing it lyke		
a ballat or mak verses o it.		
Aa quaet then, lyke a wheesht for bairns,		
an men gaed furrit, quaet thursels		
as nithin say till in collogue		

as nithin say till in collogue

The Laxdale Saga 470 yae syde wi tither, kinsmanlyke as tak a bit o byte an sup, an slooch a dram or twoe thegither wi Skol for this lik Slainte that, tae mak a wark o paece was wrocht tae byde for aye tween Hrut and Hoskuld. For his pairt, Hrut was at his ease tae sit then at his ingle-en the-tyme he said he wasnae sweir tae be as freenlie as fause-nane wi Hoskuld, an was it no tyme 480 an bye the tyme kinsmen agreed, as he wuid dae, that is, gin Hoskuld gied him the whit was his bi richt? "An by-the-bye," he said, "that bydes an better bydes for naething waur, lik Wait until I tell ye, I can say this tae can no be bettert, I sall be makkin up til Hoskuld for onie wrang that I hae duin him." 490 Aathing made guid as no that bad atween the bodies, Hrut and Hoskuld were intil britherheid at last the no sae bad as guid enveuch, an fae then on were best o neebors. The upshot ot cam doon til yirth whoere Hrut becam a hamewith bodie gy thrang aboot the ferm at that, an wi it, highheidyinlik as gied coonsel til the neebors roon. 500 But juist the same, that isnae ayeways lik six-and-hauf-a-dizzen, Hrut left naething mixterie-maxterie as naething in parteeclar ocht waarth thinkin ot, til ither folk; but juist the same, that whyles may be lik aa the yin-waan as nocht else, gin he was intil oniething was his parteeclar, he haed nocht for oniebodie else athin it, an was awo oot on his ain wi't, 510 an naebodie wuid daur say Naw.

Hrut flittit hoose at this timm, gangin a bit awo, ower til the place that's noo caad Hrutsteid, and he badd til auld age thare, wi muckle pleesure.		Τŀ
An no juist that, tho that wuid be enyeuch for common folk lik us, he biggit-up a prayer-hoose athin the hame-park o the ferm; the lairach o the biggin may be seen upon the grun thare yit: we ken it nooadays as Trows' Traik, oor main gaet gangin throch-a-thru it.	520	
Thir trows are no the same as that yins ower thonner Lesmahaigie wy in Scotland, tho they're little kent the nooadays, an folk that ken a flech is mair a flae nor flei, as folk athin the Gow will tell ye, are aften heard tae say anaa til onie ootlan bodie come amang them lukin gyan gallus, <i>Ach, sur, ye daenae ken the Trows</i> .	530	
An juist the same, as you'll jalouse, gin eer ye gang til Auchterarder, nae doot ye'll hear some fuhlla say til onie ootlan bodie come ower furrit naething backwartlyke, <i>Ach, sur, ye daenae ken hoo faur</i> <i>the Feus rin doon the brae awo.</i> Mynd you, langsyne whuin Trows were kent in Yceland as in Lesmahaigie, the Feus in Auchterarder werenae the auld Norse udal, neever mynd as feudal as fair Frenchified the wy the Norsemen taen ower laws	540	
<ul> <li>tae pen thur names til English grun, then alienate the Scottish erd.</li> <li>Mairriet the three tymes ower was Hrut, but gif three is a luckie nummer, he was waanchauncie wi his furst, the dochter o Mord Fiddle, Unn, whoe shote-the-craw fae him, a ploy that made for castin-oot atween</li> </ul>	550	

the men o Saumonreeverdale an bodies ower bi Fleetlythe wy: an that is aa anent Unn here, altho thare's muckle mair is kent.	
But that is mair nor can be said for Thorbjorg, Armod's dochter, whoe becam the saecont wyfe til Hrut.	560
The thrid timm's luckie, says the saw, am mibbe Hrut's thrid wyfe was that, but gif she was, thare is nae speil that tells us whit the bodie's name was.	
For aa that, tho, or for as muckle as maist ot gy near aathing til't, the hinner twoe o thae three wyfies gied yon yin Hrut sixteen braw sons an bonnie dochters hauf-a score.	570
Anent thae sons the tale is telt that shairlie is nae cairriet storie, that yince upon a suimmertyme, Hrut, wi yae dizzen and yae twain, rade owerbye til the Althing meetin, as furrit as <i>Ay</i> , <i>luk at us</i> .	
The Saga tells it here because, in lukin at thae muckle bodies, folk said thur lyke was neever gotten at ten-a-pennie in a packet, for aa his sons were guidlie chiels,	580

the ilka yin the maik o tithers.

# Chaipter XX

# Melkorka's Mairriage and Olaf-the-Peacock's Traik, AD 955

Hoskuld at that timm bydein quaet at hame as fonde o inglesyde, was growein intil his auld age the wy a biggin seems tae growe the laicher ben the grund it sits on, saw ilk yin o his sons growe up and intil manheid lyke a tree that raxes til the luft abuin.	
Whuin yae son, Thorliek, fund his feet becam as yeukie as step oot an finnd the airt that scartit thaem wi pleesure yince upon a day, he made his hamesteid at Kaimsness, and Hoskuld gied him for his aucht as meikle as was richtlie his.	10
And efter that, lik sorte the place as mak the biggin dacentlyke, Thorliek puit intil't his new wyfe he'd mairriet for her bonniness as weel as her brochtupness: she was caad Gjaflaug, an was the dochter o Arnbjorn, son o Sleitu Bjorn, an Thorduag, dochter o thon Thord fae that place that is caad the Heidlaund: tho some folk daenae tell us whoe she cam fae, nor the place her hame was.	20
Mynd you (for naebodie can mynd ye but your ainsel), this mairriage was as heech an michtielyke as baith the man that made the wumman wyfe an wumman wuid remak the man, for Gjaflaug was as bonnie as heech-myndit wi it tae at that; an Thorliek, strappinlyke indaed, was ill tae please unless the humph cam up his back, ay, contarlyke as caurrie whuin gy angersome, but wi his weire-graith on, nae feartie.	30
Kinsman or no, Thorliek, the son o Hoskuld, got on nane wi Hrut	40

his faither's brither; and thon Hrut yin no easie-oasielyke wi Thorliek.	The L
Anither yin o Hoskuld's sons, Bard, badd athin the fermtoon tae gie his faither a haun wi't, daein a fair whack o the wark hissel.	
No yin o Hoskuld's dochters' names is gien here, for the saga says they werenae wrocht athin the speil as haein nocht adae wi it, but they were forebears o some folk weel-kent for whit they were thursels as thaem they cam fae, juist the same.	50
Olaf-the-Peacock, Hoskuld's by-blaw, was growne up noo, lik onie tree that raxes for the luft abuin tae be amang the caller air lik freedom ben the mynds o men; and he was brawest o the braw ("Och, ay," folk said, "a brawlik sodger") as eever buskit weire-graith on as he did, waepons clean an bricht as tho athin a wapenschaw.	60
Melkorka, at Melkorkasteid bydein, was Olaf's mither, yince the bonniest o Yrish colleens fae Mourne mountains in the aest til Lough Erne yonner in the waast wi aa its Faerie Ysles that soom alow the luelie gloamin thare for men tae dree wi thaem thur weird; ay, she was bonniest o aa the colleens eever leeved as sooth as faur Kinsale or Skibbereen, or north as Inishowen thonner atween Lough Swilly an Lough Foyle.	70
At this timm, that was no lik yon timm in Norowaa athorte the faem whuin Hoskuld bocht the bonnie lass, he wasnae takkin tent avaa anent the whyes an whits she did, because, as Hoskuld said hissel, thon was mair lyke young Olaf's wark.	80

Olaf said he wuid dae as weel for his dear mither as he did for his ainsel as weel or better, an that was guid as no that bad.	
Melkorka was a weething aff wi Hoskuld, in the strunts wi him as mibbes wi hersel anaa, for she thocht Hoskuld slichtit her as sklanderous as onie freit upon her lyke a ferlie haunt.	90
An sae she thocht tae dae her devoirs tae puit him in the strunts wi her lik play the gemme's the gemme tae play, an no a bogie, wheels are mynes.	
Daein awo aroond her ferm as did the graft was thare tae dae, yin Thorbjorn, Dwaiblie caad, was thare	100
as thareaboots is taen for grauntit, and he haed priggit her for mairriage sin she becam teind-free fae Hoskuld: Melkorka, tho, aye said, "Naw, naw," for nane thocht him a man o micht,	
indaed, maist folk were heard tae say he was mair lyke micht-no at that.	
Noo, at Broad Aerie in Ramfrith, thare was a ship, the skipper, Orn, yince yin amang the bodieguaird haed kep Keeng Harald free fae skaith.	110
Anent that noo, Melkorka said a wurd or twoe as roondaboot as say the last the furst because the furst thing maitters is the last.	
She said til Olaf she'd be gled tae see him traik awo abraid tae finnd his kinsfolk doon in Yreland, "Indaed," s'she, "I telt ye truith,	
an no a weeble-waable lee that yon yin keeng amang the Yrish, Myrkjartan caad, is ma ain faither: thon ship in Ramfrith at Broad Aerie can see ye thonner, boather-nane."	120

Said Olaf, "I haed wurd or twoe strauchrfurritlyke as no cawed roond anent yer ploy wi ma ain faither, but he thinks little o it as will no dae muckle noo anent it: and as for siller ben the aucht o ma ain foster-faither, naw, his waalth is mair in grund an kye nor ocht that's maerkitit roond here wuid mak a muckle o a taet."	130
Melkorka said, "Weel, I'm no gaun tae mak a taet oot o a muckle, or deil-the-haet ot something less, for this I tell ye for a fac, I'm no a common fancie-wumman lik dae the turn for bein kept, and I juist cannae thole the thocht that you are caad the by-blaw gett o yin as thrall as less at that nor onie freeborn Yrish quyne atween Lough Swilly an Lough Foyle	140
in Inishowen Ulster wy, or in Kinsale or Skibbereen soo-waast awo in Munster thonner, or whoere Lough Erne's Faerie Ysles are luelie in the gloamin as they dree thur weird wi Yrish folk."	150
"Forbye," s'she, "gif whit I am, an whit they caa you tae, suid mak yer traik til Yreland lyke a dwaum athin the aidge o waukenin that puits ye ben a place no thare whoere you slep deep the nicht afore, think you the-nane the lack o siller is gaun tae keep the dream a dwaum lik Yreland tint athin a haur fae Inishowen til Kinsale, fae Drogheda til Connemara; for I can tell ye for nae lee as caurrie as a duag's hinlaeg, but for the truith strauchtfurrit as a setter's neb upon a burd, it's I will up an pynt masel at Thorbjorn, Dwaiblie as he is, an mairrie him for guid or ill	160

gif sic a thing gies you a haun no lyke a fuit, but fits ye oot tae mak yer wy til Yreland thonner."	170	The Laxdale Saga
"Indaed," s'she, "he'll no be sweir, tae gie ye whit yer needment is for graith upon yer back as braw as siccan lyke ot neever seen, as weel as siller in yer pootsh or jingle-janglin ben a sporran; that is, gin he still fancies me, and I say <i>Ay</i> an mairrie him."	180	
"An mynd ye," said Melkorka then, for I'm no lyklie tae forget it, nor, for that maitter o it, Hoskuld, whuin he hears telt yae dooble truith that daesnae dooble as a lee, that you are gane lik shote-the-craw, and I am mairriet, thrall nae mair."		
"Juist dae's ye lyke," said Olaf til her, nae doot the thocht ahint it bein that whit wuid come ot wuidnae gang, as wuid wuid gang wi't haed tae come.	190	
<ul> <li>Ongaun wi't then as throch-an-thru mells aathegither in the preein,</li> <li>Olaf noo speired at Thorbjorn Dwaiblie as muckle waalth aff Thorbjorn's grund as gie him siller gaun abraid.</li> <li>Said Thorbjorn til him (an gif dwaiblie he wasnae something shorte-the-shullin, "T'll dae the whit ye waant, but mynd,</li> <li>Melkorka's got tae mairrie me, altho till noo, I'm gyan shair she wuidnae gie me hoose-room wi her: an gif she daes, in onie case, the siller an the graith fae grund I hae will then be yin wi you as I am yin wi her as you."</li> </ul>	200	
Olaf an Thorbjorn noo in greeance lik spit upon the haunds an clap them, they puit colloguin heids thegither wi nod at this <i>Uh-huh</i> at that, or <i>Hmn?</i> for switheratioun ont,	210	

or shak-the-powe for <i>Naw</i> , <i>och</i> , <i>naw</i> :	
syne whit was said was whit agreed	
was kep doon deep in dern as quaet	
as mowt-the-nane says no a cheep.	
Nee heir true tee oor othe cost	
Noo bein tyme tae gang the gaet	
til Yceland's Althing meetin whoere	
the neebor bodies gaed tae speil	
anent the laws an wys o daein,	220
Hoskuld was speirin at young Olaf	220
tae saiddle naig an gang alang	
wi him for companie an crack.	
But Olaf said, wi mooth hauf-set	
a wee bit caurrielyke wi lees	
til him was his ain faither Hoskuld,	
that he was awfie thrang wi wark	
aboot the hoose, and ower ootbye	
he waantit for tae puit a fence	
aroond a paddock for his lambs	
nearhaun the Saumonreever thonner:	230
he didnae lyke tae puit his faither	
in boatheratioun for a fash	
athin the myn for aa the wurld	
lik some curmurrin ben the guts.	
Hoskuld was fair taen-on tae think	
that Olaf was sae thrangitie	
aroon the hoose as ower the parks,	
sae aff gaed he hissel tae meet	
the ither bodies at the Althing.	
Whuin Thorbjorn mairriet his Melkorka	240
at Lammiesteid on Saumonreever,	240
the waddin was as knyfe-an-forker	
as garred the greedie-gutsies rift	
wi pleesure for the saecont gou,	
but for the lave of yont the beddin,	
young Olaf made the mairriege-greeance	
anent the whit was int for him,	
thon wy the clash anent him was	
the Wee Folk maun be michtie chiels	
gin he's awo wi siccan bodies.	250
gin ne 5 awo wi siccan boules.	250
For his ainsel, lik kirk or mill it,	
Olaf wuid gang upon his traik	
as bien an snode in pootsh an poke	

wi siller that wuid come til him

fae sellin thrittie hunder ellswaarth he gat fae Thorbjorn as his ain, for that is whit the Saga tells us.	ine i
And here's yae thing that isnae twoe unless it's faces for tae pree, Bard, Hoskuld's son, was at the waddin an kent the ploys athin it were whitlyke they were the wy they were, for mynd ye, he was Hoskuld' son: the Saga daesnae tell us whye he didnae tell his faither, naw, it daesnae; think anent it, tho.	260
As rift again in memorie is no the same as saecont gou, the faest was ower an duin wi, lyke <i>Weel, here we are for whoere we're gaun</i> , sae aff rade Olaf whoere thon ship sweed in the Ramfrith at Broad Aerie, Orn skipper o it kent maindeep: and Olaf taen a berth in her, sortein whit he wuid luft an lay, an whoere the py-aff wuid be made.	270
Afore he gaed, tho, young enyeuch as no tak tyme tae think anent it, but auld enyeuch at that tae think tyme wasnae waarth the waste ot, thinkin, Melkorka gied her son a ring, a meikle thick yin, braw anaa, that she said was her tithin-ring he faither gied her as a waen, an said til Olaf that her faither, whoe was his ain graunfaither, myn, wuid ken it for the whit it was an no a geegaw geggerie.	280
<ul><li>A knyfe an belt she gied him tae, an telt him: "See ma nourice sees them, for she will ken them as ma ain an no as fause as geggerie."</li><li>An then she said the whit she said was said the yince that is for aye, an that was that she'd buskit him as braw as ken the wy tae staun was no hauf-boued lik <i>I'm juist gaun</i>;</li></ul>	290

but gin he haed tae gang, he'd gang	
wi best fuit furrit, even breenge	
gin onie stuid as thick fornent him	300
as made it plain they wuidnae moodge.	
"But mair nor that," Melkorka said,	
I brocht ye up tae speak the Gaelic	
- tearein-the-tartan, Scotsmen caa it -	
sae whoere ye puit yer fuit on straund	
o Yreland (blissins on the place),	
the folk ye meet will ken ye are,	
as lyke as no, lik yin o thaem,	
or near enyeuch as maks nae differ."	
or near enjeuen as make nae arrer.	
"And Olaf, son, gin you gang thare,	310
as I ken fyne ye're gaun tae gang,	
and yince ye come awo again,	
as you'll ken fyne yince you come hame,	
the Ireland o a bodie's luve	
may weel be Oireland on the tongue,	
but Ireland that's ma ain true luve	
is Yreland, and I'm tellin you,	
it's on ma tongue as ben ma hert:	
the peerie taet o that same luve,	
as styterlyke as hauf-kent ayeways,	320
	320
will by de athin yer ain hert tae,	
even gif neever on yer tongue."	
"Tho mynd ye this," s'she, "the Scots	
that taen oor tongue fae Ulster airt	
amang the Picts an Sassunach	
soothlins the Frith o Forth, aye caa	
oor leid <i>The Gahlick</i> that oorsels	
ken is <i>The Gaelick</i> , as ye'll hear."	
ken is the Ouenek, as ye it near.	
At that, they said fareweel, lik staund	
a meenute thare as quaet as think	330
a taet, no muckle mair, that gangin	
micht be for aye come-nane again.	
Olaf on board the ship at last,	
a wuin cam on fae furth o yonner,	
and aff gaed they lik feddert flane	
athorte the swaw, the dauphins lowpin	
lik <i>My</i> , we lyke tae luk at ye.	
Melkorka saw the boat growe peerie	
as tho it dwyned lik her ain thochts	

340 anent the lyfe she vince haed leeved athorte the faem in Yreland thonner. And as she stuid an lukt ayont, she myndit that yae wyfie here said o her, "She's a blade is yon yin, ay, sae she is: that tongue o hers, sherp as clip cloots, is neever blint." But nane o that is in the Saga, nae mair nor said her hair was gowden as baurlie in the parks come hairst; and ithers said, "Naw, naw, it was 350 lik sun on fyre alow the swaw as waast awo as yonner doon." Tho thare again, lik tell it true mibbe they said it was the lyke o yon daurk ben the ferlie scad alow the siller o the muin: the Saga tells us ane o that. But still it's said lik tell nae lee, her hair-sheen was atween the twoe lik licht athin the gossamer 360 o ettercap waabs dew-begemmit ower ilka buss bi ilka pad come back-end o the tyme o year: but nane o that the Saga tells. Some folk micht say her een were blue as luft atween the suimmer cloods, and ithers, "Och, man, naw, they werenae, but mair lik watter ben the frith deep-soondin on a suimmer's day!" Nithin o this athin the Saga. 370 Myn, tell it true, lik Thare again, tak you anither thocht anent it, an shair her een were groolie scad lik haur athorte the braes a braith o wuin can caw awo until a memorie alane o scad: athin the Saga naething o it. But tell nae lee avaa, think you, her een were broon as aumer powns amang the burns alang the hauchs, 380

een lyke a wunnerment o ferlies athin the mynd ahint the broo that was itsel as roond as whyte as tho a skliff fae sister muin.

Think you anent it for a fact as cauld as cleed the tongue wi lees, or think anent it fancie as a ferlie singin on the tongue, and you will wunner whye the Saga was no mair furrit wi the truith ot.

## Chaipter XXI

## Olaf-the-Peacock gangs til Yreland, AD 955

Aa said an duin lik daein said was whyles no hauf-duin at Althing, as in maist places wyss-the-nane, and Hoskuld's guid naig taen him hame tae hear the ploy was aa the crack anent Melkorka and her son that was his ain altho a by-blaw: but as aa intilt skin-for-skin lik his, he juist let things abee, as quaet as kept ain coonsel wyss.

As dacent wuins abuin the swaw can wheech a ship as bonnilie as gie it purr lik sing a sang, Olaf an companie sped on acorss the faem til Norowaa, as dauphins on the aither bowe yittert *My, thon's the brawlik cullan*!

Orn priggit noo wi younger Olaf that he suid gang tae see Keeng Harald, for thon yin wasnae sweir avaa tae gie men nae mair heech nor Olaf the honours o the waarthiest.

Nae dult, altho he was gy young, Olaf said he wuid dae juist that, and aff they gaed til Harald<sup>'s</sup> coort whoere they were made as waalcome as airms raxin oot fae here til thare.

For whit he was fae whoere he cam, young Olaf was weel-kent bi Harald, sae thon guid keeng was pleased enyeuch as telt the chiel tae byde thare wi him; an Gunnhild was gy tentie tae til Olaf, kennin that he was Hrut's brither-son, tho it is said bi some folk, thinkin that they ken faur mair nor oniebodie else, that Gunnhild wasnae blate avaa in pleesurin hersel in speak wi Olaf, neever myn the kinship.

10

20

40 Ay, Olaf was the buskit chiel, as brawlie cled as skinkle whyles lik stukkie in the mornin sun; or whyles as brawlie cled as gowden as hymie gairie on a flooer; or aiblins tartan-cled lik heather and ither flooers upon the braes; my, he was braw as stuid apairt, alane lik onie muckle staig: the Saga micht hae telt us mair. Och, man, thon Olaf gaed abraid 50 as braw an lythe as onie saumon lowpin an waarslin in the watter tae win abuin the hicht ot faain glesslyke as slither furrit, then faem-tasht an taiglt in a freith that gurries in the pown alow: whye did the Saga no say that? And ach, sur, he was aither seen lik wunnerment says My, oh, my, in lukin at the bonnie luft, 60 or ben the hills in rain or sheen, or ower the braes upon a day that maks the day vae tyme tae mynd, altho the Saga daesnae tell ot. That his ain faither, Hoskuld, caad his ain son Olaf, Peacock, says a something no a nithin aither anent the faither that the Saga haes nocht tae say anent itsel. 70 At that timm, tho, the Saga daes say that winter wearein on, young Olaf grew dowie as the nichts were lang, and Orn speired at him tae ken the whit was't gart him sych an sigh. And Olaf telt him for the fact ot wuid cleed the tongue wi lees the-nane, an no the fancie ot wuid sing a ferlie on the tongue anent it, that he wuid airt hissel awo 80 oot waast ower yonner on the swaw, and it was sic a darg tae tak that shairlie Orn wuid gie a haun

come suimmer neist an dacent waather.	The
"Daenae tak on sae, Olaf, man," said Orn, "anent yer sailin waast, for I hae heard the-nane avaa that onie ship is boond for gangin."	
Gunnhild, in gangin bye, hersel lik some braw ship upon the swaw, stoppit as tho bi anchor wecht, an said, "Ye're argie-bargiein the mair lik chowe-the-fat thegither as I hae neever heard afore."	90
At this, the twoe chiels spak her weel, but didnae let the maitter drap, syne Orn up an gaed awo the-tyme that Gunnhild and young Olaf gaed furder wi the burthen ot.	
Olaf then gied Gunnhild his speil anent desyre byordinar athin his breist as lyke tae brust, an telt her that the pith o it was that he kent thon Yrish keeng, Myrkjartan, was his mither's faither, an shair his ettlement in sailin til Yreland was the makkin siccar.	100
Said Gunnhild, "I'll gie you a haun that's no a fuit, tae set ye up for sailin waast awo oot yonner, an mair nor that that's nithin less, ye'll hae the whit ye waant will be lik ocht the less wuid leave ye waantin."	110
"Ma'am, I maun thank ye awfie kynlie," said Olaf, in yon wy that shawed he kent his place as weel as placement.	
Gunnhild then saw til't that a ship, as guidlie as the men wuid man her, was gotten ruidie, an she speired at Olaf juist hoo monie men as guidlie as the ship wuid man her.	120
And Olaf said, "I'll tak threescore the ilka yin lik neebor fechter	

an no the yin lik neebor chapman."	T
An Gunnhild said, "Threescore ye'll hae, the ilk yin neebor o the-tither lik fechter chiel, no chapman billie."	
An sae it was, lik nae way ither cuid be the maik o sic a thing, and yae thing else, lik nithin ither cuid be lik sic a thing the marra, Orn bi name was singlt-oot alane o aa thae threescore men, as neeborin the Olaf laud.	130
That companie o guidlie men aboard the sic a guidlie ship was graithit weel as buskit braw gart folk see thaem as chycest chaisen.	
Thae dacent bodies, Harald, Keeng, an Queen Ma'am Gunnhild, sae kenspeckle, gaed til the watter wi young Olaf, because, they said, thur ettlement was puittin thair guid luck upon him lik bookein on guidwill areadies gien him for blissins on his heid, for "Ay," said Harald, "weel we ken	140
the whit ye are is whit ye were an whit ye were was whit was gien ye fae whit the kinna kynd ahint ye." And "Ay," quo Harald, "we can tell ye, in aa oor days thare's no been yin as guidlie as yersel fae Yceland." Gunnhild, ye'll mynd, haed lykit Hrut,	150
and Olaf was Hrut's brither-son. Then Harald lukt at Olaf, speirin hoo auld a man he was, and Olaf gied aunswer, "I am aichteen winters as young as waits anither suimmer upon me maks me nyneteen auld."	
At that, Keeng Harald said, "My, my, the lyke o you is no seen aften, aither amang highheidyins here or in the commonalitie, for your bairnheid's no faur awo	160

		The L
as thinks the suimmer days langsyne		
were better nor they are the-noo:		
yince you are airtit hame again,		
be shair tae come an see us, son."		
"As fare-ye-weel as furth gang fair,"		
quo Harald at the wattersyde;		
an "Furth gang fair for fare-ye-weel,"	170	
Gunnhild said, een as saut as sae.		
And aa aboard, as ticht a ship		
as eever skoosht abuin the faem,		
young Olaf and his threescore crew		
sailed yonner waast fae Norowaa,		
wi dauphins on the aither bowe		
as smert as lowp or skoosh or scoor		
the-tyme they said He's here again,		
but this is no the last timm aither.		
That suimmertyme was waather-wearie	180	
as tho the winter yokit on it		
wi haur as groo as mortclaith roon them,		
an wuin as wishie as nae braith int,		
sae monie were the orrie oors		
the oars played plaff upon the swaw		
the-tyme the sail was trimmlin sleck		
as cairriet no yae puff o wuin,		
till gy near ilka chiel on board		
was tint intil yae swaw-bumbaizment,		
lik roondaboot an roondaboot	190	
can catch-a-wee-moose in the rhyme.		
But swythe as dae it daesnae wunner		
the whye ot was yince thocht maun swither,		
the haur gied ower lik wheecht awo,		
the watter reeshlin bye the strakes		
alow the whitterin o wuin		
until the sail was bookeit-oot		
lik bellowses fair fou o air		
tae gar the boatie rowe fou weel,		
until athin a brace o shakes	200	
the dauphins skelpit thru the swaw		
noo stabbord wy, the labbord neist,		
as tho tae say, <i>Come on, ma sons</i> !		
But aa was no as richt juist yit		
as caurrie-nane avaa at that,		
for as they good life Hang we some		

for as they gaed lik Here we come,

the neebor o lik <i>Here we gang</i> , they didnae ken the whoere aboot was Yreland yonner ben the waast as green as sookin-up the rain, as whyte as faith that neebors <i>fate</i> , an gowden as the sangs o bards, thae scads o hue wuid dree a weird.	The 210
Gin argie-bargie were a finger tae pynt the wy they haed tae sail, it's threescore airtins they haed gane: syne Orn said, "It's furrit thare", maist ither sayin, "Naw, it's no", then "Puit it til the vote" said they, "sae aa maun gang as maist wuid gang, for Orn is faur ower swaw-bumbaized."	220
Then, for tae puit a stopper int, they speired at Olaf whit tae dae, and he, ingyne no pooterie an slicht as some bit warks o verse are bittockie anent wee things as peerielyke anent smaa maitters, said, "Ay, ye ken that thare are coonsels, an some o thaem are guid enyeuch as no that bad, an some are bad as neever can be guid enyeuch, but some are wyss as best o aa because they're gien us bi the wyssest: gie gyte folk aa the tyme tae gabble, and you'll no even hae the tyme tae ken the whit they dae because the mair gyte coonsellors thare are, the mair gyte is thur coonsellin, gin you suid ken it ben thur gabble."	230
An that was that that wasnae this an that, nae mair nor this an thon, for fyne they kent whit Olaf meant was Orn was nae dult avaa and he wuid set the coorse tae sail wi nae mair o the hunker-slydin nor whit was duin whuin oarin waast.	240
An thare they were for whoere they gaed, thae yins belanged in Norowaa aest ower the faem fae Yceland thonner, alang wi thae belangit Yceland	250

waast ower the faem fae Norowaa, as on they sailed wi wishie wuin for days on en wi little braith as even less for nichts on en lik hauf the wecht in puff an pech.	The
Yae nicht, the lyke o nane the-tithers, the lukoots lowpit up an skellocht a <i>Wakey, wakey, rise and shine</i> laund-lubbers neever hear avaa, an said they saw a scad o laund as gy nearhaund as caunnie-daes-it, because they aamaist duntit on it.	260
At this timm, tho the sail was up, it trimmlt, makkin little heidwy, and as the ilka bodie waukent, Orn then badd them haud awo fae laund, gif wark the ship they cood.	
But Olaf said, "Man, Orn, haud on ye! I see reefs aa astarn o us wuid sink us, skail us in the swaw, sae let the sail doon richt awo an let us byde oor wheesht till daylicht sae we may see the whoere we are is some place we may ken, at that. Let doon the sail! Haud on ye, man!"	270
Anchors cast ower an boddomin, the sailors spent the nicht in talk anent the airtin o thur ship, but shair enyeuch as tell truith yince can neever soond lik lees twyce telt, whuin daylicht cam ahint the owercome the burds can mak upon the daw, the folk that kent whoere Yreland was kent whit they saw was naething ither.	280
"I'm no for thinkin," Orn said, that whoere we are is hauf as guid as no that bad, for hereaboots we're faur awo fae maerket-toon or herbour whoere we seem lik chiels as freemitlyke as come fae thonner, but are in baurley wi the folk; yit here we are fae whoere we cam fae thonner freemitlyke the-nane,	290

left high lik heech an dry lik drooth as jaggie sticklies fae a burn: but that's no aa, the taet the mair that Yrish laws claim ocht on board as flotsam gif the sae haes ebbit the hauf the whit it haes fae here." Said Olaf, "I'm for thinkin skaith 300 will come the-nane til us juist yit. I see inlaund a getherin o monie men is takkin place, sae you may guess as I hae duin the Yrish see us for a ploy will mak them snode wi plenishment: but I can say as you yersels may guess gin you hae seen the-day at ebb-tyde, that thare is a sit ayont us here that haesnae tuimmed, 310 sae gin oor ship haes taen nae skaith, we'll vaise oor boat tae towe oorsels an puit us yonner ben the sit." A boddomin o loamie cly liggit alow the anchort ship, sae skaithit-nane was onie strake as Olaf and his guidlie crew towed ower the ship til middis sit and anchort her the better thare. The day ootwith the daw as folk 320 ootwith thur beds, bodies abraid were getherin upon the straund as tho aa gangin til the Fair. At lenth, that wasnae lang as taen an awfie tyme aboot it, ken, twoe Yrishmen cam skullin ower nearhaun the ship tae speir awo at whoe were maister-bodies thare, and Olaf gied them aunswer, speakin 330 the Gaelic laerit fae his mither: an daenae hae yer doots, thae Yrish were fair dumfoonert hearin him. At lenth, an awfie tyme aboot it, the Yrishmen were no lang kennin the sailors Norsemen, and at that

they puit thur law fornent the sailors,

4 1 4 40	11	č
the burthen ot, "Gie us yer gear,		
an gin ye dae, we winnae skaith ye		
until sic tyme as oor ain keeng		
can puit a deemin on baith you	340	
and aa the graith athin yer ship."		
"Ay, thare'll be skaithin gaun," thocht Olaf,		
an whoere it gangs a gaun fuit's lyke		
tae get it," but he kept his wheesht,		
an said insteed thur law was guid		
0		
gif maerchants coodnae shuffle-the-brogue		
lik daunce a jig til Gaelic airs,		
or, mynd as said in Scotland yonner,		
cuid teare-the-tartan nane thursels.	250	
"An by-the-bye," he said, "that's no	350	
sae faur awo but here fornent ye,		
it's I can say indaed-in-trothe		
lik your ainsels, and as ma mither		
hersel wuid say, the wy she telt me		
that I micht sayt til you yersels,		
thir men wi me are paecefou bodies		
an quaet as caw gy caunnilie,		
but gin they hae tae, they can caw		
heids aff the better men nor you:		
no yin o thaem is lyke tae moodge	360	
unless it's you folk dae the moodgein."		
At that, an Yrish slogan skirled		
alang the straund an skytit aff		
the watter roon the ship, tae gie		
the Norse a clip aboot the lugs,		
an ben the swaw the Yrish gaed,		
ettlin tae puhll the ship ashore;		
but gin an ettlement's desyre,		
whyles that desyre haes bellowses		
that cannae pech enyeuch tae gae	370	
the devoirs baet the doakiers:	370	
the watter fae the straund was shalla		
as ben the oxters o the smaaest		
or roon the waists o thaem the tallest,		
but whoere the ship sat ower the sit,		
the watter made a pown sae deep		
the Yrishmen were oot thur daipth,		
babbin aboot lik dauds o wuid,		
ootdoakiet in thur ettlement		
altho still pechin wi desyre.	380	
"Cat act was bottle anoth" acid Olaf		

"Get oot yer battle-graith," said Olaf,

"an lyne the gunnels o the ship sydieforsydie stem til starn." An sae they did, the ilka tairge owerlappin yin, wi yin owerlappit, whoere doon alow the ilka tairge was cauld steel o the lang spear tangs.	
Olaf gaed furrit til the bowe: he was as buirdlie ower the kist as buskit bonnilie tae shaw it, an stuid thare sic a sicht tae see in coat o mail, and at his waist a sworde wi guaird and hilt inlaid wi gowd was glinkie in the licht; he haudit in his haund a spear, the blade ot barbit and inwrocht as caunnilie as glinkit lyke the licht upon the brawlik sworde.	390
Fornent him, for a merk an guaird, a meikie ruid tairge on his airm was pentit wi a gowden leeon that seemed tae gurl at his faes.	400
The sicht o sic a battle-lyne endlang fae stem til starn made bi Olaf and his graithit crew, puit feartiness amang the Yrish abuin thur greed for pickerie, and hear them as they brekk awo an gang intil a boorie yonner: "For onie sake, juist luk at thon! We'll neever brekk the lyke o thaem!"	410
"An no juist that," the Yrish said amang thursels in tirrivee lik think it thru in skellochin, "it's lykelie as the shair enyeuch thon ship is yin o weire, an no a maerchant ship avaa; an lyklie as siccar shair at that, thare'll be a wheen o ither siccan craft fornent us here nae tyme avaa."	420
As happent as thir things ongaed, the Yrish keeng was near at haund	

the Yrish keeng was near at haund haein a tichtener wi some freens, sae wurd was sent til him as swythe

	The	e Laxda
as wheech alang the gaet tae tell him;		
an richt awo, wi hunker-slydin		
nae mair nor on his saiddlt naig,		
he rade an better rade, ay, skelpit		
in companie wi monie kerns		
til whoere the ship sat ben her pown.	430	
The Norsemen in thur battle-graith		
a sicht tae sair the een o faemen,		
and aa the bodies on the straund		
were near enyeuch for skellochin		
thur challances athorte the watter,		
an tho the Yrish flanes played skyte		
acorss the tairges lyke the slogans,		
nae skaith was taen bi onie Norseman.		
As furrit thare as at the bowe,		
still heech abuin the guidlie lave,	440	
Olaf was lyke a pictur drawn		
againss the luft abuin the deck;		
and aabodie wi een tae see		
an tongue tae tell whitlyke he lukit,		
thocht thare was mervel for a sang		
tae sing the wy he stuid afore them,		
that skipper o thon bonnie ship.		
that skipper o thon bonne snip.		
Luk thare, noo, tho, as Olaf's shipmates		
saw horse an fuit oncomein lyke		
the chycest o the chaisen, baith	450	
in that highheidyins on the horse		
and aa thae kerns as swythe on fuit,		
a sicht for sair een companie		
that gart ilka Norsemen haud his wheesht,		
kennin nae wy tae even odds:		
noo hear them efter takkin braith,		
"Juist luk at thon, for onie sake!		
We'll brekk the lyke o thaem the neever!"		
we it block the type o that in her bever.		
Whuin Olaf heard the murmuratioun		
gang thru his men lik cauld jyle kail,	460	
he telt them, "Keep a caum sooch, freens,	100	
for things are no sae bad avaa;		
the Yrish thare are skellochin		
a waalcome til thur keeng Myrkjartan."		
a maneome in mar keeng myrkjartan.		
Bi this timm, as the companie		
o horse an kerns was near enveuch		
Bi this timm, aa the companie		

o horse an kerns was near enyeuch tae cry a baurley til the fecht,

whit tyme the Yrish keeng hissel speired whoe was maister o the ship, tho thare was little need tae speir gif luks were oniething tae gang bi.	The Laxd 470
Olaf puit his name furrit lyke a stramp upon the deck, an speired whoe was the guidlie-lukin knicht spak wi him fae the Yrish straund?	
Thon bodie gied for aunswer, "I am caad Myrkjartan." Olaf speired, "Are you keeng o the Yrish, then?"	
Myrkjartan said he was, then speired for clash was claikit roondaboot as aagaets tuitchin ither straunds; and Olaf gied him aa the news, or juist as muckle as was waarth the tellin til a keenglie bodie.	480
Myrkjartan then speired furderlyke anent the whoere they puit til sae fae, whoese men they were fae whitna airt, an furdermair, as speirie as the folk ower yonner intil Fyfe norlins alang the Frith o Forth	490
in Caledonia ower the faem, he priggit caunnilie as quaetlie anent young Olaf's kindred tae as weel as his brochtupness, thinkin the younglin's neb was pepperie as lyke tae sneefle stinkin bye, an wi't wuid gie the aunswer nane	
nor whit the keeng hissel wuid speir.	
Said Olaf til the keeng, "We cam fae Norowaa acorss the faem, and aa thir bodies that ye see wi tairges up fornent thur kists are fae the bodieguaird o Harald, Keeng, the son o Gunnhild, dacent queen.	500
And as for whoe ma kindred are, it's I can say I'm sweir-the-nane tae let ye ken a thing anent them that's no the yae thing but a twoe: the furst o thae things twoe-fauldlyke	
is that ma faither bydes at hame	510

as norlins as awo up yonner in Yceland o the suimmer-dim an lang, lang daurk o winter nichts; his name is Hoskuld, and he is highheidyin thare abuin the lave, and as kenspeckle Norowaa as lyke enyeuch as will be myndit gif no in sang then ben a saga."	
"The saecont o thae things I tell ye that maks me as twoe-fauldit as anither me athin masel, is that I'm efter thinkin you hae seen the faur ower mair yersel o aa ma mither's kindred here nor I hae seen until the-day, for she is caad Melkorka, and as she hersel wuid say til me, indaed-in-trothe she is yer dochter."	520
"As you'll can ken, gif thocht can birl the samin bluid ben you an me, that is the raesoun cawed me ower the lang leagues o the watter wys tae set me here abuin the sit that maks this pown fornent yer straund: the whit the aunswer you may gie will let me luk athin the luft or gar me glower at the grund."	530
At this, Myrkjartan was as quaet as haud-the-wheesht is think anent it, an gaed intil a coonsel boorie, the wysser bodies in convene as speirin at him was the truith the naething but a storie ot or was the storie truith itsel.	540
<ul> <li>The keeng gied aunswer, naething sweir, but furrit in thon wy that says a something mair aboot the man nor ocht the Saga says itsel:</li> <li>"As cleirlie seen as scaddit-nane anent the Olaf is the fac that he is heech-born, daed-in-trothe, <i>Awo oot on his ain</i>, as folk say.</li> <li>Kinsman or no, braw-lukin cullan he is, no monie neeborin;</li> </ul>	550

	The	Lax
forbye, he speaks as guid a Gaelic		
as oniebodie in atween		
Lough Swilly and Lough Foyle up thonner		
bi Inishowen, or as sooth		
as Skibbereen or faur Kinsale,		
ay, aestwys at the Mourne mountains	560	
or waastwys til Lough Erne yonner."		
The coonsel ower, the keeng stuid up		
an said til Olaf, "Here's ma speil:		
furst, let us byde oor wheesht in paece		
that taks a haun but no a sworde,		
that taks a dram but aix-the-nane,		
that taks a shaef o breid, spear-nane,		
that flichts a sang, flane-nane avaa;		
but saecont, we maun tak a thocht		
anent oor kinship, better thocht	570	
athooten sworde, aix, spear or flane."		
Altho twoe-fauldit as Let's think ont,		
thon wasnae lyke a yae-haun waalcome,		
sae doon the gangwys fae the ship		
and Olaf and his Norsemen aa		
set fuit upon the Yrish straund		
And as they stuid upon the straund,		
as buirdlie chiels as brawlie buskit,		
the Yrish thocht the bonnie sicht		
a meikle mervel ben the een	580	
wuid gart a Merlin sing a sang		
or seannachie puit ben a saga,		
sae fechterlyke thae Norsemen lukit.		
As kynlie as leal-lykin is		
a haund athin a haund in paece,		
or as the een can spae ben een		
leal-lykin kynlie, freenlielyke,		
Olaf steppt furrit, takkin aff		
his helmet that was gowd-inwrocht		
an boued afore his gutcher keeng	590	
whoe waalcomed him as fondelie as		
leal-lykin kynlie ben the een		
as ben a freen's een lykin kynlie.		
The aulder gettin, mair we ken		
that we hae aa tyme in the wurld		
tae dae the whit we waant tae dae,		
an that was whit was ben the speak		

	The Laxa
Myrkjartan haed wi Olaf then,	
even as Olaf ben his speak	
wi thon Myrkjartan was the lyke	600
o aa the bodies young can ken	
the whit they have not type the dae	
wuid fou the tyme afore the deid	
aa thonner ben the-tither wurld.	
ad thomsel ben the titler wurld.	
Olaf was giein sooch for suhch	
anent the whit he haed tae speil	
in makkin siccar thon Myrkjartan	
wuid ken no juist the whit was whaat,	
but whitforno believe the speil,	
<b>1</b>	610
syne, for a stopper ben his speak,	010
he telt the keeng he haed a ring	
the keeng haed gien til his ain bairn,	
Melkorka, in her tithin-tyme	
tae slaver on an weet her gooms;	
it was upon his finger, merk	
as gowden as the eenin sun.	
Melkorka, Olaf said, haed gien him	
the ring whuin he was gaun fae Yceland,	
"Sae you, ma lorde, wuid ken the merk	
here gowden in the mornin sun."	620
C C	
The keeng was fair taen-on wi this,	
an lukit at the ring, ruid-gowd	
athin the sheenin licht o sun	
as his ain face ruid-gowd anaa	
wi wunnerment was mervel seen.	
An sae Myrkjartan said, "This ring	
is merk enyeuch is richt enyeuch,	
but for that maitter ot, it is	
nae mair yae mervel in itsel	
nor your ainsel yer face the neebor	630
o monie things were in Melkorka's	
that oniebodie kennin baith	
wuid see for witness yin til tither:	
for as ye are a brawlik cullan,	
whoe sees ye noo that kent yer mither	
whuin she was taen a preesoner	
as juist a bittock lassockie	
wuid ken the baith a ye thegither;	
aabodie here that kent her then	
kent fyne she'd growe a richt wee stoater."	640
Kent type she u growe a nent wee stoater.	0+0
"Because o that things" said the keeng	

"Because o thae things," said the keeng,

		T/
"it pleases me tae caa ye kin,		
the witnesses o whit I say		
the bodies roondaboot us here		
that cannae weel say ocht but $Ay$		
whoe else micht say nocht else but Naw."		
This mair the keeng then: "On ye come		
wi aa yer men an veesit me		
at hame at hame athin ma coort,		
but bear in myn ginn you are wi me,	650	
I'll finnd the man ye are the mair	050	
the mair ma devoirs finnd ye oot,		
yer devoirs neeborin ma ain."		
The keeng gart naigs be gien the crew,		
for lang the gaet they'd hae tae gang,		
an gart his ain men guaird the ship		
and aa the plenishin an graith		
sae skaith wuid come til naething thare.		
The rockie road til Dublin was		
the gaet the keeng and Olaf gaed,	660	
wi aa the Norsemen at thur tails		
alang wi thon keeng's companie:		
byordnarlyke the news afore them,		
that Olaf was the brawlik graunson		
o Keeng Myrkjartan fae his dochter		
Melkorka yince was preesoner		
whuin she was fifteen winters auld		
as no yit sixteen suimmers young.		
Nane was mair stracken wi the stoond		
o sic a dunt fae siccan tydins	670	
nor yan auld nourice o Melkorka,		
her foster-mither, noo sair hippit,		
bed-ridden as she was an seik		
as intil eild is sair on baens:		
but here is yae thing isnae three		
but twoe, she needit kent the-nane		
tae haud her gaun as she gaed oot		
tae meet young Olaf an the keeng.		
Myrkjartan said til Olaf, "Here		
is thon auld bodie was the nourice	680	
an foster-mither til Melkorka,		
and I can tell ye for a fac		
that's nithin lyke a ferlie, she		
will gar ye fuhll her fou o clash,		

	11
pangfou wi facts as weel as ferlies,	
anent the daurlin o her hert	
that was Melkorka as a bairn."	
Young Olaf taen her in his airms,	
an cooried her as caunnilie	
as kyndlie on his knee the-tyme	690
he telt her that her foster-dochter	0,70
was daein gy weel for hersel	
whoere she haed saettlt doon in Yceland,	
laund o the lang, lang suimmer-dim,	
laund o the lang, lang winter daurk.	
faulu o the failg, failg whitef daurk.	
Whuin Olaf puit the knyfe an belt	
Melkorka'd gein him for tae gie	
til this auld nourice as twoe merks	
as whit she yince haed gien Melkorka,	700
that dacent bodie noo in eild	700
saw thaem for whit they were, and haed	
a wee bit greet for blythehied as	
she said, "My, it is gyan easie	
tae ken Melkorka's son, young Olaf,	
nae dult avaa, an naither wunner,	
seein the stock he cam fae maks	
as braw a tree as eer can growe."	
As auld enyeuch as intil eild	
she coodnae be the meikle mair,	
yit as that winter thon auld nourice	710
was gy weel-at-hersel at that,	/10
as heal in bodie as in spreit.	
us neur m'oodie us m'sprott.	
At this timm, ilka waastren kintrie	
was at the weires wi viking reivers,	
Myrkjartan thranglik at the wark	
that cawed them back fae Yrish straunds	
the onie tyme they socht tae herrie.	
Olaf was intilt tae, his men	
a crew athin the keeng's ain ship,	
an whoe cam up againss them thocht	720
gif thare was baetin tae be duin,	120
baith he and aa his crew were men	
tae baet gin oniebodie was.	
And you'll ken whye, gin you'll can ken	
this was whit Olaf telt his crew:	
"For onie sake gif no ver ain	

"For onie sake gif no yer ain,

1 1 1 1	The Edition
mak siccar noo or else in tyrne	
ye'll mak nae soond can tell the storie	
hoo square ye stuid fornent the fae,	
as boostie aa as steerin bairns,	730
an no as roond as boued in dooble,	
yer heids athin yer oxters cooried	
lik waens alow thur mithers' shawls."	
In battle, as ye'll be jalousin,	
Olaf was no berserkerlyke	
as losse-the-heid or chowe-a-tairge,	
but kep the heid in furrit gaun,	
nae need tae screw-the-heid, no him.	
Aften wi Olaf and his crew,	
the keeng taen coonsel and avysement,	740
for Olaf was as wyss in weire	
as gomeril-the-nane in paece,	
ingyne lik his no aften fund	
in paece, as seenlins in a weire.	
The hin-end o the winter on them,	
the keeng caad coonsel yont an furder,	
as caad in Yceland thonner, Althing,	
an monie, monie bodies cam til't.	
The keeng stuid up an spak at lenth	
that was as braid as gart the folk	750
aroond him haud the braith a bit,	
an this the wecht an burthen ot.	
Said he, "I'm thinkin you'll be kennin	
hoo in the faa last year thare cam	
amang us lyke a licht tae see wi,	
a man whoe is ma dochter's son,	
his faither highheidyin in Yceland.	
He's Olaf here, ma graunson, ken,	
the sic a man as siccan men	
are no fund here tae neebor him	760
in rinnin furrit chairgein ben	
a boorie o the fechter carles,	
or staunin square tae haud a chairge	
a fechter carles in battle-graith."	
"An furdermair," gaed on Myrkjartan,	
"that says the maist wi aathing int,	
ma kinrik I wuid lyke tae gie him	
whuin I am deid an gane the yonner,	
for none a ma air sons can stound	

far nane a ma ain sons can staund

as keenglik as young Olaf here."	770	The Laxdale Saga
"It's I maun thank ye awfie kynlie," said Olaf til his Yrish dy, makkin his thanks wi skeelie wurds that babbed an boued upon the tongue as tho a makar made the speil, sayin he wasnae sic a fuil as chaunce-it wi Myrkjartan's sons yince they haed seen thur faither gang ayont the licht inbye the daurk or ben the licht ayont the daurk as makars say in deevilment whuin makkin speils for fuils tae say.	780	
Ongaun at lenth that was as braid as gart the folk aroon pech-oot far aesement o the bellowses, Olaf gaed on tae say it was faur better, as some say, tae gain <i>swift honour than (a) lasting shame</i> , or, as some ither bodies say, <i>brief honour than a lasting shame</i> , but yae wy or the-tither ot, he said he'd gang til Norowaa whuin ships micht sail wi skaith-the-nane, forbye, as aabodie wuid ken, his mither wuid be sair puit-oot gin he wuid neever mair retour.	790	
He kent the folk that gied him kin thru thon Melkorka was his minnie wuid taigle wi him, he wi thaem, aither in ructioun or in rumptioun, because o bluid Melkorka'd gien him. "Dae whit ye think best," said the keeng, "lik takkin it til avizandum," an that said was the coonsel-stopper.	800	
Whuin Olaf's ship was made shipshape as bend the watter roond its bowes, an trig an ticht as rin afore the wuin lik onie muckle groo athorte the parks whuin coorsein mawkins, the keeng gaed wi him til the straund an gied the young man for a gift a spear was chased in guid ruid gowd,	810	

a brawlik sworde wi gowd inwrocht, as weel as for his treisure-kist as muckle siller as oot-brustin.	The
Here Olaf priggit wi Myrkjartan that he micht tak on board the nourice was foster-mither til Melkorka, but he was telt thare was nae need, an naething mair was duin aboot it. Sae Olaf gaed an board hissel, baith he an Keeng Myrkjartan pairtin as kinsfolk dae, wi hauns thegither can feel the waarmth a neebor bluid.	820
Olaf turned richt an roondaboot upon the Yrish shore, did he, wi "Fare-ye-weel, Graundy," said he, "Fareweel for eevermair and aye," an then sailed oot upon the sae, the dauphins lowpin oot the watter on aither syde fornent the bowes, ongaun lik fare-ye-weel foreever until they were athorte the faem in Norowaa whoere whit was telt was telt lik sagas roon the ingle made Olaf namelie eevermair.	830
Thur ship ashore lik some sae-baest wuid pech nae mair upon the swaw, Olaf and aa his crew thegither taen horse and aff they gaed tae finnd	840

taen horse and aff they gaed tae finnd Keeng Harald an Queen Gunnhild thonner.

### Chaipter XXII

# Olaf-the-Peacock comes Hame til Yceland, AD 957 Yonner til Harald's coort gaed Olaf, vince Peacock caad but namelie noo as onie eagle ben the luft, Olaf that was the son o Hoskuld belangit Yceland, an Melkorka yae tyme bondswumman haed been herried fae whoere she haed belangit, Yreland, her faither thare the Keeng Myrkjartan. Keeng Harald gied young Olaf waalcome was no yae-haundit waffin air, 10 but Better hame as guid ve gaed, an Queen Gunnhild, wi een as saut as gret wi meikle blytheheid, gied him a waalcome wi twoe airms aroon the hause, Fair hame as braw ye gaed. Wi wurds as fair as tho were sung bi skalds growne skeelie at the wark, or bards among the melodies, or makars hamelie wi the ferlies, the ryals priggit at young Olaf 20 and Orn for tae byde a whyle at coort wi thaem, an sae it was, the keeng an queen faur mair taen-on wi Olaf nor the onie bodie haed eever come fae freemit places. For merk o whit he thocht o thaem. Olaf gied Gunnhild an Keeng Harald braw gifts the lyke were rarelie seen that he haed gotten waast in Yreland, syne, Yuil then comein on, the keeng 30 for merk o whit he thocht o him, gied Olaf yae braw staund o claes as crammasie as cloore the een athorte the braidth o muckle chaumers. As quaet as onie sooch is kept as caum as cannae fankle thocht, Olaf styed ben the coort aa winter, syen, ginn the voar was wearein on lik cannae wait for suimmertyme, Olaf and Harald were colloguin, 40

and Olaf said that he'd lyke fyne tae gang til Yceland in the suimmer, that is, gin Harald wasnae sweir at that tae let him gang oot waast again, "For as ye ken," said Olaf, "I hae kinsfolk thare I grein tae see, highheidyins lyke masel, ye ken."	
The keeng, as eever dacentlyke a man as wore highheidyin croun, said, "I haed liefer hae ye byde alang wi us here at the coort an puit yersel in saervice wi us in whittanlikken place wuid please ye."	50
"Ma lorde," said Olaf, "I maun thank ye awfie kynlie for the chaunce ye gie me, juist as tho I were a laud o pairts pangfou at that, but I hae sic a greinin ben me tae gang til Yceland, I'm for weeshin ye daenae waant tae haud me here."	60
The keeng, as dacentlyke a man as eever scroggit croun on heid, said, "I'm for makkin nocht o this a faut atween baith you an me, because it's muckle mair nor ocht til you, and aesie for tae see yer hert is set oot lyke the neb a gull puits on a fish at sae; and I can tell ye for a fac that haesnae onie ferlie in it, that you need fash yersel the-nane in makkin ruidie for tae sail, sin I'm for takkin tent o that."	70
An gif that was the en for noo o that collogue atween thae twoe, it was the stert o whit was duin bi Harald as the voar wore on lik kennin suimmer was upon it, for Harald biggit sic a ship as blisst the watter wi its bowes, sae that the swaw gaed whitterin alang ilk strake ot lyke a cheetie alang the flaer tae nab a moose:	80

a maerchantman it was, an muckle

	2
as whittert thru the swaw as swythe as onie dauphin ben the faem.	
The ship was riggit fore and aft ayont aa need, nae need for mair, and Harald haed her ladent fou wi wuid enyeuch wuid mak for biggins lik need nae mair, ayont aa need, an caain Olaf til him, said, "This ship is yours, because I'm thinkin I wuidnae lyke tae see ye gang athorte the faem fae Norowaa as juist yae bodie ben a berth an no the maister o the ship."	90
In wurds as fair as tho were wrocht athin the wark o skeelie skalds, or ben the melodies o bards or ferlies o the hamelie makars, Olaf said, "I'm for thankin you as awfie kynlie yince again for this ship as for aathing else," and efter sayin that, made ruidie as whisslt for a wuin as dacent as Harald as they said fareweel lik waalcome ower-the-back again.	100
The dauphins, kynlie on the bowes, pyntit the ship ben eenin sun as they gaed waasterin hame til Yceland, that suimmer sailin seein Olaf in Bord Aerie ben Hrutafrith.	110
<ul> <li>The news anent the bonnie ship</li> <li>ben Hrutafrith was lyke heard-tell <ul> <li>a storie Ay, ye tell me that!</li> </ul> </li> <li>An whoe the skipper o it, lyke <ul> <li>I'm tellin ye, young Olaf's hame!</li> </ul> </li> <li>Hoskuld, lik aa the lave, heard tell <ul> <li>his by-blaw son was hame again,</li> <li>an fair taen-on was he wi pleesure <ul> <li>he haednae kent sin he haed bairnt</li> <li>the bonnie young Melkorka lass</li> <li>wi Olaf noo a muckle cullan.</li> </ul> </li> </ul></li></ul>	120
And aff gaed Hoskuld on his naig an rade til Hrutafrith up north	

alang wi twoe-three ither chiels tae waalcome Olaf hame again, a waalcome blythe as daudin hauns can luft the stoor fae neebor's claes.	The Lax 130
Ay, hame again the by-blaw son yince Peacock caad bi his ain faither, Hoskuld, but noo the better kent, namelie enyeuch tae wecht a saga.	
Hoskuld gied Olaf waalcome invyte tae come an byde wi him as suin as aa was furrit wi the wark; and Olaf said he wuid, wi "Ay, I'll juist be daein that. An faither, it's I maun thank ye awfie kynlie."	140
At lenth, the wark aa wrocht, lik cleir the decks an mak a happie ship as trig ootwith as snode an clean alow the yairds, young Olaf saw her laid-up, and haed his plenishin and aa his ither graith taen sooth (some say bi horse) an we jalouse, tho telt bi nane, bi cairts anaa.	
Aa duin as smert as pech wi pleesure for sic a jobe o wark weel duin, Olaf, as some folk say, rade sooth wi twal men hame til Hoskuldsteid, (tho ithers say wi juist eleeven) and Hoskuld gied his son a waarmer for waalcome, as did ilka brither and ither kinsfolk; aa agree nae waalcome was as kynlie as atween Bard and young Olaf thare.	150
For traikin ower the sae lik thon, and airtin Yreland on his wy, Olaf becam as namelie as the folk he cam fae, neever myn brochtupness here at hame anaa, sae aabodie that didnae ken were telt <i>Weel, you ken noo</i> Melkorka was thon Myrkjartan's dochter, Olaf hauf-ryal as hauf-highheidyinlik sin he was Hoskuld's son as weel.	160

	The Laxadle
Nae storie was a cairriet storie lik this yin ower the ilka airt anent no juist the whit he was,	170
but whit the namelie yins haed gien him	
no juist for whit he was til thaem,	
but whit he was hissel, forbye	
the whit it was that he haed duin.	
Here some folk say whit ithers daenae,	
that Olaf brocht hame meikle siller	
an spent the winter wi his faither.	
-	
Aa this ongaun, Melkorka cam	
tae see her son, and airms braid	180
as airtit finger-tips the north	
an sooth or aest an waast as face	
Melkorka as she cam, young Olaf	
gied her thon waalcome that's mair lyke	
a blytheheid beildit ben the een	
an no on wurds upon the tongue.	
Mynd you, that reads thir lynes alood	
lik gulderin a crood abuin,	
or soochs them ower as quaetlie as	
the wy ma keelivyne can scart them	190
upon the page fornent me here,	
the auntrin bodie lyke yersel,	
or come tae think ont, me masel,	
micht wunner whye thon cullan Olaf	
saw fit the-nane tae tak-the-hook	
an gang an see Melkorka furst:	
but naebodie haes telt us whye.	
Melkorka speired at this an that	
anent the ongauns o her son	
in Yreland yonner ower the faem,	200
hoo gaed it wi her faither dear,	
his faimlie and her ain at hame	
aa thonner ower the faem in Yreland,	
alang wi aa her kissin-cuizzins	
she haednae seen for aa thae years:	
and Olaf gied her verse an chaipter.	
An then Melkorka speired anent	
the nourice was her foster-mither,	
an was she leevin yit and heal	
as still weel-at-hersel at that?	210

Olaf said, "Ay, indaed she is as she hersel wuid say, lik you, indaed-in-trothe she's daein bravelie."		The L
"Then whye," Melkorka said, as speirie as onie Fyfer ben thon kinrik, "did you no fetch her wi ye, giein baith her an ma ainsel the pleesure o haein a crack thegither here?"		
Said Olaf, "As ye ken yersel, you Yrish are as clannish as aye keepin your ain kin in ken lik kennin kin are nane the-tither, sae as ye'll be jalousin, mither, the Yrish wuidnae let me tak yer nourice here awo as faur as faur ower faur at that tae ken the kynd o folk kenspeckle here."	220	
"I ken, I ken," Melkorka said, as sherp as tho she didnae waant tae ken, but Olaf kent she was fair puit-oot wi't ayont the powe as faur in thocht as back in Yreland.	230	
An by-the-bye, for whit it's waarth, Melkorka an Thorbjorn-the-Dwaiblie haed juist the yae son, Lambi caad. and he becam his faither's merk, heech fae the feet til heid, an strang athorte the kist, a muckle man in tid an spreit juist lyke his faither.		
Olaf a month or sae in Yceland an winter sowthert wi the cauld, the voar o that new year cam on lik sing a sang o suimmertyme or tak a rin athorte the braes, sae Hoskuld and young Olaf haed a crack thegither, coonsel takkin.	240	
"It's tyme ye taen a wyfe," said Hoskuld, an tyme anaa the hoose at Goddisteid, yer foster-faither's, was taen ower bi your ainsel, for thareaboots thare's muckle siller tae be made, and in especial gin it's duin	250	

the wy that I'd be takkin tent tae see that aa gaed weel for you."	
Olaf gied aunswer til the speil: "I haenae thocht anent the maitter altho I'm thinkin noo ye hae yersel duin aa ma thinkin for me anent the maitter; an forbye, as faur as mairriage is concaernt, I daenae ken whoere onie wumman is bydein as near enyeuch as haundie, or guid luck for me faur awo is bydein for ma speirin at her."	260
"And yince again, I'm thinkin, ken, that you hae duin yer thinkin thru anent the wumman I micht wad, but let me tell ye this, afore the thinkin sees the daein duin, I'm lukin heech as luft the een tae see the wumman I sall wad, no laich as luk aroon the feet for yin athin the kailyaird howkin."	270
Said Hoskuld, "Son, I guess ye're richt tae think that I hae thocht it thru lik luk the yince, an keek the twyce tae see the whit ye're lukin at is whit ye thocht the luk was lyke, ay, whitlyke as ye thocht the luk."	
"The son o Skallagrim (hissel as guid a skald as eever skolled a dram til daith or skailed a sang tae gar it leeve foreevermair) is thon guid bodie Egil caad that bydes at Borg in Borgarfrith, is faither o a dochter, Thorgerd, whoe is the wumman ben ma myn	280
wuid be the verie wyfe for you lik siller ben the pootsh for keeps, and I'll be at the nifferin tae mak her yours foreevermair lik gowd athin a waddin-ring: thare's nane her maik in Borgarfrith nor oniegaet ayont, I'm thinkin. An furdermair, yer mairriage yonner wuid gie ye freens in Myrar mair."	290

Said Olaf, "I'm for puittin traist in aa yer foresicht, faither, kennin the wark that you hae wrocht anent it, for sic a mairriage wuid be lyke an ettlement the furth o greinin, tho mynd ye, gin aa cam til nocht, lik greinin furth o ettlement, it wuid be mair sad, sad the day as dowie nicht that we suid ken the lyke o that as ill as ocht."	300
Hoskuld til Olaf then, "I'm gaun for't lik sie's a haund ot seizes it."	
And Olaf til his faither then, "Dae it is dae the mair nor that as daenae dae is less nor that, sae dae the whit ye will or winnae."	310
Tyme wearein on lik tell the days the coont the wearein on o tyme lik Althing's wearein on for wurds tae tell the folk the whit they kent, and Hoskuld traikt til't, wi his tail a meikle companie o men wi Olaf in the boorie wi him: thur bothies sat amang the lave.	320
Bodies fae aa the airts were thare, the Althing place tae gang for news, as place tae be tae mak the news, and in amang them aa was Egil, thon yin the son o Skallagrim.	
And aabodie that saw young Olaf said, "My, and he is braw at that, and is he no a fair highheidyin wi sic a graith o waepons on him, an sic a staund o bonnie claes!"	330
Olaf was gled tae be whoere kent for whit he was an whit he wasnae, an no for whit he micht hae been gin yonner mibbes made a keeng.	

## Chaipter XXIII

# *The Mairriage o Olaf Peacock an Thorgerd, the Dochter o Egil, AD 959*

Noo, yince upon a day the lyke o monie mair were wheeshts o tyme wuid gar a man an wumman think tae be the yin were twoe afore, Hoskuld and Olaf left thur bothie tae gang an finnd the Egil bodie.

On meetin up wi Egil, yon yin said, "Hoo's it gaun wi you, ma fuhllas?" as kynlie's aa gaun fyne wi him, for he was weel acquaant wi Hoskuld as Hoskuld was wi him, that is, bi wurd o mooth gif no tongue-taiglt.

Hoskuld was blate the-nane, no him, tae speir at Egil noo, "Wuid Thorgerd, yer bonnie dochter, lyke tae wad wi Olaf, brawlie ma ain son?"

As Egil thocht it no sae badlik tae hae the Hoskuld folk in towe, he said the speak gaun roondaboot anent baith Hoskuld and his son puit thaem abuin the lave; an then gaed on tae mak a speil as fou o creesh as eever fried a haddie, sayin: "I ken anaa that you, Hoskuld, are as highheidyinlyke as onie man o muckle waarth; and as for Olaf, he is noo a namelie chiel anaa for haein gane yonner on the sic a traik that gars us say it's naither wunner that sic a bodie's lukin heech

as see the luft abuin his een an no the grund alow his feet, tae finnd a wyfe he sees his lyke; he's no athooten dacent faimlie, an for the furder maitter o it, he's gy guid-lukin, is he no! We ken aa that, but here's a fac

some folk wuid aiblins think a ferlie, I'll hae tae tak this up wi Thorgerd, 10

20

30

for no masel nor onie ither is gaun tae mak a darg o wark tae get oor Thorgerd set tae mairrie gif no her ain will tae be wad."	In
And Hoskuld mowtit little as nae mair wuid be enyeuch at that tae weesh that Egil talk it ower wi Thorgerd for tae let her ken: and Egil said he'd dae juist that, syne socht his dochter oot an telt her as muckle as enyeuch at that o aathing Hoskuld haed been sayin.	50
An furder, that is muckle mair as need be said tae tell it haill, said Egil, "Olaf, whoe is Hoskuld's son, is hereaboots lik aa folk else, but lyke nae ither bodie here, he is kenspecklelyke as namelie."	
"His faither, speakin for his son, haes speired at me gin you'd agree tae let young Olaf tak yer haund an puit a gowd ring on yer finger; but as I telt the Hoskuld fuhlla, yer haund is no mynes for tae gie, nor Olaf's for tae tak avaa but aa yer ain for you tae haud, or waff athin the air <i>Naw, naw</i> : it's noo I waant tae ken yer thocht ont, wi <i>Naw, he neednae boather me</i> ,	60
or <i>Ay, nae boather, da, I'll dae it.</i> " "An furdermair, that is as meikle as tell it haill sae aa is said, think on it weel as no that bad afore ye gie an aunswer til it, for I can tell ye I'm for thinkin the sic a mairriage wuid be heech abuin the lave as speir the luft, no pree the grund alow yer shoon."	70
Thorgerd gied aunswer til him lyke he mibbe thocht the better said is tell-me-nane says nocht foreever, bi speilin at him: "I hae heard folk say ye loe me best o aa	80

yer bairns aroon the ingle-en, but noo it seems yer tongue is fause an lood as tho ye lee, ye lee as in some ballat makars sing, bi sayin you waant me tae wad the son o sic a wummanbodie as yin in bond lik yon Melkorka, nae maitter gin her son is braw as staund o claes flagairielyke."	90
And Egil said: "Ma hen, in this ye daenae ken as meikle as ye ken in ither dibs an dabs. But ken maun you the clash aroond anent the fact he is the son o yon Melkorka whoe's the dochter o yin Myrkjartan, keeng o Yreland? I tell ye noo says ocht foreever, he's ryal on his mither's syde an that is heecher faur the mair nor on his faither's syde, sae that itsel wuid be as guid for us as no that bad noo, wuid it no?	100
But Thorgerd wuidnae hae it sae, nor onie ither wy, it seemed, sae ilk til ither mowtit-nane lik tell me noo or tell me neever.	
The neist day, lyke a wheesht o tyme micht gar a man an wummanbodie were twoe afore think they'd be yin, Egil gaed roon til Hoskuld's bothie an gat a waalcome guid enyeuch as daud richt hauns thegither lyke <i>See, nane-the-waepon ben the grup</i> wi baith thae bodies in collogue.	110
Hoskuld speired hoo the maitter gaed, or wuid be gangin suin enyeuch, but Egil was gy sair puit-oot tae tell him naething furrit thare but whit Thorgerd haed said aboot it.	120
Hoskuld was sairlie puit-oot tae tae hear whit Egil telt him then inbye the sooch o sic a tellin, an said, "It luks lik that is that,	

		The I
an no lik <i>this</i> or even <i>thon</i> ,		
but gin it maitters ocht avaa		
lik tell it noo or tell-it-nane,		
I'm thinkin you hae duin yer devoirs."	130	
Olaf was no the thareaboots		
sae heard-the-nane the speak anent it,		
but efter Egil gaed awo,		
ticht-lippit as cuid mowt nae mair,		
the young yin speired, "And hoo's it gaun, then?		
As swythe as hurl doon the hill		
wi naething for tae stope the gaun?"		
But Hoskuld telt him hoo it gaed		
lik skraichle til a stope hauf-doon,		
for Thorgerd ben the birlin wheel	140	
haed wheecht the snibble o her speak		
oot-thru the spokes athin the roond.		
At that, "Juist as I thocht!" said Olaf,		
"Did I no tell ye, faither, I		
wuid be gy angersomelie inwrocht		
wi sic a shamin as I'm gien!		
Ye taen it on yersel tae dae this,		
an no masel, naw, no masel		
haed eever thocht tae speir lik thon,		
but I'm for tellin you I'm gaun	150	
tae dae the whit is tae be duin		
gif bein duin is dae it richt."		
"Any on the new cover weed we keep		
"Ay, as the saw says, weel ye ken		
that Groobairds cannae ootrin groos,		
or nearer hame as bunnetit,		
Groobairds can rin-the-nane lik groos		
nor chowe-the-fat wi lyart wolfs!		
Noo, I'm for aff til Egil's bothie."		
Hoskuld said, "Dae it your ain wy,"		
but neever lettin bug he thocht	160	
whit Olaf wuidnae lyke tae ken	100	
for kennin this wuid mak nae differ:		
whuin no-be-telt is saecont natur		
lik <i>Dae it ma wy or be damnt</i> , it's damnt the siccan bodie is,		
as het as brander his ainsel		
lik saecont natur damnt as dae it.		
in sacoin natur tanını as tac it.		
An syne he thocht an better thocht		

An syne he thocht an better thocht

	The Laxa
lik some smaa comfort ben the mynd, "I ken that I am gettin auld, as groolik on the powe abuin	170
as aathing chynges intil eild,	
but yae thing laerit folk whyles caa	
perceptioun that is no juist seein	
is ben ma myn the-noo tae ken	
no juist whit's in ahint us gane, but whit's fornent us yonnermaist	
as faur awo as seen-the-nane	
bi oniebodie but oorsels	
in eild tae gar us be mair wyss,	180
even as young yins syne will be	
whuin they can see the whit we see	
whuin they growe auld an groo lik us	
as kennin whit we winnae see	
is whit has neer been seen afore	
nor eever will be waarth a keek."	
Aa this timm, Olaf was hauf-gyte	
wi anger, steamin, no wi drams,	
but wi the whit he thocht anent	100
the ploy haed made him sic a fuil, an sae he soocht intil hissel:	190
"The whit we hae tae dae we dae	
wi whit we hae tae dae it wi.	
Ay, sae we dae, but gin we cannae,	
we leave alane for thaem that can dae.	
Shair naebodie haes onie mair	
for onie ploy nor whit is fund	
as muckle as can be nae less,	
or less as whit's no muckleness."	
The up he gat an cled hissel	200
athin thon cramassie o claes	
Keeng Harald gied him for tae weare	
lik onie burd o paradise,	
wi gowden helmet on his heid	
made gowden buch sheen roond his powe,	
and in his haun the brawlik sworde	
inwrocht wi gowd in blade and hilt was gien him leavin Yrish straund	
bi Keeng Myrkjartan, his ain graundy.	
Och ay, whit some folk were is no	210
the lyke o whit they are the-noo.	
As buskit noo as weel-puit-on	

		ine i
gif no lik onie peacock burd,		
Olaf gaed wi his faither, Hoskuld,		
ower yonner intil Egil's bothie,		
Hoskuld furst furrit as the aulder		
but Olaf closse upon his heels		
lik See me! I'm here wi him tae!		
Egil puit on a freenlie face		
bi takkin aff his fashious froon,	220	
an waalcomed thaem as dacent neebors,		
wi Hoskuld dowpit on the saet		
asyde him, tho the Olaf chiel		
stuid up lik <i>I'm no gaun tae bou</i> ,		
an lukit speirie roondaboot him.		
an fuxit spente roondaboot min.		
Ach naw, whit some folk are is no		
the lyke o whit they were afore.		
Upon a bink athin the bothie,		
he saw a wummanbodie sittin,		
an she was ben her fairheid bonnie	230	
thon wy a man cuid see her yince		
as he wuid see her neevermair,		
nae maitter gif she werenae laich		
as aa the commonalitie,		
but heech abuin her kinsfolk tae		
nae maitter gif the claes that cled her		
were buskin her lik chycest chaisen.		
Noo Olaf maun hae taen a thocht		
that maun hae taen a thocht o him,		
that lukin at her he was seein	240	
nane ither nor the lass whoese name	240	
maun be Thorgerd was Egil's dochter.		
maun de Thorgera was Egn s'ademer.		
No hauf as skinklin ben the gloam		
the sailclaith beildit for a bothie,		
as in the sunlicht glinkin bonnie,		
Olaf gaed furrit til the bink		
an plappit dowp upon the saet		
as Thorgerd greetit him an speired, "An whoe are you why in you're at home?"		
"An whoe are you whuin you're at hame?"	250	
altho she kent fyne whoe he was	250	
whoere nane was lyke tae neebor him.		
Then Olef telt her whee he was		
Then Olaf telt her whoe he was,		
altho she didnae need the tellin,		

an whoe his faither was anaa

altho til her no here nor thonner, an said til her, "Ay, I'm for thinkin ye think yersel that I'm no blate, but gyan furrit sittin here an claikin wi ye, yin whoese mither was yince in bond, no lyke yersel aye free as wuin abuin the heather."	The Laxdo 260
Said she, "It's I am efter thinkin that you yersel are lyke tae think thare's muckle mair in daein doakies wi ither men nor sittin claikin wi juist anither wummanbodie lik me athin an Althing bothie."	
Then, aa the smaa talk janglin ower lik smaa chynge jinglin ower in pootshes, they made a waalth o speak thegither lik siller seellables o soond amang wurds gowden coinage; an sae they spak the lee-lang day lik sooch the oors awo in quaet sae nane micht hear the whit was said in dern athin the bothie gloam.	270
Efter thae twoe were yin in mynd as laith tae pairt lik twain again, they caad thur faithers baith thegither tae talk yince mair anent the ploy wuid gie young Olaf Thorgerd's haun tae puit a ring upon her finger as tho she were in greeance noo wi her ainsel as weel's her faither.	280
Aathing noo naet as nynepence is juist thruppence less the shullin bit, the plans were saettlt aesilie that made betrothal o the pair as naething shorte the shullin aither, sae aa the folk aroon cuid ken that thare wuid be a waddin syne.	290
Seein they were the whoe they were as men o Saumonreeverdale, the greeance was the bryde be brocht til thaem, no tither wy aboot lik Olaf gaun til Borgarfrith: for yaisual, bi the common law,	

		Th
the brydegroom gaed tae wad his bryde in her ain hoose at hame, no his.		
As some say, scatter at the waddin wuid tak place seeven weeks afore the winter, ower at Hoskuldsteid, tho ithers say, as you micht guess, the scrammle at the waddin was whuin seeven suimmer weeks haed gane.	300	
The plans made ruidie for the ploy that's aye in ilka mairriage made, Egil and Hoskuld shote-the-craw, yin Borgarfrith awo and yin back yonner hame til Hoskuldsteid The faither and his son rade back	310	
til Hoskuldsteid as caunnilie as kept a caum sooch thinkin ont, as quaetlik as the lave o suimmer.		
The waddin ongauns then made speed at Hoskulsteid as thrangitie as aathing int is naething spared, an naething spared is mak the maist o whit thare is at haun tae tak.		
The waddin set, the weeks gaed roon lik coont them yin til ongaun seeven, the days gane bye lik coont the neist wuid be anither yin the nearer, syne guests cam roon til Hoskuldsteid; the Borgarfrith men in a boorie wi Egil and his son caad Thorstein, alang wi Thorgerd, Olaf's bryde, amang a companie was chaisen fae aa the airts her kintrisyde.	320	
Puit-oot-nane wi sic companie, Hoskuld haed monie mair at hame tae waalcome aa wi <i>Hoo's it gaun?</i> or else wi <i>Hoo're ye gettin on?</i> the-tyme they heard the aunswer gien lik <i>No that badlik!</i> or <i>Man, fyne!</i>	330	
The actin at the waddin was a tichtener lik lowsse the belt an rift a bit ahint the haund,		

and aathing efter as was said, <i>Man, we were bravelie, were we no?</i> syne aabodie was seen aff hame wi gifties brave as naething better cuid see them aff upon thur gaets.	340
Olaf gied Egil for a myndin	
the sworde Myrkjartan gied til him,	
thon waepon inwrocht bonnilie	
as ruid gowd gart it skinkle bricht,	
and Egil brichtened lyke the blade	
wi "I maun thank ye awfie kynlie	
for giein me the sic a braw."	350
Naething byordnarlyke taen place	
as aabodie gaed hame, fair baet	
wi daunce is lowsse the baens an sinnens,	
wi sang is soople-up the thrapple,	
wi drams for kittle the ingyne,	

and actin for tae lowsse the belt.

### Chaipter XXIV

### The Biggin o Herdshaw, AD 960

Olaf, an Thorgerd his young wyfe, taen hoose at Hoskuldsteid thegither, an loued ilk ither gyan dearlie; and aabodie wi een tae see

the whit was waarth the lukin at cuid see, tho she was mettlesome, she wasnae meddlesome avaa

wi whit was ither bodie's daein; but mynd ye, whit she did hersel, was duin the wy it haed tae be duin.

The bonnie lass that Thorgerd was, an brawlik laud was Olaf wi her, spent winter turn an turn aboot at Hoskuldsteid thur hoose at hame, or ower at Goddisteid wi Thord that was his foster-faither thonner.

Olaf taen ower the fermin wark at Goddisteid yince hoose at hame: an syne, the suimmer wearein on lik dae the wark for hairst an winter, Thord wasnae weel at aa an dwynit til daith that bydes in hiddlins, doore as neebors us duin doon in daurk.

Yirdit in thon Draffness that jags the Saumonreever, young Olaf biggit a cairn abuin the mools, wi waa aroond it for a beild, thon place that's kent as Howesgarth noo.

Sin efter that, tae witness merk the man haed made o his ainsel, liegemen cam booriein til Olaf until he was the maik o micht that maks highheidyins oniewhoere.

Hoskuld was chawed-the-nane bi this, because it aye haed been his weesh that folk wi maitters for avysement cuid speir at Olaf for the greeance.

The muckle place that Olaf fermed

10

20

was in the Saumonreeverdale, 40 an men o his lik name the names tae ken the whoe they were for waarth were twoe that were lik shepherd tartan, for yin was An-the-Whyte sae-caad, an tither An-the-Black, baith brithers, alang wi Beinir caad the-Strang, and ilka yin o thaem was brave as strappin wi't at that, an blacksmiths. Thorgerd and Olaf haed a dochter caad Thurid, here the furst timm telt, an some folk say a man's nae man 50 until he bairns his wyfe a dochter, as some folk say nae wyfe is wumman until she's bairnt tae hae a son: mynd, that things hat been telt afore. The grun that yince belangit Hrapp that Hrapp belangit ginn he deed, was aa laid waste, as telt afore, and Olaf thocht it lay fair dab, sae telt his faither whit he thocht tae avizandum it wi him. 60 This was the plan: that they wuid speir at Thorkell Fringe that they wuid coff the Hrappsteid fermgrund and aa the biggins micht be on the place. No muckle differ in the niffer and aa was saettlt, spit-on-haun, for Thorkell Fringe, as some folk say, thocht it was better that yae craw was ben the haun nor in shaw twoe, tho ithers say that Thorkell thocht 70 it better for tae hae yae burd athin the haun nor twoe in buss, but didnae say whit kynd o burd. The niffer was that Olaf gie three merks o siller for the grund, an that was chaep as chaet the pryce, for thae launds, braid as sydiewys as muckle as thur furdest lenth, were bonnie wi it, rowthie tae in yuissfou craiturs sic as saumon 80 sae soople soomin up the burns,

	,
an selkies in the neebor sae	
sae soople slitherin ben troches	
whit tyme the swaws sweed up an doon.	
The grun was gy weel wuidit tae,	
and up the wy fae Hoskuldsteid	
the norlins fae the Saumonreever,	
a clearance in amang the shaws	
was lown as faur awo fae fash;	
and unce o siller til a taet	90
o saut, the Olaf baestial	20
wuid beild thursels thegither thare	
in waather saft as sloongein doon	
or ruckielyke as cranruch cauld.	
On that some haildin associate a smind	
On that same beildie swaatch o grund,	
yae autumn comein on til hairst,	
Olaf made ravagement o timmer	
whuin cuttin shaws aroon the place	
eikit til driftwuid fae the straunds,	
an biggit-up a bonnie steidin	100
as braid as sydiewys as heech.	
Thon wintertyme a wheesht o pech,	
the biggins stuid as toom as soondit	
as bosse as daud the doore tae ken,	
but come voartyme for oot, lik mak	
aa ruidie for the suimmertyme,	
Olaf made ruidie for a flittin.	
<b>T</b>	
Furst, aa his baestial were gethert	
wi bèh, mèh-mèh, looe, nicher, bark,	
a boorie o his animals	110
as rowthie on the grund as made	
Olaf mair ruch athin the pootshes	
nor oniebodie roon Braidfrith.	
Olaf noo sent wurd til his faither	
tae staun fornent the Hoskuld steidin,	
an tak a swaatch at aa the graith	
an baestial that Olaf haed,	
as it gaed traikin bye the place	
sae Hoskuld micht puit blissins on it:	
and Hoskuld said, "Ay, shair I'll dae that."	120
An this was Olaf's traikin ploy:	
the maist blate o his sheep, the yowes	
(as some say, ithers say the kye)	

(as some say, ithers say the kye)

suid be cawed on the furst, an then melk-coos, then heifers, stirks and owsen; pack-horses syne, hinmaist wi graith; orra-bodies and orra-loons as whippers-in alang the traik wuid keep the baestial in lyne.

Aa gaun as straucht as nane gane lowsse,13whuin thaem maist furrit were as faur<br/>as at the steidin ben the shaws,13Olaf rade oot upon his naig<br/>fae Goddisteid, wi nane the gap<br/>alang the lenth o thon lang lyne.13

Wi aa his hoosehaud carles aroond him,
Hoskuldsteid stuid ootwith Hoskuldsteid,
an gied young Olaf waalcome as
thon bodie rade fornent his yett,
wi aa was guid for his new hame
and aa wuid be athin it wi him.
"And I can tell ye," Hoskuld said,
"yae day ye'll be abuin them aa
lik drammed for Slainte as a man
as Skolled kenspecklelyke at that
for whit ye'll dae as yince ye'd duin,
yer name as namelie as be myndit
for lang as tongue can tell the tale
as skald may sooch it, makar sing it."

Jorunn, that wasnae sib wi Olaf, but siblik in anither wy wi Hoskuld as his wyfie, stuid alangsyde Hoskuld as she mowtit, "Ay, he'll be myndit weel enyeuch as lang as siller sings his sang, bondswumman's son as that yin is."

But naebodie haes thocht tae spae the thocht she haed ahint her speak was no the Olaf chiel avaa but thon Melkorka yin his mither, and yince a jag in Jorunn's mynd as yince her skivvie, bond at that. Keeng's dochter her! Yince naething mair nor weel-faured scudgie at the best, whoese Yrish tongue wuid no be blinnt gin it were clippin cloots aa day as neever wuid need sherpenin; 130

140

150

	Ti	he La
ay, sherper yit gif clippin cloots the haill day lang as neever blinnt at clip-clip-clippin cloots aa day as neever wuid need sherpenin, thon Yrish tongue o hers no blinnt an neever wuid be blinntit, naw. Thon yin! Naw, blinnt-the-nane her tongue gif clippin cloots wi't aa day lang!	170	
Haterent is waarth a thocht the-nane: we luft an lay it even-on for dowie pleesure, doolie pain.		
Dislyke, tho, is lang-tholein as gangs even-on crake-crake athin as need in baith the hert an mynd, an weares a girn lik bare the teeth wi dreeblie slavers that wuid dree the weirds o mynds allutterlie ondeemas ben the powes o aa the muckle sumphs an groofs hae bealed on brander baurs abuin the lowes that bleeze sae hellishlie alow.	180	
Aa said was thocht was said an duin an no as thocht was aiblins thocht, juist as his carles and orra-men were takkin aff the happit lades fae aa the horses' backs, young Olaf rade ben the yaird fornent the steidin, an said, "Weel noo, I'll let ye ken the name I'm gaun tae gie this place sae you can redd it fae yer myns whoere it's been ludgein this past winter: I'm gaun tae caa the place <i>Herdshaw</i> ."	190	
Aabodie thocht thon was a name as gyan blye as no waanchauncie, for did it no say whit haed been wuid still be sic a beild again?	200	
His hoosehaud, noo hamewith at Herdshaw, becam a graunlik, guidlie ferm, and Olaf and aa wi him thare were bydein rucher ben the kyte nor aa the lave in aa the airts		
the wuin cuid blaw lik blaw the stoor or sooch a sang amang the leafs.	210	

A gaun fuit's gettin aye, the saw says, and Olaf's gangin furth and hame an noo til Herdshaw highheidyinlik, gart Olaf get faur mair nor maist, kenspeckle as the saw itsel; guid reasoun for it, myn, because he was weel-lykit for hissel as weel as his avysement gien as dacentlyke as taen the same, a thing no caunnie for tae dae as you'll can ken gin you'll can speir, or you'll can say til bodies speirin.	220
His faither Hoskuld gied a haun	
was no a fuit in shauchle shae	
that coodnae punt a blether baa; an meikle mair for Thorgerd's sake	
cam Olaf's wy fae Myrar men,	
for aabodie thocht Olaf was	
the wale o aa the sons were bred	
bi Hoskuld, namelie man hissel.	230
Winter ongaun at Herdshaw, doore as daud the snaw fae shuin, Olaf haed monie scudgie folk as weel as orra-men at wark, some lukin efter siccan nowt as stirks and heifers, buhlls and owsen, and ither bodies lukin efter the lyke o melkin cous an caufs.	
Somewy ayont the steidin waas, the byre was biggit ben the wuids and yince athin an eenin oor still aer enyeuch as at the graft, a carle that wrocht the nowt in byre, the owsen, buhlls, an stirks and heifers, cam up til Olaf, speirin at him, "Gie me anither darg o wark."	240
Olaf gied aunswer, plain as plap	
athin the lugs a daud o speak:	
"Ye'll dae the whit I'm tellin you,	
an no the whit you're tellin me."	250
At this, the chiel said, "Naw, nor no! Gif that's the wy ot, I'm for aff	

anither gaet nor ben thon byre."	
"Gif that's the wy ot, gaet ayont, said Olaf, "no the gaet ben byre, thare's something wrang as caurrie cawed an no as richt as naething wrang."	
And he gaed on, "This eenin I sall gang wi you the-tyme ye sorte the nowt athin thur ilka staw, an gin I think ye hae excyuiss for whit ye'll dae an whit ye'll no dae, lik devoirs duin-the-nane avaa, I'll haud ma wheesht anent yer maen, but gin I finnd thare's nae excyuiss for whit ye'll no dae or ye will dae, lik nane-avaa yer devoirs duin, I'll mak gy shair ye get yer paiks."	260
Thon spear that was the keeng's ain gift, as gowd-inwrocht as glinkit brawlie athin his haun for wecht it sherp, Olaf gaed furrit, feart-the-nane, wi thon paer orra-man in fleg, an left the hoose tae mak thur ploy inbye thon byre athin the snaw was poodert on the grun fornent it.	270
The doore gaun ben the byre was aipen as gantit gyan blackerlyke nor thon hauf-daurk aroon the place, and Olaf telt the orra-man, "Gang ben, and I sall caw the nowt inbye, the-tyme ye tie them up." Atween the doore-jambs gaed the carle,	280
hauf-in as no haill-oot at that, or haufwys oot as no haill ben, an swythe as nae tyme for tae speir the whoereaboots he was for gaun, the chiel was wheecht awo ootbye as haillwys oot was no hauf ben, nor for that maitter ot, hauf-oot: but Olaf kent then chiel haed lowpit straucht intil Olaf's aipent airms. "By Sursse," said Olaf til the carle, "here is taerrificatioun man!	290

"here is taerrificatioun, man!

	,	The
An whit avaa gars you be feart as trimmlin lyke a lammie's tail?'		
The fleggit chiel gied aunswer lyke the haill wurld in a dwaum, no him, for naebodie but he haed seen the whit it was that he haed seen, an naebodie but he haed been the whoere the whit he'd seen haed been, an this is whit he said: "Thon Hrapp, as muckle ghaist as eever was a killer deid as no alyve, stauns ben the doore athin the byre haill in it thare as no hauf-oot. He claucht at me! That's whye I'm feart! I'll waarsle neever mair wi him!"	300	
Olaf at yince ben thon black doore as daurk as daith amang the mools, strack straucht as ticht wi his braw spear at Hrapp as black as daurksome daith amang the mools alow the grund, Hrapp, killer-ghaist as eever was the killer he haed ayeways been.	310	
Hrapp taen the socket o the spear in baith his ghaistlie haunds, as groo as licht athin the wee, smaa oors, an wrocht it back an furrit lyke a tarrier that shaks a rattan, until the shank brak throch-an-thru againss thon steel was gowd-inwrocht.	320	
Wi naething left but shank in haund as Hrapp the spearheid ben his nieve, Olaf was set tae breenge at Hrapp as tho tae caw the killer doon, whuin suddentlie as <i>Whoere's he gane?</i> Hrapp wheecht awo fae whoere he'd stuid, the nowt the-nane puit-oot avaa, but snoofle-sneeflt at the hy.	330	
Olaf and thon paer orra-man made aa the nowt athin the byre as naet an snode as chowe-the-coode, an syne, athorte the yaird, gaed hame, the orra-man at faut the-nane for aa his maen, as Olaf saw,		

for that was whit he'd haed tae see.

Neist mornin, efter sic a nicht as birled the thocht anent the fecht aroond his heid for think again, Olaf was aff til whoere Hrapp-Killer was yirdit for his ugsome weird, and howkit-up the muckle corp was haill as deid that verie morn: and here's the awfie ferlie ot. his ilka cauld haun gruppit licht that skinklt steel inwrocht wi gowd, the spearheid that belangit Olaf. Aa duin that cood be duin for een tae see, and haerns tae tell the myn the wunner o it as a ferlie, Olaf puit Hrapp upon a pyre that happt the corp aroon wi lowes that brunt it throch-an-thru the baens til nocht was left but aise was cast upon the swaw tae slooch around until at yin wi faem an freith:

and Hrapp's ghaist gaed nae mair abraid.

340

# Chaipter XXV

### Anent Hoskuld's Sons

It's tyme the-noo as yince afore was no the tyme tae mak a speil anent the sons o Hoskuld's bluid, ay, tyme the-noo, no efterwarts that maks a speil on ither bodies.	
Thorliek was yin o Hoskuld's sons, kenspeckle yince on maindeep thonner wi dauphins jookin up an doon on ilka bowe for companie that pleesured thaem as weel as folk.	10
Thorliek was yin haed seen lang saervice in statiouns gyan bad as weel's amang highheidyins here an thare as bad as weel as guid anaa whuin he was vaigin on the saes afore he saettlt doon an fermed, kenspeckle as a man o merk.	
Nae quaistioun but folk thocht he stuid superior abuin the self lik dacencie o mynd abuin inferioritie o greed.	20
Thorliek haed been on Viking raids lik steppin oot wi stoot courage, and aften thocht, lik monie mair whuin gangin berserk intil killin, that he was haein the tyme o his lyfe, but thocht no better ot nor waur whuin yince mair buskin serk roon shoothers, mibbes mair lyker tyme o daith.	
Bard, Hoskuld's son, a sailor tae ye'll myn was pack wi Olaf yince, weel thocht o for hissel, was brave as brawlik wi't, a dacent man as easie-oasie wi the lave as boathert nane, faur less hissel.	30
Bard made a Braidfrith wumman wyfe caad Astrid, guidlie bluid anaa,	

whoe gied her man a son Thorarin,

		The La	м
	he son o Styr e thaem cam monie thocht thursels a whuin sloochin drams, ned or whit they did yonner aither: are are some folk d in the Saga ndney, Hall	40	
Noo, thare was yin bi a chiel was Herjolf's a bond-slave, yin caa that's waarth the m but gied him siller taa gif no his haun, the an wi it, for a place ta his feet whuin no a a hoose nearhaun the tae witness Hoskuld'	son, whoe gied ad Hrolf, his freedom nair nor onie siller, e tae staun, en on his feet, ae puit nwo fae hame, merk was drawn	50	
Sae near the merk it v that Hrut's folk haed the freedman for a fac on Hoskuld's grun, n nor Hrut's whoe'd	mistaen the merk, c noo saettlt	60	
For aa that, Hrolf was as wrocht the haun lik dae the yae darg an no the twoe lik til he was daein gyan as stack the shottle wi siller bits yin ta	d an fuit thegether g at the yince, mixter-maxter, weel e o the kist	70	
Hoskuld was fair puir that yon yin haed s his freedman, as som against his lug, or, sa richt in alow his neb; the freedman for tae p because the grund he his ain but Hoskuld'	een fit tae plant e say, richt up y some ithers, an telt py him siller badd on wasnae		
The freedman, Hrolf, an telt him whit the s	•	80	

atween hissel and Hoskuld. Hrut telt him tae tak nae tent avaa an gie thon Hoskuld no yae maik: "It's I'm for tellin you," he said, "I ken the-nane athin whoese aucht is thon grund haudin hoose and hame."		Tì
Aff hame gaed thon paer sowl caad Hrolf, an wrocht awo as eydentlie as aye he'd duin that kent the-nane hoo dae-awo was caunnier lik aese the baens nor at the wark doon-boued as baestin at it aye wuid sair the baens lik gie ye paiks.	90	
A wee bit on fae then, lik haud the braith for yince upon a wheesht o braith the hinmaist ben the kist, Thorliek, the son a Hoskuld, gaed lik wheesht athin the kist the braith, an wi avysement fae his faither, he chappit on the freedman's doore: an clickitie as luft the sneck, oot cam the freedman ben his yaird.	100	
An ben the freedman's graith o baens haudin the bluid that fed the haerns that telt the myn the spreit at hame, Thorliek drave throch-an-thru a blade that skailt the bluid an lowsst the spreit fae graith o baens and haerns an myn tae gar it gang as free as yont the freedom thon paer Hrolf haed haed, gif freedom was the gaet he gaed tae meet thon blade Thorliek drave hame tae slauchter him wi sic a melt gaed throch-an-thru him for his deid.	110	
Wi that fell strack made Thorliek yin wi Hrolf the freedman ben this Saga that taks accoont a loonderin, the Thorliek fuhlla made the speil that his and his ain faither's richt was aa the siller made bi Hrolf, bluid-siller thon, as some wuid say.	120	
And here, nae quaistioun Thorliek boued as laich as no superior		

	The Laxdale S
til self anaa, but doon alow the dacencie o mynd at yin wi greed's inferioritie.	
Ach, some folk think the best o things is no that guid whuin ither folk hae sic a best athin thur aucht, but gif the samin thing suid be athin thur ain aucht, naething else is hauf the guid o that avaa.	130
Whuin Hrut heard tell whit Thorliek did, baith he and aa his sons were lyke tae be as gyte as fairlie stoatin, an seein maist o thaem were buirdlie as onie chiels aroon the airt, they were a faimlie ill tae skaith an get nae loonderin for daein't	140
But hotter-stoater tribble trimmle ben haerns lik purritch in a pat, whuin Hrut made speil wi't ben the law, an encauldatioun wafft upon it thon wy law-bodies blaw an sooch: the end ot was that Hrut an kin haed nocht was waarth a chowe -the-fat because the freedman haed been gien a bit o grun was Hoskuld's ain, an that athooten leave a Hoskuld; an mair nor that that made the feck o whit was int as fou as haill, Thorliek haed skailt the freedman's bluid til deid on his and Hoskuld's grund.	150
<ul><li>Hrut was as fair puit oot wi that as styter-stoater wi the tongue the marra o a stotious fuit,</li><li>but thare was naething left tae dae but caum the sooch lik byde the wheesht.</li></ul>	160
Syne Thorliek biggit his ain hoose nearhaun the merk was drawn as witness the grun was Hrut's yae syde o it, an tither syde ot Hoskuld's ain: Kaimsness the name was gien the place.	160
Thorliek, as haes been telt afore, badd for a tyme thare at Kaimsness.	

	Whuin something is twoe-fauldit as no juist the yae thing its ainsel the lyke o nithin ither, tyme	
	haes come lik yince upon a wheesht	170
	a thocht will neever come again,	170
	that you will gang wi't faur enyeuch	
	as see ye gang naewhoere avaa	
	but ben yer ainsel, thare tae byde	
	the-tyme the-tither bodies gang	
	the gaet they ken far ayeways aagaets	
	whoere they may keek at you at hame	
	at hame whoere they wuid neever be	
	as snode thursels the whoere they are.	
	Ach, wurlds that are the wy they are	180
	because they cannae be ocht else,	100
	an wurlds that will be whit they will be	
	because ocht else they cannae be,	
	play tig wi wurlds were vince lik thaem,	
	even as this wurld ben thir wurds	
	rins in and oot a aulden Yceland	
	as faur awo as Yreland singin	
	the sangs were aye for singin thare,	
	an faur as ower in Scotland thonner	
	that made the ballats sing thursels.	190
	Ũ	
Т	horliek's wyfe gied the man a son	
	was watter-spairged for gien name Bolli.	
	Aer-on as keek at whit was comein,	

folk saw him as a laud-o-pairts.

# Chaipter XXVI

## The Daith o Hoskuld, AD 985

Mair sweir the ilka year for sturt, an neever myn the steer at that, Hoskuld, the son o Koll o Dales, becam at lenth in eild no weel that haed nae betterin athin it, an sae he sent for his three sons, Bard, Thorliek, Olaf, kin anaa, an said for aabodie tae witness sae naebodie cuid say the differ:	
"I'm tribblt noo wi meikle seikness as awfielyke as no lik me, for as ye ken, I neever was	10
the lyke o man at hame wi seikness, nae mair wi me seikness at hame; sae I'm for tellin you I'm kennin	
daith that is seikness's hauf-brither is comein til me in yon wy it's speirin no <i>And hoo's it gaun?</i>	
but something mair lik <i>Are ye gane?</i> altho it wuidnae need tae speir gin I cuid gie it aunswer nane."	20
"Thorliek an Bard, you twoe ken fyne that you were born for siccarness that made ye bairns o mairriage names	
that mak yer ain aa ben ma aucht yince I am deid as pech an pant nae mair the air, kist bellowses:	
again, as aabodie kens fyne, I hae anither son caad Olaf was born a by-blaw, and ootwith	30
a mairriage name the lyke o yours, sae I'm for speirin at ye noo as brithers or hauf-brithers, let him be yin wi you as gien yae thrid o aa is bookeit ben ma aucht."	
Bard, yin haed aye been chief wi Olaf, gied aunswer furst lik no haud wheesht, sayin he'd dae whit Hoskuld waantit, because, "The rucher Olaf is in pootsh wi siller jingle-jangle, or heech in pooer, highheidyinlyke, he'll see me sowthert aa the wy	40

lik reeshle siller, speak in coonsel." Then Thorliek made his speil, "I'm thinkin I'm no for haein Olaf gien a pairt the peels wi Bard's an myne, for he is ruch enveuch wi siller a reeshle jinglin ben the pootsh; naw, sic a weesh as three-wy split is faur awo as thon furst braith 50 I taen whuin I was born a bairn wi mairriage name the lyke o yours, ma mither no an Yrish bond-slave." "An faither, think anent it noo: it's you hae gien him meikle mair oot-thru the years, no even-haundit the wy ye micht hae been wi us. Sae I'm for keepin whit is mynes bi richt, an giein Olaf nocht." "Shairlie it's no that I'm tae be 60 styed intil chawsomeness," said Hoskuld, "as gien-the-nane the common richt that lets me gie awo twal unce til Olaf, tho ma by-blaw son, for aa that, mynd ye, heech abuin the lave because his mither's syde gied him for gutcher Yreland's keeng." "Gie Olaf his twal unce," said Thorliek, wi chawsomeness hissel as green aroon the gills as onie ysle 70 as emerald as folk caa Yreland whyles caad the laund o saunts an bards. Thocht Thorliek, "Saunts an bards bedamnt! Thare's no yae dacent skald o wurds was eever crouned wi laurel leafs wuid see the onie Yrish keeng athin his purritch, even crouned lik wechtit ower the broo wi gowd! And as for saunts, whoe waants thae bodies?" 80 Then Hoskuld taen the gowden ring Keeng Hakon vince haed gien til him, ring wechtit vae merk, peels aicht unce, then taen his sworde inwrocht wi gowd gien til him vince bi Hakon, Keeng, sworde wechtit hauf-merk, peels fower unce,

and haundit baith o thaem til Olaf, his son, wi blissins on his heid for nae mischaunce but best o luck; altho, in sayin that, he speiled he kent guid luck an nae mischaunce haed traikit wi him tho the gaet they'd gane haed naither draggit fuit nor hunkerslid excep whuin oarin tae keep abreist wi dauphins lowpin for luck an nae rnischaunce at sae.	The Lax 90
Olaf taen ilka giftie gien in ilka haun tae wecht the waarth, an said for tak his ilka wurd as mowtit for the wy it was an no for think it something ither, that he wuid naither fleech nor fleer anent whit Thorliek did or thocht yae wy or tither on the ploy.	100
Thorliek, ye'll guess, an guessin, ken, lykit the ploy as little as his purritch made athooten saut or saut wi smaa grush saund in pap, an thocht that Hoskuld haed been slee as wecht the weibauk Olaf's wy wi unces gowd, no unces siller as common richt for by-blaw bairns.	110
"Thorliek is no for lykin this," said Olaf, "onie mair nor I am for carein whit he thinks aboot it. Ay, fash or fash-the-nane aboot it, it's I'm for haudin ben ma grup the ilka unce o gowd was gien me fornent the witnesses aroond, and I sall keep whit's ben ma grup til men hae pooer tae herrie me."	120
<ul> <li>Bard, aye as pack wi Olaf as hear stories in a dram for lauchin or listen til them for a mervel,</li> <li>said til his faither he wuid dae his devoirs for his faither's weeshes.</li> <li>Suin efter that, auld Hoskuld deed</li> </ul>	
athin thon swarff that syne can puit a stopper in the braith, blae gloze	

athorte the een for hinmaist nicht, a daith that gart folk greet a taet the here an thare amang his sons an kin, tho ithers mibbe muckle's the deil-the-haet amang his faes.	The Laxa
His sons saw Hoskuld yirdit doon and happit ower wi siccan stanes and yirth as made a muckle cairn sae aabodie wuid ken the place the corp o Hoskuld liggit quaetlie: for aa that, tho, that was gy meikle, little enyeuch was yirdit wi him aither in siller or in graith, for he wuid leave faur mair ahint him in saga for the things he'd duin nor ocht alow a cairn cuid tell.	140
Some folk are puit intil a saga that ithers puit intil a laegend: ye ken, it's no anent the graith sic bodies weare, but hoo they weare it, and even then, it daesnae maitter gin yin is muckle as a sumph but swythe wi't, no a gomeril, or smaa but smert as thon Cuchulain; some folk will sing big yins in ceilidh lik garrin feet stramp on the flaer tae daud the haerns athin the heid, an seannachies will saga wee yins lik picturs ben the ingle lowes tae gar the haerns growe ruid as branders.	150
And as for wemen, makars sing them, ingyne athin the haerns fair bleezin wi memorie a lowe can leam on mixter-maxterie lik tartan as tho cled bonnilie in scaddas o aathing in alow the sun fae heid til fuit as blue as sae; or lyke the greens in shaws can baiver;	160
or lyke the whin an broom braw yallae; or lyke the gowd nearhaun the hairst haed shoogled in the suimmer wuin; or black as brammles fairlie howdlin, bankit alow Septemmer sun; my, aa are bonnie: makars mynd them.	170

	Ine
In sagas, tho, thare is, lik lyfe the-day, and eever was, an will be, this that is mak that is tae dae, an lack that is lik no tae dae,	
tho mynd ye, you as positive as dae nae maitter whit ye dae,	
ye dae't because the negative can dae ocht-nane wi nocht tae dae't, 180 lik naething mair nor yin whoe speirs	
<i>Whit dae I dae?</i> and yin whoe says, <i>Whit you maun dae, an dae it noo!</i>	
Mynd you, gif wemen were lik poems, an poems were lik gowd an siller athin a kist, nae makar bodie wuid need an immortalitie.	
His yirdin ower was saga-man as thae that were his sons wuid be, the brithers coonselled yin wi tither 190 whitlikken arval they wuid haud tae merk the man thur faither yince, as was the wy o daein then.	
Olaf spak oot, "It's I'm for thinkin we tak oor tyme, nae hurrie-burrie wi Hoskuld's arval, gin we waant tae mak it graund as fits the man he was, as weel as us oorsels nane ither nor the men he made us."	
"As you can ken, lik tak a thocht 200 that daesnae tak a lend o you, the year is liggin wi the leaf upon the grund alow the trees, sae aa the scran an drams we need are ill tae get as no that guid."	
<ul> <li>"As weel as that, folk roondaboot as haundielyke micht finnd it haurd tae come an tak a dram in autumn, an thaem that byde as faur awo as no that roondaboot as haundie, 210 will haurdlie come as faur as this in autumn for tae tak a dram; forbye, folk we maist waant tae come micht finnd they coodnae tak the gaet."</li> </ul>	

"Leave ilka thing til me," said Olaf, "an come the suimmer at the Althing, I'll speir at bodies for tae come til Hoskuld's arval, and I'll meet yae thrid the lawin, scran an dram."	The
The brithers were in greeance noo as in guid tid as <i>Fyne, man, fyne,</i> and Olaf taen the gaet for hame. Bard an Thorliek divvied-oot whit Hoskuld haednae taen for graith alow the cairn wi his deid.	220
Bard, dacentlyke in aa his wys, kenspeckle tae as lykit weel, gat aa the grund an staunin steidins as aabodie was gled tae see; an Thorliek gat the feck o graith was thare for him tae luft an lay.	230
As telt afore (tho micht be guessed gif telt-the-nane athin the Saga) Olaf an Bard were gyan chief, but Olaf and thon Thorliek chiel wuid neever tak a dram cap-oot: they were capootert yin wi tither.	
Oncomein winter gane at last, whit tyme the broom haed buskit lyke a lassie wi the yallae coatie, an suimmer wearein in anaa whit tyme the brammles croodit howdlin for pick an plook an sook awo, even as tyme was wearein on	240
lik coodnae dae ocht less or mair wi neever myn the growein waather, folk haed tae think o coonsellin an claikin at the Althing comein.	
An wi them, that three brither bodies, the sons o Hoskuld, made aa ruidie for gangin til the Althing, folk suin seein Olaf bore-the-gree.	250
Some say, on gettin til the Althing, the brithers puit three bothies thare, and ithers say yae bothie juist, but neever mynd, aa folk agree	

yae bothie or the three thegither made for a fyne an dandie sicht.

### Chaipter XXVII

### The Arval made for Hoskuld

Sae this noo yince upon a day as folk were yaupin thrangitie aroon Law Rock the Althing foond, Olaf, heid-billie-dawkuslyke, was up and on his feet tae speir a hearin for a meikle speil.

"As maist folk here may ken bi noo," said he bi wy o hear-me-oot, "ma faither Hoskuld's deid an gane faur yonner ben the daurk whoere licht is furder vonnermaist nor kent, and as the feck o aa his freens are here for haundiness o clash, it's I'm for tellin aabodie ma brithers twoe and I masel are gaun tae mak an arval for him; sae aabodie athin the licht is kent no vonnermaist but here, will see it for the pleesurin it yae timm gied til Hoskuld tae; an for tae merk him no juist man he was, but as he thocht tae be. and aiblins as he micht hae been, we're speirin at highheidyins here tae come for scran an drammin wi us tae merk the kynd o men ye are, or men ve mibbes think ye are, or men ye micht weel think tae be: and I'm for tellin aabodie as heech as aa you staundin here are neever laich as cooriein, that ilka yin will come will tak awo wi him a braw haundoot."

"An furdermair as nane-the-less, til aa smaa fermers, and the lave micht think tae come alang anaa, this invyte's aipen-haundit as the twoe loofs lukin at the luft; an nane-the-less but furdermair, the ilka yin, baith paer an waalthie, that taks the gaet til Hoskuldsteid, will hae a fortnicht's arval spree 10

20

30

ten weeks afore the winter-tyde." Seen cleirlie as a keek's enveuch, and heard lik clairshach melodie an no for blarney kissed a stane ayont the Ysles o Skye an Man in Yreland for the gift o gab, whuin Olaf gied his speil a wheesht for need o braith in bellowses, 50 the folk were raisedlyke, giein purr wi yellochin an skellochin the lyke is seenlins heard avaa, for aabodie was fair taen-on wi sic a man an sic a speil. Back ben the bothie wi his brithers, Olaf then telt them whit he'd said was ben his mynd as whit tae dae tae mak whit said maun syne be duin, an they were baith puit-oot wi that, 60 the contar o the folk taen-on wi't: they thocht he'd gane ower faur, naw, furder. The Althing ower as aathing duin tae gar the lieges byde in saucht, the brithers rade awo for hame whoere saucht aye gars the lieges byde as suimmer's wearein on for wark and autumn sees the darg aa duin for saucht aroon the winter ingle. Tyme noo the brithers made aa ruidie 70 tae gar the arval soond abraid wi clash-the-pans for meikle scran, an gar the maut rin siller cleir or broon or yallae ben the yill, wi Olaf's thrid o whit was coft puit furrit fuhll athooten stent. Sae monie bodies were expeckit, the best o scran the grun cuid growe was bocht in stanes an no in punds tae mak the lavriest o kail 80 that eever gart the cooter blaw as lavrie kail can gar it blaw; the baxters made the best o breid is thriteen til the ilka dizzen

that maks a batch athin an oven,

	Ine L
breid whyte as sookin up the bree	
atween the maet on meikle flets,	
or broon as dentie wi the whangs	
o guid strang kebbock hotterin	
whuin roastin on the muckle shaef	90
fornent the ruid-het brander baurs.	90
forment the ruid-net brander baurs.	
An thare were girdle scones as saft	
as kitchen butter or broon hinnie	
whuin cut lik skliffit thru the middis	
tae mak the caunniest o beds	
can gar the teeth growe watterie	
as lowsse a dreeble fae the lips,	
folk soochin-in tae stope the slaver:	
folk, whyles as dentie in the mou	
as sooch a gou tae savour it,	100
wuid speir a scone was birsslt haurd	
oot-thru the flet ot snippie-snap,	
the whaeten scones thur wale o chyce.	
5	
Some lykit bere-mael in a scone	
as chycsst chaisen; ithers said	
no bad at that but reekielyke	
as tho the smeek haed gotten intilt,	
but aa agreed the aiten cake	
the bonniest o bakes on brode	
	110
as thick as hauf a pinkie thru	110
an gentie broon as gentie boued	
fornent the branders o a fyre	
thon wy they'd snaup lik wuiden tweigs	
lang droothie tuim o growein saup:	
folk said guid yill and aiten cake	
weel-buttert, taen wi kebbock whangs,	
was kitchen faur ayont the lave.	
Some folk, tho, lykit weel-fyred baps	
or ither bakes lik sodie-breid	
kent aa the airts fae Norowaa	120
thru Shetland, Orkney, Waastren Ysles	
fae Lewis doon til Colonsay	
an Mull for sang, Islay for swordeplay,	
syne doon thru Yreland aa the wy	
fae thae blue watters o Lough Erne	
til thonner faur as Skibbereen.	
The muckle pats were hotterin	
wi purritch sautit juist the dab	
fae mael as coorse as hauf-wy cruddle	

The Laxdale Saga 130 that sat athin a wuiden bowle an badd its wheesht for cream fae cous or fae the yowies cawed til knowes tae gar it growe againss the bowle as groosie as a clootie dumplin: sic purritch focht the mornin cauld the wy it baet the gloamin chill, as tho it were a benner serk. An mynd ye tae, thare were drap-scones, as thick as cauf's lugs, wi the cream tuimmed on them skailin ower the aidges 140 lik lochans liggin on the flets. For aa that, and it micht hae been enveuch at that, folk micht hae thocht saumon an troot and aa the lave o fishie freens fae frith an loch haed soomit intil Hoskuldsteid tae mak a waarmer for the wame wuid keep folk snode aa winter thru. The arval on, guid actin thare, 150 maist thae highheidyins wi invyte haed taen thur place wi Ay, we're here, then, and ither bodies no sae heech were thare anaa wi Sae are we. in fac, that's gy nearhaun a ferlie, thare were as monie as ower meikle tae coont an be mistaen the-nane: some say thare werenae monie shorte o hunders nyne, tho mibbes mair, ay, aichtie mair nor thoosan yin; some said, for Luk ye here at this, 160 as weel as Luk ye thare at thon, the arval at the Hoskuldsteid was no the meiklemaist but saecont, ahint yin gien bi Hialti's sons for myndin o the man thur faither: yin thoosan, fower an fowertie bodies were yokit at the actin thare. This Hoskuld arval, tho, was brave itsel as bravelies duin at that. 170 in thon wy puit as meikle honour on Hoskuld's sons as on hissel, wi Olaf heech abuin his brithers because o evenhaunditness

in pyin for the haundoots gien til aa the highheidyins were thare.	
Ye ken, it wasnae juist a tyme o guts-the-fuhll an pech-the-rift, it was a wheesht o braith anaa lik yince upon a sooch o sang weel-suitit til the singer's thrapple,	180
even as singer suitit sang tae gar the folk aroon jyne owercome.	
Whuin aa were gane haed gutst thur fuhll, Olaf haed yae bit crack wi Thorliek, sayin, "Man, Thorliek, weel ye ken gy bad at that was whit we thocht o yin anither this whyle back, but noo I'm thinkin we suid be	
as better kin as kynd at that." "I ken that you were no for lykin the wy I taen thae gowden gifts ma faither gied me juist afore he gaed fae licht til benner licht	190
<ul><li>inbye the daurk athin the mools."</li><li>"Gin you still think ye're wranged bi thon, I'll dae yae thing is mair nor twoe lik gowden ring an gowden sworde,</li></ul>	
for I'm for fosterin yer son: ye'll ken the saw that says the man that fosters is the less the man nor him that made the son tae foster."	200
This gaed doon weel wi Thorliek as the man that made the son tae foster, an said for truith is daed-in-trothe whit Olaf did was gy weel duin.	
Thorliek's son, Bolli, three year auld in winters bydein voar tae come, gaed hame wi Olaf Herdshaw wy as baith thae brithers said farweel lik <i>Will ye no come back again?</i>	210
Thorgerd, thon dacent bodie, as wyfe til Olaf, taen the lauddie an loued him lyke her ain, did she, an saw til't he was nane the waur	

an saw til't he was nane the waur

for his brochtupness nor her ain.

### Chaipter XXVIII

### The Birth o Kjartan, Olaf's Son, AD 978

Olaf an Thorgerd haed a son was spairgit ower wi halie watter, and Olaf caad the lauddie Kjartan, efter Melkorka's Yrish faither, Myrkjartan, keeng in Yreland thonner, an tharefore Olaf's Yrish gutcher.

Bolli an Kjartan were as peels in age as nane the differ tween them.

No juist the yae bairn, tho, was gotten bi Olaf fae his Thorgerd, naw,

they haed a wheen o ither childer, five sons in aa, the-tither fower caad Steinthor, Halldor, Helgi, Hoskuld, the hinmaist yin the youngest o them

caad efter Hoskuld was his gutcher; Thorgerd was bairnt tae wi dochters were caad Bergthora, Thorgerd, Thorbjorg, and ilka yin, baith sons an dochters, was lyklie as the-tither yin: muckle-bechildert wumman Thorgerd,

but nane the waur for that was she.

At that timm, thon yin Holmgang Bersi, whoe badd in Saurby on a ferm caad Tongue, cam ower the airt tae see his cuizzin Olaf Hoskuldson; he speired at Olaf for tae foster yin o his sons, thon yin caad Halldor, and Olaf taen him at his wurd an gied him Halldor in his airms, the bairn juist the yae year auld,

juist haein seen a winter thru.

Suimmer oncomein saw paer Bersi as no that weel was awfie bad, thon wy the seikness gart him ligg upon his back athin his bed, no fit tae puit a fuit on flaer, the-tyme the bairnie Halldor liggit athin his creddle till thon day it cowpit ower an left the lauddie no juist nae fuit upon the flaer 10

20

30

but on his back an yellochin, wi nane tae help baith paer bit craiturs sin aa were yont, oot makkin hy for winter comein on fornent.

His ettlement tae help the bairn as ill tae mak as sair tae mend, left Bersi lyke a bairn hissel upon the bed an gart him say a verse as shorte as this yin here.

Here we are liggin,\_ the baith o us as helpless as you a bairnie, masel in eild, but yae thing twoe tae, mend you, waur I, tho.

Och, whit it is tae be as young as tak nae tent o whit is eild!

Ach, whit it is tae be as auld as ken the bairnies tak nae tent!

The day onwearein for the lowssin, the fermer bodies hame at last pickit-up Halldor fae the flaer as nane the waur for cowpin oot, an Bersi at the hinner-end as haill at that as waured the-nane, was yokit nane wi deid juist yit.

Halldor grew up no lyke the saw says haudin-doon is no brocht-up, for he becam a man as stoore fae heid til fuit a dacent lenth an muckle as athorte the kist a dacent braidth for bellowses.

Kjartan grew up at Herdshaw ferm, brocht-up lik haudit-doon the-nane, and he becam the brawest chiel o aa men eever born in Yceland; his face was see-it-yince-was-mynd-it, an fair at that, whyte scaddit ower wi ruid an broon fae sun an wuin, his een haed nane thur lyke in men an licht in hue as intil gray was whyles as blue as luk-again; 50

60

70

80

his hair was fair as silken sheen, an rowed in curls abuin his broo and ower his heid weel-thackit wi them; a muckle man he was, an strang as staund athin the maist o men an furrit wi the best at that. lik Egil was his mither's faither or Thorold whoe was Egil's brither; Kjartan was puit thegither lyke 90 manheid was neever seen afore, as ticht aroon the kist an shoothers as gart folk wunner at the sicht, an no juist that, as man-at-airms he was as skeelie at the wark as made folk laith tae taigle wi him, a craftsman at it; and, juist think, Kjartan, barescud athin the swaw, was fairlie lyke a saumin soomin. Tho he was faur abuin the lave 100 in gemmes o strenth, an lap an sprang an flew an flang afore the folk thon wy he doakied ilka man, he haed thae easie-oasie wys as weel's thon kynliness o myn that gart the bairnies loe him weel; forbye, he was as licht o hert as free wi siller in his aucht: Olaf loued Kjartan best o aa his bairns, or oniebodie else's. 110 Bolli, that was the foster-brither o Kjartan, was a stoore man tae, and in aa gemmes lik cast a stane as haundie as a meikle wecht, or humph a stane as wechtie as no haundie for the humphin, Bolli was saecont as the neist til near Kjartan in doakiein the lave. He was as strang as kynlie wi't, and as a fechter-chiel at that, 120 was buskit aye in guidlie graith. Ay, they grew up thegither lyke

twoe deevilockie nickums, thaem, lauddies oot-doakiein the lave, tho Kjartan ayeways bore-the-gree, wi Bolli no that faur ahint. Thae foster-brithers were as fonde as freens thegither clappin hauns lik loof til loof or daud-the-back.

Olaf hissel badd quaet at hame as byde his wheesht for monie years.

# Chaipter XXIX

# Olaf's Saecont Traik til Norowaa, AD 975

As gaun-fuit aye is gettin, says the saw, sae gangs the speak in sagas tae tak aa til itsel on tongue, yae voar cam on lik wecht o waarmth tae brekk the back o dooresome winter, Olaf telt Thorgerd ettlement was on him for a caunnie greinin tae gang abraid til Norowaa athorte the maindeep yince again, and, as he said for tell it yince tell me nae mair lik tell the truith is no <i>Ay, but</i> "An listen, hen, it's you'll byde here tae tak guid tent o aathing, hoose and hame an childer."	10
<ul> <li>"I'm no for lykin that," s'she, tho naething tells us whye for ay nor whitforno anent her lyke the nithin-in-it, or mislyke the aathing bealin in alow.</li> <li>"Lyke it or no," said Olaf til her, "it's I'm for aff, lik yeukieness athin the fuit tae scart the grund, or tichtenin athin the kist tae gie the bellowses a braith o caller air abuin the swaw."</li> </ul>	20
Wi that, aff Olaf gaed an bocht a ship was liggin waastawys at Vadill for a caunnie skipper, syne in the licht o suimmer waather (tho wi a lowerin luft abuin) he brocht the ship til Hordaland in Norowaa acorss the faem, misluckielyke, tho, in thon wy nae dauphins skelpit up in blytheheid on aither bowe as gled tae be thare.	30
Giermund-the-Gulderer bidd thare, a bittock landwart fae the frith, a man as michtie wi the nieve aroond a sworde-hilt or a haund athin a meikle pootsh o siller;	40

a man haed been kenspeckle as a Viking in amang the ysles, but kent anither wy anaa as ill-tae-mend as gy ill-faured, tho, mynd ye, quaet enyeuch the-noo at hame, amang the bodieguaird o Jarl Hakon, michtie tae.	
This grooflik bodie, Giermund, gaed doon til the straund tae see the ship, and hoo it rade the watter thare, an whoereawofae it haed come, an whit it brocht was waarth the wecht, an whit wuid wecht it ginn it gaed: but mair nor that for tell it aa, whoe was the skipper o the craft.	50
And as til that, the Olaf name was as kenspeckle as his ain, an Giermund kent the Olaf name weel waarth a saga roondaboot it, ay, or a screed o wurds fae yin was guid a makar as cuid slooch his pynt o yill wuid gar a sang sooch ower the maer amang the heather.	60
Giermund said, "Hoo're ye daein, sur?" til Olaf, Olaf sayin til him, "Och, no that bad, sur; and yersel?" An thae things ower for dacencie in common clash atween twoe bodies, an no for onie evilness mair lyke a clooter on the puhss, Giermund badd Olaf come an byde at Giermund's hoose, an bring wi him as monie men as he micht waant for companie o his ain kynd.	70
<ul> <li>"It's I maun thank ye awfie kynlie," said Olaf "for the invyte," takkin,</li> <li>as some say, seeven men alang, tho ithers say he taen juist five:</li> <li>the lave was Olaf's crew fund ludgeins aa roondaboot in Hordaland.</li> <li>The best o aathing gaun that winter was gien til Olaf and his men for skelps, an gien athin a hoose</li> </ul>	80

was biggit braw as buskit bonnie wi aathing made a caunnie beild againss the winter waather thare. The winter growein wabbit as a hoast in eild the merk o voar a rin-aff for incomein saumon. Olaf telt Giermund whye he'd come til Norowaa acorss the faem, an that was for a lade o timmer tae bigg a new hoose ower in Yceland, timmer that was the chycest chaisen. Said Giermund, "Jarl Hakon haes the wale o wuids for best o timmer, and I'm for tellin you I ken gin you suid gang an speir at him, he'll let ye chaise yer best o pick, an no juist that, he'll mak ye waalcome as tak yer haunds atween his ain an dram wi you a dacent skoll. Olaf, it's I'm for tellin you, he gies a dacent kinna haun til bodies no weel-braed lik you, the onie tyme they gang tae see him." The voar oncomein puntin winter athorte the laich alow the heech tae mak a bree for voartimm saumon soomin alang the grushie burns, Olaf made ruidie for tae seek an finnd the Hakon Jarl, whoe fund, gied Olaf waalcome as a chiel become kenspeckle for the stories telt roondaboot the ingle-ens fae here til yonner: Hakon said Olaf cuid stye as lang's he lykit. Wi that, that was said dacentlie as nae need for tae say ocht mair, Olaf telt Hakon whye he'd come til Norowaa athorte the faem, an that was for tae speir gin Hakon wuid gie him leave tae cut some trees wuid mak the best o wuid for biggin a meikle hoose in Yceland thonner.

Jarl Hakon gied him aunswer, sayin

90

100

110

"Ye're waalcome for tae cut an lade		ти Цили
as muckle timmer ben yer ship		
as it can haud as you see fit,		
because it's I'm for tellin you	130	
I'm thinkin no sae monie bodies		
lik you yersel come here fae Yceland		
tae veesit me an weesh me weel."		
Aa duin was duin as needit duin		
tae mak needcessitie nocht mair,		
Olaf and Hakon said fareweel		
lik daud the back as freenlie as		
Gleg as we were in companie,		
we'd be mair gleg again tae meet.		
And, for tae shaw the wy he thocht,	140	
Jarl Hakon puit in Olaf's haund		
a wechtie aix inwrocht wi gowd		
that gart it skinkle in the sun		
tae blinn the ee in wunnerment		
sic treisure trove was made bi man.		
An tho the Saga daesnae say it,		
man, think it thru till thocht is true,		
and you will tak anither thocht		
as true as neednae tak anither,		
that Olaf's gaun-fuit aye was gettin	150	
faur mair nor he was eever giein.		
Aa this ongaun, the Gulderer		
caad Giermund, quaet this tyme as caunnie,		
puit stewarts ower his grun, say some,		
or as some ithers say, sellt-aff		
his launds in dern as caunnilie		
as quaetlik, for he'd made his mynd up		
tae gang athorte the swaw til Yceland,		
an bertht at that ben Olaf's ship:		
but let naebodie ken aboot it.	160	
Olaf hissel kent nocht aboot it		
till Giermund brocht his guids an siller		
til Olaf's ship, as some folk say,		
or as some ithers say, until		
Giermund haed puittent thaem aboard:		
yae wy or tither, tho, the waarth		
o graith an siller was byordnar.		

"Gin I haed kent o this afore,

	1	The Laxdale
ye wuidnae be the whoere ye are," said Olaf, "and it's I can tell ye, thare are some folk in Yceland thonner wuid be the nane-the-waur at that gif neever settin een upon ye; but sin ye're here wi ilka haet ye hae that maks for meikle waarth, I'm no for cawin you awo lik onie messan in ma road: an that's a thocht that's thocht oot-thru as true as neednae tak anither."	170	
Said Giermund then, no gulderin but lettin wurds sooch roond his teeth and oot fae in atween his teeth as sooplelyke as quaet an caunnie, "I'm gaun tae py ma wy wi siller that aye can speak for its ainsel, sae neever myn the whit ye say, it's I am no for castin-oot sin I am gaun til Yceland wi ye."	180	
An that was that for speak nae mair but byde yer wheesht till spakken til, and on the ship gaed aabodie was gaun tae gang til Yceland thonner whoere faur ayont the sun gaed doon ayont the gloamin ben the swaw.	190	
The gaun was guid, gif guid it was athooten dauphins aither bowe skelpin an sklimmin thru the swaw for nae mischauncieness at sae or little o it whoere ye're gaun; an sae they made Braidfrith at lenth, an puit thur gangwys on the straund at Saumonreevermooth, as some in England thonner micht weel caa it, or ithers ower in Wales or Scotland micht say is Abersaumonreever, or in some airts o Scotland, mibbes mair Inversaumonreever caad, tho here in Yceland as in Lewis	200	
athin the Waastren Ysles o Scotland, it micht be Laxdalereever Frith. Olaf then haed his timmer-lade	210	
the ship of the ship of the craft		

taen aff the ship, an poued the craft

athin the shed his faither Hoskuld haed biggit thare sae langsinsyne.	Th
Aa duin was duin need dae nae mair, Olaf gied Giermund his invyte tae gang wi him an byde at Herdshaw.	
Whyles, man, aa that is thocht is duin is lyke enyeuch hauf-duin at that, but whyles at that faur better left no duin avaa nor hauf-duin aither, but left alane athooten thocht nae wy or tither for the daein.	220
That suimmer, tyme o year the best no juist for mendin but for makkin, Olaf at Herdshaw made a biggin the lyke ot neever seen afore as roondaboot as airtit yonner, wi laegends pentit on wainscottin as weel as in alow the ruif for folk tae speir at, pleesurin, an wrocht sae braw that aabodie thocht sic a haa was bonniest athooten drapes upon the waas.	230
Aa this gaun on lik graft awo an neever tak a keek aboot ye, tae see whiteever else was ongaun, Giermund left aathing weel alane, eechie nor ochie sayin thare anent the ups an doons o daein aroond him, but amang the folk tae let his byname play the groof kenspeckle as the Gulderer.	240
And here is whitlik yon yin lukit: ootwith, he wore a fur cloak, grugous as groo as onie wolf in wuids; and inwith wore a rorie kirtle as crammasie as onie face ower fonde o slainte-usquabaes or skolls for sloochin yills in pynts; and on his heid a bearskin bunnet as tho man clannit wi the baest; and in his haund a meikle sworde -	250

but wait until ye're telt aboot it.

	7	The Laxdale
A meikle waepon thon, a guid yin,		
the hilt ot wrocht fae walrus tith,		
athooten siller gauderin;		
the blade was sherp, athooten roost,		
a blade cuid shear a hair in twoe,		
or cleave the thickest skull in twain:	260	
some say the sworde was caad Fuitbyter,		
and ithers say Legbyter better,		
but yae wy or the-tither ot,		
oot o his sicht he let it neever.		
Giermund haed no been thare ower lang		
afore he fell in luve wi Thured,		
Olaf's young dochter, and he speired		
at Olaf for her haund in mairriage:		
said Olaf, "I hae taen a thocht		
that's true as thocht oot-thru at that,	270	
and I'm for tellin you ye're aff		
as no juist on tae mairrie Thured,		
an that's as straucht an aunswer as		
nae jinkin lyke a jookerie."		
But thare are ither folk can jink		
an jook in cheatrie juist the verie dab,		
an thare were two the lyke o that,		
yin giein siller, tither takkin't		
for nifferin anent the mairriage:		
the gier was the Gulderer,	280	
the takker Thorgerd, Olaf's wyfe,		
an she was intilt, twoe hauns fuhll		
tae fou the shottle o her kist.		
The siller ben the shottle as		
the merk o whit her ploy wuid be,		
Thorgerd taen Olaf ben a nyeuk		
an priggit at him for a waddin		
atween the Gulderer an Thured,		
because, she said, "Giermund is brave		
as bare the breist in onie battle;	290	
an waalthie as the kynd o bodie		
can tig-toy aa the day wi siller;		
and aipen-haundit wi it tae,		
lik jingle-jangle it aroond."		
<i>j G j G G G G G G G G G G</i>		
Af coorse, she didnae tell her man		
whoere her haundoot o siller was		
as quaet as haud its wheesht athin		
the shottle a her closelin kist		

the shottle o her cleedin kist.

Said Olaf, as his dowie hert puit dool athin his ilka wurd, "Thorgerd, it's I am nane the mair for castin-oot wi you anent this maitter in atween us twoe nor I hae duin anent some ithers, tho, mynd ye, I wuid raither see oor Thured mairrie someyin else. Och, wae be til me gin I dae lik deevil tak me gin I daenae, I'm ben mischaunce as no that luckie."	300
Aff gaed thon wyfie Thorgerd then, fair kittled wi the ploy she played, tae tell Giermund-the-Gulderer whit she haed duin sae he cuid dae, an neever thocht, as weel she micht, "Noo, wae be til me that I did lik deevil tak me gin I didnae, it's I'm no luckie, ben mischaunce."	310
Giermund said then he haed tae thank her for helpin him the wy she haed, an for the wy she'd duin awo as thrawnilk as was doore tae byde sae he cuid dae sin she haed duin, an sayin sae, said no as muckle as thank her awfie kynlie, but; syne, haein said it, speired at Olaf anent the haund o dochter Thured: an this timm, Giermund bore-the-gree, tho Olaf, thon paer bodie, thocht the baa, gif no upon the sklates,	320
was on the thack aroon the lum. Giermund an Thured were betrothit, tho naebdie kens whit Thured thocht, thur waddin at the winter's end as tyme nid-noddit inglesyde an thowed the bluid aroon the baens; the waddin place the Herdshaw biggin wuid haud the bodies snode an waarm tae hae thur fuhll o maet for aetin afore they hoocht nicht thru in daunce, whyles drammin usquabae in slaintes sae sillerie athin the gless, rinnin wi licht can please the ee,	330 340

or sluchin yill th athin the tankart			
Ay, thare they w	vere for whye they cam	,	
yowffin the tich	teners an riftin		
afore they yaffle	ed mair tae boke.		
An tho the daun	cein was as het		
as hooch the mo	ornin oors awo,		
thon paer sowl (	Olaf Hoskuldson		35
was aff-the-byle	as hotter-nane.		
Amang the bodies	ben the haa		
was yin was caad	Ulf Uggason,		
a skald whoe wa	as as skeelie as		
the onie bard ca			
a dram o maut n	-		
wi slaintes for a	sang anaa.		
Ulf made a poem,	0		
anent baith Olaf H			-
and aa the laegend	-		36
aroon the waas tae			
ay, made it even			
	hat plays the air ot,		
•	n is oors whuin made en the leid we laerit		
•••	s in streets an parks		
0	s o aa the schuils;		
ay, it is wurds th	· · · · ·		
•	at sing the wurds:		
whuin makars th	nink they sing a sang,		37
it is the sang is s	singin thaem.		
The sang the Ulf y	in made, an sang,		
sang his ainsel a			
	it made sae weel		
	kle fae his pootsh		
	Ulf's aipen hauns,		
that aabodie aro <i>My, thon's a bo</i>	on said Hear it! nnie jingle-jangle!		
No juist that, Oiaf			38
amang highheidyii bi giein thaem the	-		20
-	ed awo aff hame:		
syne, folk aroon, f			
thocht him kenspe	-		
p•			

#### Chaipter XXX

#### Anent Giermund an Thured, AD 978

As tyme gaed by that taen nae tent o folk as eemockie til tyme as eemocks are iotalyke til man, Giermund-the-Gulderer an Thured aye were castin-oot, Giermund because he was a groof that kent nae better for tae dae, an Thured sin the Yrish in her was up an ben her myn for oot tae waur the groof fornent her aye. 10 Noo, lyke the Yrish thrang for oot in Thured efter Giermund's cantrips, efter three year o Thured's girnin, for oot was Giermund Gulderer, myndin, nae doot, he'd no been clippit bi onie blade in Viking days nor aa day lang bi this young blade whoese Yrish tongue, as says the saw, cuid clip cloots no juist aa day lang, but lee licht o the muin anaa, 20an need-the-nane the sherpenin. "Ay," he wuid say, "she is a clip, thon yin, a clip she is, thon blade; she's aff-the-gemme as onie lassie is lyke tae losse-the-place at peever." For oot was Giermund, faur awo as naewhoere near at haun til Thured, no neist as near is faur ower near, ay, as ayont is naewhoere near; an no juist that, he was for gaun, but, 30 athooten onie wyfe or waen (a dochter, Groa, yae year auld) leavin them baith wi no a maik, nae dyot, bodle, plack, nae groat, nae faurdin, bawbee, shullin piece, nae merk, nae pund, nae single tosser. Thured an Thorgerd, dochter, mither, were fair deleerit ower his ploy, as gyte as thonner ben thur mynds, an gaed til Olaf clatter-claitter 40 tae tell him Giermund's wy o daein;

but Olaf said, "Whit ails ye, Thorgerd? Is thon Aestman fae Norowaa no aipen-haundit wi ye noo as yon timm faa o leaf thon year whuin faain ower his muckle feet wi pootshes fou o siller as his heid wi greinins for tae wad wi Thured, oor paer dochter here?"	
The wy o things ben Olaf's myn no telt us here nor yonner aither, the wemen coodnae mak the man at peels wi daein ocht anent it, some sayin he was easie-oasie as staund aroon lik muckle sumph, and ithers sayin paecefoulyke as thochts a thoosan myle awo,	50
but here's the wy it was: the bairn he said, suid byde the whoere she was until she speired tae gang awo or kent lyfe's whits an whyes enyeuch tae tak guid tent o her ainsel.	60
Mynd you, lik you forget-it-nane, gif telt elsewhoere, thare's naething here tae let us ken whit Olaf said anent the whits an whyes o lyfe wuid puit thur paiks on dochter Thured.	
Come tyme the Gulderer was set for aff was gaun tae be faur yonner, no neist til near as maks it chock, bi wy o helpin him tae gang as gled tae see the back o him, Olaf gied Giermund (and for skelps) the muckle maerchant ship aa fund, weel fittit oot an ticht in strakes	70
<ul> <li>thon wy she skliffit ower the swaw an neever drivv her bowes ower deep.</li> <li>Ach, naither wunner Giermund said</li> <li>"It's I maun thank ye awfie kynlie." An whitforno sin his gaun-fuit gat aa for skelps as neever pyed for:</li> </ul>	80
ay, naither wunner, for thon ship was braw as onie eever sailed.	

Aa ruidie, then, the wuin nor-aest

an wishie-licht as haurdlie reeshle the sail, a cheetie-paw upon the watter flet fornent the bowes, fae Saumonreevermooth Giermund puit-oot, an syne at Owsen Ysle, as chock as made it neist til near, wuin-drap upon the swaw abuin was anchor-drap the swaw alow.	90
Giermund lay aff the Owsen Ysle an whisslt oot o tune for wuin a fortnicht lang that seemed a year, the whit timm Olaf gaed awo tae dae the whit he haed tae dae anent his foreshore dreiftage richts.	
Sae this was tyme no bye tyme daein, but peels wi tyme was tyme tae dae, an Thured, bealin lyke tae brust, wi dochter Groa ben her oxter, caad til her mibbes aicht hoose-carles an speired at thaem tae steer thur shanks sin she wuid need them for a ploy.	100
Twoe-sixin aathegither then, lik scroonsh the timmer thru the grush, they puit her faither's ferrie-boat upon the watters o Hvamfrith, an Thured badd the bodies sail and oar them yonner til the yslaunds: syne, near enyeuch as haundielyke, she badd them lowsse upon the watter the smaa cockboat they cairried wi them.	110
Noo, ben thon smaa boat Thured gaed wi twoe stoot cullans at the oars, athin her oxter dochter Groa, the-tyme she telt the-tither bodies tae keep the ferrie-boat in tid until she cam on board again.	120
An then she badd the twoe men oar the boat acorss the watter-race until they cam til Giermund's ship - and here's a bittock o her ploy: she taen a wimmle fae the locker tae gie til yin o thae twoe carles, an telt him for tae mak a bore	

	The Easta
oot-thru the strakes on thon towe-boat	
belangit Giermund's maerchant ship,	
because, she said, the sic a bore	130
wuid mak it yuissless gin a crew	
micht yaise it in a hurrie-burrie.	
Syne, wi young Groa lassockie	
rowed in a shawl athin her airms,	
the-tyme the sunrays dichtit aest	
as crammasie as kinnlt air	
ayont the airt o Owsen Ysle,	
Thured gaed sleekit up the gangwy	
and on til Giermund's meikle ship	
whoere as the crew were yont nid-nod	140
as deep in sleep is no juist dover.	110
As caunnilie again as quaet,	
Thured set doon her paer bit waen	
asyde the faither on his hammock,	
then, swythe as neever taen a thocht	
afore the thocht ot taen her ower,	
she nabbit thon <i>Legbyter</i> blade,	
and aff she gaed til her hoose-carles	
as caunnilie as neever sklifft	
a stockin-sole micht mak a soond:	150
and as she gaed awo, she thocht,	
wi haterent for the Giermund bruit	
in place o luve that micht hae been,	
"Tak tent o your bit bonnie bairn,	
and I'll tak tent o your braw sworde."	
A weething efter this, the waen	
was greetin wi its bairnlie fash,	
an Giermund wi the soond	
gart him fair wunner whoere he was,	
sae doverie ben thon hauf-licht,	160
til suddentlyke as ken the soond	
was bairn Groa ben his hammock,	
it wasnae that he taen a thocht	
that let him ken the whit was whaat,	
but that the thocht taen haud o him	
tae let him ken an better ken	
the whoe was what the what she was	
haed duin the whit was whaat was duin.	
He lowpit up lik losse-the-place	170
tae grab his sworde that wasnae thare	170
(as we expec, but naw, no him)	

then up and ower the gunnels lukin, he saw Thured and her hoose-carles oarin awo, twoe-sixin it.	Th
That seen, for haerns in fell stramash lik sair curmurrin o the guts, Giermund gaed hauf-berserkerlyke as yaissed tae frichten folk thon tyme he was yae groof in Viking days, then guldered lyke his ain byname, yowlin tae wauken up his crew, an badd them lowp lik muckle taeds intil the cockle towie-boat and oar awo tae catch thon Thured and her hoose-carles tae fetch them back.	180
An sae they gaed, hauf-blinnt wi sleep, as kent no hauf the whit they did, ram-stam as lowp this wy an thon as kent-nae whit the stuishie was anent the whit they haed tae dae, sae as we micht expec, no thaem, they haednae gane as faur awo as micht coont twoe-three faddom doon, whuin roondaboot thur sleep-waarm feet the cauld coal-blaelik sae cam pooerin, an back they cam til Giermund's ship,	190
no lykin thae cauld faddoms doon. Giermund caad oot til Thured then, a grooflik caain, gulderin, an priggit at her for tae come an gie him back <i>Legbyter</i> blade; and, he gaed on, "Tak your bit dochter, Groa, awo anaa, an wi her, as muckle siller as ye'd lyke."	200
Thured gied aunswer back til him that was a quaistioun back til him: "It's whuither wuid ye rither hae it, or rither wuid ye whither hae it?"	
Giermund gied aunswer back til her nae quaistioun was a quaistioun-nane: "Ach, meikle siller's no ma need as meikle as ma need's <i>Legbyter</i> ."	210
Thured gied aunswer back til him	

lik sair the sair again the mair: "Ye'll neever see yer sworde again nor see ma aither, saired bi you."	The
Said Giermund then, lik sooch it laich as in alow the spreit for fash, "Thare's little luck ye'll hae for takkin that sworde athin yer aucht fae me."	220
An Thured said, for ettlement tae fash him mair nor ordinar, "I'll tak ma chaunce the-wy mischaunce will faa on you as weel's on me."	
Then Giermund said, "I puit this spell upon that sworde tae dae til deid a man athin yer kin will be maist meikle tint, ill-weirdit deid."	
"Ay," he gaed on, "it's I'm for thinkin, an sair the thocht I'm tellin you, thon bittock Yrish in yer bluid will no gar you be yin o thaem whoese caunnie feet will eever mak the-nane o din upon the flaer, altho indaed it's I'm for thinkin	230
the thocht is dowielyke tae tell ye, this bairn Groa, left wi me wi your ill-will upon her heid for blissins-nane, micht be the kynd o lassockie will neever see the licht o day maks gloamin-tyde the tyme o lichtlie-dauncein feet shufflin-the-brogue steer wee-thocht stoor upon the flaer abuin the coots."	240
Back hame til Herdshaw Thured gaed, still in the strunts as onie lassie is lyke tae bogie pauldie-beds: and as for Olaf, hame hissel bi this timm, ginn he heard the ploy was pleased the-nane, but no enyeuch tae dae ocht mair nor fash anent it was little mair nor let it dwyne.	250
Thured gied til her cuizzin Bolli the sworde <i>Legbyter</i> , hauf her ploy, for she was fonde o him nae less	

		The
nor onie o her faimlie brithers:		
an lang he bore it, lang enyeuch		
as yaise it faur ower aften, mibbes,		
but lyke the ilka sworde was made		
was at the daith no lang enyeuch	260	
tae yaise yince mair, the hinmaist yuiss.		
Sin efter that, the whisslt wuin		
cam up lik wheeple, ower lik wheech,		
syne doon upon the swaw for whinner,		
an Giermund's maerchant ship drivy on		
lik neever kent a wishie wuin,		
lik neever kent a caum yin aither,		
lik neever myn nae happie ship,		
an gaed awo til Norowaa,		
til Norowaa acorss the faem	270	
was laundfaa ower the autumn sae:		
the dauphins on the aither bowe		
taen yae waanchauncie sklent at Giermund,		
the craitur on the stabbord airt		
sayin Hye, Wullie Waallachie		
as thon yin on the labbord airt		
said <i>Ho, John Dougall</i> til his neebor,		
then wi an owercome fae the baith		
Alane, quo Rushitie, roo, roo, roo,		
they shote-the-craw tae tak nae skaith	280	
fae whit was comein til the Giermund,	200	
as you'll can ken, lik naither wunner,		
gin you'll can read a wheen mair lynes.		
gin you it can read a wheen man types.		
Yae nicht, the rocks in dern aff Stad		
played gansh at Giermund's maerchant ship,		
an gurried her alow the wuin		
as tho they were a pack o messans		
and her a deer for grallochin,		
til aa was foondert ben the swaw,		
Giermund the skipper and his crew:	290	
the saes, that he haed traikit ower	_> 0	
for treisure, taen him in alow		
as troke, for he was nithin mair.		
An tho that is the last is telt		
anent the Gulderer was Giermund,		
thare's naething telt anent thon bairn		
o his caad Groa Thured left him;		
naw, thare is naething telt for truith		
lik listen til a wurd o mou;		
nor made a screed upon a page	300	
· · · ·		

310

lik keek at it an speir the truith; nor sang a smaa bit ballat made lik melodie that sings the truith: ay, gin ye speir anent the bairn whit happent her whuin aa was duin, the Saga says as little ot as deil-the-haet for mowt-the-nane lik fient-the-gurl for no a cheep as nithin mair for nocht avaa lik mim-the-mou for haud-the-wheesht.

#### Chaipter XXXI

#### Thured's Saecont Mairriage, AD 980

Tho telt afore as telt for yince that mibbes suid hae been enveuch, here it is said again for twycet in case furst telt was no enyeuch, Olaf (the Peacock) Hoskuldson badd hame as heech as eever was highheidyinlyke, an mibbes mair sae. Here telt for yince is mibbes mair nor ocht the less nor micht weel be enyeuch anent a wheen o bodies 10 tho weel-conneckit wi the bluid that puit the ruid on neebors' chafts, are no that weel conneckitlyke wi baens an sinnens o the Saga. Bydein at Asbjornness, north yonner in Sauchiedale, thare badd a man caad Gudmund was a son o Solmund. Efter his winshin Olaf's dochter, the Thured vin, he gat the blade in mairiage bed, but not juist her, 20 for ben the shottle o his kist he stowed in dern her meikle tocher. Thured, as you'll can ken gin you ken noo the whit she was anent thon groof caad Giermund she furst mairriet, haed yae ingyne lik licht ben een cuid see the daurk and her no lukin; she haed a temper kept in tid thon wy she was the whit did she, an didnae losse-the-place, lik bein 30 thon wy she wasnae, naw, she didnae: she aye was aa-thare, furrit wi it, an neever thonner, yont ingyne. That couple, Gudmund and his Thured, haed fower sons, Hall, Bard, Stein an Steingrim, an dochters juist the twoe, the vin

The saecont dochter Olaf haed

was Gudrun caad, the-tither Olof.

was Thorbjorg, in her fairheid caad the bonniest o wemenbodies; 40 a meikle-graithit sonsie vin, her byname was the Stoot; she wad waast ower in Watterfrith, til vin a dacent braedin, Asgeir caad: his faither haed the name o Knott. The son o Thorbjorg and her Asgeir was Kjartan caad, faither o Thorvald was faither o yin Thord, the faither o Snorri, faither o anither yin Thorvald whoe was the begetter 50 o aa were clannit Watterfrith. And efter that, that was as lang as kent whit faimlies were aboot, Thorbjorg taen Vermund, son o Thorgrim as her ain man, tho naething's telt anent the whoereaboots o Asgeir. Thorbjorg an Vermund haed yae dochter Thorfinna caad, whoe wad a chiel whoese name was Thorstein Kuggason. Bergthora, Olaf's dochter thrid, 60 was mairriet in Deepfrith waast ower, her man Thorhall-the-Praest, thur son Kjartan, the faither o a man was caad Smith-Sturla, foster son o yin Thord Gilson caad for kennin. That is whit some folk say anent folk cam fae folk that cam fae folk. but ithers daenae hae a wurd for Kjartan, faither o the Thorvald was faither til thon Thord, nae mair 70 nor wurd anent Snorri his son, nor ocht anent the Watterfrith folk: nor for that maitter ot, some say nae wurd anent thon ither Kjartan, faither o Smith-Sturla, whoe becam the foster-son o him Thord Gilson. Noo, in amang aa thae ongauns, an lang afore the feck at that, Olaf haed monie bonnie baess amang his nowt in park an byre, 80 the vin o thaem a meikle owse the wale o owsen aagaets roon: as lordielyke as Harri caad, an fleckert groolik as a naig, an meikle mair nor onie ither amang his kye, it haed fower horns, twoe faured as fair as braid athorte, the thrid straucht up lik spear the luft, the fowerth stuid furrit fae the broo an raxit doon alow the een 90 lik some byordnar meikle dirk. In wintertyme, come cranruch cauld, then yce tae beild the watter liggin alow it ben the powns an burns, then snaw lik wheefle-whaffle doon tae hap laich bent an broomie braes an smoor them ower againss the wuin wuid perish snype an kill a bear, thon meikle dirklik horn was yaissed tae brekk the yce for watter-slooch: 100 an thru the snaw his cluits wuid scart an scrape in hungersomeness, howkin for gerss in beild was chowe-the-coode. Yae winter, that was lyke a mell upon the kist wi ilka braith. or lyke an airn baund aroon micht press the bellowses thegither, thon muckle owse in oot-traik gaed fae Herdshaw intil Braidfrith Dales til yon airt noo caad Harristeid: 110 alang wi sixteen ither nowt he vaigit, finndin fodder for them, an neever myn the waather lyke tae kill a bear or perish snype. Come voartimm lyke the luft o hert athin the kist for tak a daunner, or lyke the fuit for luft an lay it tae merk the mairch o melodie upon the lips lik sing a sang or thru the lips lik whissle it, 120 thon muckle owse cam hame again tae snoof the air athin thon place on Herdshaw grun bynameit noo as Harrishowff, an naither wunner.

	Inc
Aichteen cauld winters in alow his sprecklt-groo tae doore him doon, saw Harri's yce-neb brekk awo an faa amang the suimmer swaird that he was chowein for a coode, sae Olaf, come the autumn hairst, thocht fit tae fell the meikle owse afore oncomein winter did, wi yce upon the ilka pown an nocht but snaw tae sloke the drooth.	130
Neist nicht, whit tyme the meikle owse was maet as tyuch as eever hingit upon a thyeuk; whit tyme its baens were chippit ower the dyke for kanglin amang the messans on the ferm; whit tyme the skin o dabblt-groo was laid asyde for buits or shuin or cloak or ither kynd o cleedin, or mibbes for a kitchen-rug, a dream taen Olaf's mynd in towe an brocht him on lik wunner whoere yae ferlie wumman stuid fornent him, as meikle-graitht as angersome, as angersome as fricht a trow.	140
S'she, "And are ye slaepin, then?" her wurds a soond cuid wauken bears alow the snaw come wintertyme. "Ay," Olaf said, "I'm wauken noo,"	150
his wurds a rummle ben the thrapple soondin mair lyke a yuchellin.	
S'she, "Ay, you are slaepin, sur, but slaep or waukent's aa yin-waan, sin you hae felled ma brawest son an gien him hackit back til me, an bluidie as athooten shape, a weird that naebodie suid dree."	160
"Noo, I'm for tellin you," s'she, "that you yersel are gaun tae ken the samin dreedour gien til me, for you sall see yer ain son felled as bluidilie as slaigert ower fae heid til fuit as ruid as ochre: and I'm for chaisin sic a yin	

whoese losse wuid sair ye waarst o aa."

Wi that, she shote-the-craw, and Olaf upstertit lyke a burd whuin frichtit, or lyke a saumon thyeukit sair, and as he waukent, fuhll in flicht as hauf athin the faain watter, wi een as roond as rowein fleggit for aa athin the ferlie thocht, it was as tho he catcht a glim lik girnin on the face was gane as swythe as intil neever-been sae aften thocht the ayeways-is.	170
Inwith thon dream, sic wark was wrocht as hottert lyke a barmie bree in Olaf's haerns as throch-an-thru as rummle on for weeks on end: an naebodie cuid spae the speil the wy he greinit for tae ken.	180
Thinkin anent it naething waarth the thocht as naething waarth the thinkin, Olaf's ain ettlement was think his thocht ben slaep hauf-in hauf-oot was lykelie juist a doverin: an gin a bodie telt him sae, the sic avysement pleased him weel.	190

#### Chaipter XXXII

### Anent Osvif Helgison

Osvif was the name o a man whoe was the son o Helgi, son o Ottar the son o Bjorn the Aestman, whoe was son o Ketill Fletneb, whoe, ve'll myn, was son o Bjorn, whoe, ye'll myn, haed byname the Ungartert: tho some folk say whoere Osvif was in Yceland, still they daenae say the whoere he cam fae ben the folk. Nidbiorg was Osvif's mither, whoese 10 ain mither was caad Kadlin, dochter o Gangin-Hrolf, the son o yon yin was caad Owse-Thorir, gy kenspeckle as yae highheidyin "hersir" caad for bein furrit in the weires, an badd aestwarts in Wick ower thonner. He was a bigwig, was Owse-Thorir, because he haed three yslaunds owerbye, the ilka yin wi aichtie owsen for gerss and hy oot-thru the year: 20 the blab o speak anent the bodie was that he gied til Hakon Keeng yae yslaund wi its aichtie kye: again, some folk say nocht anent that things, as haein little wecht athin the Saga waarth the boather. Osvif was kent as wyss enyeuch as kent the whit was whaat an whoere, an badd in Saelingsdale at Laugar, the hamesteid airtit on the north bank 30 o reever watter rinnin thru the Saelingsdale near yon place Tongue. His wyfe was yin caad Thordis, dochter o Thjodolf aften caad the Shortie. Yae son was Ospak caad, anither caad Helgi, thrid yin Vandrad caad, a fowerth caad Jorad, fift yin Thorolf: the ilka yin o aa thae sons was buirdlie as the best o chiels, an furrit aye in ilka fecht. 40

Osvif and his wyfe Thordis haed a dochter was as yin and onlie a dochter as she wuid become the yin and onlie wumman roon the ilka airt fae here til thonner as faur as Yceland was concaernt: ingyne lik hers was lyke her luks, no aften fund but yince fund, kent as made for chycest wummanheid.	
As wummanbodie, Gudrun was a day afore the maerket clash amang the wemenfolk anent the whigmaleeries o thur cleedin,	50
for ocht they wore for deckin-oot was nocht fornent her common claes, and as the saw micht say anent her, it's bonniest that busks itsel sin braw things mak plain bonnie-nane.	
An no juist that, her thocht was eydent an throch-an-thru as roondaboot a maitter for tae think upon, an jimpie as a needle thirlin a pettren o a bittock claith;	60
an no juist that, but, naw, no juist, o wemen aa no blate tae speak, her claik was cleir as splooter-nane, wi wurds in lyne mair lyker saws as triglie made as tuned in tyme; thaem no alane, tho, no juist thaem,	
for she was aipen-haundit as thon wy her gangin fuit was giein, her onlie gettin giein pleesure. Thare was yae wummanbodie badd	70
at Osvif's fermsteid, bi the name o Thorhalla, but wi the byname kent roondaboot as Gabbiegub: she was a kinna faur-oot cuizzin til Osvif, an she haed twoe sons, yin Odd caad, an the-tither Stein.	
They were the hardie chiels, were that yins, an muckle, stoore as ower six fuit, an thranglik wi't, for at the graft on Osvif's ferm, they wrocht did they	80

an no juist wrocht, but humpht and heaved mair nor the oniebodie thare; an gif they were as gabbie as thur mither, an were lykit-nane because o that, aa Osvif's sons thocht nane cuid neebor thaem at wark.	
At Tongue thare badd a man was caad Thorarin, son o Thorir Saeling, thon yin was caad the Randiebodie as some folk lyke tae bracket him, tho ither bodies daenae boather. Throarin was a weel-aff lairdie, an was a stranglik, muckle bodie, wi guid ferm grund aroond aboot him but little baestial on its parks.	90
It cam aboot that Osvif waantit a swaatch o thon grun for his yuiss because he haednae meikle laund but haed a rowthe o baestial; an sae he bocht Thorarin's grun fae Gnupaskard as faur as Stackgill alang the baith sydes o the strath: an gyan guidlie growein grund it was, a dacentlyke bit niffer.	100
Thon was the verie place for Osvif tae hae a sheilin for his kye, an sae he did. He ayeways haed a fowthe o hoose-carles, niefs anaa, his leevin ruch as jingle siller athin the pootsh, an rift the scran a rummle ben his gutsin wame.	110
Waast ower in Saurby is a ferm caad Hol, whoere three manbodies badd; they were twoe brithers, yin was caad Thorkell the Whalp, and yin Knut, baith guidlie-born; the thrid man thare was kent as Thord, thur ain guid-brither.	120
That yin, whoe shared thur ferm-wark, was nameit Ingun's son, fae's mither, Thord's faither yin Glum Gierison.	
Thord was as virrfou as guid-lukin, an awfie man, tho, for the law	

and aa was intilt for oot-takkin;	1 <i>ne</i> 1
he was pernickitie as drew	
a straucht lyne for the warrand ot,	
but gif the warrand was as caurrie	
as birl aroond a pynt o law	130
nae boather, he wuid mak lyne weegle:	
tho smert at law, he wasnae wyss	
in mairriage, for the wyfe he taen	
was Aud, a bodie whoe was sister	
o Thorkell an Knut, an wasnae	
as bonnie as abuin them aa,	
nor blythesome as abuin the lave.	
Thor loued her little, for he'd wad	
the bodie no for luve but siller	
was ben her kist athin the shottle	140
yae merk upon anither yin	
micht jingle-jangle ben the pootsh:	
for aa that, tho, an thare was meikle,	
the ferm haed aye duin gyan weel	
yince Thord taen ower his share o wark.	

#### Chaipter XXXIII

### Anent Gest Oddleifson an Gudrun's Dreams

At Hagi, waast o Bardastraund, thare badd a man Gest Oddleifson.

Highheidyin that he was, he was for aa that, gyan wyss a chiel cuid think as furrit for the fact as ken whit was mair lyke a ferlie til folk he telt whit was tae be: folk heech abuin the lave aroon were freenlie wi him, ken, thon wy they taen til hert his coonsel as the best avysement for tae pree.

The ilka suimmer on his naig that snichert wi the caller air for fidgefoufain tae gang abraid, Gest rade ower thonner til the Althing: and on the wy wuid aye haud-in til Hol for byte an sup an bed; haud-in for byte lik shaef o breid was vince a seed made monie seeds made mael for baxter's skeeliness tae soople daich syne gar it ryse; haud-in for sup lik sluch a pynt or skail ower thrapple sic a dram haed rin fae wurm as bonnilie as bleeze a pad ben kist an wame gart een licht-up as bonnilie; haud-in for bed nid-noddie as nae need tae birl the bowster ower for calleratioun on the chafts ower waukrif thru the wee, smaa oors.

Yince, neeborin sic tymes at Hol as hear the cock-a-doodle-doo the neebor o his waukenin a gant tae rax his mou come mornin, richt aerlie up and oot o bed as tak-the-gaet lik tak-the-hook, Gest gaed in stoor aroon the huifs tae merk the gaet his naig haed taen; his traik as lang as wearisome, in gloamin-tyme he cam til Thickshaw whoere Armod, his guid-brither, badd 10

20

30

wi Thorunn was his wyfe, Gest's sister: thur sons yin Ornolf, tither Haldor.	
<ul> <li>Fae Saurby syne, Gest rade aa day as saiddle-sair as hunsh the hainsh, an cam at lenth til Saelingsdale asyde waal-ee haes watter het as soople sinnen lyke a whang, or aese the baens lik saften smeir, or lowsse the hainsh lik let it ligg as caunnilie as cooriein;</li> <li>Gest styed thare for a tyme was lyke an aesement o the haerns as weel as sooplement o skin an baen.</li> </ul>	50
Whuin he was thare, weel-at-hissel as wuidnae caa the keeng his brither, Gudrun, kinswumman til him, cam tae see him, <i>Hoo's it gaun then, Gest?</i> and he, as waarm as fae the dook, <i>Ma wee hen! Hoo's it gaun wi you?</i>	60
The speirin duin as whit is duin juist cannae weel dae ocht the less atween twoe folk as fonde as thaem, the speak atween them saettlt doon as claikt-the-nane but taen guid tent o whit was said for say it wyss, an whit was speired for tell it true, for baith thae folk were wyss in wurds as no say ochtlins wasnae true.	
Day wearein on til gloamin-tyme a wheeple ben the mavis sang lik <i>Will I sing it ower again?</i> Gudrun said, "I'm for weeshin, Gest, you an the tail o bodies wi ye wuid aa come hame wi us the-nicht an byde as lang as you think fit: it's no masel is speirin, because ma faither says the same	70
an lets me neebor his invyte bi tellin me tae let ye ken that he wuid lyke ye for tae come an byde wi us the ilka tyme ye ryde as faur as oot the waast or intil waast as nearenyeuch."	80

	The Lax
Tho Gest was fair taen-on tae hear it, an said he thocht the invyte was as dacentlyke as Osvif gien it, and at the samin tyme as thochtfou as Gudrun puit her speak upon it, but aa the same was nane-the-differ, he coodnae byde lik bye-the-gaet but haed tae up and on his horse an plowter furrit as he'd planned.	90
Said Gudrun, and her wurds were gowd as birken leafs come autumn wuins can blaw them or they brekk an faa: "Afore ye gang, I'll let ye ken this winter past it's I hae dreamed as monie dreams as nicht can dream atween the slaep an waukenin, tho thare were fower hae fasht me sair atween baith waukenin an slaep; but no the yin haes oniebodie puit insicht on lik pree for me as micht be lykin sic a preein, tho mynd ye, I'm no speirin juist tae hae the preein pleae me, naw."	100
Said Gest, wi wurds as cleir as licht atween the glimmer o the gowd o birken leafs in autumn stilled, "Tell me yer dreams: it's mibbes I can mak an ocht is nocht-the-nane anent them, no a something naething."	110
An Gudrun said, "Ma furst dream saw me staundin ootbye besyde a burn cam fae an airt I didnae ken an gaed a place I kent-the-nane; I haed a hat upon ma heid that didnae lyke the luk o me ocht mair nor I was lykin it, sae I was thinkin for tae mak the nocht athin it lyker ocht, tho aabodie prig-priggit at me tae lae the thing alane or dree it."	120
"I listent-nane til oniebodie, an ryved the bunnet aff ma heid an cast it ben thon burn that gaed til some place that I kent-the-nane	

	The Laxad
fae ferlie airt I didnae ken: ma furst dream saw me then nae mair."	130
Gest was as quaet as cockit luk is mowt-the-nane tae hear the neist.	
"This is ma saecont dream," said Gudrun. "Again I thocht I stuid ootbye fornent some watter, some bit lochan some folk micht say, or mibbes pown, that glinkit wi the licht upon it a thoosan skinkles ilka yaird, a licht that gleenit ower ma airm	
fae skinkle on a siller ring aroond it for a gauderin."	140
"I thocht it was ma ain for aye that is as lang as I micht leeve, sae bonnie on ma airm the braw that taen athin its ain bit roon the hauns that herried it fae stane, an fingers that haed merkit pettrens were lyke auld laegends for the tellin: but och, whuin little thocht o, yit	
<ul> <li>lik yon hauf-kennin whit's adae,</li> <li>as dowie as the day tae dree,</li> <li>thon ring then slippit doon ma lenth</li> <li>o airm ael sooplelyke, and ower</li> <li>the trimmle o ma finger-ens</li> <li>tae sink athin the watter lyke</li> <li>the ghaist o whit it yince haed been,</li> <li>syne yont the sicht or tuitch or kennin."</li> </ul>	150
"Athin me, lyke a daesolatioun o mynd as tuim as naethingness anither kynd o kennin, tynin o thon ring was the mair byordnar nor for a bit o gauderin: I waukent, daesolatioun ben me as tho I stuid athin a daesert."	160
Gest gied for aunswer whit micht been as little as micht riddle-ree: "The lesser-nane a dream is that yin."	
As tho he haednae gien a cheep, Gudrun was speilin on, her wurds in spate lik some ruch reever rowein	170

S'she: "Ma thrid dream this yin noo. I thocht I haed a gowden ring belangit me athin ma haund: it made up for the siller losse, the-wy this gowden yin was skinklin wi sunlicht sheenin brawlie on it." "The thocht was ben ma mynd anaa that I wuid keep it mynes for aye that gif no lang as I micht leeve, 180 yit langer nor I kep the furst that was a myndin lyke this tae." "Ay, ay, mair braw nor onie siller this ring o ruid gowd, pettren wrocht in lynes for tellin auncient laegends, haed claucht athin its makkin haunds haed waasht it fae the grushie burns no stoorielyke but poother hivvie, or waarslt it fae rocks in hiddlins 190 here laich, thare heech among the hills: but gien aa that, that is as meikle as cannae be the meikle mair. it seems that I was no for thinkin this myndin wuid be guid enyeuch tae be ocht better nor the-tither, at onie rate, no meikle mair nor waarth o gowd abuin the siller." "Wi that, as swythe as onie shak o deid lamb's tail, I shoogelt feet an taen a faa lik tummle doon, 200 an thocht tae stuidie me as swythe as no twoe shaks o deid lamb's tail bi puitten oot ma haun fornent me, and as I did, the gowden ring was strakkent up against a stane an brakkent lyke a dozent tweeg, the yae hauf thare, the-tither yonner; and here's a thing that's no twoe haufs, but mair nor baith things vince thegither, as they were liggin thare, ruid bluid 210 ran fae them lyke the bluid o men haed wrocht thegither for tae mak them, or lyke the bluid o wemenfolk haed socht tae hain them ben thur greinin."

the whoere the humph comes up its back.

"Upon me lyke a strack cuid stoond athin the hert wi dowie dunt, ma kennin o the whit was duin lik duin for yince is duin for aye, was no sae meikle chawsomeness for brekkin sic a gauderin, but dool made mynd as dozentlyke as gart the een rin weet wi greit."	220
"But no juist that, that was enyeuch as rowe ma thochts aroon ma myn	
lik autumn leafs wi ilka wuin,	
at yince, lik insicht ootwith keekin,	
I thocht thare maun hae been a flaw	
athin thon ring haed gart it brekk,	
and as I lukit at the bits,	
I thocht I saw as monie fauts	230
as micht weel gar it craise the mair;	
but juist the same (as maks a differ),	
I haed a thocht that was as fly	
as walk the ceilin o the myn,	
that gin I'd been the bit mair tentie,	
the ring micht steyed as roond as haill:	
wi that, the dream was gane, ayont	
ingyne as ben the haerns for keek	
an ken or luk-the-nane ken nocht, and I was left in laneliheid	240
that rowed ma heid upon the bowster."	240
that towed that here upon the bowster.	
Gest gied for aunswer little as	
a Come a riddle, come a ree:	
"Thae dreams are less-the-nane at that."	
Said Gudrun: "Fowerth dream this yin noo.	
I thocht I haed upon ma heid	
a helm o gowd that was mair lyke	
a diadem o praecious stanes	
herried fae aa the erdlie airts	
that made it lyker mair a croun	250
as heech upon the heid as pochled	
the-wy highheidyins haudin pooer	
in Kirk or in the State aye clap	
thur castles on the tap o knowes	
the-wy they clap thur dowps on thrones."	
"Mynd you, altho the lyke o thon	

"Mynd you, altho the lyke o thon is aither pochelt in a cheatrie

or stowein herried efter fecht, this yin o mynes was aa ma ain an neever haed belangit ithers in pochelment or herriein, but I'm for tellin you nae lee that torques the tongue an splooters spit, but for the truith that speaks as straucht as plays the lips in melodie, the yae faut wi it on ma broo was wechtiness that boued the powe and hingit it as favoursome as lykit yae syde mair nor tither."	The La
"I neever thocht the helm the fautor, naw, shairlie naw, its wecht was graith tae gar it luk mair braw nor bonnie; it wasnae its ain wyte, thon helm, naw, shairlie naw, its wecht was graith it haed tae hae tae be itsel: I wasnae gaun tae pairt wi thon, altho the wecht was sair tae byde, naw, even tho gin it wuid gang, ma heid wuid neebor it in gangin."	270
"For aa the wecht ot on the waable, I wasnae for no waantin it." "For aa that, tho, no ma wyte aither, the helmet cowpit aff ma heid an dookt itsel in Hvammfrith watters, foreever tynt amang the tangle an seen nae mair excep bi fishes an thae folk soomin caad the selkies; wi that I waukent, wunnerin the whye I wasnae thonner, soomin	280
<ul> <li>amang the selkies ben the tangle</li> <li>tae finnd thon helm an weare its wecht:</li> <li>noo, I hae telt ye aa ma dreams</li> <li>sae you may ken as weel as I</li> <li>the whit they seem tae be, or mair</li> <li>I daenae ken but you may spae."</li> </ul> Gest gied for aunswer meikle mair <ul> <li>nor onie riddle for tae ree,</li> <li>sayin, "Tho I see as cleirlie as</li> </ul>	290
an insicht ben yer ilka dream lik clean thru watter at the ebb abuin the grush alang the straund,	300

		T
I'm thinkin you'll be finndin-oot		
ye're nid-nid-noddin at the speil		
sin ilk insicht is peels wi tither."		
Said he, "Fower dreams is ilka yin		
fower husbands aathegither yours		
the-wy ye see them, mibbe-ay,		
the-wy they see you, mibbe-naw,		
but mibbe-ay or mibbe-naw		
•	310	
the-wy they cannae help but be,	510	
nae mair nor you can be ocht else."		
"Mindo at ma non a fan tall tha twith		
"Misdoot me nane for tell the truith		
that is a dream can tell nae lee,		
the furst yin you will mairrie-nane		
for luve a licht athin the een		
but you will ken fyne mair the lyke		
o daurkness ben ingyne for dool:		
the bunnet on yer heid ye thocht		
that lykit-nane the luk o you		
ocht mair nor you haed lykit it,	320	
means you will loe him little mair		
nor something no the mair nor less."		
"An ryvin it fae aff yer heid		
lik Let me feel the caller air		
aroon me blawin wyld an free,		
then castin it athin the watter		
no <i>Fare-ye-weel</i> but <i>Ill-fare-you</i> ,		
means you are freein your ainsel		
in leavin him tae gang his ain gaet		
athooten thinkin whoere he gangs,	330	
altho that leaves him free anaa		
tae gang his ain gaet as he pleases		
athooten thinkin whoere you're gangin."		
"That's lyke thon common speak that tells us		
ocht cast upon the sae is gane		
the whoere thare neever is retour;		
or in anither kynd o speak,		
gin ocht is tynt is aa his ain,		
aa he will finnd is nocht retour."		
"Mand you on they have a line of the	240	
"Mynd you, anither hamelie speak	340	
micht rhyme it yince tae mynd it mair:		
whit's chippit on the gurlie swaw,		
as lyke as no gangs faur awaa."		

	Th
"An then, micht rhyme again tae mak	
mair shair it isnae kent the less:	
whit's chippit on the swaw alow,	
comes back the-nane but gangs awo."	
Then, speilin on lik patter-sell,	
said Gest: "Yer saecont dream rowed roond	
yer myn the-wy a siller ring	350
rowed roond yer airm for gauderin	
becam tynt ben the watter lyke	
the ghaist o yince, syne yont the sicht	
or tuitch or kennin ben the watter;	
this means that you will mairrie yit	
some highheidyin that you will luve	
as you will think will be foreever	
that is a gy ondeemas coont,	
but for the fact ot, little mair	• • •
nor no that lang at that, for you	360
will tyne him as ye tint the ring,	
alow the watter, droondit lyke	
the ring ye thocht gaed lyke a ghaist	
o whit it yince haed been, sae braw:	
I ken nae mair anent that dream."	
"Yer thrid dream noo," said Gest. "Ye thocht	
yer haun was haudin yae gowd ring	
belangin you was bonnier	
nor siller yin was losst for aye;	
this means ye'll hae anither man	370
that you will wad lik tak a thocht	0,0
he is the chycest o the chaisen	
an sae the colour o the kynd	
he seems tae be, but you will finnd	
lik tak anither thocht, he is	
as sweirtielyke in ettlement	
as no that chyce in think an dae."	
"It's in ma myn lik keek the yince	
tae see the whit thare is tae see,	
then keek again tae see for shair	380
the whit was mibbes thocht was seen	
was no as furst was thocht was seen;	
an this is whit the differ is	
atween the siller yin an gowden:	
gif gowd is no as throch-an-thru	
as siller its ainsel thru-haill,	
then laich enyeuch the gowden is,	
altho the merk ot caas it heech,	

even as heech enyeuch anaa the siller is, tho merkit-nane: that's whye the thrid man that ye'll mairrie is roonlie gowd, no ruid bluid thru, but bosse athin as ruid bluid skailin."	The Laxdo
"Lippen on this. It's I'm for thinkin as dowielyke athin the thocht can mak for sair misdoots in myn, bi this timm, no that lang tae come, a chynge o faith will gang aboot lik wunner whoere awo it cam fae, will gar yer guidman turn an tak it; some think that faith ayont the muin, abuin the lave as heeven heech; some caa it juist the verie dab can pynt the place upon the yird whoere mankyn best can byde mair haill; a tyme lik that, stramash o myns	400
lik stuishie ben the sauls thursels atween twoe bodies in a mairriage, cuid weel gar you think your mistent anent the maitter gart it brekk in twoe juist lyke yer gowden ring, wi bluid ootskailin fae the ens; this I'm for tellin you for truith that cannae be a lee avaa	410
<ul> <li>lik this or that faith, here, thare, yonner;</li> <li>this means this man o yours will dee <ul> <li>as shair as duin til daith is deid</li> <li>that cannae tell whoere saul is gane</li> <li>or gin it dee alang wi corp:</li> <li>an for the lave ot, paece o myn</li> <li>lik saucht athin the saul is yours</li> </ul> </li> <li>in tyme tae come whuin you luk back,</li> <li>an see the flaws athin the mairriage</li> <li>were naither yours nor his alane</li> <li>but mair the pickles made a mickle."</li> </ul>	420
Weeochie gant for tak a braith, an Gest gaed on tae mak his speil lik staundin in a maerket-place wi dabbities an luckie-dips, an said, "This is yer fowerth dream noo, the yin whoere you haed on yer heid a helm o gowd lik diadem wi praecious stanes fae aa the airts set in it for a wechtie croun."	430

"This is a sign lik tak guid tent that you will mairrie yince again, fowerth guidman as a better yin nor yin, twoe, three no luckie aither."	
"He'll be anither highheidyin, but heech abuin thae ither three, a bodie awsomelyke abuin ye the lyke o thon great, muckle wecht, thon croun that gart ye bou doon laich."	440
"Yer dreamie cowpin o the helmet for drookit dookin ben Hvammfrith, means that same place will meet yer man on his last day o lyfe as seen amang the tangle wi the selkies: thare isnae mair that I can tell anent him, tho the selkies micht, gin you cuid speak thur watter-leid."	450
As Gudrun listent til the speil, she was at yince a fair bit blushet, skin sheenin wi ruid bluid alow, but didnae gie a cheep avaa until Gest mowtit-nane hissel.	
An then she said, "I'm for jalousin that whit I haed tae gie til you because I telt the truith o dreams meant you cuid gie me naething else nor whit cuid neever be lik lees, and I maun thank ye awfie kynlie for whit as weel as wy ye said,	460
an no for whit ye micht hae speiled tae mak a pickle, no a mickle: I'll tell ye this, tho, I am sweir tae think upon the things insicht haes seen athin thae dreams o myne gif tyme will tell the samin tale an no a cairriet storie ot."	470
Gudrun then priggit sair at Gest tae see the day oot wi them thare, an pyntit-oot lik juist the dab that Gest and Osvif wuid be chief as thrangitie wi things tae say but no in switheratioun, naw,	

in wyssheid raither, cantie wi it. An Gest gied aunswer til her, sayin: "It's I maun tak-the-hook an ryde intil the airt I haed in myn, 480 but gie ver faither aa the best will haud him haill until the day whuin Osvif's hoose an mynes will be as near as lets us crack thegither, that is, gif nocht or naebodie say Haud awo an gab the-nane!" Wi that, that was enjeuch at that tae be as meikle's gart him think, Gest rade awo wi Gee up, naig, that was enyeuch as gart the baest 490 haud on the-nane but pad-the-hoof. A weething on his wy awo, alang a hamepark dyke at Herdshaw, Gest met in wi a hoose-carle sent bi Olaf giein him an invyte tae hae a crack wi him that day. Gest said that he wuid gang an see Olaf that day, but for the lave ot, wuid byde the nicht ower Thickshaw wy. The hoose-carle up an gaed his gaet 500 tae let his maister Olaf ken whit Gest haed said an whoere he rade; sae Olaf brocht his ain horse oot. an wi some freens around aboot him, gaed owerbye for tae meet wi Gest and aa Gest's freens around aboot him. Lea Reever saw them meet, as waarm as shak the haund an daud the back, wi Olaf sayin, "Come awo, baith you and aa yer freens aboot ye, 510 an daud the glabber aff yer shuin, syne ben fornent the ingle wi ye, an tak yer dram wi skowthieness, or lae't alane lik sluch nae mair." Gest said at that, "It's I maun thank

ye awfie kynlie for the invyte"

	The La
then said that he wuid tak-the-gaet til Herdshaw for tae hae a swaatch whitlikken hoose at hame it was, but juist the same, he haed tae byde	520
that nicht wi Armod, as was planned.	
Gest haed his swaatch at Olaf's hoose the tyme it taen tae luk it ower, an for tae shaw he lykit it sae Olaf lykit his opeenioun, said, "Siller spent here was weel-spent, no jingle-jangle ben the pootsh nor wheesht in kist athin the shottle, but pyed for aix the wuid a tree, then saw it for the tree made broads, syne biggit broads in frames an waas tae mak a beild for honest folk."	530
Wi that, lik praise for pleesured een, maks wurds a lilt on pleesured lips, Olaf was up and on his naig micht gien Gest Scots-convoy at that but gaed as faur as Saumonreever.	
Kjartan an Bolli, foster-brithers, haed soomit thare the haill day thru, a ploy that Olaf's sons cuid play an bear-the-gree againss the lave: alow the watter selkielyke as jink an jook an torkie turn; or scoor athin a laevel streetch	540
for gang the furdest haud-the-braith tae doakie onie ither bodie; or dive as heech as up and oot as soondit lyke a deidman's plump whoere watter was as deep as daurk; or race fae here til thonner lyke a saumon soomin thru a spate; or soomin still an stuidie as a troot alow a reever rin the-wy troot dae gin yin is taen lik gar anither tak its place lik sodger in a lyne o battle.	550
Fae ither ferms an bothies roond, a wheen o ither strappin lauddies	

were soomin wi the foster-brithers.

As thon braw companie o men and horse rade doon the wattersyde, Kjartan an Bolli lowpit oot, still puittin on thur claes the-tyme Olaf an Gest rade up asyde them.	560	The Laxdale Saga
For some timm, lyke a wheesht o kennin inbye a stoond o thocht jalousin, Gest lukit ower the youngflas thare, an then telt Olaf whoere were sittin the yin caad Kjartan, tither Bolli, syne, wi his spear-shank pyntit oot this yin an that yin Olaf's sons, wi name for this yin here, that thare, or else for thon yin, thonner staunin.	570	
Monie anither brawlik youngfla haed left aff soomin, sittin bye upon the reever-bank wi Kjartan an Bolli, Kjartan's foster-brither, but Gest said naw, he coodnae see the Olaf's faetures in the faces amang the ither young men thare.	580	
Said Olaf then in wunnerment lik kennin mervel suddentlyke: "Man, Gest, thare's no a bodie here, nor faur awo as aa the airts, haes eever seen the lyke o you for wyssheid ben a curn o wurds athin a wheen o seellables; here you are kennin fyne thir bodies altho seen-nane bi you til noo!"		
"It's I am at the speirin noo tae tell me wi a furder preein whit yin o thir young men afore ye will yit be muckle as the maist highheidyinlyke amang them aa?"	590	
Gest gied for aunswer sic a sooch o wyssheid come a riddle ree: "Faa oot it will as cannae be kept in, and even as the wy ye waant it for yersel lik luve that ruits itsel in bluid an baen as self-luve; it maun be young Kjartan will be maist thocht o for as lang	600	

	Ine
as he sall leeve, nor will he be	
the laest thocht o the verie day	
that comes upon him for tae dee:	
ay, him ye loe the maist will hae	
nae laest lament upon his deid."	
Gest up an rade awo, a skelp	
upon his cuddie's flank tae gar it	
caw stoor aroond aboot its coots.	610
No that lang efter that, his son,	
caad Thord-the-Shortie, rade up til him	
an said, "Whit's this upon ye, faither,	
that gars ye greit lik onie bairn?"	
Gest gied for aunswer nithin lyke	
a riddle, neever mynd a ree,	
nor wyssheid lyke a saw for truith,	
but truith that daesnae need a saw:	
"I daenae need tae tell it, son,	
but gin I daenae, tyme itsel	620
will tell it, ay, sae tho I'm laith	020
I cannae keep ma quaet anent	
the whit will come aboot in your timm."	
"Some say for kent it aa the tyme	
is juist lik cauld kail het again,"	
said Gest, "but I'm for tellin you	
tae mynd ye whit ye ken yersel,	
that day-auld kail, or twoe-day-auld,	
is lavrie mair nor furst aff hob:	
gif Bolli yae day hae the heid	630
	050
o Kjartan at his feet, a powe	
as bluidie as can gar him ken	
he micht be lukin at his ain,	
that wuid be lyke insicht o mynes	
a wairsh gou in upon ingyne	
an neebor-nane o lavrie kail	
the yae day or the twoe-day het	
athin a coggie on the broad	
tae sup for kynliness ben kyte."	
"Sook this for pyson her ingra	640
"Sook this for pyson ben ingyne	040
an ill thing for tae ken anent	
sic brawlik men were youngflas yince	
sae brawlik strappin lauddies caad."	

That was enyeuch for say nae mair,

mair nor enyeuch areadies said, sae aff they rade the Althing wy whoere little was as meikle's duin lik easie duin is lae't alane an byde-the-wheesht for better days; tho, as expeckit, it was said thare that it was "absolutely clear" anent the whit cuid no be seen because it wasnae thare avaa.

#### Chaipter XXXIV

# Gudrun's Furst Mairriage, AD 989

Noo, Thorvald was the name o a man the son o Haldor, Garpsdale's Praest, an badd at Garpsdale in Gilsfrith: he was as weel-aff as no waantin, tho waantin as was hero-nane, naething athin him furrit-fechter.

The Althing on again yae year lik listen for tae hear a speak anent the whit was waarth a wurd, or for tae speak a wurd was waarth a lug tae hear whit mooth was yarkin, the Thorvald fuhlla taen a keek at Gudrun thonner, Osvif's dochter, whuin she was fifteen suimmers young as no yit sixteen autumn's auld haed seen her sixteen suimmers gang, an lykit whit his keekin saw, taen juist anither swaatch for shair, then speired at Osvif for her haund in mairriage gif the greeance guid.

The greeance gettin on for guid as no that bad gif niffer saw thae twoe in mairriage no made peels as tocher stown in Thorvald's kist, but peels the mair in Gudrun's aucht as staund her ain gin ocht gy wrang as brekk the baund gart thaem be yin.

Thorvald gied aunswer in the niffer, his vyce as quaet as caunnie soochin, that he was speirin for a wyfe was flesh an bluid for baens an sinnen lik twoe made yin were baith the same, an wasnae speirin meikle siller was wechtit for a shottle-stowe.

Wi that, young Gudrun was betrothed til Thorvald, Osvif bein thrang tae think the whit tae scryve, an pen for scart the contrac luk-an-see, an this the wy ot for the greeance: whuin twoe thegither, Thorvald, Gudrun, 10

20

<ul> <li>made yin athin the mairriage bed as baens an sinnen, flesh an bluid,</li> <li>Gudrun wuid tak in haun the siller for jingle-jangle ilka day,</li> <li>the hauf ot ayeways aa her ain lik ben the shottle o her kist an no in Thorvald's shottle peels,</li> <li>an neever mynd hoo lang the baund</li> <li>wuid haud them ben the mairriage bed.</li> </ul>	
Forbye aa that, that wasnae smaa as onie drink was neever drammed, he haed tae puit his haund in pootsh tae coff her praecious stanes for gauds wi gowd inwrocht aroon them lyke sun waasterin alow the swaw, or siller lyke the muin can sheen abuin the yerd athin the aest: this wy, that was his gaet tae gang athooten hunker-slydin ont,	50
<ul> <li>wuid let the lave o wummankynd lik her ainsel aroon the place ken fyne they coodnae better her.</li> <li>Aa this ongaun, lik skail his siller as tho ilk day a waddin-scrammle, the baestial o the ferm, an grund alow thur feet, wuid byde his ain, an neever myn the gauderins that Gudrun taen her ain wuid byde.</li> </ul>	60
<ul><li>The Althing ower, men rade aff hame, wi whit was said athin thur lugs for speak, hauf-heard no hauf-intaen, an mynd ye, sae ye'll no forget,</li><li>Gudrun was speired-at-nane anent it, syne, kennin clash anent for trothe, sair-hertit was she, was she no, for stoond ot awfielyke tae thole an strack ot staund an doore it oot: an that was that was meikle mair, tho wheesht as quaet as caunnie bydein.</li></ul>	70
The waddin syne taen place in Garpsdale in whit is caad the Twinmonthtyme, the hinner hauf o August month til hinner hauf o month Septemmer, as some folk say, tho ithers speil	80

late suimmer was the mairriage-tyme.

Ye mibbes think that Gudrun haed a something lyke a luve for Thorvald, but you'd be wrang, tho gin ye think she haed but little luve for him, ye'd be as richt as wrang-the-nane, for she haed naething, lyker mair nae-luve avaa, for thon paer chiel; an no juist that, that micht juist be enyeuch at that nae need for mair, prig-prig did she at Thorvald aye for gauderins an bonnie claes: his siller gaed lik jingle-jangle fae near as here and hereaboots til faur as thare an thonnerwarts.

As faur as Gudrun was concaernt, thare was nae gem, as some folk say, (tho ithers say thare were nae gems) in aa Waastfriths, nor waast awo fae Gilsfrith wy, micht no be bocht as dearlie as cuid skail the siller thru Thorvald's fingers jingle-jangle for fare-ye-weel lik ill-tae-gang.

As dear as sic a gem, or gems micht be for skinkle sun come daw, or muin come gloamin syne come daurk, or ben the hoose wi leerie sheen, depend upon it, anger flasht athin her een lik licht ableeze on Thorvald gin he bocht nae gem, nae maitter meikle siller for it.

Noo, yince upon a wheesht o tyme that soocht as quaet as *Dae ye tell me!* Thord, whoe was Ingun's son, becam gy freenlie wi Thorvald an Gudrun, sae that he badd wi thaem as aften as gart folk roondaboot the place claik tongue for tongue ben lug for lug lik tongue for lug ben lug for tongue, that mibbes-ay ongauns were gaein atween twoe werenae man an wyfe.

And yince upon anither tyme haed naething lyke a wheesht athin it,

90

100

110

Gudrun, as some say, speired at Thorvald	
tae coff a dacent giftie for her,	
tho ithers say (mair lyke the thing)	130
she telt him whit it was she waantit:	
yae wy or tither, tho, this was	
a tyme for better haud-the-wheesht,	
sin Thorvald was sae sair puit-oot	
no juist wi whit the quyne was waantin	
but wi the whit she didnae waant,	
,	
that for her paiks he dinglt her	
bi skelpin her aboot the lug.	
Said Gudrun yince for Luk at me:	
"It's I'm for thinkin you hae gien me	140
whit wemenbodies are for lykin	
abuin aa else for bonniness,	
a colouratioun lyke a flooer	
no ruid as mornin aest awo	
nor bleezin waast abuin the swaw,	
nor whyte as cauld as snaw whuin smoorit	
wi snell nor-aest wuins ower the dykes,	
but in atween thae twoe lik pink	
a scad for <i>Daw will no be lang</i> ,	
or blink for Waasterin near on us,	150
or oot the waather ben the haa	
lik wummanbodie dauncein lyke	
Juist luk at me, I'm lyke a lassie!"	
An twycet she said for <i>I can tell ye</i> :	
"The pink ye puit upon ma face	
wi dingle ben ma lug tae share it,	
is laesson ben ma schuil o lyfe	
haes laerit me tae prig-the-nane	
but for tae lae ye weel alane	
for guid upon ye as for me	160
nae ill upon me fae yersel."	
That samin eenin, chaunce it chaise it,	
Thord chappit at her doore, thon wy	
lik ken the chap ye ken the chiel,	
an Gudrun luftit sneck thon wy	
lik ken the chiel gif ken the chap,	
then ben the hoose ower kynlie dram,	
she telt hoo Thorvald rufflt her,	
an speired at Thord whit was the wy	
she'd get her ain back on her man.	170

Thord smirtlt wi a sneefle int

mair lyke a snicher in ahint it, an said, "Ma hen, tak you this coonsel: mak him a serk wi neck-hole braid as gars it hing doon fae his shoothers lik onie wummanbodie's goun sae folk will ken whye you maun pairt maun be sin he's no lyke a man."	
As faur as Gudrun was concaernt, eechie nor ochie did she say anent the ploy, but that was aa that puit a stopper on the talk.	180
Syne that same voar, lik pad-the-huif for calleratioun ben the mynd, an Gudrun shote-the-craw fae Thorvald, an gaed awo hame Laugar wy.	
Wi that, that was lik scunnerin made seikness o the mairriet lyfe o Gudrun wyfe an Thorvald man, yin gaed yae wy wi hauf the siller made thair estait, the-tither gaed wi hauf the siller tither wy, the waalth the meikle mair the coont for thae twoe year thegither wad.	190
Thon was a mairriage was for cleedin, the croun ot lyke a bonnie bunnet for lyke it noo, despyse it then, syne chip it ower a linn for scunnert wi luk o yin it didnae lyke nor she was lykin it ocht mair. An that same voartimm, Ingun sellt	200
her ferm in Crookfrith, thon estait efterwarts was caad Ingunsteid, an syne gaed waast ower Skalmness wy.	
As haes been scryvit ot afore, Glum Gierison haed her for wyfe the yae timm wasnae tae be aye, as some say here athin the Saga, tho ither bodies daenae tell ot.	
At that timm tae, no telt afore, thare badd yin caad Hallstane-the-Praest at Hallstaneness on thon waast syde	210

o Tarskavaig (the Yceland yin, no yon yin ower in Scotland's Skye): highheidyin tho he was, a chiel gy pooerfie, he was no weel-lykit.

In AD nyne, aicht, nyne thon was, some twoe and yae hauf centuries langsyne afore a chiel sat doon tae pen the Saga screeblt here wi keelivyne tae mak some verse ot begun in nyneteen nynetie yin, tho thir lynes here are eikit til't three Januar nyneteen nynetie-twoe: and aa tae think lik myn the tyme some thrittie year come suimmer neist that saw thon Tarskavaig in Skye, wi drystane dyke aroond it biggit, happt here an thare wi fael-an-divot tae gar it haud thegither tichtlie.

Ay, mynd thon frith caad Tarskavaig that gied the toon its name, thon watter wi nae cod noo, but mackerel as creeshie as cuid clart a pan or foostilie as fyle a skellet wi sic a guff as taen a year tae scoor it caller-clean wi saun. 220

10

20

30

#### Chaipter XXXV

## Gudrun's Saecont Mairriage, AD 991

Kotkell was the name o a man whoe'd come til Yceland no that lang afore the ongauns roondaboot this tyme, his wyfe bi name o Grima, sons yin Hallbjorn Whetstane-Ee was caad, the-tither bi the name Stigandi. Thae folk aa cam fae Sodor Ysles some airt fae Butt o Lewis north til sooth Kintyre at Sanda Ysland, but fae the whittan place kent-nane. Gif whoere they cam fae isnae kent lik fyle the fuit upon the place, the whit they were lik kent for ill is whit they were in warlockrie as deevilish as evil ee. Hallstane-the-Praest thocht thaem his kyn, lik Here's ma haun tae haud ye up as gie me yours gin I faa doon, an saw them saettlt-in at Urdir in Skalmfrith, beild an bothie baith: naebodie lykit thaem a bit. That suimmer Gest gaed ower til Althing, bi ship bi Saurby wy as yaisual, bydein the nicht at Hol in Saurby. Thare his guid-brithers fund him horse as aye they did whuin he badd wi them, and aff he gaed, Thord Ingunson amang the tail that rade wi Gest as on they rade wi pad-the-huif til Laugar ower in Saelingsdale. Osvif's young dochter, Gudrun, rade til Althing tae, as free fae Thorvald as thocht nae shame tae ryde alang wi Thord, the son o Ingun, wi her. Yae day, the waather bonnilyke as gart them be gy gled they were

ootbye sae blythlie, no inbye

amang the geckin o the lave, they rade ower Blueshawheath thegither, an Gudrun said: "It's am for speirin, Thord, is it true that your wyfe Aud aye gangs aboot in breeks wi bahllaps the wy men weare them; and is she for crossin garters roond her legs doon til her coots abuin the shuin?" "I haenae seen the lyke o that," said Thord, an said nae mair, tae hear the better ocht else micht be said. Said Gudrun ben the quaet, tae gar whit she wuid say be better heard, 50 "The truith then is the storie is a lee gin you hae fund it oot the-nane; but it is I'm for speirin: whye is she caad the Breekie Aud?" Said Thord, still fankle-myndit some: "It's no as lang as aften heard that she's been caad bi sic a name." An Gudrun said, tae fankle mair the thochts athin his dozent powe, "Mair til the pynt is sic a name will ken her for the whit she is for lang an wearie kent for aye as she'll be wearie kennin it." That said was yae thing said for thocht thon wy thocht is as quaet as daith. Folk at the Althing noo, thon wy thocht maks for speak a naethingness lik clash o wurds amang the deid. Thord, tho, was quaet-the-nane at that, but yokit at the speak wi Gudrun athin the bothie Gest was yaisin, tho nane but Gudrun ken his speil. Yae day, that neebored yin as peels wi whit was speired wi whit was said anent whit made a man nae man but whit was lyker wummanbodie, as telt bi Thord, the son o Ingun,

40

60

	The La	ixda
til Gudrun, whoe was Osvif's dochter: tho this timm, it was Thord was speirin at Gudrun whitlik was the mail upon a wumman gaed aboot in cleedin for a man, the breeks?	80	
Said Gudrun, sneeflie ben the neb heard ben the smirtle on her lips. "The samin mail as gien a man whoe weares a serk oot-aipent braid athorte his shoothers, hingin doon tae shaw him barescud ower the kist: yae bodie wumman, tither man, can shoot-the-craw the yin fae tither the same as tither yin fae tane."	90	
"Here at the Althing, then," said Thord, "wuid you be giein me avysement tae mak a speil for aa tae ken that Aud and I are twoe apairt that yince thocht we were yin for aye; or are we tae be caunnie as tae tak it intil avizandum until I am awo at hame amang the coonsel o ma freens?"	100	
"Ye ken, or gin ye daenae ken, I'm tellin ye for wyssheid mair, the folk roond here are juist as prood as lyke tae skelp as speak thur mynds." Then yon yin Gudrun taen a thocht		
for something lyke a wheesht o tyme gart Thord think thocht haed taen ower Gudrun, an then she said for byde nae mair: "Ydilset daes awo aa day as tho his gloamin thrangitie."	110	
As suddentlyke as tho fell-jaggit upon the dowp at that, Thord lowpit upon his feet for hurrie-burrie, gaed til Law Craig for stope-the-nane, caad witnesses for <i>Listen til me</i> , an said he'd shote-the-craw fae Aud because she made an wore the breeks as bahllapie as made for men.		
Aud's brithers thare were no for lykin		

The Laxdale Saga 120 the whit was said for say it yince is neednae say it ower again, but tho they were as bealin as a voartimm plook come suimmertyme, the sair, tho comein til a heid, was no juist ruidie for tae brust. Wi Osvif's sons around about him, Thord rade awo fae thon Althing, cawin the stoor aroon the cuits abuin the huifs o ilka horse. Whuin Aud heard tell o whit was duin 130 for dae her mairriage doon at vince that yince she'd thocht was hers for aye, she said, for think ot whit ye will: ... "Guid! Gled I ken I'm single, then!" And efter that, Thord rade ower waast til Saurby wi eleeven men as some say, ithers sayin twal, and aa was duin was needit daein athooten stuishie or stramash, 140 for he said naething ill-tae-byde nor kanglesome as chowe-the-fat anent the divvie o the siller: syne, fae the waast-awo, Thord drave a gyan wheen o baestial back hamewith aestwarts intil Laugar. That duin for dae it an be duin wi't, nae maitter gif the daein gied him thon kynd o pleesure haes a dool int gars een doon-glower whyles for skaith, 150 Thord speired at Gudrun for tae mairrie, an that was duin as easilie as gart doon-glower o his een luk up an licht wi saucht o myn for Acht, forget it! Nae herm duin! Osvif an Gudrun baith said Ay lik thooms-up in a Roman circus, nane thinkin tyme, highheidyin mair, wuid yae day sit abuin the reeng an gie a thooms-doon on the ploy. 160 The waddin wuid tak place, as some say,

	11
athin the tenth week o the suimmer	
that bidd its wheesht for autumn's yokin,	
or, as say ithers for a differ	
that's naither here nor thare, ten weeks	
afore the winter yokt on autumn:	
but yae wy or the-tither ot,	
it was yae tyme, an was it no, for <i>Guts it, winter's comein on</i> ,	
an Slooch it doon! Man, suimmer s droothie."	170
an stooch it doon! wan, summer s drootnie.	170
Yince mairried lyke the twoe made yin	
that is nae less nor twoe, but mair	
nor twoe that byde the ilka yin	
a nithin naither hauf nor haill,	
the Thord that was a yin remade	
wi Gudrun, as was Gudrun made	
again wi Thord, were baith made haill	
as cantie leevin baith thegither.	
The whitna thing ye daenae dae,	
altho ye'd lyke fyne for tae dae it,	180
may weel be juist the samin thing	
ye daenae dae because ye cannae,	
an that is whye Aud's britherbodies,	
yin Thorkel Whalp caad, tither Knut,	
didnae puit law upon the Thord	
wi scart o pen an speak o tongue	
for read it as wi siller scryvit	
and hear it as wi tongue sooch siller.	
The suimmer neist, wi gloamins waarm	
as gart the gerss growe lang an swaet,	190
the men fae Hol made sheilin-tyme	
thur wark on heech grund ower Hvammdale,	
and Aud gaed wi them, by dein thare	
for melk an kirn an keep for winter.	
The samin gloamins waarm as gart	
the gerss growe swaet as weel as lang,	
was tyme o year the Laugar men	
made thair ain sheilins ben Lambdale	
that gullies waastwart ben the hills	
aff Saelingsdale for melk an kirn	200
tae hain awo for winter-keep.	
For think whit haed gane on afore	
wuid mak for whit wuid yit gang on,	

Aud speirit at the hird, that tentit

the sheep aroond her sheilin thare, hoo aften did he meet the hird that tentit sheep belangin Laugar.		Γης Γαναί
"Near ayeways, as was lyke enyeuch," he said, "sin thare is juist yae rigg atween the sheilins thare and here."	210	
Wi that, that was the lyke o waant was mair lik greinin ben the saul, she said for say it was enyeuch as didnae need tae say ocht mair that kent the whit was ben the speil: "The-day, it's you will be for meetin the hird fae Laugar; and it's you will be for speakin caunnilie anent Thord, ay, an whitforno?		
An syne, it's you'll can speir an tell me whoe's bydein hameferm wy awo or at the sheilin ower the rigg."	220	
As eydent ben the lug tae hear whit she was at the tellin him as tentie ben the een tae see whit he micht be for tellin her, the hird said he wuid dae as guid as see the whit thare was tae see as tell her whit thare was tae hear.		
Syne, ben the gloamin that was kynlie as waarm an caunnie on the skin, the hird cam hame for Aud tae speir whit he haed heard weel-waarth the hearin, an whit he'd seen weel-waarth the sicht ot.	230	
The hird made speil ot: "I hae heard the whit ye'll think weel-waarth the hearin, as seen hae I the whit ye'll think weel-waarth the sicht ot tae be seen,		
an that is that the bedroom flaer atween Thord's bed an Gudrun's is as braid as grun tweesh rigg ootbye and hameferm yonner Laugar wy, for Gudrun's at the sheilin kirnin the melk for hainin winter-keep, an Thord is thranglik at his devoirs ahint the fermsteid, at the graft wi flingin-tree athin his haund	240	

or swingin at it wi a mell lik dingin timmer in a frame, or biggin fael-an-divot dykes: an listen gin ye'll hear the mair is lyke enyeuch enyeuch at that, Osvif an Thord are twoe alane as naebdie else maks onie mair."	250	The Laxda
"The whit ye say is weel-waarth sayin, as weel-waarth hearin for tae listen," said Aud, "and you hae duin gy weel that's no juist guid, nor better yit, but best that neever can be baet: noo see til't, ginn folk are abed, mak twoe horse ruidie, staunin bye."	260	
<ul><li>"It's I'll dae that," said he, an did.</li><li>A whylie or the sun gaed doon for scad the luft wi crammasie,</li><li>Aud lowpit on the yae naig's back,</li><li>an she haed breeks aroond her dowp as weare for whit she haed tae dae: her face was scaddit crammasie wi sunset as wi whit she'd dae.</li></ul>		
The hird rade on an better rade upon the-tither naig asyde her, but better ryde as ryde did he, he coodnae mak a better ot as haurdlie keepit-up wi yon yin, sae sair she cawed her baest alang.	270	
Ower Saelingsdaleheath sooth they rade as even-on as stuidie gangin cawed stoor ahint them yont thur huifs, until they cam as nearhaun Laugar as in ahint the hamepark dyke, an thare they stoppit for a blaw.	280	
Noo, aff her naig as licht o fuit as didnae stoat the haet o hicht, and ower the dyke as licht o lowp as neever tuitcht a fael or divot but swythe as swither-nane, no slaw, Aud telt the hird tae tent thur horse the-tyme she sped athorte the yaird as quaet's a moose in stockin-soles,		

tae see the whit ongaed, gin ocht, in thon fermhoose this tyme o nicht.	290	The Laxdale Saga
Aud fund the doore was aff the sneck, athooten skreech or skraichle soondin; an she gaed ben as caunnilie as kent the whoere she meant tae gang; an that was ben the great fyre-haa, then furder ben, mair caunnilie til whoere the lockit-bed was biggit athin the furder waa awo; an thare she gaed an fund the doore-broads athooten bowt but poued thegither.	300	
Whuin she gaed ben, mair caunnie yit, lik haud the braith athin the kist in case it wheefle for a soond athin the thrapple or the couter, she saw Thord liggin on his back, but fast aslaep as didnae ken he made a soond was in atween a wheeple whyles an syne a snocher.		
She waukent him was hauf in slaep as didnae ken the whoere he was, as hauf ben dream he was anaa that hauf-kent dream realitie become a ferlie in the mynd; and as he waukent, ower he turnt an saw a man fornent him staunin, a man lik ferlie ben a dream realitie athin the mynd.	310	
As bahllap-breekit roon the hips as gart her ingyne ben the haerns think <i>My</i> , <i>I'm lukin lyke a man!</i> she taen a blade athin her haund as sherp as fyne cuid skliff a stick alang its lenth fae en til end as tho the ilka knurl athin it were naething but a dab o creesh nae boather til the wheech o steel, an drave it straucht athorte at Thord	320	
wi meikle skaithin for his paiks upon his richt airm and his neipples, sae sterkie straucht at that, say some, the sworde stack fast athin the bowster, tho ithers say (mair lyke the thing)	330	

			The Laxdale Saga
the sworde stack in the bed-l	broads fast.		
As maist folk will agree, t she was was jimp as weel thon blade athin her haund as onie blade was eever ya for at the tyme she was as as fair stane-bunkered who she was a sherper, yon yin ay, some blade she was, w	cuid yaise d as triglie aised, gyte oere she stuid: was,	340	
Furst-tymer strack cuid str Aud shote-the-craw lik daen tae think black, burnin sha for whit she'd duin, and u upon her naig an rade for har	ae byde ame upon her p she lowpit		
Paer Thord cuid naither lo sin ettlement was mair nor because the skailin o his blui gart him be waik as staucher	r dae id	350	
Osvif noo waukenin, he spei the sair-gaun Thord whit hap an Thord suin telt him o his then daein whit he cood for Osvif speired at him yince ag gif Thord kent whoe haed sk	opent him, skaith; Thord, gain		
"I'm thinkin," Thord said, "i that drave the blade that sl ay, it is ben ma myn lik tru tae tell is whyles nae lee a for witness o the whit was but isnae telt for witness o because no kent for shair a ye ken, thon wy realitie is whyles mair lyke a ferlin hauf-in hauf-oot o slaep in	kailt ma bluid; uith t that s duin, ot as pruif - e seen	360	
Osvif said he'd ryde efter he gif Thord was myndit lyke h for he was shair she haednae ower monie men for witness wuid mak her paiks mair sha	issel, e brocht o ot	370	
Said Thord, "Naw, naw! Juis that did the whit she haed tag	-		

nae mair nor oniebodie else cuid dae a differ on the day wuid gar a bodie think ont aye until thon day wuid be a nichtin."	
	380
She telt them she haed been ower thonner, the Laugar wy, an whit she'd duin lik duin for yince was no that bad, an tho her brithers were gy pleased wi whit she'd duin, they thocht thursels that mibbes she'd no duin enyeuch micht be the better duin again. 3	90
Whit she haed duin, tho, was enyeuch as needit daein again nae mair, for Thord was skaithit sair as kept him fast abed for lang an wearie: his wounds athorte his kist becam as haill again as nane-the-waur, but thon paer airm o his wuid byde the nane-the-better for the skaith, sae he wuid dae-awo at wark, raither nor graft an grunsh again.	.00
That winter, aa was quaet as gart folk dacent as the day sit caumlik as crackin at the inglesyde seein the nicht awo in drams in siller quaichs or wuiden coggies, whyle folk as evil as the Deil sat gulderin fornent the lowes that gied them lazie-tartan legs, whit tyme they gutsed the daichie shaef	-10
Ingun, Thord's mither, come the voar that reddit winter foostiness fae bothie as fae meikle haa, cam waast (as some folk say)	

fae Skalmness (ithers say cam aest). Thord gied her kynlie waalcome as she said she needit him tae help her 420 because she'd growne gy feart at hert for yon yin Kotkell and his wyfe an sons were at the herriein for thiefs an skellums, an forbye, for bein at the warlockrie as gien a haun bi Hallstane Praest. Thord wasnae at the hunker-slydin anent the ongauns o thae thiefs, an neever myn gin Hallstane micht be in the strunts wi him for whit 430 he'd dae tae sowther sic a crew. Sae up lik lowpit, aff lik skyte it, and on wi't lyke come-morra-nane, he was for traikin wi ten men as some say, ithers sayin nyne, an takkin Ingun wi him tae, he taen a ship fae Tjaldness wy an sailed it waast awo til Skalmness. Thare he haed aa his mither's guids o plenishment haed made her blythe, 440 and aa her graith she'd kep sae caunnie for comfort come a sairlik winter, brocht oot an puit aboard the ship: the baestial were laundwart cawed, aroon the straunds an frith-heids gangin. Thare were twal bodies berthed thegither athin thon ship for companie, amang them, Ingun for a name alang wi yin athoot a name, anither paerbit wummanbodie, 450 but named or named-the-nane, they were for sailin whoere they didnae ken, altho the skipper, Thord, was shair he kent the whoere he meant tae sail. Afore that, tho, as some folk say, Thord and his ten men (some say nyne) gaed awo ower til Kotkell's ferm an chap-chap-chappit at the doore for *Oot* ye come fae deeviltrie

		The Laxdale Saga
or we'll come ben an split yer cluits!	460	
Kotkell's twoe veecious sons, Hallbjorn		
an tither yin Stigandi, werenae		
at hame tae thole the claitterin,		
but lyke as no at some bit ploy		
as deevilish as doot-yer-een,		
sae Thord puit oot a summons on them		
as on thur faither, mither tae,		
as thiefie bodies ryfe wi gemmes		
lik warlockrie an wunnerments		
as ill-tae-ken as ferlie ongauns:	470	
an for tae mak the chairge as haill	170	
as tell it roondit lyke a buch		
athooten nyeuks for deils in dern,		
he said they'd hae tae aunswer for't		
or ootlins ilka yin ootlawed.		
-		
His case fornent the Althing noo,		
Thord made his wy aboard the ship.		
Thord, dauphinless as no faur oot		
aboard his ship fae shore ootbye,		
and hame cam Hallbjorn an Stigandi,	480	
ill-gaitit as ill-grunyiet thaem,		
an Kotkell telt them whit haed happent.		
Thae brithers, intil ugsomeness		
the lyke no aften seen on Erd		
tho nae doot aften on the branders,		
baith gaed fair gyte tae hear aboot it,		
thon wy thur fangs played gansh thegither		
lik messans kanglin ower a baen,		
an said for slaver at the lips		
that naebodie afore that day	490	
haed eever taen a thocht for daith,		
thon dowie weerd wuid doakie folk.		
Then Kotkell, maister-haund at warks		
for puittin cantrips thru the air,		
biggit a meikle wuiden staun		
wi cast-a-spell on ilka broad		
and ill-jaw ilka nail an jynt;		
then up and on it as that warlocks,		
an sang a wheen o whidder-sangs		
ondeemas ower the mappamoond	500	
for fankle thochts lik claw-the-powe,		
an taigle wurds lik yuchle speak,		

an gar the wuins an watter rair as wuid as ocht alow the luft.	The L
Amang the soond ot, soond resoondin a mixter-maxterie o din lik yellochin a muckle dirdum, lik skellochin a dirl-dirl, lik bellochin a dinnle-dinnle, the swaw played gurl upon the shore an rantit, gowlin at the luft.	510
Thord, Ingun's son, and aa his freens alow thon groo-growne lowerin luft, that yince were folk lik ilk the yin was no the same as onie ither, were noo thegither skin-for-skin the same alow as baen-for-baen, sae ilka bodie kent wi Thord the sae that rairit up at him was rairin up at aabodie.	520
The ship was cawed ayont Skalmness wi skraichle o the timmer jynts was lyke tae ryve the tane fae tither, the scooshin watter giein folk the awfie skelp acorss the face, an sloongein aa fae bowe til starn.	
Thord wasnae feart, lik yowl an greit, nor curl hissel athin a nyeuk, nor <i>Daenae luk in case ye see it</i> , nor on his knees wi hauns til Heeven as tho some pooer micht yark him up, but stuid in hardiness the skipper at yin wi saemanship an waather as no be baet, sae folk on shore cuid see he did whit maun be duin whuin naething else is waarth the daein: owerboard he gart his men cast kists an plenishment o hoosehaud guids as weel as ocht o yuissless wecht except, as you maun be jalousin, the men an wemenfolk aboot him.	530
The folk as laundwart as were safe ayont the muckle gurlie swaw, expeckit Thord wuid finnd a lee for he was bye the waarst o reefs,	

		111
but richt fornent him daudin sair, a brekker shawed a reef for deid		
no faur aff shore at that, but whoere		
nane till that day haed seen it bare,		
an that same brekker cawed the ship	550	
as tapsalteerie as owerhaillit		
as tho it were a lauddie bairn		
at skin-the-cat or tummle wulkies:		
but whoere the lauddie bydes sae vyve,		
flippertie-flappertie baith feet		
upon the grun for stuidie-up,		
the ship becam a wrack o wuid		
athin thon awfie gurlie swaw,		
fair heid-ower-hurdies mixter-maxtered		
as whummelt intil ryvit strakes	560	
wi aathing lowsse athin the ship,	200	
alang wi bodies o the wemen		
an men rowe-jowled an roon jurmummeled,		
the swaw as gyte as slaister freith.		
the swaw as gyte as statser neutri.		
Thare, for thur wheesht alow the weet		
that boathert-nane the wuin micht yowl		
lik banshees ower an Yrish lough,		
or sooch as quaet as croon a lilt		
alow the Hebridean licht,		
paer Thord and aa were wi him droont,	570	
his ship a rickle o its sticks,		
the keel of for memorial		
waasht-up yon place noo caad Keelysle,		
even as a place was caad Tairgeysle		
whoere Thord's ain tairge haed bertht on grund.		
whoere more sum unge need oorant on grund.		
His corp, alang wi aa the ithers		
upon his ship, were waasht ashore		
at yon place that we caa Howesness		
for whit was happit ower them thare.		
Thon wark was ben the sae was lyke	580	
the wrack o mairriage lyke a ring		
was siller tint athin a pown		
or mibbes lochan, licht ont gane		
athin the watter lyke the ghaist		
o yince haed been syne yont the sicht.		
s jinee naea been syne jont the sient.		

### Chaipter XXXVI

# Anent Kotkell

The speak anent thae ongauns gaed ower aa the airts fae here til thonner, an puit a mallison for deid upon Kotkell and aa his kin for siccan warlockrie they'd wrocht.

Gudrun was fasht lik sklim-the-waas, the bodie no that weel avaa, no juist ower droondin o her man, for she was bairnt an near her tyme.

A lauddie-waen was Gudrun's bairn sin efter born wi skraich fae thrapple said *Man, I'm pechin! Gie me braith!* an syne was spairgeit ower wi watter an caad Thord was his faither's name.

At that timm, bydein yonner wy at Haliefell was Snorri, Praest, and Osvif's freen, no juist a kinsman. Gudrun and aa the folk aroond her aye lippent on thon chiel the Praest.

Speired at tae gang owerbye til Laugar for byte an sup, blate-nane was Snorri, an thare aa Gudrun's fasheries were puit fornent him for avysement.

He said he'd tak as meikle tent o whit haed been for her gy dowie as weel as whit wuid be for dool, and he wuid see she ayeways haed a girdle for tae fyre a scone wuid gar it birssle kitchenlyke as krunkle crittlie at the chowein; an she wuid ayeways hae anaa a meikle pat upon the swee for kail or purritch hotterin: an no juist that, tae cooter her, he said he'd foster her new bairn.

This Thord yin, wi the byname Cat, becam the faither o the skald caad Stuf, gy skeelie wi the pen, 10

20

	The Laxdale
tho some folk daenae puit the skald	
athin the Saga, fuitnote, but.	40
Thae things aa ower an duin for ill, whit mair tae dae best duin for guid but Gest Oddleifson gaed tae see the Hallstane Praest chiel, giein til him the chyce o twoe things chaisen, aither the Hallstane Praest wuid see the warlocks wuid shoot-the-craw lik no be sweirt, or Gest wuid kill them for the groofs they were an thae galoots they haed been, an mynd-nane whit they micht become: ay, that he wuid, an wuid he no, at yince that is the-noo the better, or yince the humph comes up the back	50
that's no the waur gif no the best.	
Hallstane was no for taigle-tonguin wi Oddleifson or oniebodie this syde o oniegaets avaa, an chaise the chyce he'd hae tae chaise for caunnie daes it, tent the tackets, an telt the warlocks for tae skail thursels athorte the grun lik skoosh it, an see til't that they didnae stope this syde waast o Dalheath, an said, for pirlicue lik stab oot finger, that they'd be nane the waur o hingin.	60
At that Kotkell and aa his kin were aff lik caw the stoor ahint them, athooten graith tae haud them back tho seein til't they taen fower horse, stud-baestial at that, the best a muckle stallioun fechtin-horse as black as burnin shame, or lyke the waistcoat o the Jarl o Hell.	70
Naething is telt anent thur traik until they cam til Kaimsness ferm whoere Thorliek Hoskuldson was bydein, an that yin lukit at the baess an saw they were abuin the lave wi stamp o fuit an toss the heid an nicher at the hauns were haudin. Thorliek said he wuid coff the horse	80
morner but ne wurd con the horse	

	The
for they were brave as eever seen,	
but Kotkell said, yon wy as fly	
as walk the ceilin upsyde doon,	
"Tak you the horse the ilka yin	
an gie the ilka yin o us	
a place tae byde that's airtit here	
or hereaboots nearhaun Kaimsness."	
Said Thorliek, "Man, it's you'd be gettin	
the best o sic a nifferin,	90
for you'd hae grun for growthieness	
for baestial tae chowe the coode,	
and I wuid hae fower horse o yours	
ma growthieness o grun tae chowe	
ma kye micht yaise for chowein coode:	
an mynd ye, I heard tell a speak	
that wasnae juist a cairriet storie,	
yer neebors in this airt are fasht	
as in the strunts wi you and yours	
that's lyke tae see nae betterment."	100
An Kotkell aunswert him anent it:	
"The folk ye mean are Laugar men,	
but nane o thaem will tell ye this;	
gif talk-aboots were hawk-aboots,	
we'd aa be tinklers traikin roond."	
"Ay," Thorliek said, "an truith tae tell	
that Laugar folk micht lyke tae hear,	
that speaks as peels as neebors you,	
gif talk-aboots were howk-aboots,	
we'd aa be grumphies snocherin."	110
Said Kotkell then, saft-creeshin wurds	
tae gar them slither aff the tongue	
as soople as a sowff o sang,	
"Whit you hae heard anent oor folk,	
lik roast oor sauls for castin-oot	
wi Gudrun and her brithers, is	
mair lyke the chippin chuckies at us	
nor takkin tent o dacent speak:	
wi thaem, it's sklander aa the wy	
athooten cause or raesoun for it,	120
sae tak the horse an boather-nane	
anent the sooch o siccan havers	
or gulderin o haverers."	

"As faur as we're concaernt anaa

anent yersel for whit ye are, it is nae cairriet storie aither that in alow yer haund oot here no yin o us need fear the skaith folk airtit roon micht puit upon us."

Thorliek was mibbe-ay lik dook the tae athin a suimmer pown, am mibbe-naw lik yank ot oot as think the watter winter cauld, but then he slippit in alow an fund it waarmer oot the wuin, an said, "Imphmn," and "Ay, imphmn" as ilka horse seemed beezer-braw, nane lik it aa the kintrie roond as Kotkell at the buskin beezed them lik nane wuid be thur lyke again.

The horse his ain at lenth, ilk yin the daurlin o his glozent een, Thorliek gied Kotkell and his kin a hoose for hame at Ludolfsteid athin the Saumonreeverdale wi beastial for melk an maet.

For speak ot gart curmurrin grue athin the wame lik rummle ryfe, an mak the thrapple lyke tae boke wi scunner sic a thing cuid be, the men o Laugar heard the speil and Osvif's sons were set for aff tae sowther Kotkell and his sons

as swythe as swither-nane anent it: but Osvif said, "Naw, naw. Haud on. We'll hear the coonsel o Praest Snorri, an lae the thing alane for ithers

tae chowe-the-fat ot, spittin girssle. Mynd, I'm for tellin you, the tyme will no be lang or wearisome afore yon Kotkell's neebors finnd an immerage for him and his, an Thorliek, as befits the fuil, will tak the baetin o his lyfe."

"An no juist that, I'm tellin you, tho fyne I ken ye need nae tellin, monie the yin Thorliek caad freen that caad him fiere hissel ower drams 130

140

150

		The Lax
lik shak the haund or daud the back,		
will turn as widdershins as caurrie	170	
wi knucklt nieve for daud the puhss."		
ľ		
"But aa that said for say nae mair		
in case mair taigle thocht for kennin,		
I'm tellin you this yince for aye		
that daesnae need anither tellin,		
I'll puit nae stopper on yer daein		
a skaith o paiks upon thon crew,		
Kotkell and aa his crabbit kin,		
gin ither bodies daenae kill them		
or caw them furth ayont thur airt	180	
bi yon timm three cauld winter waathers	100	
are in the strunts for voartimm comein."		
For Gudrun and her brithers, that		
was that lik say nae mair anent it		
except an Ay for Haud the tongue.		
It seems that Kotkell and his kin		
werenae lik bodies sooin intilt		
for byte an sup the whoere they bidd,		
and aa that winter, for a ferlie		
puit neebors in a mazerment,	190	
thae warlocks naither cofft nor niffert		
for hy tae feed thur baestial		
an scran for thair ain kytes tae rift		
whuin they were gutsin tichteners.		
Naebdie in thon airt gaed nearhaun them,		
an that's a fact is fancie-nane,		
and as thare was a wee bit feartness		
amang the folk for Thorliek tae,		
they left the warlock chiels alane		
whoere fancie was in ferlie fact.	200	

### Chaipter XXXVII

### Anent Hrut and Eldgrim, AD 995

Yae summer at the Althing speil that listens gin it cannae speak an speaks for aabodie tae listen, as Thorliek sat athin his bothie for keep his coonsel til hissel or mibbes giein his een a rest. a man as muckle ower the kist as heech abuin the lave cam til him. "Ay, ay," the bodie said til Thorliek bi wi o meanin Fyne tae see ye, 10 an Thorliek, kynd enveuch at that, said "Yes" that was bi wy o meanin I daenae ken ye, but I'm lukin, then speired at him for name and hame. "Elgrim's ma name," the bodie said, and I byde ower at Burrafrith, ma hoose at hame the ferm Eldgrimsteid ower yonner ben the glen that's airtit waastlins amang the hills atween Mull and yon Grumphietongue, thon glen 20 noo caad Grimsdale bi aabodie." An Thorliek said, for suddent see lik ken whoe he was lukin at. "Acht, ay, it's I'm for kennin you for whit ye are the wy the folk ave say ye are, as meikle as no feart as neever need be feart." As furrit speak as fecht the foremaist, the muckle Eldgrim fuhlla said, "Anent thae brawlik stud-horse gien ye 30 bi Kotkell suimmer last, I'm here tae tak them aff yer hauns for siller that's no a pickle juist but mickle." Thorliek gied aunswer til him: "Naw, it's I am no for sellin thaem," lik plap o steekit doore afore him for fare-ye-ill, no fare-ye-weel. Said Eldgrim then, "No juist for siller

am I here for tae coff thae horse, but for a meikle muckle mair nor pickles monie mak the mickle: alang wi siller for the baess, I'll gie ye peels the nummer o them, wi ither things aa fund as weel sae aabodie will say I gied ye twyce ower the whit thae horse are waarth."	40	The I
<ul> <li>(tho nifferin haed gat him thaem)</li> <li>"sae I'm for tellin you ye'll hae naither the hyde nor hair o thaem</li> <li>tho you pyd three timms ower thur waarth."</li> </ul>	50	
Said Eldgrim: "Thorliek, I'm for kennin it is nae lee fae leears lood that says ye're prood as weel's can gang as stinkin bye as neb-dicht air, and aye as thrawn as moodge-the-nane but gar the lave jook roondaboot ye; an daed-in-trothe that is nae lee fae leears lood anent me leein, I'd lyke tae see ye get yer paiks bi sellin thae braw baess for less nor I hae said I'd gie ye for them."	60	
At Eldgrim's wurds, Thorliek was angert as no juist in the strunts, but bealin thon wy lik shoothers back for braidth, heid up for see the whit's fornent, then cockit sydiewys for een tae pree the whit's fornent fae whoe: an Thorliek said for say it yince lik say enyeuch need say nae mair, "Eldgrim, gin you hae taen a thocht that means tae frichten me awo fae thae braw horse o myne, tak you anither thocht the neebor ot means you maun come til closer grups afore I'm fleggit, I can tell ye."	70	
Said Eldgrim efter that bit speil: "Thorliek, I see it's you're for thinkin ye neever will be baet bi me, but come the suimmer, gerss still growein tae mak a chowe for baestial, it's I'm for gangin airtwys yours	80	

too tale a least at these heavy haves	The
tae tak a keek at thae braw horse,	
and efter that, we'll see the whoe	
it is haes thaem athin his aucht."	
"Dee as ve lydre men "Therlich said	
"Dae as ye lyke, man," Thorliek said,	
"gin your lyke's ma ain lykin tae,	
lik odds atween us even-on."	
An that was that for say nae mair	
as peels as nae mair said at that	90
atween the twoe, but mair was said	20
bi thaem that heard them (ithers say,	
•	
bi thon man that haed heard thur speil)	
that at the nifferin they were	
as evendoon as even-haundit	
wi naething for tae chaise atween them;	
mynd you, tho, ither bodies say	
thur waarth o paiks wuid be the lyke	
o eeksie-peeksie, daad for daud.	
Wi that things said for national duin,	100
tho said for thocht wuid mak for daein	100
lik think nae mair aboot it then,	
the folk fae Althing skailed awo	
and aff for hame for graft, no talk.	
and art for hance for grant, no tark.	
Noo, aer-on yince upon a morn	
that naebodie thocht ill or weel,	
it happent that a chiel lukt yont	
fae Hrutsteid, as the ferm was caad	
belangin til Hrut Herjolfson,	
an syne, on comein back again,	110
Hrut speired at him for ongauns yonner.	
"The yae thing I'm for tellin you,"	
the bodie said for mak it plain,	
"I daenae need tae tell ye twycet	
lik didnae hear me furst timm richt:	
fae yont Vadlar til furrit whoere	
thae horse o Thorliek chowed the gerss,	
I saw a man come onwart, rydin;	
he lichtit doon fae his ain naig	
an gethert Thorliek's horse thegither."	120
(That's whit some folk say, ithers, tho,	
say thon hoose-carle saw somebodie	
a an a mulin them the challes the mean)	

come rydin thru the shallas thonner).

Hrut speired at thon hoose-carle tae ken whoere aa thae horse haed been the tyme he'd seen them, an the chiel gied aunswer: "Och, they were chowein gerss as yaisual athin yer meadies, doon alow the dyke that hains yer grund aboot."	The Laxdal
"For certain shair," said Hrut, "that leaves nae doot aboot it for tae speir, ma kinsman Thorliek isnae backwart in comein furrit for tae graze his baestial yae place or tither, sae it's for shair as gyan certaint it's no that lykelie his stud-horse were cawed awo on his say-sae."	130
At that, up lowpit Hrut, hauf-cled wi juist the serk aroond his shoothers an linen breeks aroond his hurdies; he cast a groo fur-cloak upon him againss the caller mornin air an taen athin his haun for skaith a haubert gowd-inwrocht yince gien him bi Harald, keeng in Norowaa.	140
As swythe as swither-nane aboot it, Hrut shote-the-craw fornent the ferm, an doon alow the dyke he saw a chiel was rydin efter horse. Hrut gaed tae meet him, naething laith, an kent the bodie, yon yin Eldgrim. "It's you, then, is it?" Hrut was speirin, as sherp o tongue as haubert tip. And Eldgrim, no the hauf as smert, syne aunswert, "Ay, an whoe else, neebor?"	150
"An whoere d'ye think ye're gaun" said Hrut, "wi aa thae horse fornent ye thare?" No as direck but roondaboot lik daenae ken the whoere tae stert in case he losse the place in speak, Eldgrim said, "I'm no gaun tae hyde fae you the whit I'm daein here, for you can see't as weel's masel, and even tho I ken yer kinship	160

	The Laxdal
wi Thorliek as ye ken yersel;	
but I'm for tellin you I'm here	
tae herrie Thorliek's horse awo	
sae he'll can see them neever mair."	
sache n'ean see them neever man.	
"Whuin I saw Thorliek at the Althing,"	
said Eldgrim, "as ye're mibbes kennin,	170
I telt him whit I wuid be daein	170
ginn tyme cam on that let me dae it,	
an whit I said that I wuid dae	
is duin the-noo as said I wuid,	
an that is I hae herried horse	
athooten companie tae dae it."	
Said Hrut: "Ye'll no be namelie as	
a reiver braw as weel as smert	
for takkin horse awo fae Thorliek	
	100
whuin he's aslaep an snocherin.	180
Wuid you no be the namlier	
for daein whit ye haed tae dae	
bi gangin for tae meet the man	
afore ye caw that horse o his	
as faur awo as yont his airt?"	
At that, the Eldgrim fuhlla said	
for wheech o wurds scaud-skelpit air,	
wurds aidgeit sherp as scartie-ruch,	
"You tell the Thorliek gin ye will	
the whoere I am for him tae finnd,	190
for as ye see, I'm graithit braw	170
as gars me ken I'd lyke it fyne	
gin he and I suid meet for skaith."	
And here he poued his shoothers back,	
thon wy that says <i>Here</i> , luk at me,	
an shak abuin his heid a spear	
was leisterlyke wi jaggie tynes;	
ay, shak thon spear abuin his powe	
was helmetit for tak a dunt;	
ay, shak thon spear abuin the sworde	200
was slang aroond his kyte for skaith;	200
ay, shak thon spear abuin the tairge	
he cairriet for tae skyte a blade:	
-	
ay, shak thon spear abuin the coat o mail for haudin free fae skaith.	
o man for nauchi free fae skatul.	
Said Hrut, as still as moodge-the-nane	
-	

Said Hrut, as still as moodge-the-nane lik pree the whit was whaat was caunnie

as neever lettin dab his devoirs,		The La
"It's I maun be for lukin roon for something for tae dae nor gangin til Kaimsness yonnerwys awo tae tell oor Thorliek whit's gaun on, for I am hivvie on the fuit lik tacketie amang the glaur; but juist the same as maks a differ, it's I am no for lettin Thorliek be herried wi a nithin duin gin I can help it, neever myn thare isnae meikle luve atween us	210	
<ul><li>for aa we're gyan closse as kin sin he's ma brither-son, ye ken."</li><li>"Are you for tellin me," said Eldrim, an gied the spear anither shak,</li><li>"ye mean that you're for takkin fae me thir Thorliek horse that noo are mynes?"</li></ul>	220	
Evenliness athin him lyke he wuidnae scart a yeukie flech fae in alow a semmit-seam, Hrut said, "It's I'm for giein you stud-horse o myne tae hain and haud gin you lae Thorliek's horse alane: mynd you, thae horse that I'm for giein are no as guid as Thorliek's yins."	230	
"Ye speak as kynlielyke as caunnie," said Eldgrim, "but yae wy or tither, whit you're for giein, mak a mint lik daur me for tae doakie ye, or puit yer haund athin yer pootsh lik puit me aff wi jingle-siller, is naither here nor yonner til me, and I'm for keepin Thorliek's horse noo they are in alow ma haunds."	240	
"I'm thinkin," Hrut said til thon chiel, "the chyce ye chaise for baith o us will be the waarst we hae tae thole, nae maitter whoe ower aa the airts will be, lik tyme an better days, the nane the waur for whit we dae."		
Ower lang tongue-taiglt thare wi Hrut, thon Eldgrim geed his naig tae gang,	250	

but ere he gart the baess gee up,	
Hrut hucht athin his hauns for grup	
an drivy the haubert ben the back	
o Eldgrim as he rade awo,	
drivy in atween the shoother blades	
as straucht as throch-an-thru tae brust	
the coat o mail cled Eldgrim roon,	
then cawed the blade faur ben the kist	
as Eldgrim poued his shoothers back	
•	260
thon wy wuid say gif gien the tyme,	200
Uch! This is for ma deid! An wi it,	
Eldgrim cowpt aff his horse, stane deid,	
as some folk say was naitural	
and ithers say micht be expeckit.	
At thon place noo caad Eldgrimshaw,	
a bittock soothlins fae Kaimsness,	
Hrut happit up the bluidie corp	
then rade til Kaimsness for tae tell	
Thorliek aboot the brulyiement.	
Noo, here's a thing that's lyker twoe,	270
for on the yae syde Thorliek yappit	
as angersome as black-affrontit	
for shame an sklander on his name	
because o whit was duin for doom,	
and on the-tither syde Hrut mowtit	
as sair puit-oot as fankle thocht	
atween the lugs hauf-hearin Thorliek,	
that whit was duin was duin for freenship.	
that whit was dum was dum for neensmp.	
Thorliek gaed on lik coodnae haud	
his wheesht tae think on whit he said,	280
that Hrut haed no duin whit he did	
lik haud his wheesht tae think upon it	
but that he'd duin it gyan ill	
wuid see nae guid come oot o it.	
while see hae gald come out off.	
Hrut said for puit a stopper til it,	
that Thorliek maun dae as he haed tae	
tae please hissel gif naebdie else,	
an sae the kinsmen gaed apairt	
athooten kyndness, lykin naither.	
But here is yae thing mair nor twoe,	290
in fact, it's aichtie tymes the yin,	
because thae aichtie coonts the years	
were winters' eild athin Hrut's sinnens	

whuin he killt Eldgrim, sae ye'll ken thon wheen whuin eikit til the daed made him the mair the namelie yin.	
And here's a baur for snicherin lik torke the lips ahint the haund, or gin ye're dacentlyke aboot it for speilin roondaboot the doors <i>An awfie jobe, sur, thon, I'm thinkin,</i> Hrut's nameliness was no a licht Thorliek wuid yaise tae see him weel, but lyke a leerie on the blink gart Thorliek see the auld yin ill, althe kanspeckle til the laway	300
altho kenspeckle til the lave: as cleir as umpteen caunnle-pooer aroond him for a bleeze o licht tae see hissel for whit he was, or lyker, whit he thocht he was, Thorliek thocht he wuid bettert Eldgrim the face til face tae fecht it oot, no stookies in a waeponschaw, because, he said, it haednae taen an awfie lote tae dae him doon.	310
That wasnae aa lik say nae nair, but something else lik dae ower meikle, for Thorliek up an gaed tae see thae warlock bodies, Kotkell, Grima, an speired at thaem, unhalie as fell caurrie-torkit ben the heid, that they wuid dae a ferlie thing tae caw the feet awo fae Hrut an shame him cowpit on his dowp.	320
As fair taen-on wi sic a ploy wuid gar them kittle-up ingyne for smirtle on the sleekit puhss, for snicher ben the thrapple-yuchle or gleemer lukin gy gly-eed, thae warlocks said, "Man, that's nae boather, we're fair deleerit wi the wark!"	330
Thorliek gaed hame, his ingle-end athooten jamb-freens for his thocht was evil gleemock ben his een, an thare he sat tae byde stramash, for wheesht haed wheecht awo fae saul.	

for wheesht haed wheecht awo fae saul.

No that lang efter that, some say,	Th
the ithers say the twoe-three days,	
Kitkell an Grima wi thur sons	
set aff fae hame, as you'll jalouse,	340
athin the middis o the nicht.	
They gaed til Hrut's hoose, syne were sklimmin	
upon the ruif as rattanlyke	
as caunnilie an quaet on thack,	
thare yitter-yatterin thur spells	
as orrie as were ugsomelyke,	
mibbes fae some gaet ben the yerd	
as het as lava bookeit birnin,	
mibbes fae heech in winter hills	
as cauldrif as the nor-aest blast,	350
or mibbes fae the daurkest wuid	
in dernin for a yokin whyles	
wi yowffin as fae swingle-tree,	
or cloorin as fae cudgel-dunt,	
or clooterin lik daud the nieves,	
or blooterin lik sairlie melt.	
Yince thae fell orrie spells haed wrocht	
thur ferlie wark aroon the place,	
the menyie ben the hoose alow	
cuid mak-the-nane o whit was int,	360
but whit gaed ben thur powes was lyke	
the sweetest sang was eever heard;	
but wheesht, auld Hrut was wysser til't,	
thae soonds were lyke a deid-knell dirl	
upon the saul for haud the braith	
for Dear alane kens whoe is gane.	
And Hrut taen coonsel wi hissel,	
sin nane alow the ruif cuid think	
for listenin til melodie,	270
an this he thocht that he micht say as this he said as he haed thocht:	370
"Luk oot ayont thir waas the-nane, the ilka yin o ye; steek-nane	
an ee for blink the blear awo;	
an byde aye waukrif ilka yin	
until the cock-craw caas the morra,	
syne skaith will come til nane o us	
gin aa tak coonsel as I tell ye,"	
But no yae bodie thare cuid tak	
thon tellin gien for tak nae skaith,	380

	11
and ilka yin nid-noddit ower	
as deep alow as faddomt slaep	
lik maindeep o the muckle sae,	
no hauf oot ot lik cannae ken	
the place for liggin in at aese,	
nor hauf in dream as grein tae ken	
yince mair the place haed gien an aesement.	
That was the wy wi ilka yin	
but Hrut hissel, as waukrif lang	
-	390
as haufwy thru the nicht at laest,	390
but syne-an-on he dovert ower	
lik steek the een for rest them whyles,	
thon singin soondin faur fae hame,	
syne blink the blear awo again,	
the singin dirlin deid-bell ding,	
then niddletie-come-noddletie,	
the singin yont the boonds o kennin,	
auld Hrut was intil slaep at last	
as tho a thoosan myle awo.	
	100
But in amang the faimlie folk,	400
thare was a lauddie, Kari caad,	
Hrut's son, at that timm twal year auld	
as juist ayont the bairnlie days	
was lukin at the days tae come	
wuid see him auld as newlie man,	
syne man as auld as newlie wad	
•	
wi hoose aroond him for his ain	
tae mak a beild for his ain bairns	
an wyfe haed made him mair the man.	
O aa Hrut's sons, the Kari yin	410
was yont them aa a laud o pairts,	
sae Hrut, his faither intil eild,	
was pairtial til him, gyan fonde,	
an loed him, myndin his ain yuithheid	
•	
gane furder nor he cared tae ken.	
The worlock play abuin the ruif	
The warlock ploy abuin the ruif	
was made for Kari, naebdie else,	
sae he was no for slaepin weel,	
but in and oot ot, doverin	
lik drappin aff wi steekit een,	420
then suddentlyke, wi snocherin	
a soond wuid wauken slaepin bears,	
his een wuid flichter startlement	
lik wunner at the leerie-licht	

made scaddas daunce aroo	on the chaumer.	The Laxdale Sage
Syne up he gat, lik donnertne that puits yae fuit fornent tho kennin-nane the whoe and oot he gaed tae hae a kee at whittan ongauns made to birl rauntinlie aroon the he for <i>Listen, sing an owerco</i> or <i>On yer taes an gie's a d</i> or <i>Losse-the-place lik heid</i> an thare it was, afore he ke for whit it was lik dee the paer Kari drappit doon for de	the-tither ere they gang, eek the singin 430 oose <i>ome til it,</i> <i>daunce,</i> <i>d-ower-hurdies:</i> ent it daith,	
That mornin, Hrut and aa his were waukent, ill-chaunce wi cock-craw three timms and Hrut, sair missin his you gaed oot an fund the lauddie upon the grun fornent the do	e in amang them, s ower coorse cawin, 440 ung son, e deid	
For Hrut, thon daith was som his ain micht been in yuith wi barelie tyme tae see his become a man as newlie w syne in his hoose at hame and her that made him ma syne, yirdin his young ither s Kari, Hrut biggit up a cairn abuin him for tae merk the that seemed tae hap his air	hheid years, ssel wad wi bairns an the mair: self, 450 e place	
The yirdin o his lauddie w a yae thing duin tae sorte a and Hrut noo did anither t tae richt the wrang thon ca for up and on his naig gaed l an rade til Olaf Hoskuldson tae tell him aa haed happent for dool upon his hoose at an dowieness for Kari deid	a caurrie, thing aurrie was, he him 460 t hame	
Olaf was sair puit-oot tae and intil angersomeness gart be lyke lowp up an no cor then said at lenth ginn gro that thare haed been foresich	t him me doon, owein caum,	

		ine Lu.
tae let sic skellums as that crew, the Kotkell and his faimlie, byde as near as no that faur awo; an no juist that, that was as bad as naething guid tae say aboot it, that Thorliek his ainsel haed been as caurrie torkit widdershins for haein ocht adae wi warlocks: but juist the same as maks a differ, said Olaf, Kotkell and his kynd haed duin faur waur nor Thorliek ettlt.	470	
Olaf gaed on tae say that Kotkell, alang wi wyfe an thair twoe sons, as deevilish as daumer folk, maun aa be puit til daith at yince, a yince that was gy late at that, gin oniebodie thocht upon it.	480	
<ul> <li>Wi fifteen men lik tail ahint for traik an draigle ower the grund,</li> <li>Olaf and Hrut then gaed het-tred tae taigle wi thae warlock bodies,</li> <li>but ginn the flamers saw them come tae claw them oot o hoose and howff,</li> <li>they shote-the-craw lik lowp the dykes,</li> <li>as aff they gaed amang the hills wi <i>Are ye comein? We're awo!</i></li> <li>Thare Hallbjorn, whyles caad Whetstane-ee,</li> </ul>	490	
<ul> <li>was taen lik <i>Haud him gruppit ticht</i>, then, mibbes for his mazerment,</li> <li>a pock was puittent ower his powe.</li> <li>Twoe-three men left tae guaird the bruit,</li> <li>the lave gaed furder ben the hills</li> <li>tae rin doon Kotkell for a warlock,</li> <li>an Grima an Stigandi, deevils</li> <li>for plot an plan alang wi Kotkell.</li> </ul>	500	
Kotkell an Grima baith were taen on thon rigg in atween Hawkdale an Saumonreeverdale, an staned till stoond o daith gaed yont thur kennin; syne they were smoored alow a bing o monie stanes were happit ower them that may be seen yit, tho owerhaillit an lyke thur baens, noo rickelt liggin:	510	

the lairach thare is caad bi some "Scart-beacon", but bi ither folk, thon <i>Skrattavardi's</i> "Deevils' Cairn", the kynd o place whoere bairnies draw	The
forefingers straucht athorte the thrapple an spit thur daiths for aa tae see, as ilka yin for owercome says, "Thae folk ben thare are no ma kinsfolk."	
Stigandi, last but no the laest, an ill-set nyaff amang thae nyuchs, gaed fiercelins furrit ower the rigg syne inbye Hawkdale oot o sicht, no oot o myn, for some folk caad him an ill-gien nyuch an no a nyaff.	520
Hrut and his sons, nae doot wi thocht athin thur powes for Kari's deid ruid-birnin for tae venge the laud, taen haud o Hallbjorn Whetstane-ee as ruch as rummelt him alang, an gart him staucher saewarts wi them, thur ettlement tae gar him thole the paiks he haednae haed afore an wuidnae hae again, for shair.	530
They gart him board a boat, an taen him a bittock ower the frith fae laund, poued aff the pock was ower his heid mibbes for mazerment tae blinn him, sae noo he'd see athooten guess the whit he saw was lyke tae be the last he'd see, as whoere he was was lyke tae be abuin him whoere he'd be whuin seein nithin mair: an then they tied a muckle stane aroond his thrapple for a wecht wi <i>See it's ticht</i> an <i>That'll haud him</i> .	540
As Hallbjorn lukit at the laund wi greinin for his feet on grund, he lukit oot fae ben thon place whoere haterent kyles athin the saul foreever roond as raivels saucht as neer at paece for strauchter thocht, an sic an awfie glower he gied, gif Deil alane kens whit he saw afore his een were steekit blinn	550

		The I
alow the watters o the frith,		
the Dear alane can tell us whye		
the evil whyles owerhaills the guid		
athoot yae cheep fae Providence.		
5 1		
An then he said: "Waanchauncie was it		
for me an mynes the day we cam	560	
til this Kaimsness an met wi Thorliek;		
but I'm for tellin you wi truith		
that's torkit widdershins aboot		
for caurrie spell the waarth o wurds,		
that Thorliek fae this oor this day		
until the day and oor he's deid,		
will ken but little blytheheid, ay,		
an tribbles hae as tribbles dae,		
even as aa that full his place		
will finnd the samin tribbles tribble.	570	
will filling the samin tribbles tribble.	570	
Altho that spell, as folk fund oot,		
wuid dae the devoirs o the Deil		
amang the folk aroon thon airt, the men athin the boat bidd-nane		
tae hear anither siccan speak,		
but swythe as swither-nane aboot it,		
they humpht the warlock ower the gunnel		
for droondin glowerin at the fishes,		
then back til laund they oared the boat.		
No that lang efter that, Hrut gaed	580	
tae hae a bittock crack wi Olaf	500	
his brither-son, an telt him straucht		
for daenae staund an gant an mant,		
that he was no for sayin nocht		
anent whit haed been duin bi Thorliek,		
nor was he juist for daein nithin:		
5		
an puit it this wy, Hrut was speirin at Olaf for tae gie him men		
tae herrie Thorliek, hoose and hame.		
tae nerrie Thomek, hoose and hame.		
Said Olaf til him then: "I ken	590	
ye aye were yin tae dae yer devoirs	590	
in gaun aboot yer doakies, Hrut,		
thon wy tho mibbes no the furst		
ye'd no be baet for ettlement, but shairlie it's no richt avaa		
for kinsmen lyke yersel tae doakie		
ilk ither thon wy makkin weires? Waanchauncieness haes been the weerd		
waanchauncieness haes been the weerd		

owerhaillin Thorliek caurriewys,sae I wuid raither sooch some saucht600	
atween ye nor a dirl o steel: I ken lang-tholance your ain weerd, sae I wuid hae ye byde yer wheesht for whit will gie ye paece o hert."	
And Hrut gied aunswer: "Cast aboot lik gress a troot for paece o mynd or fou the wame, but it's masel am castin-oot athooten doot for saucht o saul for whit's been duin til me an mynes bi yon yin Thorliek: 610 the sair atween us winnae heal but gowp an beal it will for aye as lang's a hame for baith o us is here in Saumonreeverdale."	
<ul> <li>"Whit you're for at for paiks for Thorliek," said Olaf, waggin finger at him,</li> <li>"will hae tae gang bi ward o me, and I'm for staunin straucht fornent him: sae lyke enyeuch we're lyke tae see baith hill an dale thegither even."</li> </ul>	
For "hill an dale" read "dale and hill" as some folk say, tho ither folk yaise "valley" raither, "mountain" wi it, the some folk eikin til't a note says Hrut was peels wi auld age thon timm as Olaf yuithfou pooer the marra, as weel as highheidyin at that.	
But that's no aa, thae ither folk gie us a note ont, see <i>Isaiah</i> at Chaipter Sixtie, vaerse the Fowerth, 630 anent the ilka glen uphichtent, wi ilka mountain, ilka hill doon laichent for a laevellin; an this timm tae, as maks for wunner lik tak anither keek at it, an shak the powe for <i>Uhuh, mibbes,</i>	
Olaf is made humilitie, a man he neever was afore, and auld Hrut made a man o pryde for nod-the-heid, no shak-the-powe:640the speil gangs on tae mak the pynt bi dabbin ben ingyne the speak640	

that Olaf's kynd humilitie will hummle pryde athin auld Hrut.	
Olaf micht said for kynliness til Hrut as weel as til hissel a bittock mair humilitie: "Gin you're a reever lyke the Spey in spate awo in Scotland thonner, ye'll finnd I'm grun will gar ye chynge yer coorse afore ye mak ootfaa will gie ye pleesure winnin sae."	650
The end ot aa was Hrut kent fyne, tho gyan haundie wi a haubert, he coodnae rin in even-tyme, he coodnae lowp lik cleir a dyke, he coodnae soom athin a pown tae guddle troot come suimmer waather, sae Olaf fair oot-doakied him: as ill-pleased wi hissel in eild as fasht wi Olaf's virrfouness, Hrut rade awo aff hame, tae sit betymes fornent the ingle-end an glower ben the lowes an reek for ferlies lowpin up lik Thorliek.	660
Aa ower thon airt that year, the folk were quaet as caunnie murmuratioun ongaun for <i>My</i> , <i>was thon no awfie!</i> but naebdie gied the kynd o cheep made for stramash bi skellum rowdies.	670

### Chaipter XXXVIII

# The Daith o Stigandi. Thorliek leaves Yceland.

This noo tae mak a bittock speil anent Stigandi, whoe becam an ootlin yont the dacent boonds o folk gaed doocelik til the Althing.

He was as evil as get-oot an coorse as *Neever you come back*, sae onie gaet he gaed, he made for fasherie amang the folk.

Thord was the name o a man whoe badd at Hundidale, a man o siller but no that meikle waarth ocht else

as faur as manheid was concaernt.

Noo, here's a thing for wunnerment that happent ower at Hundidale: the melkin baess gied little melk for aa they haed a wummanbodie tae tak guid care o thaem for Thord.

At lang last wasnae shuin enyeuch, the folk aroon the place fund oot

the wumman, whoe was juist a nief, haed in her aucht a waalth o bonnies, and aften wasnae whoere her wark was darg suid garred her byde at hame.

Thord haed the wumman up fornent him, tongue-lashin her lik splooter spit, an gulderin lik stoond her lugs until she was as frichtent as a bodie bogle-gyte ben daurk, for thon was yae sair shirrickin: and oot she cam wi't, tellin Thord a man wuid meet her aff and on, an "My!" she said, "He's gyan muckle, and I'm for thinkin, gyan braw."

Thord speired at her hoo shuin the man wuid come an meet her yince again: "As shuin as no that lang," s'she.

Thord gaed til Olaf Hoskuldson,

10

20

an telt him that he was for thinkin Stigandi wasnae faur awo but jookin roondaboot Thord's ferm, and it was for the Olaf chiel tae steer his shanks an dae his devoirs bi jinkin roondaboot Thord's ferm tae catch the warlock at the wark.	The Lax
Olaf was no that sweir tae gang, an shote-the-craw lik switheratioun gane oot the windae for mair skowthe, as aff he gaed til Hundidale, the nief brocht til him for the speirin. An this is whit the speirin was: "Tell me whoere thon Stigandi's dernin?" said Olaf, "In some hydie-hole in hiddlins lyke a mowdiewart alow the grund, or lyke a rattan alow the strae in some auld howff?"	50
An this is whit she gied for aunswer: "I daenae ken the whoere he bydes, alow the strae for happin roon sae naebodie can see him onie, or in alow the grun for daurk sae aabodie can see him nane; naw, whoere he gangs an whit he daes is no kent here nor elsewhoere aither excep bi him and he's no tellin."	60
But tho aa said was said for duin wi no that meikle mair tae say, thare was a something left for siller tae jingle-jangle ben the pootsh lik sing a sang or tell a storie yince Olaf made the nifferin wuid see Stigandi brocht til grun lik onie deer for grallochin for doon an duin bi Olaf's men.	70
The neist day, then, as some folk say, whuin she gaed ootbye herdin nowt, or as some ithers say, tae caw her yowie baess til howes an knowes, Stigandi cam tae meet her, sayin, "And hoo's it gaun wi you, wee hen?"	

The Laxdale Saga 80 She spak him weel, an plappit doon upon her dowp amang the heather, an said, for better shed his hair, she'd luk his heid an redd the nits: an sae he laid his ainsel doon an puit his heid upon her knee, till cootert wi her kynliness he dovert ower, syne deep in slaep his een were steekit ben the blear. Fae in alow his slaepin heid, she slithert oot as caunnilie 90 as joogle nocht nor shoogle ocht, an gaed awo tae gie accoont til Olaf and his men whit happent. Giein ilk ither coonsellin anent for no tae let Stigandi dae yon thing duin bi that yin's brither, the puittin o a hex on folk, they gaed til whoere Stigandi liggit as deep in slaep as dreamed o nits 100 upon his powe amang his hair, an poued a bag around his heid sae he cuid see the no the yin. Stigandi waukent wi a yirm, hauf-dreamin thon bag ower his heid was something lyke a wheen o nits scartin his powe wi smaa-tuith kaims tae gie his hair a gallus shed wuid please the nief haed met wi him, but syne he liggit still as stoondin because he kent ower monie men 110 haed yokit on him for his deid. Noo, here's a thing that you may guess is no for wunnerment alane, but mair for mazerment alang wi't the onie tyme folk thocht aboot it, indaed a ferlie gart them growe a skin as waanlik as whey-faced, hoose-maltit waantin suimmer sun, for thru a slit athin the claith, Stigandi keekit at the brae 120 athorte the middis o the glen whoere aa was bonnie for the kye

wi gerss growne thick for chowe-the-coode:

the hex Stigandi's glowerin ee	The Las
puit on thon place for mynd its name	
gart wuin birl roon, saun-deevillin	
baith gerss an yerd wi blooterin	
puit daith upon thon bonnie grun	
wuid neer see gerss growe thare again.	
Bruint was the place caad for tae mynd it. 130	)
bruin was the place caad for the mynd h.	)
That was enyeuch for faur ower muckle	
for Olaf's men tae byde for mair,	
sae they played blooterin thursels	
an puit Stigandi til his daith	
thon wy that stanein made the stoond	
gaed yont his kennin ben the daurk	
lik Kotkell faither, Grima mither:	
the furder lykenin was made	
bi yirdin him alow a bing	
that happit him wi monie ruckies: 140	)
gif some folk didnae caa him nyaff,	
it was because he was a nyuch	
afore he gaed the Craw Road, yon yin.	
Olaf was guid as kept his wurd	
as faur as Thord's nief was concaernt,	
giein the bonnie blade her freedom:	
the clip gaed hame wi him til Herdshaw,	
but whit her name was for tae mynd it,	
an did she mairrie, haein childer,	
an whoere she deed on whit the day, 150	)
the Saga daesnae gie a cheep.	)
the Suga dueshae gie a cheep.	
Hallbjorn, Stigandi's brither warlock,	
caad Whetstane-ee, was sluittert oot	
upon the straund lik bokit-up	
no that lang efter he was droont.	
The place whoere he was yirdit doon	
for Byde the whoere ye are for aye,	
was caad Knurrstane for no-forget-it,	
but Hallbjorn coodnae byde fae walkin	
as ghaistlie as ayont the mools 160	)
can frichten bigger folk nor waens.	)
can menten orgen fork nor waens.	
Thare was a man that some folk say	
was Thorkell Skull caad, ithers, tho,	
sayin his name was Thorkell Beld:	
he badd at Thickshaw was a ferm	
haed been his faither's ain afore him.	

He was a steivelik man, his hert as brave as even onie odds, an strang as airm airn-haurd cuid bend a bowe, weild aix or sworde.	170
Yae gloamin, at the tyme the kye for yaisual aa comes hame for melkin, yae bruit cam hame the-nane til Thickshaw, an Thorkell wi a hoose-carle bodie gaed ower the maer amang the heather tae finnd it for tae caw it hame.	
Sundoon it was, lik ower the swaw an faur awo its gowden licht tae let the muin's ain siller sheen leam ower the braes as ferlie as made aa aroond a scadda wurld.	180
Said Thorkell til the hoose-carle wi him, "You gang the yae wy yonner lukin, the-tyme I gang the-tither airt," and aff they gaed alow the muin.	
Alane alow the muinlicht lukin, Thorkell was preein ilka airt, lik keek ower yonner glowerin an then fornent him glunsh a bit, whuin thare upon a whinnie knowe he thocht he saw his missin cou.	190
Thorkell was lyke thon bairn that thocht tae stick a feather in the grun thinkin that it wuid growe a hen, because, whuin he gaed near the knowe, it was a cou-the-nane was on it, but Hallbjorn caad the Whetstane-ee because o thon wy he was lukin.	
At yince, for daenae cry a baurley, they baith breenged furrit on ilk ither tae tak a haud an daud awo lik caw the melt oot for a dingin, til Thorkell, doorein-doon the warlock, but laest expeckin sic a thing, saw thon bruit slither fae his grup an dwyne athin the grund alow them.	200

		The L
Ay, he'd gane ben his daith thon wy licht gangs ben een a freith o whyte		
lik florish in alow the sunlicht, syne suddentlyke as on-the-blink the een gang ben an efter-daurk as black as faur ayont ingyne. That is the wy ot: gin ye mynd it, ye're no as deid as duin wi't aa, but gin ye daenae mynd o thon, ye're deid as cannae tell aboot it.	210	
The hoo we dee, tho, lyke the whye, may mean an awfie lote til folk whuin they are quick as ongaun growthe, but gin they're died lik quicken grun, they care nae mair nor gerss or trees.	220	
And efter that, Thorkell gaed hame wi thochts that were byordnar as thae aulden wurds in some auld sang fae some auld leid no monie speak that soochs a sang o bygane days an wys o daein yince were yin wi wunnerment that made for laegend: the hoose-carle was areadies hame, for he haed fund the missin cou.	230	
Fae then on, Hallbjorn Whetstane-ee puit fasherie on naebodie this syde o yonner brander-het, an naebodie can ken for shair gin yonner he was fasht hissel.		
Bi this timm, Thorbjorn caad the Dwaiblie and his Melkorka, Olaf's mither, were bye the quick that made thur tyme and intil thair aye-bydein chynge that murlit ben the mools alow a cairn in Saumonreeverdale.	240	
Lambi, thur son, taen ower the ferm, a chiel faur kent as bonnie fechter, kenspeckle tae for haein siller. Folk thocht gy weel o him, faur mair nor onie thocht anent his faither, but that was no juist for hissel as muckle's for his mither's kin,		
as you'll jalouse that need nae tellin: thare werenae verie monie said	250	

they kent his faither, naw, nor did they.	The L
Olaf an Lambi were gy pack in britherheid atween them fonde.	
The winter efter Kotkell's killin noo gane lik dicht awo the snaw haed happit aa the cairns o deid, Olaf an Thorliek met, and Olaf, hauf-brither til him, speired awo gif Thorliek thocht tae keep his place, an ferm awo for yaisual on it.	260
"Ay, I'm for daein that!" said Thorliek, as tho thare was nocht else tae dae.	
Said Olaf then: "Ma kin or no, it's I'm for speirin at ye noo tae tak a turn awo fae here an gang abraid as wranged-the-nane. Whoereer ye gang, maist folk will think ye're waarth a waalth o fair respect. And I'm for thinkin, as I'm shair ye are yersel, oor kinsman Hrut	270
is shair anaa ye slichtit him, makkin for fasheries atween ye gif baith are bydein ower nearhaun."	
"Auld Hrut, ye ken, tho aichtie year in eild mak aichtie suimmers sooplin his nyne-an-seeventie cauld winters, is sair puit-oot his twal-year son was duin til ferlie deid bi warlocks that you gied hoose and hame nearhaun ye: it's fell mischaunce tae taigle wi him, an mynd ye, aa his ither sons are no that blate in breengein furrit, as gallus as the best o fechters."	280
"Because o thae things, I'm for thinkin, as kinsman baith til you and Hrut, I'd be in mixter-maxterie atween you twoe gin fecht ye wuid. It's I hae taen anither thocht, Hrut's eeksie-peeksie wi thon saw - a naig is neever faur ower auld tae nicher at the sicht o corn, nae mair nor cheetie intil eild	290

is faur ower auld tae catch a moose." Thorliek gied aunswer til him lyke a splooter spairgein spit aroond: "It's I am feart-the-nane for Hrut and aa the sons ahint him comein tae redd ma place and herrie me for ocht I hae athin ma aucht. I'd staund as straucht as bear-the-gree 300 the onie tyme the ettlin gars them come oot an dae, or byde an daenae, sae you'll can ken I neednae gang ayont ma kintrie lyke an ootlin." "But hooaneever," Thorliek said, sin you're ma brither, an were ayeways as thick wi me as I wi you, gin you're fair set upon the ploy, an for the maitter ot that I hae aye been blythe at that abraid, 310 weel, I'll gang thonner aest awo an see this place the-nane foreever." "And vince I gang lik leave the place for aye that's lang enveuch at that, I ken it's you'll be lukin efter ma young son Bolli thru the years, for he's the yin I loe the best." And Olaf said, "Gin you're for daein the whit ye say ye'll dae for me in gangin thonner aest awo, 320 it's you'll be daein no that bad for your ainsel, as I can tell ye: an for the lave ot ben yer mynd anent brochtupness for young Bolli, I'll dae ma best for him, thon wy the waur is neever gien ma ain sons." "Cheeri," the brithers said at that, for fare-ye-weel lik shak the haund an no the heid, for daud the back an no the face: an sae they pairtit. 330 Thorliek gaed hame and haed a rowp o aa his grund an baestial as weel as aa his fermin graith,

an sae gat siller for his traik

athorte the swaw and aest awo.	
He bocht a ship at Brekkfastness, and aa made ruidie, gaed aboard wi wyfe and hoosehaud plenishin wuid see them snode whoereer they airtit.	
As Thorliek sailed awo fae Yceland, yae dauphin soomit bye the bowe, taen yae bit keek at Thorliek staundin as doore aboard the ship as dowf, then scoored awo alow the watter as tho that keek said, <i>Ach, no that yin!</i>	340
But mibbe that's tae say a name	
tae mak a blame is no that fair,	
for Thorliek made guidgaun o it til Norowaa acorss the faem	
athooten skaith til ship or crew	350
an cam til laund in autumntyme.	
No feelin hame fae hame thare airtit	
because his kinsmen aa were deid	
or cawed awo ayont the place,	
aff sooth fae Norowaa he gaed	
until he made a Denmerk laundfaa.	
Fae thare, at hame the-nane thare aither,	
he gaed til Gautland, maist folk sayin	
he wasnae sair-wrocht ben his eild,	
but nae smaa drink avaa as lang	360
as this syde o the mools no bad,	
gy gled tae be awo fae whoere	
he wasnae yae thing or the-tither,	
or truith tae tell, whoere yae thing was as ill tae thole as was the-tither:	
as in tae thole as was the titler. an that is meikle as is said	
anent thon Thorliek Hoskuldson	

for tellin noo or eever efter.

#### Chaipter XXXIX

## Anent Kjartan's Freenship wi Bolli

At that timm, thare was meikle clash in aa the lenth o Braidfrithdales anent the sturt an stryfe atween auld Hrut an Thorliek, maistlie tho, anent hoo sair thon paer auld sowl haed been sae wechtit on bi Kotkell an thae twoe warlock sons o his.

Amang the clish-ma-claver ot that maistlie rowed aroon the mooth, Osvif was lyker rowein it aroon the haerns afore he spak, an then said til his dochter, Gudrun, as weel as til her britherbodies, tae gar them caa til myn for mense gif they'd no better been afore gif they haed gane for guid avysement raither nor lowpit in feet furst amang the ongauns o sic warlocks as Kotkell and his hellish kin.

Said Gudrun til him: "Naebdie, faither, wuid be athoot yer guid avysement gif takkin tent o your guid coonsel."

At this timm, tae, as heech abuin the lave as no that faur alow the place he thocht his richt tae be, Olaf badd ruch upon his grun, cantie athin the Big Hoose bydein, as highheidyinlik thare as pleased tae hae his sons aroond at hame, wi Bolli, thair ain foster-brither.

Amang them aa for neever myn that yin or thon yin named-the-nane, Kjartan stuid oot lik *Here I am*,

wi Bolli mair lik *Ay*, *I see ye*, for weel they lykit yin anither thon wy that whoere young Kjartan gaed, sae Bolli traikt alang ahint.

Aften enyeuch, for soople sinnens, as weel's puit aesement ben the baens,

10

20

The Laxdale Saga 40 Kjartan wuid up an tak-the-hook tae hae a dook at Saelingsdale amang het watter at the waal, and as was seen lik Keek at thaem! Gudrun aye thare or thareaboots. Kjartan was fair taen-on wi Gudrun, an lykit for tae hear her talk that wasnae lyke tongue-taiglin speak but mair a wy wi wurds that soondit gy lyke ingyne at yin wi sang. as sang at yin wi wurds an meanin. 50 It was the common clash o young folk at that timm growein up, that Kjartan an Gudrun neebored vin anither as seen lik maik-for-marra baith. Atween the Olaf chiel and Osvif, thare was a meikle freenship tae, and aften they wuid be for gangin athin ilk ither's yetts an ben ilk ither's hooses as thur ain, the freenship naething waur for kennin 60 the young folk growein gyan fonde. For aa that, tho, the mair til't was that yae day Olaf haed a crack wi Kjartan, sayin til him, "Son, I daenae ken whye I'm no lykin the wy ye're aye for gangin owerbye til Laugar, haein speak wi Gudrun. It isnae that I'm no for thinkin Gudrun abuin the lave o wemen, yin maik-for-marra wi ye, son. 70 The foresicht that is ben ma een for kennin whit the lave o folk will yae day ken for Luk an see it, I'm no for puittin on ma tongue tae mak a pictur ot in wurds, but I'm for thinkin, juist the same, that I masel and aa ma kinsmen will be in fell mishanter mellin wi Laugar folk as thaem wi us." 80 Kjartan said he wuid be for daein the nocht against his faither's will gin ocht in his ain will wuid help him,

but he was certain shair at that that aa wuid turn oot betterlyke nor ocht athin his faither's guesswark.

But even-on as haud on at it, Kjartan wuid tak-the-hook til Laugar, an wi him Bolli, lyke his scadda, as even-on the roond o waather birled roon the year tae scadda kintries.

Chaipter XL
-------------

#### Kjartan an Bolli sail til Norowaa, AD 996

Asgeir was the name o a man, some say was caad the Aeder-drake, and ithers the Hot-Heid, wi his hoose at hame at Asgeirsreever, Sauchiedale.

He was the son o yon yin caad bi some folk Audun Skokul, tho bi ithers Audun Shaft, a chiel whoe'd been the furst o aa his kinsmen tae gang til Yceland, furst yin tae tae saettle doon in Sauchiedale.

Anither yin o Audun's sons was Thorgrim caad the Lyart Powe because his heid was groo as haur (that some caa *haar*) that spreids ower Scotland fae aest awo and aff the swaw: this yin, as some folk say, was faither til Asmund, faither was til Gretter.

Thon Asgeir Aeder-drake yin haed five bairns for faimlie, three o thaem were sons, twoe whit but dochters.

Yin o his sons was Audun caad, faither o Asgeir that was faither o Audun, thon yin faithert Egil the yin that haed for wyfe yin Ulfeid, dochter o Eyjolf caad the Hirplie: thur son was Eyjolf, this timm thon yin folk ken was slauchtert at the Althing.

Anither yin o Asgeir's sons was Thorvald caad, his dochter Wala that Bishop Isleef haed for wyfe, thur son in tyme thon Bishop Gizor.

Asgeir's thrid son was Kalf bi name: the claikin o them aa wuid growe men haill as yince were lauds o pairts.

At that timm, Kalf was tradin yonner ower aa the airts the wuin wuid sail him, aabodie kennin he was daein 10

20

gy weel no juist for his ainsel but for the lave were sailin wi him.	Th
Thured was yin o Asgeir's dochters: she mairriet Thorkell Kuggi, son o yon yin that was caad Thord Yeller, an thair bairn was a son caad Thorstein.	40
The ither yin o Asgeir's dochters was Krefna caad, in fairheid yont ilk wumman in the northren airt, an winsome wi't, sae naither wunner Krefna was gy weel lykit aye.	
For faimlie, ilk yin no in need, for graith, faur mair nor eever needit, for guidgaun wys need chynge-the-nane, Asgeir was up amang highheidyins.	50
It's telt that yae timm Kjartan Olafson gaed on a traik that taen him sooth til Bruchfrith: naething mair is telt anent it or he gat til Bruch, whoere Thorstein, Egil's son, then badd, Thorstein that was his mither's brither.	
Bolli gaed sooth alang wi Kjartan, for they were gyan fonde as freens, neever myn foster-britherheid, thon wy that ilk and ither thocht that pleesure shared is pleesure dooblt.	60
Thorstein gied Kjartan waalcome lyke fair grup the haun, fair daud the back, an said that he'd be gleg as gled for him tae byde as lang as gar the days gang bye lik oors gy blythe.	
Sae Kjartan styed a whyle at Bruch, as blythe as didnae coont the days that gaed lik oors as gled as gleg.	70
That suimmer, staunin bye for tyme tae gar the waather weare on richt for sailin on fornent the wuin, a ship lay in Steamreevermooth belangin til Kalf Asgeirson whoe haed been bydein, byte an sup,	

The Laxdale	Saga
-------------	------

wi Thorstein Egilson that winter.	
As mum's the wurd for nod an wink lik <i>No let dab the whit I'm sayin</i> , Kjartan telt Thorstein whit for whye he'd airtit soothwarts vaiginlyke, an that was he wuid lyke tae coff hauf-share in Kalf's ship, "For," said he, "ma myn's made up tae gang ayont." An then he speired wuid Thorstein tell him whit sorte o man he thocht Kalf was.	80
Then Thorstein said he was for thinkin Kalf was as guid as onie man as no that bad, an leal anaa as luk ye straucht athin the ee: "And I am shair for fae caunnie kennin," said Thorstein, "that it's you're for greinin tae tak a keek at ither folk an speir at thair ain wys o daein. That caunnie kennin tells me tae yer airtin will be caad byordnar, thon wy for kinsfolk thinkin lang on hoo ye're gaun an whit will come ot."	90
Kjartan gied greeance til the speil, sayin he thocht his ploy wuid gang as guid as gar the dauphins soom fornent the bowes wi lowp an play.	100
On wi the gemme then: Kjartan bocht the hauf-a-share in Kalf's guid ship that made his ain share peels wi Kalf's in trade for siller ben the pootsh; an Kjartan was tae come aboard ginn ten weeks o the suimmer gaed for betterment o waather airtin.	110
Whuin leavin Bruch for <i>No awaa</i> <i>tae byde awaa</i> , some bonnie gifts were gien him for his pleesurin, and he an Bolli rade aff hame.	
Whuin Olaf heard aboot the ploy, tho, he said he was for thinkin Kjartan haed gane aboot it lyke a blackie fornent a grozet buss in suimmer, but that he wasnae gaun tae stope him	

fae haein a belliefuhll o berries.	120	The Laxdale Saga
A bittock later, Kjartan rade til Laugar yonner, for tae tell Gudrun he was for aff abraid, and you'll can ken gif think aroond it, she wasnae ettlin for a kittlin ower whit was ben the news for her.		
<ul><li>She said: "This is as suddentlyke as hauf-caw baith ma feet awo, an gar ma gaet gang stotter-staucher as climpie as a hirploch bodie."</li><li>And on she gaed, as you'll can guess fae kennin whit was said anent her, tae gar young Kjartan doot nae doots that she was gy ill-pleased aboot it.</li></ul>	130	
Puit-oot a wee bit, Kjartan said, "Daenae tak on anent it, Gudrun, for I'm for daein ocht ye lyke as fain tae mak ye pleesured wi me."		
"As swythe as swither-nane avaa," said Gudrun, "I can let ye ken the whit I waant is yours tae gie me as lang's ye are a leal man lyke yer wurd the truith atween yer lips."	140	
"Juist you tell me," said Kjartan til her, "and ocht I hae is yours for aye, as ocht tae dae will be ma darg."		
Wi that, that was lik gowden treisure in wuiden kists afore the een, Gudrun said til him: "Ocht ye hae, lik gie it me for aye as mynes, or ocht ye'll dae as darg for me, excep the yae thing for ma pleesure, is naither here nor yonner aither, but thare is yae thing greinin ben me that gars me craik awo for waantin,	150	
an that's wi you, ay, an wi you, it's I sall gang abraid this suimmer: an gin I gang, as you micht let me, it's you'll mak up an mair mak up for thinkin you wuid gang awo, speedikerrantin me lik stoor	160	

aroond yer horse's huifs, or lyke the freith o faem alang the strakes o that braw ship yours hauf-a-share."	
<ul><li>"Forbye," she said again, in case whit said areadies no enyeuch for state-the-case (and here's the stopper):</li><li>"Ye'll ken that I'm no ower enamoured wi bydein here in Yceland aither."</li></ul>	
"Och, naw, hen, naw!" said Kjartan til her, "Ye cannae dae it! Shair yer brithers are no the yae yin saettlt yit wi feet fornent his ain fyresyde an wyfe tae byle his bowle o brose; yer faither's gettin on anaa, as blear as cannae see that faur, an rackit as can crackle jynts, an growein gyan humphie-backit as tho the wurld upon his shoothers;	170
<ul><li>shair, thae menbodies wuid be baet gin you gane yonnerwys wi me</li><li>wi no the yae haun's turn tae help them: byde you at hame tae keep them snode, as byde you here til I come hame,</li><li>as lang as winters three year rinnin are pechin for tae catch up voartimm."</li></ul>	180
"Byde me, byde me, but byde will you?" speired Gudrun til hersel, then said alood for <i>I'm for tellin you</i> , that she wuid gie him hecht the-nane, thon wy they coodnae gree avaa, an pairtit thare, no hauf as fonde as onie tyme they'd met thegither.	190
"I'm aff," said Kjartan, and he rade thon wy that neever luks ahin for <i>Fare-ye-weel! I'll see ye syne!</i> An Gudrun stuid her lane, fair bylin, thon wy that coodnae see him gang for greitin saut that blinndit her.	
That suimmer Olaf rade his naig tae hear the Althing speak an speil, an Kjartan rade a bittock wi him, as some say, fae the waast fae Herdshaw, tho ithers say fae aest fae Herdshaw	200

(a, b, c, b, c, b, c, b, c,	
(and aabodie's in greeance thare)	
an that is whoere they said fareweel.	
Fae thare, nae hunker-slydin noo,	
Kjartan rade onwards til his ship,	
his cuizzin Bolli gangin wi him,	210
makkin for ten Ycelander bodies	210
gaed wi him, ilka yin as fonde	
•	
as wuidnae let him gang his lane.	
That companie o kynlie fieres,	
wi Kjartan rydin at thur heid,	
cam doon upon the straund lik bairns	
wi blythehied kickin up the heels	
tho cryin-nane The Sae! The Sae!	
as laundwart bairns are lyke tae yelloch	
as bairns hae duin sin we were bairns:	220
Kalf Asgeirson, the skipper, caad,	-
"Come on an bring yer sae-legs wi ye!"	
for waalcome as sae-sautie as	
the wuin wuid caw them ower the swaw	
til Norowaa acorss the faem.	
in Norowaa acorss the facili.	
Kjartan an Bolli taen alang	
a lade o monie guids for trade	
wuid see them ruch enyeuch wi siller	
for jingle-jangle ben the pootsh.	
Naething ramstam, but aa made ruidie	230
for aff, wi aathing ben its place	
as tiddlie as ben ship weel-fund,	
they sailed fae Bruchfrith wi a wuin	
that gart them bab as caunnilie	
as scoor alang athooten pitch	
lik up an doon fae bowe til starn,	
an ryde the swaw athooten toss	
lik rowein left an richt, thon wy	
gars gunnels ship the watters ower:	
an sae they met the maindeep swee	240
that hoves aroon the daipths alow	1.0
tae let us ken that whoere we are	
is batter faur nor whoere we micht be.	
is outer fuir for whoere we ment be.	
And aff they gaed til Norowaa,	
til Norowaa acorss the faem,	

an gat thare til the norlins airt, makkin guid sailin-waather ot,

as faur as thon Northreeverdale

for werenae kynlie dauphins soomin wi lowp an play fornent thur bowes for nae ill-chaunce upon the sailors, as gled tae see the men on board as men on board at seein thaem.	250
At Trondheim, they were oot the wuin lik let it blaw a blast, or sooch abuin them for a wishie waff, and oot the road o gurlie waves alow the strakes tae cowp the ship: they haed a crack wi bodies thare an speired the whit was ongaun roon for common clash an things o State.	260
Ower aa haill Norowaa, they laerit, highheidyin heech abuin the lave, yince Jarl Hakon, then caad keeng, was deid as ben the daurk tae speir gif licht were yonnermaist inbye, and his place taen as ben the licht bi Olaf Tryggvason as keeng whoe kent he'd be, whuin he was deid, near-blinnt bi Heeven's licht aroond him:	
aa Norowaa was in his pooer lik bab the powe an bou doon laich.	270
A chynge o faith was on the wy in Norowaa, lik <i>You believe</i> <i>afore ye dee an gang til Heeven</i> , or <i>You believe-the-nane an dee</i> <i>the-day an gang til Hell the-morra:</i> for aa that, tho, the folk aroon were mibbe-ay for <i>Och, we'll dae it,</i> or mibbe-naw, for <i>Ach, no lykelie!</i>	
Wi that ben haerns for rift-the-thocht lik hy ben kye for chowe-the-coode, Kjartan and aa his crew taen ship fae Trondheim ower til Nidaross.	280
At that timm, monie folk fae Yceland, wi three mair ships belangin thaem, were ower in Norowaa, fair taen wi whit was ongaun aa aroon thaem, amang thae folk highheidyin-bodies	
gy thrang at listenin til clash an mair nor thrang at claikin o it.	290

Yin o thae ships belangit Brand caad Aipen-haundit was the son o Vermund Thorgrimson; anither belangit Halfred whyles was caad the Fashious Skald that micht weel be the Boatheratioun Bard, or aiblins, yon yin weel-caad Camstairie Makar; the thrid ship was belangin Bjarni an Thorhall, brithers whoe were sons o yon yin caad Braidreever-Skeggi was oot o Fleetlythe in the aest: some folk say no a wurd o Fleetlythe.	300
Aa thae men, and, as we may guess, the feck o aa thur crews anaa, altho the Saga daesnae say it, haed waantit for tae up an sail as waast awo as hame til Yceland, haed no Keeng Olaf puit a steg ont because they wuidnae tak his faith, for hystin sail or pouin oar wuid puit his herbourage ahint them.	310
The Yceland folk fae thae three ships gied Kjartan gyan kynlie waalcome wi daud-the-back lik <i>Hoo're ye daein?</i> an grup the haun lik <i>Hoo's yersel?</i> nane mair sae, tho, nor yon yin Brand caad Aipen-haundit, for he kent Kjartan as weel as Kjartan him. Wi that, aa thae Ycelander bodies taen coonsel for thur ain avysement, till aa were evendoon agreed	320
<ul> <li>that they'd refyaise Keeng Olaf's faith,</li> <li>thae bodies aa areadies nameit</li> <li>makkin a baund for say an dae it.</li> <li>Kjartan an crew brocht thair ain ship</li> <li>alang the quay, unladin it,</li> <li>syne tradin aa the guids they'd brocht,</li> <li>daein gy weel bi daein folk</li> <li>whoe'd cam tae coff thae samin guids</li> <li>were sellt til thaem for siller merks</li> <li>whit haed been bocht for copper maiks.</li> </ul>	330
Keeng Olaf, as the chaunce wuid hae it	

	11
for tell a storie isnae cairriet,	
was in the toon o Trondheim bydein,	
and heard the clash anent the dockin	
o Kjartan's ship, as weel's the news	
anent the whoe were whit an whit	
was whaat anent the men aboard her.	
Yae day, fair waather autumn day	
for cast a serk afore a dook,	340
menfolk wuid leave the toon tae soom	540
athin the Reever Nid for pleesure	
lik soople-up the baens an sinnens	
afore the winter waather tichtent	
the skin an gart the jynts growe cricklie.	
Whuin Kjartan and his neebors saw this,	
he said he thocht that they suid gang	
and has a soom lik as the lave,	
,	
an sae they did, some divin lyke	250
the tammie-norries or the maws,	350
or, no that guid, wi bellie-flaps	
wuid fricht the troot a myle awo,	
whyle some wuid haud the braith an scoor	
alow the watter, doakiein	
thur neebors for the furdest ganging,	
and ithers soomit saumonlyke	
-	
as ruggle watter til a freith.	
Thare was yae man was lyke nae ither	
for sport an play athin thon watter,	
an lukin at him, Kjartan speired	360
at Bolli gin he'd lyke tae try	
an best the bodie whoere he soomit.	
But Bolli, no sic gomeril	
as thocht tae dae whit Kjartan ettlt,	
5	
said, "Naw, I'm no as gyte as dae	
whit's lykelie your ain ettlement.	
Forbye, I ken I'm no his marra."	
"Man, whoere's yer smeedum gane?" said Kjartan.	
"Weel, I'm for seein gin I'll finnd	
ma ain tae dae the whit ye cannae."	370
· · · · · · · · · · · · · · · · · · ·	
"You dae's ye lyke gin you finnd smeedum	
tae dae as muckle's gars ye finnd it,"	
said Bolli, mibbes puittent-oot.	
. 1	

Lik tammie-norrie preein saund-eels, or sea-maw for a dentie fishie as eever soomit in the sae, Kjartan dived doon athin the reever, then soomin til thon chiel was best at sport an play lik soom an dive, he poued him in alow the watter 380 an kept him doon for need o braith then let him ryse tae pech an pant. An then, as some say, up abuin for some lang whyle, tho ithers say as shuin as up abuin the watter, that same chiel claucht a haud o Kjartan an waarsled him alow for lang as seemed near faur ower lang at that, then up they cam a saecont tyme: an naither mowtit smaaest cheep. 390 The thrid tyme they gaed doon thegither, lik haud the braith an keep the heid in case they splootered lyke a grampus, they waarsled doon alow for lang as faur ower lang at that it seemed, thon wy that Kjartan was for thinkin he coodnae stye a saecont langer, whuin wheech, they brust oot ben the air tae sook it ben thur bellowses for stuff o lyfe that kitchens staff 400 alang wi whit was aa aroon them. The baith the bodies made the bank, the toonsman sayin, "Whit's yer name?" An Kjartan telt him. Said the chiel, "Ye're no that bad at soomin. Are ye as guid as that at ither ploys?" As cauldrif in atween the teeth as freeze the wurds atween the lips, Kjartan gied aunswer chitterie as needit efter-soomin byte: 410 "Folk said ower yonner Yceland wy that ither bodies were as peels as neebor me the onie day, but that is naither here nor thare noo I'm no waarth a docken leaf."

The toonsman said, hissel as cauld

as need for chitterin-chowe anaa, "A man can dae the whit he daes gif naebodie haes strenth tae stope him, even as nae man can dae mair nor man mair strang will let him dae: tell me, whye dae ye speir-the-nane anent masel puit strenth upon ye as you puit strenth upon masel?"	420	The La
"I daenae waant tae ken yer name," said Kjartan, "for I'm shair, lik you, I'd raither ken the man I baet nor name o yin gy near baet me."		
The toonsman gied for aunswer til him: "Tho stoore ye are an steivelik wi it, it's you gang stinkin bye wi neb dichtin the air aroond yer heid lik waff it yae syde noo, then tither. For aa that, lyke or daenae lyke whit I'm for tellin you, sae listen: Keeng Olaf is ma name, as shair as ma ain faither's name is Tryggvi."	430	
Hauf in the strunts as yont hissel, Kjartan gied naither cheep nor chirk but birled aboot wi dander int an cloak-the-nane aroond his shoothers but jaiket bonnie crammasie.	440	
Keeng Olaf, gy near cled bi then, caad ower til Kjartan no tae be in sic a hurrie-burrie gaun, an Kjartan, mair inbye hissel as oot the strunts, cam back at that: but no as swythe as haed been gangin.		
The keeng taen aff his ain waarm cloak and haundit it til Kjartan, sayin he maunnae gang amang his men athoot a cloak, no dacentlyke.	450	
"Ay, tak it, man!" he said, an meant it, "Tak you ma auld cloak roondaboot ye, tae stope yer teeth fae chitterin!" No that auld was thon Olaf cloak but wundrous bonnie, wrocht in colour lik wark o ferlie tartanrie		

	The Laxaa
in setts no even seen in Sodar fae Lewis north til sooth Kintyre.	460
An Kjartan said til Olaf. "Sur, it's I maun thank ye awfie kynlie for sic a gift at sic a tyme," and aff he gaed amang his men tae let them hae a swaatch at it.	
A swaatch at thon braw cloak they taen, an did they no, thae Yceland chiels, but taen anither swaatch at him thae Yceland chiels did, did they no, an whit they saw was no the cloak but Kjartan, peacock lyke his faither; an no juist that, they thocht he was alow hissel a bit, the keeng as faur abuin him as ower heech.	470
Ay, ilka bodie thare wi Kjartan haed kent his faither, haed they no? An no juist that, they kent his byname.	
For aa that tho, no muckle daein, things were as quaet as no dae muckle: then autumn cam, as cauld as winter, furst cranruch pootherin the gerss tae mak ilk blade ot three tymes thicker, then frost gane in alow the grun tae cuddle ruits wi nae confort, an seek tae mak the watter yce.	480
The heathen folk aroon the place said naither wunner waather was as bad as doonricht awfielyke, because, they said, "Newfanglt wys o keeng an coort wi thair new faith hae made the godes as angersome as blaw thur cauld braith ower the airt: newfanglt wys ill-fankle wys auld-farrant as the godes thursels."	490
Aa thru that winter, the Ycelanders kep thair caum sooch amang thursels, as waarm as aathegither crackin, Kjartan highheidyinlyke amang them.	
Yince winter waather taen a turn	

	The Laxdale S
for betterment lik birl aroond and hae a keek for voartimm comein, the folk fae aa the laundwart airts cam ben the toon lik makkin hostin, Keeng Olaf caain thaem thegither.	500
Bi this timm, monie Trondheim folk were Christian bodies lyke Keeng Olaf, but monie mair wuid hae it nane an neever myn the keeng at that; in fac, whuin yae day puittin ower the Christian speil was caad Gode's speil, at Eyrar, Olaf at it haurd's kailrunt haufwy thru wintertyme or whinstane buhllet on the saunds o Cleadale straunds on Ysle o Eigg, stanes drappit causual on the saund yince rock the buhllet booried ben,	510
the Trondheim folk gat up a host an stuid for battle thare fornent him. The keeng said, "Gin ye say it dae it, sae you'll can ken that I hae haed faur waur tae waarsle wi nor you yins, a wheen or sae o Trondheim carles nae mair nor common nyafferie: gif dae it nane, you, say it nane, you."	520
An that was that for steek the gub lik haud the tongue for yatter-nane, sin thae paer sowls losst hert gif kep the bodie haill for Heeven's blissin, an puit thursels alow the pooer o keeng an Christian cheritie; bapteezement giein monie paece wuid keep thur sauls this syde o Hell an doakie Nick at his fell wark: that made an en til yitter-yatter amang the neebors lyke thursels and aa gaed hame tae haud thur wheesht, or at the laest til ingle waarmin.	530
Noo, that same eenin, for tae ken whit micht be ingle-speak was made fae efterthocht haed soored amang Ycelanders, Olaf sent slee bodies tae pree athin the waast folk's ludgeins an for tae let him ken thur gab.	540

An sae they did, thur <i>Keek an see</i> a <i>Listen, hear</i> fornent the waas whoere in ahint, fair gaun thur dinger, the waastlin folk were giein it purr.	
They heard hoo Kjartan speired at Bolli, wi "Kinsman, juist hoo willant are ye tae tak this faith the keeng's for speilin?"	550
An Bolli gied for aunswer til him, wi "Willant-nane am I because it seems tae me tae be gy dwaiblie."	
An Kjartan speired at him again, wi "Are ye no for thinkin Olaf was makkin mintin at oor folk were willant-nane tae tak his faith?"	
An Bolli gied for aunswer til him wi "Shair it seems til me the keeng was certaint-shair the wy he spak wuid mak it cleir til aabodie that folk lik me wuid get thur paiks for bydein as the wy they were an no the wy the keeng noo is."	560
Then Kjartan on wi't: "Naebodie is gaun tae haud me unner thoom aither thon wy I cannae moodge or in atween the twoe thoom nails thon wy lik crack a peerie nit; nae, naebodie, gin I hae pith tae wecht a waepon ben ma nieve. It's doonricht feartiness, I'm thinkin, for tae be hauddent ben a bucht, mèh-mèhin lyke the onie lammie, or lyke a tod othin a trap	570
or lyke a tod athin a trap, een here an thare lik <i>Whoere the duags?</i> Faur better, gin a man maun dee, tae chaise the chyce that gars him dae a something will be kent for aye nor naething neever will be kent." An Bolli, keekin at him caunnie,	580

speired at him wi "Whit will ye dae, then?"

"I'll hyde-it-nane fae you;" said Kjartan,

"I'll burn the keeng in his ain hoose."

"Thare's naething feartilyke in that," said Bolli, "as I'm shair ye're thinkin, but ettlement athin the heid, is nithin lyke a darg o wark athin the haun for ower an duin at lowsin-tyme for graft nae mair; 590 as faur as I'm concaernt, I'm guessin wark winnae follae ettlement for devoirs duin lik dae nae mair. for Olaf neever was a man waancannie as a thriteen bodie in case he steppit ower a lyne or didnae for the contar thocht, but gaed alow a laether walkin nae maitter gif black baudrons gaed fornent him or gaed yonner bye him 600 forbye, his paelace guaird is watchfou as keek an speir thru daylicht oors as leerie wi it thru the nicht." Kjartan said maist men were in failvie for daenae daur whuin doakiein, an neever myn gif bravelik as the best gif daured-the-nane at doakies. Back Bolli cam lik chowe-the-fat an champ the chowe atween the teeth: "We'll see the yin may weel be chawed 610 for waant o smeedum come the tyme that waits for braverie tae pree it! Ay, see the yin will no be chawed as fou o smeedum come the tyme o fell stramash lik rowe-de-dowe." That was enyeuch as mair nor waantit, for naebodie aroon gied tongue lik yitter-yatter aa at yince that whit was said was clish-ma-claver. 620 Whuin that slee men fornent the place tae Keek an see lik Listen, hear, heard whit was ongaun ben the ludgeins wi waastlin folk fair gaun thur dinger, they gaed awo an telt the keeng anent the whit thare was tae ken for dae whit micht be duin aboot it.

Neist mornin, takkin thocht at brekkfast the same as taen the hindernicht at byte-an-sup afore nid-noddin, Keeng Olaf caad for coonsel crack, and intilt, that was mair collogue, thae Yceland folk fae roondaboot.	630	
That duin, and aa the folk claik-clackin caw-caw lik corbies' convocatioun, the keeng stuid up an caad for order lik <i>Haud yer wheesht an listen, fuhllas,</i> an then he said, as dacentlyke as taen nae tent o rift or hoast that soondit dooble-stoond in quaet, "It's I maun thank ye awfie kynlie for comein here as freenlielyke as I wi you aa yin in faith."	640	
As no yin thare was aa-yin-waan lik same in faith as keeng an freends, Olaf caad ilka Yceland bodie tae come and hae a crack aboot it, an speired at thaem, lik cock the heid an keek at that yin then at thon yin, gif onie thare wuid be bapteezed: eechie nor ochie nae chiel said.	650	
At that, that haed athin the nocht ot a sooch o something no lik saucht, the keeng said they were chaisin chyce wuid be as waur as no wyss, naw, but by-the-bye (that's gyan lyke the gaet nae wysslik bodie gangs) "Whit yin amang ye," said the keeng, "thocht for tae birn me for a kinnlin athin ma paelace hoose at hame?"		
An Kjartan gied him aunswer was as spunkielyke as licht the een: "Athooten doot it's ycu're for thinkin that whoe it was said thon is yin wuid hae nae smeedum for tae awn it; but here ye see him, richt fornent ye."	660	
"Ay," said the keeng, "it's your ainsel that I'm for seein staundin here that in amang the lave cuid be		

	The Laxdale
nane ither nor yersel haed said it, for you're a man o nae smaa drink that gies nae smaa avysements, aither as pooterie as peerie-wee, or pooterie as nuchin naither for an that the, it's no yer woord	670
for aa that, tho, it's no yer weerd tae staund as heech abuin ma heid as I staund here abuin yer ain and I alow ye liggin, duin	
for deid bi your ain haun for weerdit:	
but you hae duin as meikle as	
gars me mak shair ye'll dae nae mair	680
will gar ye ettle for tae birn	
mair keengs for paelace kinnlin yit."	
"It may weel be that yince ye follae	
the faith that follaes efter you,	
the better gaet wi't will ye gang	
because the mair ye spak against it	
afore ye kent the whit it was,	
the mair ye'll speak tae hain it weel	
yince you'll can ken the whit it is will gar ye be a better man."	690
win gai ye be a better man.	090
"An mair nor that, gif mair can be	
anither ocht tae eik til that,	
it's I'm jalousin, no juist guessin,	
lik tuitch an airn athin a smiddie	
as mibbes het or mibbes cauld,	
that on the day ye're ben bapteezement,	
monie ships' crews will be thare wi ye."	
"Gif mair can be anither ocht	
tae eik til that, here listen til't:	
"It's lyke enyeuch as wunner-nane	700
nor fash anent the maitter furder,	
thare micht weel be a differ in it	
that aa yer kinsmen and yer freens	
will tak guid tent o whit ye say	
yince you are hame in Yceland thonner; an no juist that, but something else	
tae gar ye think upon ma speak	
as wurds ma tongue cuid neever say	
unless wi foresicht hint ma een,	
that you will hae a better faith	710
yince you gang hame fae Norowaa	
nor whit ye haed whuin you cam here."	

		The L
"Gang you in paece whoereer ye will,		
ay, gang in paece that sings as swaet		
as onie owercome eever soocht		
tae gar ye mynd a melodie,		
or melodie that gart ye mynd		
a wheen o wurds for owercome soocht."		
"For noo (an mynd ye, that's no ayeways)		
I cannae gar yer thochts become	720	
as Christianlyke as torkit sair		
as cannae turn roon deishillyke		
for birlin contar widdershins,		
sin Gode alane, Whoe speaks aathings		
that mankynd eever thocht tae say,		
haes said Hissel for dae nocht else		
that He is no that willant folk		
suid come til Him as willant-nane."		
Nae yin amang the lave aroon		
was burble-heidit as no kennin	730	
whit Olaf was gaun on aboot,		
an lood abuin the rifts and hoasts		
that soondit yince the keeng kep quaet,		
<i>Hear, hear</i> resoondit thru the menyie,		
tho, mynd ye, maistlie fae the Christians.		
The haethen bodies, lyke hissel		
as quaet as guldert <i>Hear, hear</i> nane,		
let Kjartan speak as speak wuid he.		
for Hjurtan spoar as spoar ward no.		
Wi beck an bou lik tuitch the broo,		
for My, and you're the dacent bodie!	740	
an bou an bab lik juist the dab		
for Myn the wy I'm lukin at ye!		
said Kjartan, ruidlik on the chafts		
no lang afore were growein groo,		
"Keeng, we maun thank ye awfie kynlie		
for giein us oor paece o myn		
fae paece ye finnd athin yer faith,		
but no juist that that micht weel be		
enyeuch at that lik naething else,		
for you hae gien us paiks-the-nane	750	
that micht hae duin us doon til deid."		
"As faur as I'm concaernt masel, tho,		
(as cannae speak for aa ma freens here)		
I'll tak yer faith in Norowaa		
wi this alane ben kennin ot:		

that I sall gie some smaalik worship til Thor come winter neist in Yceland and I thare waastlins hame again." Tho, mynd ye, for tae tell it true as ither bodies tell the storie. 760 Kjartan said he wuid tak this faith in Norowaa gin he suid finnd in Yceland back at hame hissel that Thor haed growne in raeverence a pickle less nor no that mickle. Whit's no for gangin bye us finnds us, whether at hame at hame or freemit awo fae hame lik Whye byde here, man? Keeng Olaf, tho, at hame at hame in Norowaa acorss the sae, 770 fund aa he'd seen was whit he'd socht for takkin ben athin his aucht, an sae he gied a smaa bit smirtle an said for aa were meant tae hear him wuid ken ingyne at wark fornent them: "Yae keek at Kjartan lets us see the siccan swaatch enveuch tae let us ken whit the kinna man he is is vin can lippen on hoo sherp he scarts the aidges o his waepons, 780 and on his strenth o airm can yaise them nor on thae auld godes Thor and Odin." The speak aa bye for ower an duin excep for avizandum tak it, the cooncil skailed awo for hame. No that lang efter that, some folk, nae doot wi avizandum sorteit, eggit the keeng on for tae gar Kjartan and aa his men accep 790 the faith because it wasnae wyss tae hae sae monie haethen roond him. As angert as fair bealin wi it, the keeng gied aunswer bylin het, sayin he thocht that monie Christians were no the hauf sae weel-behavit as was the Kjartan chiel hissel

or onie o his crew-men aither:

	The
"And," he gaed on for puit the fuit doon,	
"it's lang I'd wait an waarie-nane	
for yin lik him tae tak the faith."	800
for yill lik lilli tac tak the fatti.	800
That winter saw the keeng fair thrang	
wi guidlie wark aa ower the place,	
biggin a kirk was consecrat	
bi Christmas-tyde, the maerket-toon	
itsel ootspraed aroon the airt.	
1	
Thae ongauns wi Keeng Olaf rummlin	
aroond his heid lik rift a thocht	
athin his myn the-wy curmurrin	
inbye the wame, a tichtener ettent,	
can rift a wheech o air thru thrapple,	810
gart Kjartan say that he and his	
suid gang as furrit til the kirk	
as near enyeuch as see the padyane	
the Christians follaet for tae finnd	
the wy tae gang as Heevenwarts	
as faur enyeuch awo fae Hell:	
an monie o his men fell in	
wi sic a ploy, tho aiblins thon wy	
in case no gaun wuid be faa-oot.	
C	
Kjartan an Bolli, wi thur tail	820
o fieres an freens an siccan bodies,	
gaed til the kirk as doocelik as	
0	
cuid speir the whit was ongaun thare,	
wi monie ither Yceland folk,	
and in parteeclar, yon yin Hallfred	
that whyles was caad Camstairie Makar,	
or aiblins Boatheratioun Bard,	
or whyles, mair lyker, Fashious Skald,	
but no Carnaptious, tho, naw, no	
lik monie bodies clan or clannit	820
	830
for sing a sang or tell a storie.	
Athin the poupit ben the kirk,	
the keeng hissel was waggin powe	
tae gar the folk tak tent o Gode's speil,	
his saermon lang as lowsse-the-gab	
an tyuch as laether whang in shuin,	
his Christian congregatioun birrin	
athin the haerns wi't lyke a byke	
o gairies ben a haidgeraw-fuit	
wi lauddies at the herriein.	840

297

The saervice ower, the folk aa skailed for <i>Aff ye gang an think it ower</i> , Kjartan and aa his companie gaed back an ben thur ludgein-hoose tae steek the doores and aipen mynds an think anent the whit they'd heard, wi talk gaun on lik clack an claik for owercome on Keeng Olaf's clash, and hoo his speak was weel-taen wi them at that timm, that the Christians said was neist til thair maist meikle padyane: "For as the keeng said," gangs the speil, "sae we micht hear that on this nicht the Lorde was born, Hissel ilk yin o us are noo for tae believe in, that is, gif we sall dae oor devoirs	850
anent the wy the keeng's for waantin, an neever myn the Lorde's ain weeshes." Amang his neebors, Kjartan said: "Was I no fair taen-on wi Olaf the furst timm clappin een upon him! Ay, thon wy that I kent at yince he was a man o heech ingyne was naething less amang highheidyins,	860
nor laichent whuin he was amang the common neebors on the gaets, or in amang the cooncil nyaffs peeheein lyke a wheen a nyuchs: mynd-nane o that, tho, for I'm thinkin I lykt the luks o him the-day faur mair nor onie tyme afore, an shair, because o that for fact alow the licht o mornin sun an no for ferlie ben the mynd abuin the licht o eenin muin, it's ben ma myn the mairsae noo	870
<ul> <li>that we'd be nane the waur believin</li> <li>in Gode as leal as eever was,</li> <li>an for that maitter ot it, is,</li> <li>and eever will be, as we're telt</li> <li>bi Olaf, neever myn whoe else."</li> <li>"The keeng hissel juist cannae be</li> <li>mair fain nor I am that I tak</li> <li>his faith in Gode the Faither, Yin</li> <li>wi Jaesus Chryst Hissel, the Son,</li> </ul>	880

as baith yin-waan wi Halie Spreit:

	TI
an wi it for the certaint-shair	
no mibbe-ay nor mibbe-naw,	
it's I am for bapteezement tae."	
"The yae thing puits me aff fae gaun	890
strauchtwys awo tae see the keeng	
the-noo," said Kjartan, pirlicuein	
as lang's the heids o monie saermons,	
"is that the day's on weeble-waable	
wi licht that cannae see the daurk	
for lukin at itsel aa roond,	
an daurk that cannae luk at licht	
for seem nithin lyke itsel;	
an no juist that, thare's byte an sup	
that's on the broad afore the keeng	900
as dentie as the best o kitchen	
tae pree or sook, or pree for soochin,	
the keeng hissel no sterved wi cauld	
for chitterin-chowe tae guts it doon:	
we'll hae tae haud oor horses, freens,	
for come the day sees us bapteezed."	
<b>5</b> 1	
Bolli, as in ahint as ayeways,	
cam furrit sayin, "Whitforno?"	
as kynlie ayeways intil greeance	
wi Kjartan, tellin him tae dae	910
as he thocht fit, and he wuid follae.	210
as he though hit, and he would follae.	
Afore the broads were cleired awo	
for rift a bittock, pech a taet,	
for pick the tith the here an thare	
-	
tae finnd the wee-thocht maet in ludge,	
the keeng heart tell o aa was said	
tween Kjartan chiel and aa his folk,	
for Olaf haed his een an lugs	
in ilka chaumer o the haethens	
tae let him ken the whits fae whaats,	920
the whoeres fae whaurs an twoes fae twaas,	
an neever myn the whairs fae wherrs,	
faur less the twaes fae aa the twahs.	
On hearin ot, as fair taen-on wi't	
as fair taen-oot hissel, said Olaf,	
"In Kjartan we were efter kennin	
the truith ben thon auld-farrant saw,	
Heech tydes are best for mak the straund	
as weel as sail awo fae laund.	
An that's as some folk nearlie puit it,	930
<b>L</b>	

	The La
tho ithers nearhaun speil the saw,	
The halie days are aye the best	
as weel as bein luckiest.	
That hinnermaist, nae doot, for Olaf,	
was mair the saw he'd sooch awo at.	
Neist mornin, aer-on as the cock	
haed haurdlie peched tae caw the yincet	
an neever myn three tymes in fuhll,	
Olaf stravaigit til his kirk.	
Kjartan wi aa his companie	940
o Yceland fuhllas met him gaun.	210
o Teeland Tullius niet inin guun.	
Wi beck an bou for caunnie daes it,	
an bou an bab, "Guid mornin, sur!"	
Kjartan said he was fangit fou	
wi wurds that weerdit Olaf wi them	
as Kjartan weerdit his ainsel.	
as Kjartan weerent ms amser.	
Nae nod the heid for bab an beck	
nor shak the powe for bab an bou,	
Olaf said he kent fyne whit garred	
Kjartan be thrangitie in mynd,	950
"An sic a thing," said Olaf til him,	950
-	
is no a sairlik darg tae thole."	
Here Kjartan priggit at the keeng	
that thare suld be nae hunker-slydin	
at fetchin watter for the wark,	
(as some folk say, tho ither bodies	
say hunker-slydin nane avaa	
5	
in gettin til some watter for it):	
Kjartan gaed on tae tell the keeng	060
that meikle watter wuid be needit.	960
Said Olaf, wi his kynlie smirtle	
that speiled It's you need tell-me-nane:	
"Ay, Kjartan, I'm for tellin you	
it's I am fairlie fain at hert	
that nithin will come in atween us,	
as you are fain in mynd yersel	
that nocht will pairt us yin fae tither	
yokin thegither at oor darg,	
an neever mynd the nifferin."	
A a midia mada lik aa radd	070
Aa ruidie made lik aa redd up	970
for folk doon at thur wark an yokit,	

Kjartan an Boili wi thur crew

		The La
an monie ither men as weel		
were in bapteezement aa at yince		
lik yince for aa that's noo and ayeways.		
Abuin the luft, sifne on Erd		
Abuin the luft, gif no on Erd,		
that's whit gars ilka bodie be		
as mek-an-brekk as mak-an-brakk,		
and aa yin-waan as eeksie-peeksie -	090	
in case ye didnae hear the furst timm.	980	
Whye Kjartan taen Keeng Olaf's faith,		
or whye he micht hae taen it nane,		
is no as plain athin the Saga		
as see the baa whuin playin gowf		
an skelp it whoere ye waant tae puit it,		
but tak a geck for ken yer ain een		
tae let ye see or gar ye swither		
that lyke a lee, a made-up storie		
may glyme the truith atween the wurds,		
no stymied, blinnt fornent the meanin.	990	
Aa thae things duin as duin for aye,		
were duin the saecont day o Yule		
afore the Halie Saervice of		
for tell the Gode's speil yince again,		
an sing the psaum of for an owercome,		
syne Yin, Twoe, Three ot Bluid an Bodie		
for Aathegither Yin Alane.		
And efter that, for byte an sup,		
Kjartan an Bolli haed invyte		
fae Olaf for tae come an chowe	1000	
the best o chyce o chaisen maet	1000	
whuin Yuletyde wechtit Olaf's broad		
wi saiddle, hainsh an gigot ot.		
wi salddie, hanish an gigot ot.		
Folk say, and you'll can guess yersel,		
it is nae cairriet storie aither,		
that on that day that's nae day better,		
yince Kjartan's whyte baptismal goun		
was laid asyde for mynd its wearein,		
Kjartan becam liegeman til Olaf,		
an no juist him but Bolli tae,	1010	
ahint his Kjartan kinsman bodie,		
still backwartlyke in comein furrit.		
Hallfred, the Fashious Skald,		
a weething boathersome again,		

		Inc Lu.
in fac, camstairielyke at that,		
was no for haein oniebodie		
for his godefaither, naw, no him,		
an wasnae bapteezed wi the-tithers,		
sayin as he was highheldyin		
amang the lave o makarbodies,	1020	
nane ither nor the keeng hissel		
suid puit him ower the lugs in watter:		
the keeng said he wuid dae't the-morra,		
an we'll can juist jalouse he did,		
the Saga sayin naething contar.		
For aa that winter, frost for blaw		
the hauns, come snaw for daud the feet,		
come yce for skliff an sklidder ont,		
come cauld for daud the finger-ens		
richt yins left syde aroon the kist,	1030	
an left yins contarwys aboot,		
tae keep them waarm as kittle-thrummle,		
Kjartan an Bolli were as snode		
as lazie-tartan sett on legs		
fae ingle-sittin at the crack,		
the keeng fair chief wi thae twoe chiels.		
The keeng thocht Kjartan was abuin		
the lave, no juist because o kin		
afore his faither and his mither,		
highheidyins, yin lik Olaf tae,	1040	
but sae braw in his manheid growne,		
an winsomelie wi't that he haed,		
naw, no the yae fae ben thon coort.		
Aabodie that was oniebodie		
in Trondheim thon timm, said nae man		
that eever yit haed sailed ower faem		
til Norowaa fae Yceland thonner,		
was sic a man as this chiel Kjartan,		
tho mynd ye, lyke a thochtie less		
as yin the no sae furrit staunin,	1050	
Bolli was bravelie braw anaa,		
as monie dacent bodies said.		
The winter ower lik rin snawbree		
doon hill ower dale tae gar voar saumon		
soom chitterin tae finnd the grush		
alang the burns that fed the reevers,		
the men that made the swaw thur trade		
mada ruidia far taa tak baach tudas		

made ruidie for tae tak heech tydes

wuid see them yonnerwys awo wi fare-te-weel fae ilka straund.

1060

Chaipter XLI
--------------

## Bolli retours til Yceland, AD 999

Kalf Asgeirson gaed ower tae speir at Kjartan whit he ettlt daein the suimmer comein on them then thon wy the feet growe yeukielyke for tak a traik amang the hills, or walk the timmers o a ship fae bowe til starn come pitch or toss, or scoor alang afore the wuin wi dauphins for swaw-companie. "I hae been thinkin," Kjartan said, 10 "for lang enveuch tho wearied-nane that we'd be nane the waur o takkin oor ship doonbye til England thonner: guid maerkets thare for Christian bodies." "But furst I'll hae tae gang an see the keeng afore I saettle this, for I cuid tell ye gin ye speir, that he was gyan sweir tae let me upget an tak-the-hook an gang the siccan gaet the-tyme I telt him 20 no lang sinsyne but hauf thru voartimm." Kalf gaed awo at that, a chiel still wi a chapman's drooth upon him for up an gang the deil kens whoere, nae maitter, tho, gif siller in it, for tak it oot wi jingle-jangle afore he'd puit it ben his kist. Tae slocken his ain drooth for trade puits maet an drink upon the broad gars chapman billies traik aroon, 30 Kjartan gaed owerbye til the paelace wi "Hoo's it gaun, sur," caunnilie as gart the keeng say, "No that bad" as kynlie caunnilie hissel, then speired at Kjartan, as some say, tae ken whit Kjartan and thon Kalf haed baith been vitter-vatterin, tho ithers say the keeng haed speirt anent whit Kjartan and his freens haed claish-ma-claivert on anent. 40

Then Kjartan telt the keeng whit was thur ettlement o mynd, altho the daein ot was in the gift o naebodie but Olaf, as liege-lorde o Kjartan, speirin noo for leave tae sail athorte the faem.	
"As faur as that's concaerned, Kjartan," said Olaf, "chaise yer chyce this wy; gang you owerbye til Yceland thonner this suimmer, dauphlns roond ye soomin tae let ye ken it's no waanchauncie, an gar the Iceland folk be Christians bi wyle o wurds or waepon dint; but gin ye winnae, thinkin it ower sair a trauchle, I can tell ye that you're for no gaun oniegaets naither the-noo nor later on: ye're fittit mair tae ser the keeng nor traik aboot lik chapman billie."	50
For pree an pick lik chaise the chyce the wy it's wechtit ben the myn, the weibauk cowpit caunnie-daes-it, Kjartan cam doon for stye at coort nor rither-swither gang til Yceland tae wag his powe athin a poupit tae gar the Yceland folk be Christian; an naw, he said, he wuidnae be for cawin Christianitie ben Yceland heids bi clooterin the haerns o kinsmen wi a waepon.	60
The weibauk cowpin caunnie-says-it, "An no juist that," Kjartan gaed on, "it wuid be gyan lyke the thing that ma ain faither, and highheidyins lik his ainsel, near kinsmen aa, wuid gang-the-nane againss yer will gin I were weel-behauddent til ye."	
Said Olaf for tae shaw his pleesure: "As wyss as waukriflyke the myn that spells the wurd that merks the man as mensefoulyke's ingyne can mak him." For mair guid pleesure til hissel,	80

as weel's a bittock ot til Kjartan, the keeng gied him yae braw new staund o claes, the colour crammasie that's lykit fyne bi ryal bodies an mibbes yit will be the scad for common folk as weel as keengs: it haes been said bi thaem that kent them, Kjartan and Olaf were as peels in hicht as biggit neeborlie, sae tho the Saga daesnae tell us, mibbes thae claes in crammasie were nearlie new as aff-the-peg athin a press ben Olaf's paelace.	90
For waant o Kjartan brawlie-cled tae dae his wark for cheritie that is the Christian name for luve, Olaf sent yae coort praest caad Thangbrand til Yceland for tae mak the speil wuid mak the folk as Christian as ken luve no ayeways cheritie. Wi no yae dauphin tae be seen	100
fae Norowaa acorss the faem til laundfaa Yceland waastlins yonner, he brocht his ship as faur as Swanfrith an styed wi Sydie Hall aa winter Waashreever wy, whoere he began tae wag his powe for Christian faith wi wurds as swaet as hinniekaim a something lyke a sooch o Heeven for thaem that sookit-up til him, an for the lave that lippent-nane upon hissel or wurd o mooth, he gied the paiks lik gairie-jags a something mair lik stoonds o Hell.	110
Tae shaw his speak no juist the Wurd o Gode as maercifou as Chryst, but Kirk the Militant, nae less, Thangbrand then slauchtert twoe paer sowls o men were sair againss the speak: the shak o deid lamb's tail the-nane was he in thirlin throch-an-thru wi blade as sherp as sklyce a hair fae tap til tail alang its lenth.	120

For aa that, tho, that maist folk think

	Ine
was faur ower meikle for tae thole, Hall, Sydie yin, gaed ben the faith come voartimm wi the scad o green upon the parks as weel's his face, an taen his faimlie wi him tae, bapteezed the Setterday afore	130
Paece-eggs were roweit doon the braes tae myn the bairns thon stane was rowed awo fae whoere the Chryst was yirdit; syne, Gizor caad the Whyte, was bapteezed alang wi Hjalti Skeggjason an monie highheidyinlik bodies, tho some wuid hae-the-nane o thon: fae then on, as for monie the day, Christians and haethen bodies kanglt anent the Wurd atween them lyke a baen amang a wheen o messans.	140
Some highheidyins aroon the place taen coonsel for tae slauchter Thangbrand as weel as aa the Yceland chiels were staundin up tae keep thon chiel fae faain doon lik thaem he'd killt.	
Lik aa sic folk will no staund up for thair ainsels whuin oxtert-nane, an feart at that no for the day that neever was, but for the day he kent was comein for his paiks, he shote-the-craw til Norowaa acorss the faem tae meet Keeng Olaf, the ship he sailed on seein naither the snoot nor tail o freenlie dauphin.	150
Thangbrand, lik monie ither nyaffs become mair lyke releegious nyuchs, puit foumart-braith upon the Wurd tae wheech his saul ben Hell's ain yetts that staund aye aipen ower the Pit for folk that mak the Deevil Gode an Gode the Deevil at his wark.	160
It haes been said a caumel-baess can pass straucht thru a needle's ee; that truith is Gode's truith, sae tis said, an truith is Yin lik Gode Hissel; the haill ot says thon's hauf the truith, the-tither hauf, that naebodie	170

haes taen a thocht tae tell til noo, is sic a cammel's gyan wee an sic a needle's gyan meikle:	Т
tho naebdie tells us Heeven's Yetts, as lang as sydiewys, or braid as heech as sydiewys as lang, are steekit lyke a-clammie-dhu for onieyn the lyke o Thangbrand,	
nae maitter gin he think tae growe as smaa as weegle thru a nyeuk lik thon wee caumel thru the ee a needle growne as meikle's wyde.	180
Whuin Thangbrand let Keeng Olaf ken whit was ongaun in Yceland thonner, nae doot as tho nae faut o Thangbrand, an then gaed on tae tell the keeng	
he thocht that Christianitie wuid aye be waured thare, certaint-shair, the keeng becam as bealin as fair stoattin wi the gowp o anger,	190
sayin that monie Ycelanders wuid rue the day, an wuid they no, unless they made thur paece wi him, sin paece lik that was paece wi Gode.	
Och, he was gyte's a bodie as Auld Nick hissel yince thocht tae gie til Jaesus Chryst, the Son o Gode as Gode Hissel is Three-in-Yin, thir kinricks o the wurld whuin aa sic kinricks and the wurld itsel areadies were in Gode's ain aucht as ben the aucht o Chryst anaa areadies Gode as Yin-o-Three.	200
That suimmer at the Althing cooncil, thon Hjalti Skeggjason was made an ootlin fae the lave for takkin a lend o thae auld godes as tho the nane o thaem haed onie micht tae tak a lend o him in tyme; it was yae bodie, Runolf Ulfson that badd in Dale, alow Yslesfells, that brocht the case afore the Althing: he was as braw as eever sat abuin the saut lik <i>Luk at me</i> !	210

That an immer Cizer and the Whate	Inel
That suimmer, Gizor caad the Whyte, alang wi Hjalti Skeggjason, gaed ower the faem til Norowaa tae see the keeng an tell the tale anent the whit haed happent thaem, or as thur faes were lyke tae say, tae clype the tale they haed tae tell anent the whit haed happent ithers.	220
The keeng was ruidie wi the haun tae shak the hauns, tae paummie backs for waalcome <i>Hoo're ye daein, freens?</i> an said that they were gyan wyss tae come, an they suid byde wi him: an fair taen-on wi't, were they no, wi beck an bou, an bou an bab, as shairlie pleased as onie chiel as bookeit smaa as eever sat alow the saut lik <i>Luk at me!</i>	230
Runolf o Dale's son, Sverling caad, haed been in Norowaa aa winter an thocht tae sail awo til Yceland come suimmer gif the waather wi him: his ship was babbin at the quay for come the wuin tae blaw ahint, then lowsse the ship tae skoosh afore it, wi dauphins for guid companie: Keeng Olaf said he'd gang-the-nane, for no yae ship wuid gang til Yceland come braith o blaw thru aa that suimmer.	240
Sverling then gaed ower til the paelace an priggit at the keeng tae let him cast aff for Yceland tyde-come-tyme, because he coodnae thole the thocht o aa the graft gin he'd tae yoke at the unshippin tradin guids.	
The keeng, fair stoattin wi the gowp o anger, fairlie bealin wi it, said, "I'm for tellin you ye're gaun the naewhoere wi that ship o yours, for it is weel (as some folk tell us) the son o sacrificer stye in place the lyke the waarst o aa." (Tho ithers say, for near enyeuch that's no sae faur awo at that:	250

		11
'It's guid idolater's son stye in place he lykes the laest o aa.')	260	
Sverling, as you'll can guess, gaed naewhoere, as faur as stye the whoere he was.		
The winter cam lik haed tae come as tho a sang were in the makkin or at the laest a tale for tellin; an winter gaed lik haed tae gang, wi naething duin for sing a sang anent it, or for tell a storie lik puit it ben a saga aither.		
That suimmer neist for mak an mend it, an no for brekk an bend it mair, the keeng sent Gizor, caad the Whyte and Hjalti Skeggjason back hame til Yceland for tae wag thur powes in poupits yince again, but kep fower men as hostages, the furst, Kjartan Olafson, saecont , Halldor, the son o Gudmund caad the Michtie; the thrid yin Kolbein, son o Thord, the praest o Frey; the fowerth Sverling,	270 280	
the son o Runolf o the Dale. The keeng, ye ken, was no for gaun his ainsel for tae witness faith, tho Gode haed sent his ain Son Jaesus for merk an wark ot on the Yerd.	200	
Keeng Olaf kent, as kent he haed tae, that he was heech abuin the lave, even as Gode was heech abuin as faur as howfft in benner Heeven ayont the flicht o meikle ernes, an no lik Satan laich alow as furder faur nor benmaist mowdie alow the grund an ben the daurk.	290	
Bolli made up his myn tae sail wi Gizor caad the Whyte and Hjalti, then gangin for tae see his kinsman, Kjartan, he said: "I'm makkin ruidie for gang the-noo, altho I'd wait thru winter neist come blaw come snaw gif suimmer neist come shooers come flooers	300	

wuid see ye free tae gang awo."

"I cannae keep fae thinkin, tho, that thare's nae wy avaa the keeng is gaun tae let ye gang as free

as mynd-the-nane the gaet ye gang. An no juist that, I'm efter thinkin it's no that aften you're for caain til myn the pleesures yince ye kent owerbye in Yceland thonner as ye sit

sae pack an thick wi Ingibjorg the sister o the keeng, the-tyme the baith o ye are crackin crooslie."

Kjartan, on hearin Bolli speak, maun hae been thinkin, folk jalouse, that Bolli wasnae backwart then in gangin furrit, neever myn his gaet sclaup-fuittit, fuit in mooth.

Ingibjorg, at Keeng Olaf's coort, was thocht at that timm for tae be in fairheid faur the bonniest o aa the wemen in the kinrick.

Said Kjartan, "Daenae say sic things, but tell ma freens and aa ma kinsfolk that I was askin efter thaem." 310

320

### Chaipter XLII

# Bolli's Winshin o Gudrun, AD 1000

Kjartan an Bolli said fareweel, thon wy that says nae mair's enyeuch, an Gizor caad the Whyte and Hjalti baith sailed awo fae Norowaa for waastlins, wi the dauphins lowpin skeech on the aither bowe wi blytheheid that let the bodies ken mischaunce was faur awo as fasht-them-nane.

They made guid tyme-o-tyde, tae come til Waastmen's Ysles at Althing sittin, an gaed fae thare on til the mainlaund tae meet and hae the caunnie blether wi aa thur kinsmen roondaboot.

On til the Althing then they gaed, an wagged thur powes in poupits thare tae let the folk hear chack an chowe upon the Wurd in saermons lang an tyuch as onie whang o laether, until the Yceland folk aa taen the faith haed taen a thoosand year in comein til them ben thon speil caad Gode's speil for the storie in it, as guid a speil as Gode is guid.

Bolli, that was the brither-bairn o thon yin Olaf Hoskuldson, rade wi him fae the Althing, ower til Herdshaw efter haein met wi Olaf, gyan gleg thaem baith.

A wee whyle efter comein hame, Bolli was up and on his naig and aff til Laugar for a ploy whoere aa was aipen-airmed in waalcome wi *It's yersel, then, hame fae thonner!* 

Gudrun speired at him caunnilie as telt her wurds lik coont them twycet, anent his airtin aestlins yonner, an then, as caunnilie again as coontit wurds the twycet tae tell them, wi *And, hoo's Kjartan gettin on?*  10

20

30

40 Bolli gied aunswer richt awo anent aa Gudrun was for speirin, sayin thare wasnae meikle waarth o speak avaa anent the airts in Norowaa acorss the faem: "But," he gaed on, no backwart noo in comein furrit wi the speil, "as faur as Kjartan is concaernt, it's troulins I'm for tellin you the news anent his wys o lyfe is rosiewys fae here til thonner; 50 yin o the keeng's ain bodieguaird, ye ken, he's heech abuin them aa, an naither wunner, I'm for thinkin, gin ower the twoe-three winter waathers tae come for wearein lazie-tartan, this kintrie see-him-nane avaa." As caunnilie again as gart her wurds coont twycet athin thur tellin, Gudrun was then for speirin at 60 the Bolli chiel gif thare micht be the onie ither reasoun whye Kjartan micht stye sae lang awo, apairt, that is, fae bein pack an thick wi his liege-lorde the keeng. An Bolli, caunnilie hissel as telt wurds twycet in coontin thaem, said some say this an some say that anent the freenship that thare was atween Kjartan and Ingibjorg 70 the sister o the keeng, an mair that was enveuch an was it no, that Bolli was for thinkin Olaf the keeng wuid suiner see her mairriet til Kjartan nor see him awo, gif chaise the chyce atween thae twoe things. "Guid news indaed," said Gudrun til him, "gif news indaed, indaed gif guid, but Kjartan wuid be maik-for-marra gif guid the wyfe he gat indaed, indaed gif wyfe were gatten guid." 80 An suddentlyke as stopper til't,

she said nae mair, enyeuch said for it,

	11
an gaed awo, as ruid o face	
as bluid fair bylin ben the skin,	
no rosiewys as thonnerwarts	
•	
furst scad o daw upon the luft	
nor sun doonset upon the swaw.	
But ither bodies haed thur doots	
that she was thinkin that the news	
	00
was guid avaa, mynd-nane indaed:	90
folk said nae maitter whit she said	
they thocht thon wasnae whit she thocht.	
•	
At Herdshaw, Bolli badd at hame	
aa suimmer come the shooers an flooers,	
a man o merk for tell o traivel	
til folk haed neever steered thur shanks	
ocht mair nor twoe-three myle fae hame:	
he was kenspeckle-gettin roond	
amang the menyie for his traikin	
as faur awo as yonner aest,	100
his kinsfolk and acquaantancefolk	
fair prood o him as braw as brave:	
an no juist that, but wechtier	
as cowpit weibauk namelier,	
he fairlie jingle-janglt siller.	
Aften enyeuch, as tyme gaed on	
lik coodnae byde its wheesht tae pech,	
Bolli gaed owerbye Laugar wy	
an birled the tyme o day wi talk	
• •	110
that badd wi naebodie but Gudrun.	110
Yae day, tho, tyme cam roon the yince	
that was the lyke o nae day ither,	
for Bolli speired at Gudrun then	
whit aunswer wuid she be for giein	
6	
gin he wuid ask her for tae mairrie.	
Said Gudrun, swythe as taen nae thocht	
tae say ocht ither nor she said,	
"Bolli, speir-nane you sic a thing	
as that that you suid neever said!	
It's I'm for mairriein nae man	120
	120
as lang's I ken that Kjartan's leevin!"	
An Bolli gied for aunswer: "Ach,	
I'm thinkin you'll be husbandless	
come monie winters gruesie bree	
C C	

athin the burns, syne bearin yce as thick as lets the lauddies sklidder, gin you're tae byde as cauld for Kjartan: he micht hae taen a thocht tae tell me a wee bit something for yersel tae hear anent the pactioun made anent you twoe gin ocht athin it were waarth the tellin me for you."

A wheen o wurds the here an thare yin said for *Listen as I tell ye*, an tither, *Hear whit I tell you*.

Aa said for noo as Gudrun badd at Laugar, whit timm yon yin Bolli gat on his naig an rade til Herdshaw. 130

10

20

30

### Chaipter XLIII

## Kjartan comes hame til Yceland, AD 1001

No langsin efter that carfuffle wi Gudrun whoe was his leal lykin, Bolli, as brither-bairn til Olaf, was crackin wi him for avysement. Says he: "I'm thinkin it is tyme for me tae saettle doon as mairriet, sin I am intil manheid growne as winnae growe the mair ben tyme but wyfe tae bairn wi ma ain bluid." "Wi that in mynd, I'd lyke tae speir at you tae back me, haund an wurd, kennin the bodies hereaboots aye lippen on whit you can say, mynd-nane whit you can dae anaa." Said Olaf: "It's in ma ain myn that whit ye ettle for tae dae maun be the maik-for-marra thocht o maist the wemen roondaboot and you the man they'd be for chaisin: sae I maun tak as gien for skelps that you hae thocht the maitter thru for neednae think ocht mair anent it tae ken the gaet ye mean tae gang." Said Bolli: "Och, I'm no for gaun a gaet ayont this kintriesyde tae coort some orrie wummanbodie whuin thare is yin kenspecklelyke as maik-for-marra near at haund. It's I'm for coortin Osvif's dochter, thon Gudrun, namelie as she is." Olaf gied aunswer til him, sayin: "Ach, lauddie, that's the verie thing I'm no for daein ocht anent! Ye ken as weel as I masel the clash thare was ower aa the airts anent the luve thare was atween Gudrun an Kjartan ma ain son, the man whoe's your ain foster-brither,"

"But gin yer hert is set upon it,

The Laxdale Saga 40 I'll puit nae hinder in yer wy gin you and Osvif mak for greeance, for efter aa, he's Gudrun's faither. I'm thinkin tae, hae you been speirin at Gudrun yit anent the maitter? An mynd ye, she is Osvif's dochter." "An mynd anaa thir common truiths: ocht wrang-the-nane can be made wrang, even as aathing no that wrang that weel cuid be the better made can be made waur as faur ower wrang." 50 Then Bolli said he'd speired the vince that micht been nane the waur for aye a betterment lik naething wrang wi't, but deil-the-haet o tent was taen ot bi Gudrun, "Aa the same," he said, I'm thinkin Gudrun's faither, Osvif, will hae a taet tae say anent it." "Juist graft the wy yer ain wark's wrocht bi naebodie but vour ainsel," said Olaf, "an be thrangitie 60 as birl the wurld aroond yersel, for naebodie else'll dae it for ye." No that lang efter that bit crack, Bolli rade owerbye Laugar wy; twal chiels thegither gaed thon gaet, amang them twoe were Olaf's sons, yin Halldor caad, the-tither Steinthor: and aa were waarmlie waalcomed thare bi Osvif as bi Osvif's sons wi Hoo's it gaun! and Hoo're ye daein! 70 Bolli said he wuid lyke tae hae a bittock crack wi Gudrun's faither, then said til Osvif he was fain tae saettle doon an mairrie Gudrun. And Osvif gied him aunswer, sayin, "Bolli, as I am shair ye ken that Gudrun is yae weidae-wumman, sae shair am I ye ken anaa she weel can dae the whit she waants: 80 I'll egg her on wi't, still-an-aa."

Osvif then gaed tae see his dochter, an telt her Bolli Thorliekson haed come tae speir gif she wuid wadd him: "An Gudrun," he gaed on, "mak you yer ain mynd up for dae or no-dae, as is ver richt is naebdie else's, but aa the same, I'll say the say the onie faither haes tae say that's naebdie else's but his ain; ma coonsel then is for tae gie 90 avysement til ye; mairrie noo." Said Gudrun, "Faither, you hae made speedie-kerrant as slaw's a snail in makkin up yer myn sae shuin; Bolli hissel was priggin at me no langsinsyne but tither day, and airt an pairt I'd hae the nane ot: I hae nae differ noo in myn." Said Olaf til her: "Monie the bodie wuid tell ye, hen, gin you refyaise 100 a man the lyke o this yin Bolli, ye will be seen as faur ower prood tae be as wyss as tak a thocht will gar ye tak anither wysser; but for as lang as I may leeve, ma bairns fornent me for ma care, for kynliness an caunnie keepin, an for as lang as I can ken a wee bit mair nor aa ma bairns, I'll let them hae ma best avysement." 110 Tho gyan sweirt as weel inbye a ferlie thocht o switheratioun anent the sic a mairriage for her, an seein Osvif wechtin wurds for bookein til the sic a mairriage, Gudrun wuid no say naw for aye, her ain thochts haein wecht anaa anent the whyes an whitfornos o whit was ben the sic a mairriage, gart her tig-toy in thocht; ay, Gudrun 120 was mibbe-ay for chynge the myn. Ach, neever dae the day the whit can be puit-aff until the-morra,

because, as onie saw micht say,

for wyssness birlin ben the powe, the-day kens-nane the whit the-morra will come tae think ot, but the-morra kens aye whit yesterday haed thocht ot; tho mynd ye, gin avysement taen, we wuidnae hae the Laxdale Saga, 130 as ben the wark made auld langsyne or here fornent the een the-noo. Because they thocht a baund wi Bolli wuid be for micht lik neebor main, wi thair ainsels as heech as furrit, the brithers o the sweirtie Gudrun eggit her on tae mairrie him: the faa-in wi it faa-oot-nane was tryst for twoe that verie day wuid mak them yin come winter-nichts, 140 thon tyme that's kent as last twoe days o autumn that's the faa o leaf, an furst day o the winter comein that's no faur aff furst faa o snaw. Bolli rade hame, fair fidgin fain tae gie the news til Olaf as a brither-bairn wi devoirs duin tae please hissel, tho, as he saw, Olaf was pleased-the-nane, ach, naw. An whoe can guess but Bolli myndit 150 "Uh-huh," he'd said lik naething laith tae mairrie Gudrun richt awo, even as caad til mynd hoo Gudrun "Imphmn," haed said, for aiblins-ay as mibbes chynge her mynd again. Bolli badd hame til waddin-tyme, an speired at Olaf, priggin at him tae gang til Laugar, for he kent Olaf was no for gaun at furst; but gang he did for sup an sang 160 was weel laid-on for tichteners: ayl, hoo they ett and hoo they drammed, wi O, the broon and yella yill! and O, the bead o usquabae! That winter, that was cauld enyeuch

for keep the haunds athin the pootshes, Bolli was bydein on at Laugar,

wi no juist winter for tae thole as ootbye hingin pleesure-nane, but cauld inbye the something else lik chitterin athin a mairriage as faur as Gudrun was concaernt, an unco sair thing for tae dree atween thae twoe noo man an wyfe.	170	The La
Whuin suimmer cam lik daud-the-nane the fingers roon the kist for waarmth, but dook the feet athin a burn for calleratioun on the taes, acorss the faem in Norowaa the news for ring a Saubbath bell for blytheheid ding-dang back an furrit, was that the Yceland bodies waastlins were aa become as Christian as gied Thor and Odin poupit paiks an gart them gang wi trows an Wee Folk inbye the mools til Nickie-ben.	180	
Keeng Olaf was the fair taen-on tae hear the news, an let Ycelanders he'd kept in thralldom up an gang the onie wys they were for waantin; an Kjartan spak for ilka yin highheidyinlyke abuin them aa, sayin, wi beck an bou a bit gif no a bou an bab a wee taet, "We aa maun thank ye awfie kynlie for lettin us awo at last, sin ilka yin o us is fain for waastlins and hame-fairin Yceland."	190	
And Olaf said: "I'll no gang back upon ma wurd, tho mynd ye, Kjartan, it wasnae you but ither bodies concaernt me giein sic a leave. I'm shair ye ken I kept ye here mair oot o freenship in atween us nor onie thocht the lyke o thralldom. I'd be as fain as ferlie-think	200	
gin you wuid see yer wy tae byde in Norowaa, an gang-the-nane til Yceland waastlins yonner, even altho yer kin ower thare are heech as highheidyinlik, thaem; yit, gif that is the wy ot thare,	210	

	The
Yceland can gie ye naething lyke	
the whit ye'll finnd in Norowaa."	
Kjartan gied aunswer til him: "May the Guid Lorde heech abuin us aa gie you the waarth o honours three for ilka honour you gied me sin I cam in alow yer pooer	220
for beck an bou til ryaltie, but I'm for hopin bou an bab upon the swaw til Yceland thonner will let me ken ye set me free	220
alang wi aa thae ither bodies."	
"Gif that's yer wy, here stye-the-nane," Keeng Olaf said, "but gang yer gaet."	
Then he gaed on that it wuid be	
a gy sair trauchle for tae finnd another common chiel lik Bolli	
tae tak his place at Olaf's coort.	230
	200
That winter thru, Kalf Asgeirson	
haed badd his wheesht in Norowaa.	
Kalf, whoe haed hauf-a-share wi Kjartan	
o ship an plenishin ben hull,	
haed brocht ship fae sou-waast awo	
in England autumn-tyme afore;	
an noo that Kjartan was for aff,	
the keeng noo neever sayin naw,	
baith Kalf an Kjartan gied thursels	240
a punt tae mak the ship aa ruidie	240
for yonnerwys the waast awo fae Norowaa and ower til Yceland.	
Tae Norowaa and ower the reland.	
Syne an the ship made ticht an snode	
as happie as the crew aa-fund,	
Kjartan gaed owerbye til the paelace	
tae see and hae a bittock chaff	
wi Ingibjorg, Keeng Olaf's sister.	
As blythe as licht her een wi pleesure	
at kennin whoe was come tae see her,	
Ingibjorg shifflt hersel ower	250
the saettle for tae gie him room	<i></i>
tae sit asyde her. Syne he telt her	
it wasnae lang or he was aff	
athorte the swaw til Yceland thonner.	

	The Lax
Said Ingibjorg til Kjartan then:	
"It I'm jalousin naebodie	
but your ainsel an willyartness	
hae made ye think tae gang awo	
fae Norowaa til Yceland thonner;	
ay, your ainsel and your ain thrawnness,	260
an no the speak o ither men	
tae egg ye on an chaw ye wi't."	
Whyles, din that gars us speak-the-nane	
because oor listeners are deaved	
wi soond that blatters ben the lugs,	
haes ben itsel the pooer tae deave us	
until baith soond an resoond are	
ben quaetness naither kens for differ.	
But that was no lik thon nae-noise	270
atween Kjartan and Ingibjorg	270
yince he haed said an she'd gien aunswer:	
naw, whit thare waa atween thae twoe	
was nane-the-noise become fell quaet.	
Amang this quaet, as caunnilie	
as haurdlie reeshle plait or fauld	
o her lang goun o bonnie claith,	
Ingibjorg raise upon her feet	
and aipent-up a kist nearhaun;	
she taen oot fae't yae whyte heid-dress	
inwrocht wi gowd threid throch-an-thru	280
that gart it skinkle in her haunds;	
an gied it til the Kjartan chiel,	
sayin that it was ower guid a gift	
for Gudrun Osvif's dochter's yuiss	
tae fauld it roondaboot her heid,	
"Yit gie it her for brydal gift	
sin I'm for weeshin aa the wyfies	
in Yceland thonner weel may ken,	
whuin seein whit they're lukin at,	
it comes fae yin haes nae nief bluid	290
in Norowaa acorss the faem."	270
The pootsh for haudin thon heid-dress	
was bonnielyke itsel, some sayin	
that it was waarth an awfie siller,	
and ithers silkie til the tuitch.	
and there's slike the the tulton.	
"An noo," said Ingibjorg, her wurds	
as hinnermaist as say nae mair,	

"I'm no for seein ye sail awo,	The L
sae fare-ye-weel lik dae yer devoirs	
wi thaem ye hae tae dae them wi,	300
even as I dae mynes wi you."	
Wi that, that was a ryal stopper	
for Daenae you yersel say ocht,	
Kjartan stuid up as quaet as stoondit,	
his ain fareweel a luvin hause	
for hinnermaist the nane the lyke ot,	
an shair as tell nae cairriet storie,	
folk said thur herts were lyke tae brekk.	
Anither fareweel noo, no yin	
the lyke o that wi Ingibjorg,	310
whuin Kjartan gaed tae see the keeng	510
an telt him that he was for gaun	
the waast awo til Yceland thonner.	
the waast awo in Teenand monitor.	
Keeng Olaf, wi coort folk aroond him,	
gaed doon wi Kjartan til the straund	
whoere Kjartan's bonnie boat was babbin,	
a tymeous tyde alow its gunnels,	
yae gangwy still ootflang for boardin.	
The keeng said, "Kjartan, here's a sworde	220
fae me til you lik shak the haund	320
a giftie puittin on yer paum;	
aye keep it at yer syde for yuiss	
will see til't you will neever be	
whit's caad a "waepon-bitten" man:	
naw, nane the blade will eever byte	
clean thru yer baens as lang's ye hae	
this bonnie waepon in yer haun."	
Thon waepon was yae bonnie glisk	
o steel as cauld as freeze the bluid	
o faeman lukin at its lenth,	330
a blade that was inwrocht wi gowd,	
and hilt set roon wi ferlie stanes.	
Vienten then thenkit his Very - Ol-f	
Kjartan then thankit his Keeng Olaf	
in wurds as fair as fause-the-nane	
for ilka honour he'd been gien	
as weel as furderance at coort,	
aathing as fause-the-nane as fair	
the-tyme he'd badd in Norowaa.	

Wurds hinnermaist til Kjartan gien bi his Keeng Olaf, tho a speak for say nae mair sin thare's nae tyme tae say as meikle's micht be said, were at the same timm, think a taet but let the thocht byde ben the haerns: "This, Kjartan, I'm for tellin you, that you keep your faith weel, an faith will see til't you are keepit weel, ay, aye weel-at-yersel at that."	340
Wi that, they pairtit, baith thae bodies wi sic a lykin ilk til tither, an Kjartan steppit on his ship that babbit, tyme in tyde alow her.	350
The keeng taen yae luk efter him, sighin an sychin thochtielyke, then said amang the folk aroon: "Tho gyan guidlie bodies, thae yins, Kjartan and aa his kin maun thole the unco weerd that they will ken is naebdie else's but thur ain,	
the kennin ot as bad's the tholin."	360

## Chaipter XLIV

## Kjartan comes hame, AD 1001

in aa haill Yceland for tae byde,

Hame waasterin ben the ruid-gowd sun that set ayont the Yceland hills, Kjartan an Kalf gaed ower the main thon tyme o year whuin wuin can blast abuin the swaw upon the face mair lyke a grace or kynlie blissin fae halie haund abuin the broo, as throch-an-thru the bonnie swaw the ship cawed on ben guidlie waather: at sic a tyme, nae need tae staund as stoore in blaw as kangle wi it, but swee a wee bit fuit til fuit an wag a haund ower aither bowe wi My, are you no fleein, dauphins! Sae guidlie were the wuins, the tyme was no that lang upon the weet, laundfaa Whytereever, Burghfrith. The news anent Kjartan come hame fae Norowaa acorss the faem, gaed faur ayont as reefle thochts, an wyde as taigle monie tongues, and as expeckit ilkagaet, whuin Olaf, Kjartan's faither, heard ot, baith he and aa his kinsmen roon were fair taen-on wi't, michtie pleased. At yince, lik swither-nane aboot it, Olaf rade waast awo fae Dales an sooth til Burghfrith tae meet wi Kjartan for a faither's crack, thon wy saw blytheheid bear-the-gree, wi dowieness a tummle takkin. Then Olaf speired at his son Kjartan, wuid he no gang an byde wi him, bringin as monie o his men as micht be in guid tid tae gang as Olaf wuid be pleased tae see them. Kjartan was gy weel pleased tae hear it, an said thare was nae ither place

10

20

as four as he said he concernent	40	The Laxdale Saga
as faur as he cuid be concaernt.	40	
Olaf rade hame til Herdshaw, Kjartan		
the suimmer thru aboard the ship		
tae dae the whit he haed tae dae		
and hear the whit he haed tae hear,		
yae thing that was nae cairriet storie		
anent the thrid timm Gudrun mairriet,		
her man his foster-brither Bolli:		
on hearin whit he haed tae hear,		
Kjartan did nocht folk thocht he'd dae,	50	
lukin as tho it fasht-him-nane.	50	
Amang the folk cam doon the straund		
tae see the whit was tae be seen		
and hear the chaff aboard the ship,		
was Kjartan's sister Thured and		
her man, thon Gudmund Solmundson,		
Kjartan wi <i>My, I'm gled tae see ye!</i>		
til thair Och, Kjartan, hame again!		
An no juist thaem amang the lave,		
but yon yin Asgeir Eiderdrake		
as some folk caad him, ithers sayin	60	
his name was lyker Asgeir Hotheid:		
he'd come tae see his son was hame,		
an wi him cam his dochter Hrefna,		
no juist gy brawlik or gy bonnie		
but intil fairheid flooer o wemen,		
no juist lik roondaboot the doores		
but faur ayont as aa the airts.		
For waalcome mair nor juist a cheeper,		
Kjartan telt sister Thured tak		
fae aa his plenishin aboard	70	
the whit was best athin her lykin,		
even as Kalf telt sister Hrefna		
tae gar her lykin tak the best		
fae his amang the plenishin:		
then, for tae let them keek an pree		
the best in his an Kjartan's lykin,		
Kalf aipent-up a muckle kist.		
That day, the waather taen a turn		
was lyker mair a turrivee	00	
as bad as gart baith Kalf an Kjartan	80	
breenge oot the bothie for tae mak		
the ship as sauf as haud her siccar:		

	The Laxaa
whit duin, they gaed back ben the bothie	
whoere they haed left the wemenfolk.	
Kalf was furst o thae twoe ben	
whoere Thured and his sister Hrefna	
haed aathing oot the kist tae keek	
an pree whit was thur lykin best,	
an juist as he cam ben, he saw	00
hoo Hrefna claucht athin her haun	90
the heid-dress haed been gien til Kjartan	
bi Ingibjorg, Keeng Olaf's sister.	
Hrefna unfauldit thon braw thing,	
the bonnie gauderie it was,	
the wemen yitter-yatterin	
naething the lyke ot oniegaets,	
ay, sic a sicht tae see an pree,	
sic waalth athin ilk plait o it.	
The heid-dress this wy that wy turnin	
in Hrefna's hauns for Luk an see it!	100
she said that she wuid weare the braw	
for Luk an see it on ma heid!	
An Thured sayin Whitforno?	
Hrefna was buskit wi it bonnie.	
Whuin Kalf cam ben an saw his sister	
wi thon braw bunnet on her powe,	
he telt her for tae tak it aff	
as swythe as swither-nane aboot it,	
"Because I'm tellin ye," he said,	
that is the yae thing fae the ship	110
belangs the baith o us the-nane,	
but Kjartan's for tae hain an haud	
an no for you tae tak awo	
tae mak a padyane o yersel,	
or howff it ben a kist at hame	
tae plap an play wi't as ye will	
as tho I'd gien it til ye, hen."	
The-tyme he was the sayin this,	
Kjartan was ben the bothie comein,	
the ilka wurd o whit was said	120
athin his lugs for hear no speir,	
sae he cuid speak the wy he did	
athooten let or hinder of	
that thare was naething wrang ongaun.	

as onie flooer alowe in lea	
alow the sheen o suimmer suin,	
the bunnet on her bonnie broo	
a scadda ower her waalth o hair.	
Vienten tent ellen en eil	120
Kjartan taen tent o her, an said,	130
"As bonnie as the heid-dress maks ye,	
it's no as bonnie in itsel	
whuin aff yer heid and in yer hauns,	
but I'm for thinkin, baith yersel	
an bunnet on or aff yer heid	
•	
wuid better be gif myne alane."	
Said Hrefna til him, "Aabodie	
is shair ye're in nae hurrie-burrie	
for mairriage, tho they say anaa	
ye'll get the yin is yours tae winsh."	140
Kjartan was shair it didnae maitter	
5	
as muckle's aa that whittan wumman	
he taen in mairriage as she him,	
but said anaa he wuidnae thole	
a mibbe-ay an mibbe-naw	
for lang fae onie wummanbodie	
that he was speirin at tae wadd.	
And he gaed on, "This gauderin	
that's buskit on yer bonnie heid	150
sets you as weel aff as wuid you	150
set me aff gin ye'd mairrie me."	
Hrefna taen aff the heid-dress then,	
eechie not ochie sayin til him,	
an gied it him whoe puit it bye	
as caunnilie as hain it weel	
sae naething micht puit merk or maur	
upon it for the skaithin o it.	
Gudmund an Thured speired at Kjartan	
wuid he come north til thaem that winter,	
an byde a whyle in freenliness	160
	100
a pleesure seein him wi thaem	
as waarm as streetch afore the ingle	
an croose as dram a taet o maut;	
an Kjartan hecht the sic a traik	
wuid be nae boather, his ain pleesure.	
· 1	

That said an Hrefna sat as still

Kalf Asgeirson for gangin north	The Laxa
alang wi's faither, he an Kjartan	
dividd thur baund, aa redd-up noo	
in freenship lyke a haun for shakkin,	
guidnaturtlyke as dram for lowsin.	170
Kjartan rade waastlins fae the ship	
intil the Dales, eleeven bodies	
alang wi his ainsel come hame	
til Herdshaw, aabodie fair gled	
tae see him hame as skaithit-nane.	
That autumn for the faa o leaf	
Kjartan haed aa his plenishin	
brocht waastlins til him fae the ship;	
an winter for the faa o snaw	
the twal men whoe haed ridden wi him	180
styed on at Herdshaw, as some say,	
tho ithers say eleeven, mynd.	
Yae year the yin, neist year the-tither,	
Olaf and Osvif haed a traik	
saw yin gang Laugarwys yae year,	
neist year the-tither gangin Herdshaw,	
something lik Scots-convoy a bit,	
but aathegither gy guid aetin	
ilk autumn reeshle leafs afuit,	
wi some auld leids for sooch a sang	190
wi some wee saecrets dernin ben	
anent the trows in hills or dernin	
ben daurkest wuids for bowff or breenge	
upon folk weerdit for the skaith.	
That autumn Laugar was the place	
for byle an bake and hae a taer,	
an gie the Herdshaw folk a waalcome	
wuid myn them o the yin they'd gien	
the Laugar folk the year afore.	
Aathing noo this wy ben her myn	200
lik wunnerin ower richt or wrang ot,	
an then the-tither turn o thocht	
lik think she micht be haverin,	
Gudrun haed wurds wi Bolli, sayin	
she thocht he haednae telt the truith	
anent the comein back o Kjartan.	
Athin his ain myn mibbe this	

Athin his ain myn mibbe this

lik wunner gif she'd fund him oot, then turn the thocht anither wy lik tak mair tent tae haver-nane, Bolli gied aunswer til her, sayin he'd telt the truith as best he kent it anent thon Kjartan's comein hame.	210	The Lax
Wi yae thing said for wunner whye, and aunswer gien for fash-the-nane, naither the eechie nor the ochie the onie mair was Gudrun speilin anent the maitter, tho folk saw she wasnae verie pleased aboot it, an said she still was at the greinin for Kjartan, keepin it in hiddlins.	220	
A wee thing later, come the tyme for gangin ower the Laugar wy tae haud the autumn ceilidh thare, Olaf made ruidie for tae gang an speired at Kjartan gang anaa; but Kjartan said he'd byde at hame an see the wark aboot the ferm was aye gaun on, nae hunker-slydin.		
Olaf then priggit at his son that he suid byde-nane in the strunts wi his ain kinsman, sayin: "Kjartan, mynd you ye luvit no yae man as muckle's foster-brither Bolli, and I'm for thinkin you suid come alang wi me an mak yer paece. I'm certaint shair gin you twoe meet ye'll sorte this thing atween yersels."	230	
That was enyeuch as nae mair said, an Kjartan did as he was telt, makkin hissel as ruidie as fae tap til tae the verie lyke o whit his faither yince haed been.	240	
Thare was a something o the Yrish in Kjartan as athin his faither Olaf that Olaf's faither caad <i>The Peacock</i> for his yuithfou fondeness for graith upon him gauderie, tho, mynd ye, Olaf's mither, yon yin was caad Melkorka, aye haed thocht him	250	
· •		

	1
the nane-the-waur for braws upon him;	
an laerit him the Yrish brogue	
cuid gar the tongue gang tripple-trapple	
the-wy the feet can daunce a jig,	
a brogue that kept him Yrish as	
• •	
the onie pigs o Dochertie,	
thae nameliest o grumphie baess	
that eever chowed the buck-tree mast:	
ay, Olaf's eggs, lik Yrish yins,	
bi Sursse, were aye aa dooble-yolkit.	260
For Laugar wy gaun, Kjartan taen	
the bonnie claes o crammasie	
were gien him for a pairtin gift	
bi his leige-lorde Keeng Olaf yon timm	
in Norowaa acorss the faem,	
an wi them he was buskit braw	
as up an doon an sydiewys he keekit at hissel tae see	
gif siccan braws sat on him weel;	250
his sworde, again the keeng's ryal gift,	270
nae common shabble this, was girdit	
waist-heech and haundie caurriesyde,	
athin its scabbard sae nane saw	
its brawlik glisk o steel as cauld	
as freeze the bluid o faeman lukin	
alang its lenth that was inwrocht	
wi gowd, altho the hilt was seen,	
set roon wi bonnie, ferlie stanes;	
upon his heid he haed a helm,	
the steel of tyuch as turn a blade,	280
but gildit gowden as for padyane	200
tae gar the sunlicht sklither aff it, then sklim on it as sklitherie	
as blinn the een o faemen, at him;	
the tairge upon his caurrie airm	
was ruid as scaddit wi thon bluid	
as halie as the Halie Corss	
was pentit on lik yella gowd:	
his richt haun gruppit yae lang spear,	
the socket o it gowd inlaid.	290
His men, as monie mibbes as	
atween the twintie, thrittie merk,	
were cled in colourt claes anaa	
as padyanelyke as <i>Luk at us!</i>	
but nane, af coorse, as braw as Kjartan	
as aff they gaed fae Herdshaw ferm	

an rade awo ower Laugar wy, areadies monie bodies thare.

10

20

30

Chaipter XLV

## Kjartan mairries Hrefna, AD 1002

Bolli, wi Osvif's sons, gaed oot tae meet wi Olaf and his freens. an gied them aa a hertie waalcome wi Haud that horse thare! Gie's yer haund! an Cwo ben, man, and hae a dram! But hooaneever, ben the hoose, the Bolli yin sae blythe abuin the lave o bodies thare, wi Olaf the fair taen-on tae see him blye, Kjartan was quaet as gyan dooce. Apairt fae that, folk chowed awo, the aetin guid's the crack ongaun wi Hae some mair an Faest yer fuhll, the drammin dacentlyke as weel, wi naebodie gane on the skyte an no the sowl lik losst-the-place. Bolli at this timm haed a wheen o braw stud horse folk thocht the best in aa the kintrisyde aroon, the stallioun baest a muckle bruit that baet the best o fechtin horse fae here til yonnerwys awo: it was a whytelik kinna baess, ruid-luggit wi a ruid forelock; three mears his stud were bonnie as the neebors o his scad o whyte. Noo, Bolli thocht tae gie the horse til Kjartan, lyke enyeuch tae mak for puit ahint himsel an Kjartan aa was fornent them nooadays, an sae think mair o auld langsyne was blythe atween them britherlyke nor whit micht yit be dowie as a sinderin atween the twoe. Kjartan wuid tak-them-nane, "Naw, naw," he said, "I'm no a horsie man; upon the back whyles, nithin mair nor gangin no waat-shode thru glaur, or whyles, for hicht athin a fecht;

naw, nithin mair nor yaise the bruits."	40	The Laxdale Saga
Olaf was vext as sair puit-oot tae see ill-hertitness atween his fostert brither-bairn Bolli an Kjartan his weel-luvit son, an sae he priggit on at Kjartan wi "Tak thae horse, for they are braw as no the monie gifts lik thaem."		
"Naw," Kjartan said, "they're no for me, or for tae puit it plump an plain as raindrap daudin on a stane as some bit saw is lyke tae say, it's I am no for thaem avaa."	50	
Thon was enyeuch for aabodie tae say nae mair micht mak a meikle, sae thare was nithin else tae dae but haud-the-wheesht an pairt in paece, the Herdshaw folk as doocelik tae as taen the thyeuk an gaed thur gaet.		
Aa winter, Kjartan was as dowf as doorelik wi it, in thon wy that nane avaa cuid get a cheep oot o the chiel, an neever mynd a smirtle roon the dowie mooth or snicher somegaets ben the thrapple.	60	
Olaf, as aabodie cuid see, was gyan dowielyke hissel anent thir ongauns, thocht it was a sairlik thing, an was it no?		
That winter, sometimm efter Yuletyde, Kjartan, eleeven o his freens for companie, gat up an rade norairts awo until they cam til Asbjornness in Sauchiedale, whoere they were waalcomed blythlie as an owercome sung in cantie sang, wi kynliness lik <i>Skol</i> tae keep the cauld awo fae ben the baens or lyke a <i>Slainte</i> for tae keep ye weel and hertie as a dram.	70	
The hoose at hame thare was as meikle	80	

as met the needs o muckle men as weel as sonsie wemenfolk; Hall, Gudmund's son, whoe was at that timm as near the twintie winters auld as coodnae haud his wheesht for voartimm, was gyan lyke his kinsmen sooth doonbye in Saumonreeverdale: it was a common kinna speak that Hall was brave as he was braw, abuin the lave in northren airts.	90
Hall taen gy cantie tent o Kjartan, for was he no the brither-bairn o Kjartan aa the wy fae Herdshaw tae crack wi his ain sister Thured, the wyfe o his guid-brither Gudmund?	
Asbjornness gemmes were noo the ploy amang the men fae aa the airts, folk fae the waast roon Midfrith wy, fae Watterness an Watterdale as weel as aa the wy fae Langdale, the getherin a meikle host: the common clash amang the folk was hoo the Kjartan chiel was braw as stuid heid heech abuin the ithers.	100
Young Hall, the chieftain o the gemmes, thocht Kjartan micht puit best fuit furrit, wi, "It's I'm for weeshin, kinsman Kjartan, ye'd be as greeable as gie us yer braidth o shoother cast a stane, the fleetness o yer feet for rin, yer soopleness for lowp or breenge, an sae mak thir gemmes nameliest that eever were or yit micht be!"	110
Said Kjartan til him, "I can tell ye I haenae played at bat an baa and ither gemmes for lang enyeuch, sae mibbes I am no as skeech as yince I was in younger years whuin soople as a whang o laether, for as ye ken, I hae been thrang at ither wark wi oor Keeng Olaf, but juist the same, I'll no refyaise ye."	120

Syne Kjartan on the park for play,

	Т
the michtiest o aa the men	
against him for the better bestit,	
for waarslin best o three for doon,	
for lowpin heecher nor the lave	
or langer at the staunin lowp,	
or langer still at rinnin lowp,	
or furder mair nor onie ither	130
at rinnin yon hap-stap-an-lowp;	
an neever myn the bat an baa	
for swee the bat an belt the baa	
ayont the merk lik buhlletie;	
or on the yce wi sklyre an sklidder	
tae jook an jink lik whitterick	
as leave the lave the hinmaist sprauchlt:	
ay, Kjartan wasnae yin ahint	
wi Come, leg, or I'll leave ye staunin!	
The gemmes gaed on the lee-lang day	140
wi nae man sooplelyke an strenthie	
as neebort Kjartan on the park	
or for that maitter ot, on yce:	
for lang years efter, men wuid tell	
hoo Kjartan played his pairt, and hoo	
'He lap an sprang an flew an flang'	
abuin the lave thon bonnie day.	
Af coorse, the Saga says-the-nane	
anent the lauds an lassies thare,	
the lassies skippin, skliffin feet,	150
'daein the dooblers' as they caad it,	
birlin the waashin lynes aroon	
the-tyme they sang the Kjartan name.	
Nor daes the Saga say a cheep	
hoo lauddies played the oors awo	
wi Fuit-and-a-hauf ower ither's backs,	
a gemme that wasnae for the lassies;	
Hunsh-cuddie-hunsh, then Rin-sheep-rin	
or Levoi herriein a den	
come aer-on daurkenin o day.	160
An thare's anither thing anaa:	
the Saga daesnae tell hoo wemen,	
baith wyfes an niefs, were clashin pans	
for brose an kail in ladlefous	
tae waarm the wames o men ootbye	
at waardin rinnin lownin puhttin	

at waarslin, rinnin, lowpin, puhttin.

Eenin at last, the gemmes aa duin, the men pech-pechin even-on wi <i>I can tell ye, sur, I'm baet,</i> anither speak for <i>Gled it's ower;</i> and <i>Och, I neever thocht I'd win,</i> as hummlelyke as tho he meant it; and <i>Ach, I'd baet him onie day,</i> a speak for thinkin <i>Mibbe yit.</i>	The Lax 170
Young Hall stuid up fornent them aa, an said, "Ma faither wuid be cantie gin aabodie fae faur awo wuid stye the nicht athin oor hoose an play the gemmes again the-morra, gin you folk hae the pech tae dae it as weel as you hae duin't the-day!"	180
An siccan men were thae yins then, the lyke o thaem the best the-day, that thare were three cheers and hurrèh for sic a thocht fae sic a man as guid thon day as onie noo.	
Kalf Asgeirson, af coorse, was thare, yae man was gyan pack wi Kjartan, alang wi's sister Hrefna buskit as brawlik as in bumbee tartan.	190
Thegither thare, the folk in fac were thrangitie as bizzin lyke a byke o foggie-toddler bees, ay, aa the menyie o thae folk were ower a hunder and a score menbodies ben the hoose thon nicht, as some folk say, tho ithers hae it that nummer no aa men but folk.	
Af coorse, at sic a tyme as that aa folk are no as thrangitie as eemockie for rin aroon; thur winter may be watterie as lets late saumon lowp a linn, but whuin it's cauld enyeuch for snaw, or whyles, a weething waarmer efter't, the baith thae tymes are best o waather for cooriein afore the fyre wi some smaa kynlie quair o saga upon the knee for sooch a taet	200

The Laxdale Saga 210 athin the myn tae soople thocht, even as pree a sooch o dram atween the lips can soople thrapple: at sic a tyme the saga soonds lik sang that's made tae fit the singer wi singin vyve tae fit the sang. An shair, thare's aye a wheen o folk in hoose at hame fornent thur ingles wi thocht for naebdie but thursels, aa ower the place folk tirnin roon lik peeries on thur birlie bits, 220 noo het the yae syde fae the bleeze, noo cauld the-tither fae the draucht, lik highheidyins athin the coort as waarm as coorie neistmaist throne, syne girnin cauld faur ben the hills for waant o beild amang the heather gin ootlins kanglin wi the keeng. Neist mornin, or the gemmes gaed on, the divvies o the teams were made: an Kjartan sat and haed his blaw 230 an lukit on for pech nae mair as ithers pecht tae putt a stane, or clawed a raip for pech an puhll, or ran a race tae pech for furst. An Thured, Kjartan's sister, haed a caunnie crack wi him an said: "Brither, it's I'm for tellin you it haes been telt me you hae been as quaet as naething cantielyke aa winter thru, sae men gie oot 240 ye are the wy ye are because ye're at the greinin yit for Gudrun, the pruif ot you an kinsman Bolli are no the-noo that fonde avaa, no lyke the wy ye ayeways were," "Dae whit's the better noo nor dae ocht mair will mak an ill thing waur, an daenae tak the sic a thing til hert that maun be furth ver mynd or tyme will puit ye ben an airt 250 waanchauncie as a something gyte; an daenae hae a dowie grummle against yer kinsman that he's taen

for marra wyfe micht been yer maik."	The Laxdale
"As coonsel wyss as coonsel nyce, aabodie roon will gree wi me ye'd be as wysslik as oorsels gin you wuid tak a thocht yersel tae tak a wyfe, even as thocht last suimmer, even gif truith ot is that Hrefna that suid be yer wyfe is no yer peels, ay, even as yer maik is naewhoere tae be fund, an certaint, no in Yceland here."	260
"Asgeir, her faither, ken, heech-born a bairn as highheidyin a man, haes rowthe o siller in his aucht, enyeuch tae gar sic mairriage be as dacentlyke as dibs can mak it; an mynd ye, his yae ither dochter is mairriet til a michtie man."	270
"And haenae you yersel telt me Kalf Asgeirson, her brither, is as brave as he's the brawlik man, the haill lyfe o thae Asgeir bodies faur better nor the common kynd an guid as no that monie better, in fact, amang the chycest chaisen."	
"Kjartan, I weesh ye'd gang an talk wi Hrefna, sae yer lukin at her will let ye see yersel as she sees you the wy she lykes tae see ye, no thon wy that ye lyke tae see yersel, but as ye see her see ye neeborin whit ye are til her: gin you see that no juist for ordnar but ken it ben byordnar wy, ye'll ken that she's byordnarlyke, ingyne the neebor o her guidness."	280
<ul><li>Hye, neebor, thon yin Thured was wysslyke hersel, an was she no!</li><li>Kjartan hissel thocht she was wysslik as puit furst things as furrit as no wysserlyke fae efterthinkin that's no speak day-afore-the-morra</li></ul>	290

but hinmaist morra-mornin thocht; and efterwarts, Kjartan and Hrefna	The Laxda
were brocht thegither, crackin croose as neever saw the day growe daurk, thur een the licht aroon them sheenin.	300
Later, alow the leerie-licht nae ferlie lyke beglaummert gaze that gets luve's pit-een ben the gloam, Thured speired Kjartan hoo he'd lykit the Hrefna speak for say it saftlie as weel as for the sooch an soond ot.	
"Ocht," Kjartan said, "Thured, I was as gyan pleased tae hear the soond ot as gyan aesilie she spak, and I'm for thinkin shairlie she's	210
and I in for thinkin shaffle she's amang the best abuin the lave, at laest as faur as I can see and I can see as faur as maist."	310
Neist mornin, men were sent til Asgeir tae speir an wuid he lyke tae come owerbye til Asbjornness tae hae a wurd or twoe anent a mairriage atween his bonnie dochter Hrefna an thon braw cullan Kjartan caad.	
Nae dult was Asgeir, naw, no him: as wyss as no juist tak a keek but tak guid tent o whit he saw, ay, wyss as no juist tak a thocht but tak anither thocht anent it, sae he kent honour gien his faimlie bi sic a mairriage, for his dochter was naither burthensome nor bumphlie.	320
His son, Kalf, was in greeance wi him, an priggit on, "Spare nocht, care nocht, but mak the lassie's tocher waarthie as rowthe o siller fae oor pootshes for jingle-jangle clitter-claitter athin the shottle o her kist."	330
Hrefna was no for sayin <i>Naw</i> for <i>Hae nae man, be-nane a minnie,</i> nor was she juist for sayin <i>Ay</i> for <i>Tak a man an mither monie,</i>	

but wyss as her auld faither was,		Ine I
telt him tae mak his coonsel coont		
	340	
as gie her guid avysement fae it.	540	
The baund anent the mairriage made		
as merkit doon in wurds on daed		
for aa tae see is say for dae		
as daenae dae whyles wurd o mooth,		
Kjartan wuid hear o nocht avaa		
but haud the waddin ower at Herdshaw,		
Asgier an Kalf the naething laith,		
tho mynd ye, nithin ben the Saga		
tells us whit Hrefna thocht o that.		
Five weeks athin the suimmer gane	350	
wi meikle growthe athin the parks		
for baestial tae chowe awo,		
the waddin at the Herdshaw ferm		
micht weel see Hrefna minnie made		
tae mak a bairn micht weel caa Kjartan		
his faither as caa Hrefna mither,		
sae she micht mynd o Kjartan whyles		
gif no harasst in hoose at hame		
lik some paer sair-bechildert wumman.		
	• • •	
Aa telt for sooth in wurds on daed	360	
for say nae mair but dae it syne,		
Kjartan rade hame wi brawlik gifts,		
and Olaf was in fair delyte		
tae ken whit Herdshaw was tae see		
wuid be the speak ower aa the airts;		
an was he no delytit mair		
tae see his Kjartan blyther growne		
the-noo nor yon timm gaun awo?		
Come Lout on Viorton her the fact		
Come Lent an Kjartan kep the fast,	270	
nae man afore ensample for it	370	
the lenth an braidth o Yceland ower		
for sic a thing at Fastrentyde,		
folk sayin he was furst tae dae it,		
an mair byordnarlyke at that,		
folk cam fae aa the airts tae see		
hoo he cuid leeve sae lang athoot		
a single chowe o maet in mou:		
some ither folk tell hoo thon was		
the dry-fast Kjartan was for keepin.		
Dut as the same than we a desir	200	
But aa the same, thon wy o daein	380	

was juist yae wy o monie mair gart folk ken Kjartan was yae bodie as heech abuin as yont the lave o ither men aboot the place.	1 // 6
Wi Easter ower, in gledness Chryst in Heeven Yin wi Faither Gode, Kjartan and Olaf were for makkin a meikle waddin tichtener, an syne, Asgeir and his son Kalf cam oot the north wi Gudmund and young Hall, an monie mair, three-score thegither.	390
Tae meet thae folk were ither bodies Olaf an Kjartan haed in towe, as brave a wheen o bodies as the tichtener itsel was braw as it gaed on the haill week thru.	
For brydal gift tae luft an lay as naebdie else's but her ain, Kjartan gied Hrefna thon heid-dress was gien him ower in Norowaa bi Ingibjorg, Keeng Olaf's sister, as waddin-gift that he'd tae gie til Gudrun he haed thocht tae mairrie; an sic a sicht thon heid-dress thare, naething avaa was namelier: no yae sowl thare as ruch wi laer nor onie yin as ruch wi siller haed eever seen the lyke o thon or haed the lyke ot ben the aucht.	400
Mynd you, and aa you ither folk daenae forget, tho cairriet stories aften hae eikit til them meikle that clarts an scads the truith wi lees, the wurds o thochtie chiels aye said thare were aicht unce o gowden threed inwrocht thon bonnie thing aroon lik sunlicht aestlins in the morn or waasterin hame eenintyme.	410
Kjartan was croose as yatterie abuin the broad amang the folk, rare taer upon his tongue the tellin o whit he'd seen in traikin roond in Norowaa acorss the faem,	420

	The La
things as byordnarlyke as ferlies,	
an whit he'd duin byordnarlyke	
as no that aften duin afore:	
folk were in fair delyte tae hear it,	
ay, fair taen-on, because they kent	
he'd been an seen in saervice yin	
was yon Keeng Olaf Tryggvason, 430	
maist heech o aa the highheidyins.	
The waddin-faest as ower as lowsse	
the belt an rift awo the wuin,	
Kjartan gied Hall an Gudmund gifts	
as brawlik as thursels were brave,	
gifts guid as he gied ither men	
were brave as they were brawlik tae	
That faither Olaf then son Kierton	
That faither Olaf, thon son Kjartan,	
were thocht the mair o efter that,	
as efter that Kjartan and Hrefna 440	
luvit ilk ither gyan dearlie.	

Chaipter	XLVI
----------	------

Faest at Herdshaw
an the Tynin o Kjartan's Sworde, AD 1002
Olaf and Osvif, aulder bodies,
were still as freenlie as nae thocht
o ill-will in atween the twoe
lik sklittie jags o keek an glower,
tho thare was ill-will wi the young
lik keek an glower as jaggie-sherp
as scree on hills alow the feet
or sklintie redd upon a bing.
That suimmer, hauf a month afore
oncomein o cauld wintertyme
a hoast athin the kist for braith
an sluch a dram o hinnie mead
tae soople kist an thrapple baith,
Olaf haed his bit faest at Herdshaw
whyle waather still was giein aesement
til baens as young nae mair as kent it.
Osvif as weel was makkin ruidie
tae hae a tichtener thon tyme
folk caa the "winter-nichts" (the name
for winter's cauld oncomein for them)
wi rowthe o guid maet, in itsel
hauf-heat as folk say, for tae keep
the cauld ayont the kist, an lae
the baens alane as snode inbye.
Olaf and Osvif gied ilk ither
the yaisual invyte for tae tak
the gaet an come awo owerbye,
bringin as monie men for tail
as let folk ken the whoe was traikin
wi jingle o the airn graith
an nicher o the bonnie naig.
This tyme was Osvif's ben come roon
for gangin til the faest at Olaf's,
sae ower he gaed the Herdshaw wy
wi Bolli, Gudrun and his sons
amang the lave alang wi him.
The-morra mornin efter that,
as wemenfolk gaed doon the haa,
-

## 

noo quaet as thinkin I'm as bonnie 40 as onieyin I see aroon, or Luk at yon yin, she's as braw as craises onie keekin-gless: the yin o them spak oot alood as crackit quaet the wy she speired whit saet wuid this yin hae an that yin. At that timm, juist thon wheesht o tyme was bydein for tae hear the soond athin the quaet wuid mak a weerd as ill tae dree as sair tae thole, Gudrun was richt asyde the chaumer 50 whoere Kjartan slep, the verie tyme whuin he was puittin on his claes, buskin hissel as braw as wearein a bonnie jaiket crammasie as onie wee bit robin's ruidbreist. That wheesht o tyme for brekk the quaet was soondit in the wy his vyce caad oot til thon paer wumman sowl haed vattert on anent the saetin, 60 ay, caad oot quick as didnae byde his wheesht for tyme or even thocht: "Hrefna will sit on thon heech saet abuin aa here and ower aa else as lang as I'm alyve tae see til't." Afore that tyme that noo was furst, Gudrun haed sat on thon heech saet at Herdshaw as in ither places, sae hearin sic a wurd was said for tak awo sic honour til her, the scad o ruid upon her face 70 said aa was needit tae be said, for deil-the-haet she mowtit then, naw, Gudrun didnae gie a cheep. For aa that, tho, neist day, ye ken, Gudrun was no sae quaet wi Hrefna, sayin til her she suid busk hersel as bonnilie as weare the heid-dress sae aabodie micht hae a keek at whit maun be the brawest treisure 80 was eever brocht til Yceland airts. No richt fornent, tho close enyeuch

	Т
tae hear whit Gudrun haed been sayin,	
Kjartan was smerter wi the tongue	
nor Hrefna as he gied for aunswer	
a wheen o wurds made for a rowthe	
o speirie thocht in dern ahint.	
He said: "At this faest she'll no weare	
the heid-dress, for I set mair store	
on Hrefna's haein sic a treisure	
as her ain braw an naebdie else's,	90
tho juist a taet ot micht be thairs	
bi keekin at it on her heid	
an thinkin it micht be as braw	
on oniebodie else's powe:	
I said she'll weare the thing the-nane,	
for naebdie's gaun tae faest the een ont."	
This tichtener noo gien bi Olaf wuid kitchen weel fuhll seeven days	
tae see awo the suimmertyme	
wi autumn wuins wuid birl the leafs	100
afore the winter cled the grun	100
ruch-divotit wi cranruch cauld	
tae dover in alow the snaw.	
Neist day, as slee as some caa fly	
(altho she coodnae walk the ceilin),	
Gudrun, in dern as deep in thocht	
was faur in hiddlins sayin nithin	
in case she micht weel seem tae be	
a differ fae the yaisual seen,	
speired at young Hrefna wuid she let her	110
hae juist a wee keek at the heid-dress:	
an dacent lassie that she was,	
Hrefna said, "Shair, nae boather, Gudrun."	
Neist day, as some say, tho say ithers,	
later that same day, they gaed oot	
an ben a bothie whoere the braws	
were howfft awo for caunnie keepin,	
and Hrefna aipent up a kist,	
brocht oot the pootsh o silkie claith,	
an fae it slippit oot the heid-dress	120
tae shaw the bonnie thing til Gudrun.	
Gudrun taen haud ot caunnilie	
as gentlie daes it, plap an play wi't,	
unfauldit it, and oot and ower wi't	
with the with out with on of With	

	The La	х
lik finger it an smoor it doon an let the licht sheen this wy, thon wy alang the gowden threeds inwrocht as gentielyke as think nocht o it whuin aa's enyeuch as needs nae mair: for yae wee whyle then, that micht seemit til Gudrun gyan lang at that, she lukit at thon waalth o claith as tho she taen it ben ingyne as howfft awo for aye and on, but badd as quaet as losst for wurds is daenae mak a sang aboot it aither for onie birr o praise or itherwys for finndin faut.	130	
That ower for myn the wy it was for eikin til't athin the Saga, Hrefna puit thon heid-dress awo athin its pootsh, an pootsh athin its hidey-hole athin the kist athin the bothie's caunnie keepin,	140	
<ul> <li>athin the bothle's caunifie keepin,</li> <li>then baith the wemen taen thur places for byte an sup athin the haa, then sang an daunce upon the flaer in blytheheid, lauchinlyke a bit:</li> <li>luk at them noo, yon yin that haed the heid-dress for her ain tae weare the onie tyme it pleesured her tae please her man and he said "Weare it," an tither yin whoe micht hae haed it tae please hersel micht pleesurt Kjartan haed she no mairriet yon chiel Bolli but badd her wheesht for Kjartan hamewith an no awo in Norowaa.</li> </ul>	150	
The day oncomein aa the guests suid ryde awo wi belts as lowsse as let the wame sit fat an fou's a butter-baa upon the thies, Kjartan was thrangitie aroon wi whoe was gaun as faur as yonner as needit chynge o horse an graith, an whoe badd near as no that faur as Shanks's mear wuid mibbe dae them wi nithin mair nor Scots-convoy, til aabodie was sorteit-oot	160	
wi Here ye are for whoere ye're gaun, an Fare-ye-weel an Haste-ye-back.	170	

	1	ine L
Kjartan was fair taen-up wi thae things,		
as aften here as whyles ower thare		
as haurdlie kent the whoere he'd been		
fae whoere he shairlie haednae been,		
whuin suddentlyke as hauf a stoond		
alang wi tither hauf ot, grue,		
he kent for shair whuin thrangitie		
he haednae haed, naw, naw, he haednae		
the brawlik sworde he caad "Keeng's-gift",		
altho thon bonnie blade o his	180	
was seenlins faur as no that haundie.		
Wi that in myn for <i>Daenae be</i>		
as stuiput as no-caunnie-lukin,		
he up and aff an ben his chaumer		
whoere he kent fyne he'd left the sworde,		
an thare ye are, for it was no,		
wi nithin for tae shaw it gane		
an less tae tell whoere gane thon blade.		
an less tae ten whoere gane thon blade.		
Wi something noo tae think anent		
weel waarth the tellin til anither,	190	
Kjartan let Olaf ken aboot it	170	
as sair tae byde the sic a tynin:		
and Olaf said: "We'll hae tae gang		
aboot this gyan caunnilie.		
I'll puit a man the here an thare		
tae keek an pree an tak a thocht		
amang the ilka wheen o bodies		
as oot they traik awo fae here."		
An sae he did, as caunnilie		
as takkin tent says nocht anent it	200	
till seein maks the preein shair	200	
an preein maks the seein certaint.		
an preem maks the seem certaint.		
Thon yin caad An-the-Whyte was chyce		
tae ryde wi Osvif's companie		
Scots-convoylyke as haufwy thonner,		
an for tae keep a leerie ee		
for luk an see an swither on it		
gin onie micht ryde caurriewys		
and aff the gaet as no that straucht,	010	
or oniebodie whoe micht byde	210	
ahint the lave upon the traik		
for sup o kail a lavrie slooch		
or byte o bait a chowe o breid.		

As they rade up an bye Leashaws, an past the fermsteids caad The Shaws, they stoppit at yae fermsteid thare an lichtit doon fae ilka cuddie.	The Lax
Osvif's son, Thorolf, gaed awo, alang wi twoe-three ither men fae thon Shaws ferm, and oot o sicht amang the scrub athin a moss the-tyme the-tither Osvif bodies were haein a blaw tae byde thur wheesht.	220
An, that was caad The Whyte, gaed aff an follaet him, some say, and ithers say gaed wi thon haill companie as faur as Saumonreever wy, its watter rowein fae Saelingsdale, afore he said he'd turn back thare, his Scots-convoy gane faur enyeuch as seen them yont the waarst o grun.	230
Thorolf, whoe micht hae been as wyss as haud the tongue or byte the thoom tae keep fae yappin, said til An that they'd hae been the nane the waur gin An haed no gane oniegaets.	
As juist a smaa bit taet o snaw haed faaen the nicht afore, it was nae boather for tae speir a spoor o fuitprents in amang the snaw.	240
Back then rade An amang the scrub an follaet Thorolf's fuitprents thare alang a gottan ben the bog, whoere bouin doon amang the slaister he fund a sworde-heft, blade ot shucht, plankit athin the peatie sluitter, but left it thare because he thocht a witness o it no that bad.	
Wi that in mynd, he rade awo til Saelingsdale Tongue for tae fetch Thorarin Thorison whoe gaed alang wi him tae see the sworde in hiddlins shucht awo fae sicht: thare An oot ruggit it, his airm	250

thare An oot ruggit it, his airm wi black peat clartit til the elbuck.

Seen thare for whoere it was was no the place bi richts it suid hae been, tho whye thare fund kent for jalousement anent the yin haed puit it thare an no for ocht else seen or said, An taen the sworde back hame til Kjartan, whoe dichtit clean the scaddit sheen an gart it skinkle yince again, thon blade ot wi ruid gowd inwrocht, thon heft ot set wi ferlie stanes, syne happit thon braw blade in claith an laid it bye athin a kist.	1he L 260	
The place whoere An and thon Thorarin haed fund <i>Keeng's-gift</i> , the bonnie blade, was ayeways efter caad <i>Sworde-gottan</i> .	270	
Aa this was kep the gyan quaet as chirp the cheep the-nane anent it, in case the din o clackin tongue upon the teeth and yont the mou wuid mak for din lik rattle-tattle o dirk for dirl upon a tairge as owercome til a slogan skelloch.		
The scabbard for thon bonnie blade was neever seen again. And here's a yae thing is byordnar as the lyke o twoe things maik-for-marra as sworde an scabbard baith thegither, Kjartan was neever that taen-on wi thon braw sworde again athoot the bonnie neebor scabbard for it.	280	
An wi that, as we micht jalouse, no lyke a scabbard haudin blade but lyke ingyne wi hatrent jaggin as tho a blade in hert and haerns, Kjartan was yeukie fuit and haun tae up and oot an gang and herrie, for up lik lowp upon a naig, for oot lik naig tae chowe-the-bit, an for tae gang lik breenge in battle an for tae herrie burn-the-byres	290	
Said Olaf til him: "Caunnie, son, an daenae let it get ye doon thon wy that neever lets ye up;		

	The Lax
<ul><li>it's true as no a caurrie differ</li><li>that they hae duin the durtie on ye</li><li>thon wy that clarts them mair thursel,</li><li>but mynd you this, ye ken for shair</li><li>ye taen nae hairm fae whit they did,</li><li>but thae yins cannie ken for certaint</li><li>that skaith-the-nane will come til thaem."</li></ul>	300
"Ahint the haund or ben a nyeuk, we daenae waant the common folk tae snicher at us cuddielyke as luft the lip abuin the teeth, for castin-oot wi oor ain kin that are fornent us as against us.	310
Because o whit his faither said, Kjartan let aathing byde in paece, altho inbye fair bealin wi it as heilliefou as hellachie: he mibbes haed the heft an blade tae haud, as some auld saw micht say, but as the Saga gars us ken, he didnae hae the scabbard ot.	
For yonnerwys til Laugar gaun til tichtener caad <i>Winter-nichts</i> , Olaf made ruidie horse an graith, priggin that Kjartan steer his shanks tae tak the gaet alang wi him.	320
Altho as sweirt as glunshie-lukin tae tak thon thyeuk an gang thon gaet, an glowerie as onie messan plays gansh wi mou fair slaverin, Kjartan brocht benner sel til heel an said he'd dae as he was telt.	330
Hrefna, that was tae gang wi Kjartan owerbye the Laugarwys anaa, was no for takkin owerbye thare the brydal heid-dress she'd been gien bi Kjartan Ingibjorg gied him.	
Guid-mither Thorgerd said til her: "Guidsake, guid-wyfe, whoe's lyke tae see yer bonnie bunnet on yer heid gin you are gaun tae keep it kistit the ilka tyme ye're aff an free	340

for daunce an sing at onie faest?" And Hrefna said til her guid-mither: "Monie the bodie is for sayin I'm no that lyke tae finnd a place tae gang til whoere thare's sic a wheen as inviefou an chawsomelyke as thae yins ower the Laugar wy." An Thorgerd til guid-dochter Hrefna: "We cannae hae adae wi folk wi nocht tae dae bit yitter-yatter 350 the ilka tyme they clash-the-pans or chowe the breid aroon the broad in hoose at hame or ben thur bothies." Because o Thorgerd's awfie priggin, Hrefna thocht fit tae tak the heid-dress alang wi siccan ither claes wuid be mair bonnie wi the bunnet, or mak the bunnet bonnier, ye ken, as wemen ken the better: and efter hearin-oot his mither, 360 Kjartan becam sae easie-oasie anent it, he was thinkin, "Shair, it's aa the yin-waan as no waarth eechie nor ochie for a speil ont." Syne, efter aa was said for yince that needit-nane anither sooch ot, and efter aa was duin again haed ave been duin the same afore whuin gaun the wy they were for gaun, they traikt awo the Laugar wy 370 an gat thare hin-end o the eenin that needit pit-een ben the hoose gif leeries werenae set alicht: an thare they haed a guidlie waalcome, the horse aa taen inbye the stable tae waarm thur hochs an fou thur wames wi hairst o suimmer hy and aits, the-tyme the folk thursels gaed ben the muckle laundhoose for a waarm wi mead fae suimmer sun made hinnie. 380 or baurley-bree in beer or maut, afore thur byte o breid an maet wuid see they werenae beddit bosse, tae dream o winter daurk tae come

for cooriein fornent the ingle as weariein for suimmer-dim tae tak the gaet an lowsse the shanks come suimmer-sab that on and aff can scad or cleir the suimmer luft.

Afore they beddit thair ainsels as waarm as smoored awo fae cauld, Thorgerd and Hrefna haundit oot thur claes for niefs tae mak them trig as bonnielyke the-morra morn.

But come the mornin, thrangitie as clitter-claitter shuin aroon, the wemen buskin thairsels braw as micht weel gar a man's een glintle, or gar anither wumman's een play glower wi a glymie keek, Hrefna cuid finnd the heid-dress nane, for it was gane fae whoere she'd puit it, as some folk say, tho ithers, mynd ye, say whoere it haed been puit awo but sayin no yae wurd avaa juist whoe it was haed duin the puittin.

Mynd you, a saga haesnae tyme for onie mair nor tell the tale. in case it micht miss oot a name or mibbes puit it ben a place nae yin was thare on sic a day alang wi whittan coont o folk; but we hae tyme afore we dee, lik tak a thocht for think again is aiblins richt or mibbes wrang, tae say the whye a bodie did athin a place we daenae ken, as weel as for tae mak a speak anent the whit a bodie was altho anither tongue micht differ: and you that read may tak it in the wy the wurds are puittent doon, or tak it in tae puit it doon the wy the humph comes up yer back as up this back is boued ower bink tae gar this keelivyne play scart wi that lynes that an this yin here ye're gaun tae read an noo is written.

390

400

410

Then luk you here and you will finnd folk lukit butt an ben the hoose and up an doon an roondaboot, but deil-the-haet o thon heid-dress was fund, nae ribband, plait or fauld o claith, nor single threed o gowd fae thae aicht unce ot wrocht sae brawlie.	430
An neever wuid be fund folk thocht, for reive it gin a bodie micht, juist whoere cuid oniebodie weare it athooten sayin whoere it cam fae that she cuid clap it on her powe: naw, lyke enyeuch as gyan certaint, thon bonnie thing was taen awo because thare was a somebodie juist coodnae thole that Hrefna weare it.	440
Gudrun said lyke enyeuch the heid-dress was left ahint at hame, thon wy that dae is no as thrangitie as ettlement come hurrie-burrie, or mibbe Hrefna haednae taen as meikle tent as micht hae taen for sic a treisure waarth the tribble, an sae was fautor gif thon braw thing haed cowpit fae amang the claes an sae been tint alang the traik.	450
Hrefna telt Kjartan whit was said anent her losse, but coodnae tell him whit was it haed been duin tae mak for't, an Kjartan telt her for tae tak things as easie-oasielyke as mak nae boather for hersel an freens: an then he telt his faither Olaf the ploy was bein played at Laugar.	460
Said Olaf til him: "As afore, I'm thinkin you suid dae awo as caunnilie as dae nae mair, an say awo as caunnilie as say nae mair nor juist enyeuch lets weel alane tae tak nae ill; an for masel, it's I'll be preein a wee taet here an bittock thare, as quaet masel as boather nane: ye ken, I'm awfie fasht tae think	470

	17
o you an Bolli castin-oot,	
and you haed better ken, ma son,	
haill flesh is easie-cled wi braws,	
but skaithit skin is ill tae cleed."	
An Kjartan: "Faither, weel I ken	
ye'd lyke tae see fae thir ongauns	
an aa-the-best fae ilka yin,	100
no waarst-o-aa fae oniebodie,	480
yit I'm for thinkin I'm for haein	
the best for me fae't, waured-the-nane	
bi oniebodie here at Laugar."	
Then come the day the faest aa ower	
for chowe nae mair an sloochin bye,	
an folk forjaiskitlyke wi din,	
an gled tae think o quaet at hame,	
Kjartan spak ower the heids o folk	
0 I	
were gethert for tae ryde awo:	100
"I'm caain on ye, cuizzin Bolli,	490
tae be mair foster-britherlie	
til me, an shaw yersel fair willant	
til aa yer kinsfolk for tae dae	
yer best o devoirs fae noo on	
nor you hae duin areadies til us,	
ay, for tae be as guid a man	
til us as leal til your ainsel."	
"I'll no be mealie-moued aboot this,"	
Kjartan gaed on as lood as wecht	
puit hivvie burthen on his speak	500
	500
as boued-doon sair on faeman's lugs,	
"but I'm for tellin aa you folk	
fornent me that can ken as weel	
as I masel, a something tint	
belangs us isnae faur fae here,	
no yonnerwarts the lenth an braidth	
o Yceland ilka tither airt."	
"Thon faest for hinmaist hairst we gied	
at Herdshaw for a get-thegither,	
saw ma braw sworde caad Keeng's-gift taen,	510
no lyke a sweetie fae a bairn	
but lyke a sweetie for a bairn:	
•	
as folk can ken that haed it yince,	
they daenae hae it noo, because	
I hae it ben ma aucht again,	
this tyme athooten its ain scabbard,	

as folk can ken that haed it yince and hae it yit, for aa I ken."	T
<ul> <li>"A gaun fuit aye is gettin', or sae the saw says, but it's I am tellin you fornent me here that yince again that maks for twycet, a gaun haun wi its stickie fingers is neever stickit gaun an gettin:</li> <li>this tyme, yae keepsake, bonnielyke as waarth faur mair nor wecht o siller, haes gane, as some micht say, for guid, but I'm for tellin you, it's gane for ill that's gy waanchauncielyke, sin I'm for haein thae things back."</li> </ul>	520 530
<ul> <li>Bolli gied aunswer: "Whit ye say anent me isnae fair as truith, but fause as onie lee, because</li> <li>it's I can ken I'm guiltie-nane and you can juist jalouse a differ: ocht else fae you I'd suinner hae nor caain me a stealie-thief."</li> <li>Mynd you, tho some folk speak lik that, some ithers mak the <i>I</i> an <i>us</i>.</li> </ul>	
Then Kjartan said: "I'm thinkin folk that maun hae been colloguin here in something lyke a nyafferie, are neist til faur ower near til you that you micht get a guid avysement fae thaem gin you micht waant tae tak it: the wy things are, tho, you maun ken we are as black-affrontit noo wi sic a ploy fae siccan folk that micht come fae a nyucherie,	540
<ul><li>that tho we bidd in paece fornent the kynd o snash is mair lik faeman's, we cannae thole it onie langer."</li><li>Gudrun gied aunswer til him then that mibbes said faur mair nor meant tae say, but nithin less nor truith</li></ul>	550
or near enyeuch as made nae differ. S'she, "Ye're pokerin a fyre tae gar it bleeze abuin the smeek	

<ul> <li>whuin better it were smoored as gart the lowes ot dee alow the ase.</li> <li>Gin you are richt, as you hae said, that thare are bodies here as wrang as puit thur heids in caurrie coonsel that gart thon heid-dress shoot-the-craw, I'm thinkin they hae gane thursels an taen whit richtlie was thur ain, no yours avaa nor Hrefna's aither.</li> <li>Think whit ye lyke anent the ploy that taen the heid-dress fae yer aucht, but I can tell ye, I'll no greet gif thon bit braw thing neever maks Hrefna the better buskit wi it."</li> </ul>	560 570
Och, shairlie then yae bodie thocht My, wasnae thon the bonnie heid-dress! Thon wairp, thon weft ot cheetie-back tae straik as tho it soondit thrums! Thon gowden threed athin its sheen tae licht the een alow the faulds that cooried in amang the hair!	
Gudrun's wurds puit a closer doon upon a wy o daein things haed made for blytheheid year aboot at Laugar here and Herdshaw yonner: the Herdshaw folk rade hame doon-hertit.	580
Whuin wuins are snell as perish snype an blear the een wi rinnin saut, thon's no the tyme tae gang the gaet fae here til hame or hame til yonner, but aff they gaed fae Laugar wy,	500
the nor-aest wuins as suddentlyke upon them cauld as gart them haud thur grauvats up fornent thur faces tae cut the aidge o braith indrawn an waarm the oo wi braith ootgannin: ay, that's the wy ot gin ye're gangin a gaet waanchauncie gars ye say, lik onie bairn ben a boather, "It's naither wunner I am seik. I ken I'm gaun tae be the blame!"	590
Noo, that is no whit's said anent it athin the Saga: you'll can ken for tak a thocht it's puit doon here	600

for ither een tae luft it up an speir whit's mibbes in alow it, or gif thare's naething fund alow, then whit is aiblins in ahint it.	The Lax
Twoe-three things telt athin the Saga for ken the truith lik swither-nane: aathing was quaet as rummle on lik daenae mak a din afore folk as let the neebors byde in paece; naething was heard anent the heid-dress the lyke o <i>Tak a luk at it</i> ! or <i>My, it's braw and is it no</i> ! but monie bodies werenae sweir tae say that Thorolf Osvifson, bi order o his sister Gudrun, puit lowes alow thon bonnie bunnet	610
tae gar the gowd threeds in the claith play skinkle ben the licht the yince was syne foreever tint in ase.	620
Aer-on that winter, growne as cauld as no that lyke the byname Hetheid as he was caad bi certain folk, thon yin caad Asgeir Eiderdrake bi ithers, deed an left his aa, no kistit wi him, til his sons, thinkin, nae doot lik monie mair, he haed tae dae wi whit he haed an no wi whit he'd lykt tae hae, a wee bit lyke whit some folk say, that whit we are is whoere we are the wy we are, no whoere we'd be gif mair the wy we'd lyke tae be.	630
Paer Asgeir, no as thrangitie as lukin at the yce alow the fuit in winter for a doom upon him fae the Deil hissel, as coodnae tak the tyme tae keek an see the mervel o the snaw upon the hills a gift fae Gode.	640

Chaipter XLVII
Kjartan gangs til Laugar; and anent the Niffer for Tongue, AD 1003
That winter, efter Yuletyde snaw

a something crunklie wi the frost haed come on Hogmanay an Neerday, Kjartan gat sixtie men thegither for whit he thocht he haed tae dae was no juist tak anither thocht for dae a nocht micht weel be better.

Deevil the wurd til Olaf did the Kjartan fuhlla mowt anent the wark afuit for up and aff, and Olaf didnae speir anent the whye the wark gaed on as thrang as nithin ither yokit at.

Olaf hissel maun haed a thocht was yin lik daenae tak anither in case ye daenae lyke the hin yin, but better nor dae ocht avaa in case the waur is daein ocht.

Kjartan haed graith for man and horse, lik hy for horse and aits for man, whyles aits for horse, whyles hy bed man; an pats an pans for byle the kail or hotterin the purritch aits tae lyne the wame for keepin waarm; or girdles for the baxterie o makkin reekie beremeal bannocks, or aitmeal cakes tae kitchen kebbock fornent the brander-airns at fyres: he taen enyeuch o tents as weel

tae bigg as bothies for tae beild the flesh an baens fae winter cauld.

Then clitter-claitter horse an cairt, an jingle men in weirelik graith, Kjartan was up and aff as planned and on his wy athooten rest until he cam til Laugar yonner.

"Get aff thae horse," he telt his men, "and you and you tak tent o thaem, 10

20

		The Laxdale S
as keep them snode athin a howff; and you yins, bigg the bothies up	40	
as snode as keep us beddit waarm;		
and aa you ithers, come wi me		
an steek the ilka doore an winnock		
tae keep aa ben thare snode as byde		
whoere nane athin can win ootbye."		
An sae they did, and here's the baur:		
in thae days, as is yit the case		
in monie ither weel-kent toons,		
the cludgies thare were ootbye biggit,		
tho no that faur fae ferm-toun,	50	
that you'll can ken was faur ower faur.		
Kjartan wuid no let oniebodie		
come ootwith for a three haill nichts,		
as some folk say, the ither bodies		
say three haill days that you'll can guess		
is at the yin-waan ben thon tyme		
is twoe-an-seeventie lang oors		
for guts the chowe an slooch the dram		
syne gar them gang as free as lowsed.		
Thon was a tyme indaed enyeuch	60	
as twoe-an-seeventie oors lang		
were ower lang ben thon hoose a burthen,		
sae even Kjartan said enyeuch		
was gettin mair nor micht be tholed		
bi Christian bodies lyke hissel		
whoese Wurd was Luve was lyker Licht,		
no haterent that was lyker reek.		
Kjartan then up an rade awo		
fae Laugar, gangin hame til Herdshaw,		
the ither bodies wi him gangin	70	
yin here yin thare til hoose at hame.		
Olaf was faur fae pleased tae hear		
aboot the ploy, as nae doot thinkin		
that paiks gien oot lik bittock skelps		
are whyles gien back lik dunts o skaith		
micht yae day yit gar Kjartan speil,		
lik onie bairn in boatheratioun:		
"Nae wunner I'm seik. I'll be the blame!"		
Thorgerd, tho, Kjartan's mither, said		
his blame was nane, the Laugar men	80	

desaervin aa they'd gotten, ay, an meikle mair at that, the shame ot.	
Speired Hrefna at her man, "Ay, Kjartan, an did ye hae a wee bit crack wi oniebodie ower at Laugar?"	
"Naw, naw, ma dear, no meikle said tho meikle duin!" Wi that, Kjartan gaed on tae say he spak wi Bolli, tho little as but twoe-three wurds.	
At that, his wyfie Hrefna gied a wee bit smirtle as she said: "Ocht, I can tell ye I hae heard no juist lik heard-tell cairriet storie, but truith that yince telt coonts for aye, that you an Gudrun crackit croose as lykit whit was said and heard. And I hae heard for tell nae lee is whit is coontit as the truith, hoo she was buskit bonnilie, wearein thon chraisie on her heid tae chaw ye wi it, lyke as no, an gyan weel it suitit her."	90
On hearin Hrefna girdin at him, Kjartan haed colour on his chafts as crammasie as bonniest o scads upon his shiftin jaikets, for he was angert at the blade for priggin at him; and he said for laerin her a peerie laesson: "Nithin lik whit ye say was ocht fornent thir een o myne tae pree, and you suid hae nae boather kennin Gudrun haes nae needcessitie tae busk hersel wi sic a chraisie tae gar her luk the bonniest o aa the wemen roondaboot her."	110
Wi that, that was a stoondin stopper, paer Hrefna didnae utter mutter, mair lykelie gangin ben her chaumer tae hae a wee greet til hersel, tho mynd ye, sic a speil as Kjartan's was lyker wurds for scart an shreech	120

was lyker wurds for scart an shreech.

The men ower Lauger wy were ryfe as tappiloorielyke tae ruffle, thinkin the Kjartan ploy a splore that they wuid neever hear the end o, sae ilka yin was black-affrontit faur mair nor haed the Kjartan chiel slauchtert a yin or twoe amang them.	The Laxdo
As angrie as the fair gane gyte wi't, were Osvif's sons, an naither wunner, a ferlie gif they haednae been, but Bolli quaetened thaem for caunnie, gart ilka bodie screw-the-heid, an telt them no tae losse-the-place.	130
Nithin that Gudrun said anent it was waarth a tittle or a tattle on maerket day or at the hairst, an neever myn the clish-ma-claver for kittle tongue wi <i>Dae ye tell me!</i> Yit aabodie that heard her speak as quaet as haurdlie heard a haet ot, kent fyne that naebodie at Laugar was hauf sae sairlie puittent-oot as her ainsel sae sair at hert.	140
Atween thae men the Laugar wy an thae yins ower at Herdshaw bydein, freenship that yince was kynlie dram gaed oot the windae gardieloo, aabodie in the strunts for paiks, thur auld acquaintance noo forgot as tho auld langsyne haednae been.	150
The winter wearein on, as cauld as gars a bodie coont the days tae see the snawdrap tak a keek abuin the grun wi <i>My</i> , <i>the snell</i> , Hrefna was waarm at hert tae ken her tyme haed roondit wi a bairn as lauddielyke as squeechle lood at thon furst sook o caller air athin the kist the quick o lyfe: the name she gied the bairn was Asgeir, tae mynd him he was whoe he was an whit he was an whoere he was because o yin was Asgeir caad that made the mither made his namesake.	160

	Inel
Noo, thare was yin was caad Thorarin,	
guidman o Tongue in Saelingsdale,	
whoe puit the sooth abraid the airt	
that he wuid lyke tae sell his grun.	170
that he would tyke the sen his grun.	170
Three things were mixter-maxter meldit	
athin his myn for dae it noo	
wuid see him gang as gy weel-aff	
as lowse a gaun ploo on the place	
for whit paer sowl micht tak his ferm:	
furst thing, he'd no yae maik alang	
wi dyot, bodle, plack or groat	
tae jingle-jangle ben his pootsh;	
saecont, he kent ill-will aroon	
the kintrisyde was mair nor that,	180
it made for kanglin micht become	
as fell as slauchter no his lykin	
•	
amang the folk yince freens noo faes;	
an thurd, he was hissel a freen	
an no a fae o this yin, thon yin,	
an waantit for tae byde a freen	
wi aabodie were faes thegither.	
C	
In this lyfe, whyles ye waant tae be	
yer ain man, naebdie else's haun,	100
or mibbes, whyles ye waant tae be	190
yin in amang a wheen o men	
a wecht o hauns tae yoke on ithers;	
but lyfe can whyles be caurrie as	
can puit a ferlie weird upon ye	
tae be a yae man efter aa,	
•	
ay, yae haun clooters ither bodies.	
Bolli thocht he wuid lyke tae coff	
the grun Thorarin haed for sellin,	
sin Laugar folk haed monie kye	
an little laund tae keep them cantie	200
as chowe-the-coode maks melk an maet.	
us chowe the coole maks merk an maet.	
Wi Ogyif's guid averagement Dolli	
Wi Osvif's guid avysement, Bolli	
an Gudrun rade awo til Tongue,	
thinkin it gyan haundie chaunce	
that they micht hain thon bit o grun	
nearhaun thur ain; and Osvif telt them	
no for tae niffer sic a differ	
as happie aff the yae roon shullin,	
but for tae gie thur wurd in greeance.	

The Laxdale Saga 210 That was the wy Gudrun an Bolli gied wurd for daed as daed thocht duin bi thon Thorarin, juist hoo meikle o siller tae be pyd, the kynd ot, the tyme o pyin whitna day, the wy o pyin whitna mainner, the place o pyin airtit whoere: an sae the nifferin was duin, wi no a differin atween them. The greeance, tho, was no in wryte, sin thare were nae folk thare enyeuch 220 as mak a merk for tell a storie as witnesses needcessitous athin the law for say was duin as duin for said atween the pairties. That duin as thocht was said for duin, Bolli an Gudrun rade aff hame, nae doot as pleased as tho areadies thur nowt Thorarin's gerss were chowein. Whuin Kjartan Olafson heard tell o whit haed happent ower at Tongue, 230 he rade thare wi eleeven men, as some say, ithers sayin twal, an gat thare aer-on as the cock was cawin tae bewray the daw sperflin its seeds o glisk an gliff tae up an growe an flooer haill sunlicht. Thorarin gied him waalcome waarm as loof til loof wi Hoo's it gaun, sur? He speired at Kjartan wuid he byde as lang as see the nicht awo 240 in aesement, byte an sup an bed for beild until the-morra morn; but Kjartan said, altho he'd stye a wee whyle for a bittock crack, he haed tae ryde back hame again that mornin, some folk are for sayin, tho ithers say that samin eenin. Thorarin speired at Kjartan then whye he haed come the siccan gaet? Naw, shairlie no for juist a crack 250 anent the waather? "Naw, no that," said Kjartan, "but anent the wy

		Th
the wuin can blaw a sooch o speak		
that you hae sellt the grund aboot ye		
til Bolli ower at Laugar yonner:		
an furder, tho as near at haund		
as in the forefront o ma mynd,		
it's no that I'm no juist for weeshin		
ye wuidnae sell yer bit o grun		
	260	
til yon yin Bolli and his Gudrun,	200	
it's I'm for tellin you ye winnae."		
Thorarin said that gin he did		
ocht else nor whit the niffer was,		
he'd be awalt in mynd an bodie		
as onie sheepie-mèh owercowpit,		
"Because," he said, "the Bolli niffer		
was nithin shorte-the-shullin, naw,		
a bittock and a bit abuin it,		
an tae be pyd as on the nail	250	
is swythe as hunker-slydin-nane."	270	
"Gif Bolli daesnae coff yer laund,"		
said Kjartan, "you'll no staund a losse,		
for I sall coff the grun masel,		
the niffer o it nane-the-differ:		
ye'll waur yersel gin you suid speak		
against whit I think maun be duin,		
ay, you'll be fasht as fautorlyke."		
"Indaed," said Kjartan, "you sall see,		
lik aa folk else aroond us here,		
that ben this airt it's I'll be waantin	280	
tae hae the maist tae say, because		
it's I'll be daein meikle mair		
for ither folk nor aa thae chiels		
that byde owerbye the Laugar wy."		
that byte owerbye the Laugar wy.		
Thorarin gied for aunswer then:		
"It seems the saw is on ma tongue		
as Tongue the name o laund around us:		
Gif michtie is the maister's haun,		
the maister's wurd nane can withstaun,		
Some folk micht see the saw gang doon	290	
lik this, no up abuin lik thon:	_>0	
The michtier the maister is,		
the michtier then wurd o his.		
Yit, I'd be easier in myn		
-		
gif nifferin atween masel		
an Bolli stuid as greeance gien."		

"Gif thare are witnesses the-nane," said Kjartan, "I am shair the sale is sale-the-nane fornent the law; sae thare are twoe things, chaise yer chyce tae dae the whit comes up yer humph: yin, sell yer grun til me for siller is maik-for-marra lyke the niffer ye made wi Bolli and his Gudrun, or as the-tither yin o twoe byde on an ferm the grund yersel."	300
Tho tak a haun can be a baund ootwith a coort o lawyer bodies, a haund-o-wryte for duin an dyte is inwith law athooten doot, an sae Thorarin's laund was bocht alow the een o witnesses for see it duin as ben thur lugs for hear the speak lik yea an nay for whit was fact, nae cairriet storie.	310
Wi that duin, Kjartan rade aff hame wi <i>Gee up, cuddie, thare's gaun tae be a flood</i> as tho he were a bairn again, whyle Laugar folk were jeein ginger whuin news ot, doot nae doot aboot it, cam on the wings o clash o neebors, an neever mynd a horse's huifs.	320
Said Gudrun, "Bolli, I'm for thinkin whit's happent ower at Tongue maun mean that Kjartan's gien ye chyce tae chaise mair sair tae thole nor gien Thorarin: aither ye leave this kintrisyde wi honour less nor juist a taet, or you maun gang fornent the chiel faur less nor slaw's a slap-fuit gaun."	330
<ul><li>Bolli gae yont the siccan speak no lyke a slap-fuit gaun awo, but shote-the-craw athooten cheep.</li><li>Ye'd think that folk wuid tak a thocht afore a thocht tak haud o thaem tae gar them dae the whit they dae or gar them say the whit they say, for whit's lyfe waarth gif naething else</li></ul>	

	The Laxda
nor wheich o breid for chowein hungrie lik daenae boather preein at it; or wheich o dram for droothie sloochin lik furst a taet then ben the thrapple; or wheich o sang for cantie singin lik aabodie in ilka owercome?	340
They're aa lik tyme for wheechin on, ilk day a Neerday come an gane, sae folk suid sip afore they sup it, tae kitchen it afore they spend it, ay, folk suid sip, for kitchen it afore they sup it for tae spend it.	350
Aa roondaboot was quaet thru Lent, a voartimm wi but little in it cept auld meal for a girdle scone or twoe-three shaef o mooldie breid, tho usquabae was better auld for dramin doore as kep cauld oot, folk noo in best o tid for singin.	
Voartimm the thrid day efter Easter, nae growthe as yit gart feet grow yeukie for up and oot an traik awo, Kjartan rade aff wi juist yae man, as some folk say, tho ithers name him as An-the-Black alang wi him athorte the straund and on til Tongue.	360
Kjartan haed gane thare for tae hae Thorarin wi them gaun til Saurby tae gether in a wheen ill-pyments were Kjartan's siller, naebdie else's, ootstaunin til him ben thae airts, but as Thorarin wasnae thare, Kjartan thocht for tae byde a whyle an wait the bodie comein hame.	370
That day, Clypie Thorhalla cam aboot the doores, a wummanbodie that speired at Kjartan whoere he haed the hauf a myn for mibbe gang til, or mynd as haill as gang for certaint.	
Lik nievie-nievie nick-nack speilin, thon wurnmanbodie, as ye'll guess, speired, "Kjartan, whit road will ye tak?"	380

And he said til her, "I'm for gaun bi Saelingsdale for ben the waast an then bi Swynedale fae the waast."	
<ul><li>S'she, "Hoo lang will you be gane?" (She was as speirie as a Fyfer).</li><li>An Kjartan said, "Maist lyke I'll be for rydin back come Thursday neist." (Some say, the fift day o the week, athin the Saga, but the Byble says Fryday's fift, wi Sunday seeventh).</li></ul>	390
"Wuid ye dae a message for me?" Thorhalla speired, "I hae a kinsman waast ower bi Whytedale inbi Saurby whoe's hecht til me the hauf a merk o hamespun claith that I wuid lyke ye tae bring til me fae waastlins yonner."	
An Kjartan hecht tae dae his devoirs anent the message for Thorhalla.	
Thororain comein hame at lenth, the three men rade awo thegither ower Saelingsdale moss, waastlins haudin, syne cam til Hol at een in Saurby whoere Aud and her twoe brithers bidd: some folk, tho, daenae gie her name.	400
Thare Kjartan gat the best o waalcomes, wi <i>Michtie me, and is it you, sur!</i> an <i>My, we're awfie gled tae see ye!</i> for they were aye guid freens, were thae yins.	
Whuin ower at Laugar that same eenin, Clypie Thorhalla cam ben hame, the Osvifsons thare speirin at her whoe haed tongue-taiglt her aa day; an she said she haed met wi Kjartan.	410
"Ay, ay," said they, "And whoere gaed he?" "Oh-ho," said she, "And I can tell ye, for I ken aa is waarth the kennin; and here's anither thing I ken, he's daein bravelie, braw tae luk at,	
sae I'm for sayin naither wunner that aa menfolk the lyke o him	420

suid luk doon on the ilka bodie lerkin sae laich alow thur feet: an cleir til me as dicht the een gif winter saut tear blinn the sicht, naething avaa was soondin better til Kjartan's lugs nor ginn he telt the niffer he was efter makkin that bocht an sellt Thorarin's grun."	
Gudrun taen tent whit thon blade said, an whoe cuid tak mair tent nor Gudrun that lang haed thocht Kjartan her ain; Gudrun juist coodnae thole the thocht the hinmaist wurd suid byde wi that yin, Thorhalla, clip bynameit Clypie; as sae she said, as sherp o tongue as skliff a shaef aff Clypie's clash: "Kjartan may be as bauld as bress an dae the whit he waants tae dae wi shame an sklander on the lieges, for it is proven, fact nae ferlie, that nane daur lowsse a flane upon him."	430
This back-an-furrit yitter-yatter gaun on atween the wemenbodies was heard bi Osvif's sons an Bolli, baith Ospak and his brithers sayin no muckle mair nor thair for yaisual, a luftin up the name o Kjartan tae puit the man ahint it doon. Aa that gaun on aroond him, Bolli was yonner yon wy it was lyker he wasnae comein back tae listen, but then, that aye was whoere he gaed whuin folk were ben ill-gabbitness, yickitie-yackitie on Kjartan,	450
•	

Chaipter XLVIII

## The Men o Laugar an Gudrun plan a Loor for Kjartan, AD 1003

The fowerth day efter Easter, some say, was spent bi Kjartan ower at Hol, (tho ithers say the Wedensday that mibbes may be thocht the thrid day), a rare taer bein haed bi aa folk, wi droothieness fair slockentlyke and hunger haein a hamelie burst. That same nicht, efter byte an sup, thon yin caad An-the-Black rowed roon in bed aslaep lik rummle-tummle 10 alow the watters o a loch, syne cast awo bedclaes an bowster as tho fair fleggit, lyke tae droon: folk waukent him, an naither wunner, thon nichtmeir yokit on his shoothers. They speired at him whit dream he dreamed for whit micht be foresichtit weerd here in amang them he maun dree gif no yont Yceland for tae thole. 20 And here's the speil fae An-the-Black haed nocht avaa adae wi droonin, unless tae droon is waant o braith because the skailin o the bluid haes gart the bellowses pech-nane: he said, "An ugsome wummanbodie cam ower til me as daurk as nicht was growein groo as scaddit ghaistlie, raxed ower ma bed an poued me til her." She was as heftie as gy wechtie, wi face micht fricht a muckle trow, 30 an glowerie as evil-eed played birnie-birnie wi ma ain." "She haed a gullie in her haund as sherp as sklint a hair in twoe alang the lenth ot, maik-for-marra; and in the-tither haund a troche for whittan yuiss it's you'll can tell gin you'll be kennin whit cam neist;

	The	Laxa
she drave the gullie ben ma breist as deep as wecht o haun cuid caw it, then cut me fae the weasan heech til laich as ryvin throch ma wame, an syne she taen oot aa ma innards tae leave me bosse as grallocht hart upon a hill amang the heather; then, for tae fuhll the waant athin me, stappit me fae kist til kyte wi rickle-sticks, brushwuid an spales: she gaed awo then. You'll be thinkin she micht haed gane a whylock suiner."	40 50	
Kjartan and ither bodies yowlit whuin telt aboot the ins and oots o thon byordnar dream o his, — snichert at <i>ins</i> ot oniewy — and ithers, <i>Naw, a 'kytecase' shairlie,</i> some bellochin, <i>He's puggie-donnert,</i> some ithers, <i>Ay, aa yonner, fuhllas,</i> some skellochin, <i>A weething aff.</i> and ithers, <i>Shair, he's no aa-thare,</i> as lauchinlyke as gy near greetin, the wy saut dreeblt fae thur een, ran doon thur chafts an waattit bairds.	60	
Some said paer An-the-Black's byname micht better be An-Brushwuid-Bellie, then claucht the haud o him, an said they'd lyke tae feel gin he'd as meikle brushwuid in kyte as kinnie fyre. Wysser nor onie o them, Aud gied thaem guid coonsel, wummanlyke: s'she, "Gird-nane at An-the-Black ower this; ma best avysement is that Kjartan can dae the yin o twoe things caunnie as byde here langer, or ryde on gif ryde will he, as caunnie yit as tak a wheen mair bodies wi him for tail ahint nor whit he cam wi."	70	
Said Kjartan: "Aabodie wi me here may think An-Brushwuid-Bellie wyss as speil the truith nae cairriet storie ben dream mair lyke yae ferlie nichtmeir, but sit ye here as sit ye will aa day tae dream again in speak,	80	

		The Laxdale Saga
it's I masel maun gang ma gaet,		
daft dream or no daft dream ahint me."		
Richt aerlie in the morn, the Thursday		
that Easter efter, as some say, Kjartan gat ruidie for tae gang.		
(Some ithers say it was day five,		
that's mibbes thocht may weel be Fryday).	90	
An wi him, thon Aud priggin at them, gaed Thorkel Whalp wi his brither Knut:		
twal aathegither rade wi Kjartan.		
Gaun bye the Whytedale wy syne, Kjartan lukit ben thare tae tak the hamespun		
for thon Thorhalla yin caad Clypie		
as he haed said that he wuid dae		
an then he rade thru Swynedale sooth.		
At that timm, as the Saga says,		
it's telt for truith as luft an lay it,	100	
that ower in Saelingsdale in Laugar, Gudrun was aer-on oot o bed		
an keekin at the sunryse yokit		
for lowsein licht tae hunt the daurk		
ayont the waast abuin the swaw.		
The bodie gaed inbye the chaumer		
whoere aa her brithers were aslaep		
ayont the licht o mornin sun, nane takkin tent anent the soond		
o cock-craw's ootbye skreechin skyre;	110	
she ruggit brither Ospak's shoother,		
an brocht him blearie-eed til licht,		
alang wi aa his brither bodies, till ilka yin cuid hear the cock-craw.		
un nka yn culu near the cock-craw.		
Whuin Ospak saw it was his sister		
ruggit an tyuggit him tae wauken,		
he speired at her the whit-for-whye she was sae aer-on yont her bed		
as coodnae thole the lave in slaep.		
Gudrun said she wuid lyke tae ken	120	
whit aa her brithers ettlt daein	120	
this day was bonnie for braw men,		
and Ospak said as caunnilie		
as quaetlie said is mak nae din, that braw men as they were, an day		
		372

as bonnielyke as buskit for them, that they wuid byde at hame, wuid they, and hae thur blaw, because, said he, "Thare's no that muckle wark tae dae, an dae a haun's turn daes enyeuch as gars a little dae it aa."	The La 130
Said Gudrun: "Gin the pack o you yins were dochters o some paer niefbodie, in gy guid tid yer temper then, I'm thinkin, easie-oasie as dae nocht avaa whuin ocht tae dae is no that easie-oasie duin."	
"I daenae waant tae say aboot ye it juist shaws your brochtupness, naw, for that wuid coont me yin amang ye as juist anither lyke yersels, but efter aa the shame an sklander puit on oor name bi yon yin Kjartan, ye're liggin thare, the ilka yin lik some great, muckle store-duag, slaepin, tho Kjartan rydes richt bye us here wi nane ahint him but yae man."	140
"Memore nae mair lik mynd ocht nocht that made ye whit ye are maun be, an no the luke o grumphie-baess; memorabilitie-the-nane for mynd yersel the whoere ye cam fae is no snuch-snorchle ben a troche lik aa the lave o grumphie-baess."	150
"Och, esperance for grein gien-nane lik howp a bowle o whammlins gien for giein wame a tichtener! Ach, esperance for weeshes waantin mair lyke a bowle o whammlins gien for tichtener athin the wame! And och, ochone for esperance nae howp avaa for naething aathing, or aathing nithin waarth the tribble! No yin o ye will eever hae the guts enyeuch tae yoke on Kjartan in hoose-at-hame, gin you are doakiet at meetin wi the man the-noo whuin he's traik-traikin roondaboot wi juist yae man or twoe ahint him."	160

"Ay, here ye're plappit doon at hame, roastin yersels fornent the fyre wi lazie-tartan on yer legs whuin I am fair hert-roastit wi ye, the haill jing-bang o ye alow ma feet fae morn til nicht ilk wy I turn, ilk yin as footerie as waste ma tyme, aye tribblesome."	170
The brithers lukit at thur sister as luk-an-ee sees some smaa taet athin it better haednae been thare, and ilka yin o thaem fornent her thocht, "Paer hen, Gudrun", tho she was nae chookie then and haednae been for lang enyeuch as weedie twycet, her thrid man Bolli still abed: whit theo vins suid been thinkin on	180
whit thae yins suid been thinkin on was naebodie but thair ainsels lik lukin ben sees some smaa taet athin the hert the betterlyke for mibbes seen-the-nane avaa, yit, haein taen a keek at it, ilk yin o Gudrun's brithers micht hae taen a thocht "paer sowl" anent hissel an no his sister Gudrun.	190
Ospak said sister Gudrun wasnae the mealie-moothit quyne aboot it, but he cuid no gainsay the bodie, sae up he lowpit oot o bed an buskit swythe as keep the heat afore the mornin air soocht ower him an gart him grue wi calleratioun: his brithers doakied yin anither as whoe'd be furst tae follae him.	200
The brithers then colloguit thon wy for mak a loor tae slauchter Kjartan, thur coonsel caunnie for tae dae it as wecht a wurd for whittan wy, an puit a staiver in it whyles as gyan gyte as daenae chaunce it; but hinnermaistlie greeance gien. Gudrun threep-threepit then at Bolli that he suid steer his shanks tae gang	210

an gie a haun was no a fuit, tae dae his devoirs wi the brithers; but Bolli wasnae gallus wi it, myndin his dacent brochtupness wi Olaf's ruif abuin for beild as weel as Kjartan's kinship wi him weel-bein ootwith hoose-at-hame; gy sweer tae moodge a haund or fuit, he said til Gudrun threepin at him: "Wyfe, let me leeve in paece as quaet as daenae threep at me til daith that's faur ower quaet as no the kyn I waant as mynes or ma freen Kjartan's."	220
But Gudrun prig-prig-priggit at him that he suid up an gang as swythe as steer his shanks an fuit and haund alang wi ilk yin o her brithers for daein devoirs, nae gainsayin, but Bolli, gallus nane avaa tae mak a moodge o haund or fuit, said til her prig-prig-priggin at him: "Wyfe, daenae prig at me til daith but let me leeve as quaet as paece is quaet as gyan lyke the kyn that ma freen Kjartan waants wi me."	230
"Weel," Gudrun said at lenth that was as faur awo fae Bolli's speak as riddle-reein fit for bairnies, "tho truith is on yer tongue for tell it the wy said cannae be gainsaid, ye neever were as luckie as cuid win awo fae gy waanchauncie in aa that you hae duin tae please; an this I'm tellin you for waur wuid please naebodie but yer faes, gin you gang-nane tae mak this loor we plan for Kjartan, you're for oot	240
as faur as naewhoere ben oor mairriage." Gudrun was footerin aboot the-nane, nae fiddle-faddle that, but ach, whit's aa sic struissle for? In faimlies, twoe-three bodies gethert fornent an ingle, roond a broad, wi yin upon a fyresyde bink naebodie else's but his ain,	250

375

		The La
and yin fornent the kitchen lum		
the maistress o the maeltith gaun?		
Even as ben the state itsel	260	
thare's yin abuin tae shout-the-odds		
the wy the race is set tae rin		
tae gie him mair tae shout aboot;		
the wy the rin o play is made		
sae fauts whuin fund are neever his		
as fautors fund are no his aither:		
and ayeways, ward an guaird aroond him,		
a wheen o cronies for tae back him.		
Hearsay, alang wi neeborbodie		
Heardtell, that neever tells a tale	270	
as lang as it can cairrie storie,		
micht say that that was whit folk thocht		
anent the Gudrun wummanbodie,		
but gif they did, it's you'll can tell,		
because ye read it here alow		
a leerie licht some wintertyme		
ower cauld for oot, ower snode bi ingle:		
the Saga neever cheept aboot it,		
not chirplt, chirrupt, not gied chirl.		
Wi twoe men gane as ben her myn	280	
kent whit they'd been lik naebdie else,		
here she was lukin at anither		
was lyke tae gang the samin gaet		
as thae twoe ithers for his paiks,		
but still she said, tae haud him gaun,		
that he haed neever been in front		
o Kjartan aa his born days.		
Whiteever was ben Bolli's myn		
lik caw as caunnilie as kynlie		
for auld langsyne yince better days	290	
an boather-nane in fostership		
ben Olaf's beild ower Herdshaw wy,		
the neegle-naiggle, higgle-haggle		
ben Gudrun's speak, gart Bolli growe		
as hovit-up as bealinlyke		
wi myndin hoo he aye haed been		
coo's tail ahint the onie tyme		
whuin Kjartan wuid be furrit gaun,		
or furrit gaun alanerlie		
his ainsel Kjartan gaun elsewhoere:	300	
an sae he up an steered his shanks		
tae busk hissel wi airn graith		

o weire upon him claitterin.

Thegither for a waeponschaw thare were nyne bodies nummert aff fae left til richt as staunin furrit coontit as fit for weire come waarsle wi hunker-slydin nane avaa lik dodge the column route o mairch tae jook onslaucht in aipen order an slauchter onset mixter-maxtered: and here the Saga nummers thaem five Osvifsons, Ospak and Helgi, then Vandrad, Torrad, last yin Thorolf; the sixt yin Bolli, seeventh Gudlaug was Osvif's sister's son, whoe was bi aa accoonts, a laud o pairts; the aicht yin Odd caad, nynth caad Stein, thae twoe, Clypie Thorhalla's sons.	310
They aa rade ower as faur as Swynedale an taen thur staund asyde a gill, Goatgill the name was gien til thon place, an thare they tethert-up thur horse tae byde thur wheesht for lang as needit.	320
Aa day, thare was yae ither wheesht was as alanerlie as quaet upon the tongue o yon yin Bolli, tho nae doot dinsome ben his mynd as he was liggin laich in dern upon the tap o thon gill-bank.	330
Tyme whittert on, the wy it daes athooten onie let or hinder, ayont whoere naething's happenin, but ginn it cam tae luk at Kjartan an thaem ahint him rydin sooth bye Nerrasoond, the dale mair braid thare, tyme booried roond amang the men an taen guid tent whit Kjartan said, that Thorkell wi the ither bodies micht weel turn richt an roondaboot an gang awo aff hame, nae boather.	340
Thorkel, tho, taen nae tent o that, an said they'd see the glen ahint them, then, haein gane bye thae oot-sheilins, Norhirsels caad, the Kjartan chiel	

telt baith Knut an Thorkel Whalp they neednae steer a fuit the furder, sayin, "Thon stealie-thief, thon Thorolf, is no for lauchin, him, at me, for bein gyan feart as doakied at gangin on athoot mair men."	350
Said Thorkel Whalp: "It's up til you, then,	
for gang yer wys athooten us,	
but rue the day an will we no	
gif we are faur ayont yer need	
and you're sair-cawed for help the-day	
as rue the day we're no still wi ye."	
But Kjartan said: "I'm gy weel shair,	
as ken masel as Bolli kens me	
an as I'm kennin Bolli tae,	360
that he'll hae naething for tae dae	
wi whit micht puit a skaith upon me;	
but gif the Osvifsons are liggin	
athin a loor for wecht upon me,	
thare'll be some wechtin gaun, I tell ye,	
tho whoe will leeve tae tell the tale	
the tale alane will tell the names	
anent the wy the odds are evened."	
At that, the brithers wi thur men	
turned richt an roondaboot, did they,	370
an rade awo back waastlins yonner.	

## Chaipter XLIX

## The Daith o Kjartan

Sooth thru the Dales then Kjartan rade, twoe ither bodies wi him, yin was An-the-Black and yin Thorarin. Noo, Thorkell was the name o a man that badd in Goatfells, ower in Swynedale, noo naething nor a wilderness wi mibbes whyles the auntrin goat wuid chowe ocht doon til chuckie-stanes, but no a grumphie tae be seen whoere's nae buck-mast nor aik-mast aither. 10 Thorkell haed been ootbye that day lukin at horse and ither wark, and haed alang wi him a herd-loon. Gif no duin richt, a naething's duin even as richtlie duin's a something better, an whit's in hiddlins daesnae byde in dern gif seen for whit it is, hauf duin as better left alane: an sae wi thon fell Osvif loor, Thorkell an loon baith saw the ploy, 20 the Laugar men in loor for dae it, the Kjartan chiel an twoe fieres wi him thare rydin ben the glen for duin til. The lauddie said that he an Thorkell suid mibbes richt an roondaboot an let the Kjartan fuhllas ken whit was in loor for yoke upon them, that wy, the lauddie said, for whit micht weel hae been the wale o sense, Thorkell and he'd be nane the waur 30 for seein til it that nane was waured. Said Thorkell til him: "Haud yer tongue! Are you as gyte as think tae gie lyfe til a bodie wi a weerd upon him for tae dee the daith that aabodie maun dree for deid as you yersel will thole tae dee?"

"An truith tae tell, I'm tellin you

	$T_{i}$	he Laxdo
twyce ower anaa tae gar ye ken it is nae lee that I am tellin, let thae yins dae the whit they will for skaith til thair ainsels, no us, for that's whit they wuid say thursels were they whoere we are staunin noo an we in hiddlins makkin loor."	40	
"Gin you are no a screw-the-heider, maist lykelie you will be a deider: an gif that isnae yit a saw, yae day it micht, or I'm a blaw."		
"We'll get oorsels howfft ben a place whoere we'll be waured the-nane an whoere we'll see the fecht gaun on will be the waur o thaem the mair: a richt rare taer we'll hae o it."	50	
"Ye ken, the ilka bodie says that Kjartan is the skeelie chiel wi blade athin his haun for bluid, a mervel o his wy for fecht; and he'll be needin aa his pech as weel as aa his skeeliness tae waur the wechtie odds agin him."	60	
As Thorkell waantit, sae it was, an Kjartan wi his twoe guid fieres rade on whoere Goatfell weerdit thae yins.		
The squatter o the Osvif cleckin haed thair misdootins whit for whye the Bolli bodie'd socht a place whoere he micht weel be seen bi men come fae the waast, as some folk say, tho ithers gie it fae the north.	70	
Sae noo they puit thur heids thegither for tak a thocht wuid mak a speil amang thursels for think again that mibbes thon slee Bolli yin was playin the Osvif cleckin fause.		
Sae up the bank the brithers sklimmit, then, lyke thur haein the kynlie baur, they waarslt wi him back an furrit tae caw his feet awo an gar him		

rowe doon the brae alow the lyne	80	The Laxdale Saga
o sicht that micht bewray thur loor.		
As swythe as daenae shauchle feet,		
slapfuitit yin, the-tither hirstlin,		
Kjartan and his twoe neebors rade an better rade until they cam,		
as suddentlyke as nane-expeckit,		
ayont the sooth syde o the gullie,		
an thare they saw the loor hauf-sprung		
as let them ken whit men were ruidie		
tae yoke upon them for a slauchter.	90	
But swythe again as shauchle-nane		
slapfuititlyke or hirstlin aither,		
Kjartan was aff his naig wi turn		
as richt an roondaboot as left him		
room for tae birl a wheechin blade gin onie Osvifsons yokt on him.		
gin one osvirsons yokt on min.		
Whoere he'd doon-lichtit for the fecht,		
a muckle stane was hovit heech		
abuin the grund as made a guaird	100	
wuid keep a bodie's back fae skaith,	100	
an thare he telt his men they'd staun an byde the onset comein at them.		
an byte the onset coment at them.		
Afore the onslaucht claittert airn		
airm's lenth awo for clooterin,		
Kjartan brocht spear til shoother hicht		
an cast it, whitter-whidder whaum sae thon blade ot strak throch-an-thru		
baith tairge an Thorolf's airm, strak it		
sae sair abuin the haunnle ot,		
the tairge was cawed richt up against him,	110	
thon spear-pynt thru baith tairge and airm		
abuin the elbuck, ryvin thows,		
an garrin Thorolf drap the tairge,		
his airm nae yuiss again that day: "Blade ben," quo he, "I ken," quo he,		
I'd better finnd a doctor chiel		
tae mak a mend ot no for deid."		
"I ken," quo he, "blade ben," quo he,		
"Near aff," quo he, "an sae am I		
tae finnd a doctor chiel tae mend it."	120	
"That's it," quo he, "I'm hit," quo he,		

"enyeuch tae puit me aff-the-gemme; "I'm oot," quo he, "nae doot," quo he, "it's better I haed bidd at hame."	
That duin, as dae a little whyles can be enyeuch as gar yae haun's turn dae aa that's needit tae be duin, Kjartan wheecht oot his sworde that was guidlie enyeuch tae dae a bit, but no sae guidlie as dae aa thon better yin <i>Keeng's-gift</i> wuid duin as gien til him bi his Keeng Olaf tae keep him haill, athooten skaith.	130
Thorhalla's sons were gien the darg o yokin sair upon Thorarin, a twoe-til-yin that's no as fair as fecht for siller ben a ring, an tak a blaw the noo an then tae let ye ken the whit's gaun on is lyke tae see yersel seen aff, an for tae let ye ken ye're duin afore ye're duin doon, whyles for aye: Thorarin was as stoore as stievelik, an focht sae weel fornent thae twoe that naebodie cuid say for certaint wuid he byde skaithless ben stramash or wuid Thorhalla's sons be seen as namelie as wuid bear-the-gree.	140
Osvif's young brither-son, thon Gudlaug, a laud o pairts as eever was, alang wi Osvif's five braw sons, yokit on Kjartan whoere he stuid wi An-the-Black fornent the stane abuin thur backs for beild fae skaith.	150
Noo, An-the-Black wrocht at the brulyie, whyles fechtin syde bi syde wi Kjartan, whyles richt fornent his freend in swordeplay lik onie sodger ower in Islay weel waarth a sang made ower in Mull; his airm was sterk as eever strack a clooter at a virrfou fae wuid gart that sic a bodie birl an lowp awo fae sic a cloor gien twycet micht streek him on the grun.	160

Paer Bolli stuid ayont the struissle, altho he haudit ben his grup wi no a splatch o roost upon it, thon braw, lang blade, <i>Legbyter</i> caad bi some, bi ithers caad <i>Fuitbyter</i> , that haed been stown langsyne bi Thured fae yon yin, Giermund Gulderer.	The La 170
Tho Kjartan wrocht at sic a wark as sair as sic a wark was lyke tae be ower sair tae thole for lang, the blade he yaissed was sair puit til't tae dae the sic a darg o wark, for he haed whyles tae strauchten it alow the fuit wi bend it mend it.	
Tho An-the-Black and Osvif's sons haed aa taen skaith athin thon onslaucht, Kjartan stuid straucht fornent them aa wi nae bluid on him but thair ain, for he haed focht as better focht haed neer been seen bi onie thare, as licht upon the fuit as gaun aye furrit in amang his faes until they left him weel alane as coodnae sair the man avaa:	180
insteid, they yokt on An-the-Black, thon wy the sang micht sing, wi <i>Whack,</i> an <i>Row-de-dow</i> for owercome in it.	190
At that, paer An-the-Black gaed doon thon wy wuid let him ryse nae mair, for he haed focht ower sair an lang tae fecht ocht mair thon wy he was, wi aa his innards hingin oot as ugsomelyke as fricht a trow, lik nichtmeir haunfous o ruid spales, brushwuid an siccan rickle-sticks; naw, naebodie aroond him noo as roond him thon timm dream-foresichtit, rowein aboot an lauchin at him: <i>A heidcase, yon yin,</i> yellochin, or wi a <i>Naw, a'kytecase', shairlie;</i> <i>He's puggie-donnert,</i> bellochin, or wi an <i>Ay, aa yonner, fuhllas;</i> <i>A weething aff,</i> some skellochin,	200
or some wi <i>Shair, he's no aa-thare;</i> paer An-the-Black wuid naither lauch	

nor greet again lik dreeble saut tae weet his chafts or waat his baird.	210	The Laxdale Saga
This onslaucht saw the Kjartan chiel sned aff the yae leg fae young Gudlaug, thon laud o pairts noo yae pairt less wuid see him neever haill again as was enyeuch tae slauchter him athooten doctor for tae mend him.		
Ay, thon was some fecht, was it no? Wi Bolli lukin at it, seein they swaatit as they swackit at it, wi dinnel sworde upon a helm, a gyan dull yin thon for stoondin, as dirl aix upon a tairge an awfie birr upon an elbuck, the air abuin them blae wi braith they pechit thru the reek o sweit that rowed lik smeek abuin the tulyie.	220	
For onset lyker mair a breenge fuhll at him as for ower wi him, Osvif's fower sons drave in on Kjartan, but thon yin wuidnae be owerhaillit, staundin his grund as stieve an sterk as thon great muckle stane ahint him that wuidnae brekk nor bou afore them, nae mair nor wuid the Kjartan chiel.	230	
Whuin thae yins taen thur bittock blaw, lik pech as meikle's cleir the kist whuin lips are plapperie wi braith an bellowses are blocherin tae hoast the tyuch yins fae the hause, Kjartan said, "Hy, thare, kinsman Bolli! Whye leave yer will alane at hame, waunnerin roondaboot the ferm tae hear the coos an caufs moo-moo, an let yer lave come here alane as quaet's a coo whuin chowein coode?"	240	
"Chaise you yer chyce amang the men tae help the yae syde or the-tither! See whit <i>Legbyter</i> is for daein, an daenae staun lik sheepie-mèh athin a bucht in boorachie!"	250	

As tho ayont the speak, lik dwaum as faur awo as thocht can speir, or ower nearhaund, athin hissel as lippent mair on his ain thocht faur ben as he alane jaloused, Bolli made oot he didnae ken the burthen o the Kjartan speil.	The
Here, noo, tho, for the naither wunner that's no a ferlie for amaze nor onie freet for <i>Fancie that</i> , Ospak, that kent they coodnae baet the Kjartan chiel thursels alane tho fower-til-yin's no evenslyke, eggit on Bolli this wy that wy, sayin he shairlie wuidnae waant a shame an sklander on his name because he'd hecht tae gie a heund	260
because he'd hecht tae gie a haund in onie fecht micht come aboot, a haund o willant wecht at that an no a haun mair lyke a fuit noo that the fecht haed come upon them.	270
Ospak gaed on tae say: "Ye'll mynd hoo Kjartan wechtit doon on us no that langsyne for whit we did that wasnae aa that bad at that, naw, naething lyke as bad as this that we hae duin and are for daein. Think whit he'll dae til us and oors gin he get aff wi't this timm Bolli, for you're the yin will get yer paiks alang wi us, hae nae misdootins."	280
Then Bolli drew the sworde <i>Legbyter</i> , the licht cleir-sheenin on the blade ot was bricht as haednae seen a merk o roost upon the sherpent steel, an turned on Kjartan at the stane.	
He thocht upon the days langsyne whuin he an Kjartan were as young as bairns tummlin doon the braes lik ower the maer amang the heather; or dookin ben the powns o burns, the watter aumer-broon abuin the braw troot jookin bye the stanes or thru thur clydyoch hydie-holes:	290

300

310

320

330

or else whuin wuids were een ower shoothers for bogle-bodies ben the timmer, as trows were in amang the hills an Wee Folk were alow the knowes.

An then he myndit, suddentlyke as kent fyne he haed no forgotten, that Kjartan aye was furst tae tummle doon onie brae in suimmer waather, wi Bolli in ahint him faain: as furst tae dook in onie burn as suin as suimmer waather let them, wi Bolli saecont in, the feartie; as furst among the suimmer wuids for bogles, or amang the hills for trows, an neever myn the Wee Folk were said tae byde alow the knowes myn-nane the weet, myn-nane the wuin, myn-nane the onie waather gaun: but myndin that whoereer they gaed, Kjartan gaed furst aye, Bolli follaet.

As that was yae thing made for mair, vae ither tyme ben manheid baith, lik rin a race furst aff the merk as furst acorss the winnin-lyne; or soom as swythe as onie saumon in pown or burn or ben the frith; or luft a wechtie, meikle stane tae shaw that you can wecht a sworde puits you in lyne-o-battle furrit: in that yae ither tyme, thocht Bolli, Kjartan gaed yont him lyke a flane in onie race they'd eever ran; even as dookin for a soom it was hissel made bellie-flappers, no Kjartan, whoe gaed in and aff lik sowther onie saumon soomin; an gin his ainsel gy near brust his bellowses tae wecht a stane, Kjartan was ylie animose in aesement as he hichtit up the stane upon his muckle shoothers. In battle-lyne, thocht Bolli, chawed tae think upon it, he was hint thae samin muckle Kjartan shoothers.

That wasnae aa amang thon mair

340

	Th
hat made for siccan chawsomeness	
lik fash-for-fankle Bolli's myn,	
for in thur manheid baith growne heech	
as back-til-back tae tell thur hichts,	
tho they were eeksie-peeksie growne,	
aiblins lik twoe ell fuit til croun,	
but Bolli, staunin boued a bit	
the wy he stuid for yaisuallyke,	
lukit the naewhoere near til Kjartan	
that stuid as straucht as shoothers square	350
wi kist oot-bookeit ticht as braid.	
Thon was the wy that wemen saw them,	
whuin ben the haa at sang an daunce	
that made a nicht ot at the ploy,	
or else stravaigin thru the toon,	
nae sicht for sair een yin or tither,	
tho Kjartan wuidnae hurt the face	
tae luk at him the wy he gaed:	
thare's he, thocht Bolli, as he was,	
as straucht as shank o spear or flane,	360
the wy the wemenfolk aye saw him;	
and here am I the wy I was	
that neever neebort him avaa,	
the wy the wemenfolk saw me	
a weething bent, lik onie bowe	
that taks a flane fae wuid til string	
an waits the haun will lowsse for flicht.	
Kjartan kent fyne the rummle-tummle	
that rowed aroond in Bolli's thinkin	
lik chuckies chunnerin in spate	370
as voartimm grue rins aff the hills,	
an said til him as he cam furrit:	
"Shairlie whit you wuid lyke tae dae	
wuid be as pooterie a wark	
as duin for naething else nor chaws ye,	
an no for ocht will mak for glore	
in Heeven as on Erd tae sing ot,	
but ben a huddle doon in Hell	
tae greet yer een oot listenin	
til coronach abuin yer mools	380
lamentin whit ye're lyke tae dae:	
sae I maun hae the nocht the lyke	
upon ma saul abuin the luft	
in blytheheid wi the angels singin,	
it's I wuid tak ma deid fae you,	
no gie ye daith for ma ain weerd."	

Kjartan then cast awo his sworde sae he cuid puit nae skaith on Bolli; an cast his tairge upon the grun sae he cuid ward-the-nane hissel fae skaith that Bolli micht puit on him: at this timm, he was saired hissel wi little was no meikle tribble, but ay, he pechit lyke a grampus fair duin wi meikle leisters in it, sair failed as wabbit at the wark ot, an fair forjaiskit for a blaw.	390
It was a tyme for dae or daenae as thae twoe kinsmen stuid apairt, a stoond o quaet atween the twoe, as quaet as Thorkell and herd-lauddie in hiddlins wi an ee upon them bydein the ootcome o the ongauns: an thare fornent them, no that faur upon a rock, as quaet as thaem, they keekit at twoe smaa broon burds at thair ain ongauns, fedderie as trimmle in the wishie wuin, the tyme the coorigin hen spungio	400
the-tyme the cooriein hen-spyuggie bydeit her ain wee wheesht for cover.	410
Bolli, lik coo's tail, aye ahint, as sae the common saw can say, cam furrit noo lik onie buhll haes jaggie horns tae ryve an rip, thinkin <i>Did you say nyafferie</i> fornent us ower the Laugar wy? By Surrse, will I no gie ye nyaff! An was it you said nyucherie ower Laugar wy fornent us thare? By Sursse, am I no gaun tae nyuch ye! Ay, folk aye say that whit a freen gets is neever losst, and here's ma sworde!	420
Athooten yae wurd on his lips let Kjartan ken the whit he thocht, Bolli drave in, <i>Legbyter</i> blade wheechin aroon lik leven-licht, an clootert Kjartan doon for deid was ben the skaith Legbyter made. Then, straucht awo as Kjartan fell	

The Laxdale Saga 430 alow thon meikle dunt for deid, Bolli cast lang *Legbyter* blade asyde lik onie smittle thing, an clytit doon alangsyde Kjartan, takkin thon paer heid ben his airms as Kjartan's deein braith gaed oot amang the air he'd sooch nae mair. As rue the day is rue whit's duin that day abuin the onie ither can neever mak a mend again tae gar a new day dae awo wi't, 440 sae Bolli was ben bitterheid that taen the fautin for the slauchter naebodie else's but his ain: he sent the Osvifsons aff hame as he an thon Thorarin yin badd thare wi ilka bluidie corp. As Bolli badd his dowie wheesht, he thocht, for peetie on hissel as meikle's for a dirige on Kjartan liggin slauchtert thare: 450 I ken that folk will sing o Kjartan the wy he was was no lik me, and ave they'll sing o him the foremaist fornent the sun the onie day wi me ahint him ben his scadda: but will they ken that he was mair because I was yae bittock smaaer that gart him luk the meikle mair as tho ahint him I was scadda, the sun in his een, no in mynes? 460 Whit will they ken o me, thae folk that daenae ken whit they wuid dae gien hauf the chaunce that I was gien tae dae whit they micht say was richt a wrang they say was puttent on them? An whit can they ken o thursels that say they wuidnae dae the lyke o this that I hae duin, gif gien the chaunce tae richt a wrang they say 470 was puittent on thursels anaa? The folk will sing a nithin on me

here slootert, sloongein, slaisterie

	ruid-drookit wi the deein bluid	
	yince garred ma kinsman Kjartan sing	
	o better days and auld langsyne,	
	thon airt o tyme that he's noo ben.	
	But tyme will come will shairlie sing	
	o Kjartan thare ben auld langsyne	
	as straucht as onie shank o spear;	
	as licht upon the fuit as rin	480
	abuin the gerss lik flichtit flane;	-00
	as braid as wechtit shootherie	
	cuid cast a stane mair heech an faur	
	nor onie chiel in aa the laund;	
	weel-at-hissel at that amang	
	the highheidyins for companie,	
	thur wemenfolk aye fain tae think	
	he haed the makkins o a keeng,	
	an naither wunner, gin ye ken	
	his great-graundy was yin in Yreland.	490
	Whit else cuid Bolli duin, paer sowl,	
	thon wummanbodie gaun on at him	
	tae dae whit she wuid lykit duin	
	bi her ainsel an she a man?	
W	huin Osvif's sons gaed hame til Laugar,	
aı	n telt the tale nae cairriet storie,	
	Gudrun gaed whihher-whitterin	
	wi pleesure ower the slauchterin	
	as tho her ain haun bluidie wi it,	
	an no her clippie tongue made kangle	500
	haed gart her Bolli clooter Kjartan	000
	an caw him doon for inbye deid.	
	un euw min doon for moye dold.	
т	horolf's bad airm was made as guid	
1	as clean it oot an cleed it roon	
	wi claith cuid mak a betterin,	
	r -	
~	but tyme was lang or it becam	
a	haill as no the hauf as weel	
	as eever waarth a docken leaf.	
т	ha agun a Kiantan waa hugaht harra	
	he corp o Kjartan was brocht hame	510
	Tongue in Saelingsdale awo,	510
b	at Bolli rade awo aff hame	
	the Laugar wy, the hauf his thocht	
	no thare but ower in Tongue wi Kjartan.	

Gudrun gaed oot tae meet her man

was haill fornent her, tho the yin that she haed waantit liggit deid in Tongue, bi Bolli's slauchter no even hauf-haill liggin thare.		The Laxue
She speired: "Whit tyme o day is it?" as tho a hauf-a-dizzen wurds that oor weel waarth the tyme o day.	520	
An Bolli said til her: "Near nuin," as tho thae twoe wurds waarth the boather his twoe lips haed in speakin til her.		
Said Gudrun til the man she'd wadd: "Tyme weel can weare awo as slaw as dae-awo is seenlins yokit for ocht mair nor tae gather graith; yit I hae yokit sair on tyme this mornin wi a fash for graftin haes seen me spin twal ell o claith the tyme it taen for you tae kill Kjartan that micht hae caad me wyfie."	530	
Bolli gied aunswer til thon wyfe he'd pauchelt fae the man he'd killt: "Thon tyme I yokit on paer Kjartan will byde wi me for aye and on athooten haein yer gabbie tongue tae myn me o thon awfie slauchter. Ay, tyme gaed bye lik horals birlin as swythe as flee awo on wings whuin I wrocht at thon wark o killin."	540	
<ul> <li>Said Gudrun then: "Ach! Siccan things are no waanchauncielyke avaa! They're duin because we hae tae dae them or neever byde in paece again.</li> <li>An no juist that, it seems til me, as weel's til ithers takkin tent, that you were thocht o gyan weel aa that year you were here yersel an Kjartan yonner faur awo in Norowaa acorss the faem:</li> <li>sin he cam back til Yceland here, ye hae been groofflins ben the grush, the ruch aidge o his tongue abuin ye."</li> </ul>	550	

"That said for cannae say it better,

I'll say noo something nane the waur	Inc
o sayin for the best o aa:	
Hrefna will no gang snicherin	
til her toom bed this bonnie nicht!"	560
th her toom bed this bonnie ment!	300
Dalli avid na tak ania main	
Bolli cuid no tak onie mair	
o siccan snash, for he was bealin	
as lowsst the truith upon the tongue.	
"I hae misdootins," sae he said,	
"sin you are whey-faced as ye are	
that she will turn as waan as you	
whuin hearin her paer man is deid;	
it's I'm jalousin you'd no hae	
the single stoond athin yer hert	
gin it were I were left for deid	570
upon the battlegrund, an Kjartan	0,0
fornent ye here wi news o it."	
forment ye here wi news of t.	
Seein the Delli vin feinheelin	
Seein the Bolli yin fair bealin	
as hauf-gyte gane ower whit he'd duin,	
Gudrun said, "Daenae dae me doon	
for onie sake or for yer ain,	
for I am fair taen-on, I tell ye,	
wi aa that you hae duin for me;	
I ken for shair noo you'll no dae	
an ocht wuid gledden me the-nane."	580
Bolli said naething mair anent it	
tae gar her be as gled again	
as snicherin ower Kjartan's daith	
and Hrefna's dool alane in bed	
sae tuim the tyme her man was fouin	
a tomb o mools wi his paer corp.	
Bolli was aa his leesome-lane	
as faurben thocht's nae companie,	
and haed tae dree his dowieness	
	500
lik thole assize against hissel,	590
gy faur awo fae Gudrun's pleesure.	
An sae he thocht an better thocht:	
Folk ken the kynd o man I am	
because they see me here afore them,	
a leeven bodie pech for pant	
the luke o ilka yin o thaem;	
an tho they think they myn the man	
that Kjartan was, they cannae ken him	
the-wy I dae masel that was	

The Laxdale Saga 600 yin wi him hauf-deid ben his daith, for he was ayeways hauf masel whuin we were baith the quick thegither an no yin Kjartan ben his deid and I masel hauf-deid alyve; naw. thare is naebodie can ken the Kjartan vin I kent, because he's deid as naething lyke the lave nor ocht his ain lyke leevin wi us; acht, naebodie is quick can ken the deid, as monie micht jalouse 610 that threep anent the efterlyfe: gang doon amang the gane, aa you yins that think tae ken the man kent me as I kent him, and you'll jalouse thare's nae jalousin ben the mools. As bye for tak anither thocht lik mibbes they haed no been wyss as no haill waukrif thon timm Gudrun haed puit the kangle o her tongue amang thur haerns tae steer them up 620 and haud them hotterin wi haterent, thae yins the Osvifsons were up lik on thur feet the swythe enyeuch, ay, up for aff lik whittericks, an doon for ben a hydie-hole that haed been howkit oot for thaem as deep as dern alow the grund as let them cuddle doon in hiddlins as tho yince mair a wheen o bairns. Clypie as claik-the-clash as eever, 630 Thorhalla was for weeshin noo that she haed haudit wheesht for vince as she saw baith her sons for aff the waastlins wy for Haliefell whoere they wuid clype on naebodie but thair ainsels and Osvif's sons in giein wurd o thon stramash til Snorri Godi was the Praest, as weel as for tae speir at him for whittan help micht be expeckit 640 against Olaf-the-Peacock chiel and aa his fieres ower Herdshaw wy wuid yoke on folk haed slauchtert Kjartan.

Ach, folk are this wy, that wy, thon wy,

whyles aakyndlyke as fat's cuid rowe lik butter-baas in suimmer creesh; whyles lyke a sklit o wuid, as skelfie as sklidderin thru winter wuins tae aidge the cauld mair chitterie; whyles braid aboot the kist an thies as clooterie wi bumphlie claes; whyles heech as gallus ower the lave lik *Luk at me up here luk doon at you yins no the like o me*, or laich in hicht as galluslyke as peerie jinkie-jookie gaun lik *Luk doon here aa you up thare*, *ye're no as smert upon yer feet as onieyin the lyke o me*.

At Tongue in Saelingsdale, the nicht efter thon brulyie ben the loor, thare was an awfie orrie thing tae see, as weel as unco stoond tae hear, for An-the-Black folk thocht was deid, gat up, as soond a man as no deid yit gif gyan near it, and yatterie as let folk ken it.

The lykewake folk aa roondaboot him were fleggit til the benmaist baen at sic a ferlie thare fornent them as An-the-Black said, "Dear O Dear, for onie sake, in Gode's guid name, daenae be feart o me! I tell ye, for tell the truith as quaetlie telt can be nae lee that's ayeways lood, altho I was fou sair duin doon, I wasnae duin doon deid avaa, an kent fyne aa the tyme the whoere an whit I was was ben masel an juist masel an naebdie else until I dwaumit, kennin nocht."

"Athin thon dwaum, I haed a dream as uncolyke as yon yin ither that saw ma innards ben ma haun lik spales, an brushwuid, rickle-sticks; and here again thon wummanbodie was at the wark on ma paer kyte; she taen the brushwuid fae ma wame an stowed ma innards ben for beild: 650

660

670

680

and I'm for tellin you, I felt as guid as no that bad avaa."	690	The Laxdale Saga
That said, the bodies waarslt roond an cleaned an cled wi dacent claith the ilka wound on An-the-Black haed gart thon paer sowi swaarff awo as faur as yonner lukin deid: and he becam as halesome as aa-thare is no that faur awo, an gif An-Brushwuid-Bellie caad, naebodie said it yellochin or bellochin or skellachin, but quaetlik, snicherin-the-nane, because they kent he'd focht for Kjartan, whyles syde bi syde, whyles richt fornent him, lik onie namelie Islay bodie that sangs in Mull wuid sing aboot.	700	
<ul> <li>Whuin news o thae things cam til Herdshaw,</li> <li>lik keckle hoodie-craw <i>Caw</i>, <i>caw</i>,</li> <li>and hoolet's saftlik dirige</li> <li><i>Hooligoloo</i>, <i>goloo</i>, <i>goloo</i>,</li> <li>Olaf Hoskuldson taen the daith</li> <li>o Kjartan gyan sair indaed,</li> <li>altho as brave as strenthie wi it.</li> </ul>	710	
His sons were aa for up at yince tae yoke on Bolli ower at Laugar an slauchter him as paiks for Kjartan. But Olaf didnae losse-the-place, sayin, "Faur be it fae masel tae think that Bolli's deid is Kjartan as quick as lauchinlyke again, for tho I luvit Kjartan mair nor onie ither near an dear, I coodnae thole the awfie thocht o skaith for paiks til daith gien Bolli."	720	
"But thare's a yae thing hauf lik that," he said, "Gang you an finnd the sons o yon yin caad Clypie Thorhalla, an gie her something for tae clype fae tither syde o her braid mooth: her sons are aff til Haliefell as tho wi some unhalie corss crantaralyke athin the nieve	730	

tae gether folk will puit us doon as laich as Bolli puit oor Kjartan; gie thaem thur paiks, lik skelp an skyte them the wy that they'll no be for lykin, and you sall pleesure me the mair."		Th
As swythe as hunker-slydin nane, Olaf-the-Peacock's sons were aff lik faem that blaws alang the straund; they made a crew aboard a boat belangit Olaf, seeven men for oarin as a companie doon Hvamsfrith hivvie on the oars.	740	
<ul> <li>Whit little wuin thare was was fair for ongaun wi the sail as weel as airm-pooer upon the oars,</li> <li>an syne they cam alow Scoreysle tae hae a blaw an speir aroond anent whoe else micht be aboot.</li> <li>A wee whyle later on, they saw a ship come fae the waastlins wy athorte the frith, an then they saw the whoe were on it, and whoe else but thae twoe sons o thon Thorhalla, Stein yin, the-tither Odd, paer sowls.</li> </ul>	750	
Then, wheechin ower the frith wi freith o faem played plap aroon the bowes, the Olaf crew, led on bi Halldor, lowpit aboard the-tither boat, as claitterie wi graith o weire as neeboft slogan yellochin. Naebodie on the-tither ship	760	
did ocht tae help Thorhalla's sons, the baith o thaem owerhaillit sair as claucht and haudit ower the gunnel, thur heids then sneddit aff plap, plap athin the watter o the frith that wuidnae soople lips tae clype on oniebodie onie mair, an neever on thur ain paer sels the wy thur clypie mither yince haed claikit clash upon paer Kjartan.	770	

That duin for neednae dae ocht mair,

the Olafsons turnt back for hame, thur stent o wark a darg duin swythe as puit the richt haun richt wy til it is neever slaw tae mak a jobe ot.

Yae thing ye coodnae say againss them, that watchin thae yins dae a jobe wuid hurt yer face tae luk at thaem as sairlie's tho thur ettlement was skaith upon thur graftin graith as weel as blootcherin the wark.

### Chaipter L

### The Daith o Hrefna. Paece Saettlement, AD 1003

Olaf rade oot tae meet the corp o Kjartan, his beluvit son, as micht be guessed as dowie as he coodnae be ocht else, altho as fuhll o angersomeness as gart his ingyne tig-toy wi plans. He sent news sooth til Bruch tae tell the facs til Thorstein Egilson, an speired at Thorstein for tae gie him a cudgie wi the bluid-assize; 10 as weel, gin onie highheidyins suid mak a baund amang thursels against him wi the Osvifsons, he said he waantit aathing tentit as in atween his ain twoe hauns. The samin wurd o mou he sent norlins til Sauchiedale til Gudmund, his guid-son, and til Asgeir's sons: alang wi that, he said he'd chairge as slauchterers the ilka man 20 that haed been airt an pairt o daith athin thon loor, but for the yae man, yon yin caad Ospak, Osvif's son, areadies ootlin ower a wumman caad Aldis, weel-kent as the dochter o him was caad Holmganga-Ljot fae thon place Jngjaldsand owerbye. The son o that two was thon Ulf, the yin that later on becam Keeng Sigurdsson's ain mairshal, 30 and haed for wyfe thon yin caad Jorunn, the dochter o the Thorberg chiel; thair son again was Jon, the faither o Erlund (Hinend caad) the faither o Egstein the Airchbishop bodie: mynd you, tho, some folk daenae say vae cheep anent thae folk, fae Ulf til Egstein the Airchbishop bodie. Olaf puit oot wurd on the ongauns, that thon fell slauchterie in loor 40

<ul><li>wuid be a hearin ben the coort</li><li>for bluid-assize at Thorness Althing.</li><li>He then brocht hame his Kjartan's corp,</li><li>an biggit up a bothie ower it,</li><li>for thare was no a kirk as yit</li><li>in aa the lenth an braidth o Dales.</li></ul>	
Whuin wurd cam, Thorstein Egilson was thrangitie upon his grund at caain his men roondaboot him, a meikle host o thaem, weel-graithit; an that the men ben Sauchiedale were hostit freenlielyke anaa, Olaf haed his ain getherin ootthru the Dales for waeponschaw, an awfie nummer fit for fecht.	50
As highheidyin o his ain host, Olaf sent aff thon getherin til Laugar, tellin thaem, "It is ma will for waant it duin nae doot that you yins will luk oot for Bolli, myndin he is ma foster-son, an gin he needs it, see he's guairdit as weel as I wuid guaird the man and you yins follaein ahint me: ye ken, it's I jalouse that men fae ither airts nor oors are ettlin tae dae whit they think Bolli's waarth, the back o ilka bodie's haund an no the Christian haund o paece."	60
Mynd you, tho aiblins you're no needin the myndin onie mair nor ithers, whit Olaf said haed burthen lyke a raindrap plap on daud o stane tae splooter flet as naething bookeit.	70
Aa duin til Olaf's wy o thinkin, whit happent neist was meikle differ, for on cam Thorstein Egilson wi aa his menyie at his back, an wi them, men o Sauchiedale, the ilka yin berserkerlyke as gane fair gyte as angersome.	80

Hall Gudmundson an Kalf Asgeirson

were baith maist furrit eggin on thur men tae gang ower Laugar wy, garrin Bolli let them finnd the Osvifs whoe maun be somegaet ben thon airt.	The L
Olaf, tho, wi his micht ahint him, sae set againss the herriein o Laugar, sent wurd ower for paece that gart the bodies tak a thocht, an Bolli bein gyan willant, said Olaf was tae speak for him: the upshot o it was that Osvif cuid spake-the-nane against it, as nae help haed come fae thon Praest Snorri.	90
That duin for guid as dae the neist the betterlyke as gart a meetin for paece be caad at Leashaws, thare the haill case ot was puittent furrit fornent the Olaf chiel for deemin.	100
The ootcome ot for Kjartan's slauchter, in pyin mail and ootlin-makkin, was left til Olaf, naebdie else, intak ben yae haund, ootgie tither, an that was duin for betterlyke tae mend the bad was duin afore: this meetin, that was thocht tae mak an end ot, endit its ainsel.	
Cawin as caunnie as he kent tae dae, and as maist folk kent fyne he haed tae dae, Olaf gied coonsel til Bolli for tae be awo tae byde awo fae aa the birr o clash an coonter-claik, an sae he badd awo tae byde awo an didnae mak a sang aboot it.	110
The saettlement for dae nae mair as faur ower muckle duin areadies, wuid be cried-oot for hear-it-said til aabodie at Thorness Althing.	120
Mere-men an men fae Sauchiedale back noo at Herdshaw for a blaw, thon Thorstein Kuggison yin priggit at Hrefna, whoe was his ain auntie,	

cuid he tak Asgier, Kjartan's son and Hrefna's, for tae foster him, lik giein a kynlie haun til Hrefna. Hrefna gaed norlins wi her brithers, sair wechtit doon as dowielyke 130 an gy forfochent in her dool; for aa that, tho, bou doon the-nane did she afore the folk, her speak aye dentielyke as gentielyke nae maitter whit she said for speak, nae maitter whoe spak til her, aither. Hrefna taen nae man efter Kjartan, an didnae leeve ower lang ginn hame norlins again her leefou-lane wi naething but her lanesome thochts for kynliness as companie, 140 nae maitter whoe micht caa aroond an think the caain kynliness. The tale gangs on lik tell it yince is tell the dool nae mair, for shair the tellin o it is enyeuch tae say she deed o brakkent hert. Ay, deed the neever mair tae wauken ben aer-on mornin-tyde tae hear cheep, chirp or chirl fause-daw notes til wi chirm, chirm they dee awo 150 bydein thur wheesht for leal-dawlicht tae lowsse the minstrelsie o burds skytin the Deevil ben his daurk tae nyarr awo for nicht again.

Paer sowls, that deid ken-nane sic things!

Chaipter LI

## Osvif's Sons are fleemit

Kjartan's corp liggit stiff in state for yae haill week in his paer bothie was biggit for him hame at Herdshaw: nae daw for him noo fause as chirp an cheep a bittock taet a wee whyle then dwynes awo wi chirm, chirm til deil-the-haet ot bydes till daw as leal as no the neebor fause taks ower the minstrelsie o heeven can doore the Deevil doon in daurk tae byde his wheesht for nicht again.

Thae deid! Paer sowls, sic things no kennin!

Thon Thorstein Egilson haed haed a kirk upbiggit ower at Bruch, an sae noo haed the corp o Kjartan hame wi him, yirdin it at Bruch: the kirk at that timm was still hung wi whyte as newlie consecrat, that whyte for aa tae see kirk's haillness as yin wi Faither; for its truith as yin wi Son; for halieness as yin wi Halie Ghaist, the Spreit.

Tyme wearein on the wy it daes because it cannae dae ocht else, yae day it badd its wheesht a whyle tae listen at the Thorness Althing the wurd gien oot on Osvif's sons was they were fleemit yont the kintrie wi siller seen til for tae py the lawin for thur dram o swaw wuid slooch them ower the faem awo, for they were telt they haed tae gang awo an byde awo for lang as onie o the Olafsons or thon young Asgeir, Kjartan's son, was quick abuin the Yceland syle.

For yon yin Gudlaug, sister-son til Osvif, nae weregild avaa was tae be pyd because he'd been as airt-an-pairt o loor and yokin 10

20

on Kjartan as the lave made brulyie; and as for Thorolf, it was skelps o siller he'd tae get for skelps o steel haed gien the bodie skaith.	
As fly as gart folk think he'd walk the waas gif no the verie ceilin, Olaf was no for haein Bolli come up fornent the Althing Binsh, naw, no lik in some pleadin diet, naw, nor the onie ither plea, an badd him hansel his ainsel for whit he'd duin bi wy o burrows.	50
This, Halldor, Stein, ay, ilka yin o Olaf's sons, were no for lykin, naw, deil-the-haet ot were they lykin, an said it wuid gang haurd wi Bolli gin he byde ben the samin airt o kintrisyde as thair ainsels; that is, as some folk tell the storie, tho ithers say that lyfe wuid be gy haurd tae bear gif Bolli byde airtit ben thair ain kintrisyde.	60
Olaf was no juist sleekitlyke as maist highheidyins seem tae be, he was as thrawn as kent his wark weel-duin as duin bi his ainsel, an then, as certaint-shair as maist highheidyins are the naething else, he was bucksturdielyke as kent his wark as guid as see him oot.	70
Thare was a ship in Bjornhaven belangit thon Audun Leishmessan, the man hissel fornent the Althing an sayin: "The wy things are, ye ken, as lang as Kjartan's freens are leevin, thir men made ootlin-bodies here will be the naething mair avaa in Norowaa acorss the faem."	
Said Osvif til him, bealinlyke wi dander fairlie in a bleeze, "Leishmessan, you're soothsayer-nane anent thir ongauns, leein lood the wy lees aye gang clitter-claitter	80

or play the gansh lik duags on leads; ma sons will aye be sittin heech abuin the saut wi highheidyins the-tyme that you yersel, Leishmessan, rowe in alow the feet o trows afore this suimmer cries a baurley, owerhaillit wi the autumn waather."	90	The La
Afore that suimmer taen the dunt o autumn that was winter-wechtit, Audun Leishmessan taen his ship awo fae Yceland, deil-the-dauphin fornent his bowes for luckie lowp, an sailed aestlins as faur as Faroes.		
Thare on cam swaw lik byde-the-nane, scoorin the timmers o the ship atween the let an twixt the hinder, scaddin the ilka face aboard wi groo-lasht freith o skelpin weet athooten let, athooten haud, an made a wrack ot, slauchterin amang the reefs the ilka man and ilka bairn berthit thare:	100	
whit Osvif said was soothlie said, as thae yins kent it kent the stent ot. That suimmertyme for dacent waather, dauphin or no on aither bowe, the Osvifsons aa gaed abraid as faur as Saga neever fund them, tho thair auld faither badd at hame an neever saw them thare again, nae mair nor did thur sister Gudrun.	110	
The case againss the Osvifsons aa duin thon wy haed thaem capootert, saw Olaf hichtit ower the lave mair nor abuin he'd been afore, because thon straik fae his guid airm haed been at yince a meikle cloor haed skelpt the buirdlie Osvif clan for whoe they were was whit they'd duin, and at the samin tyme for ward was meikle tairge ower Bolli's heid for whoe he was, his brither-son haluwit mair ban factorage	120	
beluvit mair ben fosterage.		

Til aa his men whoe'd gien a haun, some wi thur backs against his ain, as some wi kists alangsyde his, Olaf said waarmlie fae the hert, "It's I maun thank ye awfie kynlie" ye ken, as onie dacent man micht say til onie dacent men.	The Laxdau
The laund owerbye in Saelingsdale at Tongue was bocht ootricht bi Bolli, gien guid avysement ont bi Olaf.	
The wy it daes, tyme wearein-on sae men can hinder wark ot nane, the Saga tells us Olaf leeved three winters mair tae jeal the bluid an tak him ben the daurk til Kjartan whoe aftentymes may weel hae seemed lik his young sel ootgaun, noo gane whoere aa was inwith winterticht, an thare cuid be nae mair ootgangin.	140
Ye ken, gif winter's bye, that lyfe gangs on wi voartimm then the suimmer tae mak a hairst afore the snaw smoors aa the grun for winter yaval, but gin ye daenae ken, no lukin, that winter's gane, ye ken-the-nane ye're deid an gane, an neever myn the winter gane and aabodie but you is quick wi yeukie feet for up and oot and aff come voar.	150
Ach, cauld! Man, whit it is tae ken whit bairnheid wasnae lyke, but was as waarm as fidgie-fain for fun!	
Och ay, man, whit it is tae ken ye're young as cannae ken avaa whit eild will mean and you no lukin!	160
Wi Olaf deid, his sons shared oot whit coodnae be his ain again, Halldor doon-saetit hame at Herdshaw in thon Big Hoose bi Olaf biggit.	
The mither, Thorgerd, leeved wi Halldor, a wummanbodie growne sae fou	

o byle for Bolli that it skailed ower tongue an truith in wurds o haterent said whit he'd pyd for fosterage was mair lik waarth in widdershins, waanchauncie as a caurrie haunshak.

#### Chaipter LII

### The Killin o Thorkell o Goatsfells

Come voartimm for a chynge o air a day ootbye for tak a snook, no ower an ingle air as closse as gar a bodie pech a hoast, an Bolli wi his Gudrun wyfe taen ower a ferm in Saelingsdale at Tongue, an syne gart it become a gyan bonnie bit o grund.

Here thae twoe made anither yin, a lauddie that was born thare and at bapteezment gien the name Thorleik, a brawlik bairn at that, auld-farrant fuit syne staundin, rinnin, as haun tae luft an lay at will, as tongue cuid puit a name til aathing, a richt wee nickum o a bairn.

Halldor Olafson badd at Herdshaw,
as haes been scryvit doon the yince
tae let the bodies ken aboot it,
and here doon-scryvit yince again
in case they hae forgot the furst timm:
Halldor was furst an foremaist noo
amang the Olafsons, his brithers.

Thon voartimm that saw Kjartan slauchtert, wi dool for Bolli was his killer, as weel as doom for twoe-three mair an bannisment for Osvif's sons, yin, Thorgerd Egil's dochter, placed a lauddie loon was her ain kin wi yon yin, Thorkell o Goatfells, the lauddie hirdin sheep aa suimmer.

Ye'll myn that Thorkell wi the lauddie haed gane in hiddlins for tae see the brulyie ower the Kjartan chiel yince ben the loor was set for him: thon was the tyme the Thorkell fuhlla haed puit the hems on thon bit lauddie that waantit for tae warn Kjartan.

Lik monie ither folk, the laud

10

20

40 was sair puit oot as gyan dowie that Kjartan haed been duin til daith; an gif the Thorkell chiel was near, the lauddie mowtit no a cheep anent the namelie Kjartan's deid, kennin that Thorkell ayeways spak ill-gabbilie aboot the man, sayin that Kjartan haed nae guts, a man whoese guid ruid bluid oot-skailed as left him whey-faced, lillie-leevert, ay, yellae-bellied in a wy 50 that black-affrontit hertsome folk tae see hoo yon yin's lips cuid growe as blae wi fricht ay fechtin men as gart his een blear ower wi tears: an for tae mak a geggie ot, he humpht an grumpht lik onie antic tae shaw the wy thon deidlie straik haed slauchtert Kjartan whoere he'd stuid, an gart him faa as no for lang for ocht athin this wurld but deid, 60 whiteever else he micht be yonner. Kennin Kjartan haed been a man wuid neever seen the Thorkell fuhlla athin his purritch for a byte, nor wuidnae even glowert at him athin his kail for onie sup ot, but cood hae puit cauld steel ootthru him lik onie shote o cauld jyle kail, ay, slauchtert him berserkerlyke gif sic a humph cam up his back, 70 the lauddie lykit Thorkell nane an gaed til Herdshaw, tellin Halldor an Thorgerd aa aboot the splore that Thorkell made on Kjartan's daith, an speired at thaem tae tak him in. Thorgerd was tuitcht at whit he said, as tho she mibbes saw a weething in him that yince she'd seen in Kjartan whuin her ain son was juist a lauddie, but telt him for tae byde in saervice 80 an see his fee oot til the winter. The herd-loon said he coodnae byde the thocht o graftin on wi Thorkell, an said, "Ye wuidnae hae me dae it

gin you ken hoo I'm fair hert-roastit wi whit is puittent on til me wi whit he says anent your Kjartan."	
The lauddie's wurds played dad-for-daud ben Thorgerd's mither-hert again, an gart her say that she hersel wuid lyke fyne for tae hae him thare, tho Halldor, mibbes something doore as fasht-the-nane ower siccan ongauns, said, "Tak nae tent o this bit herd, he's naething but the whit he is that's shairlie nithin but hissel nocht mair nor onie docken leaf."	90
"Och," Thorgerd said, "whit he micht be gif nithin ither nor hissel lik naething waarth a docken leaf, is naither here for think it naething nor yonnerwy for think it nithin, but aa the same that maks a differ, thon Thorkell chiel haes duin a darg as evil as the Deevil's daein,	100
<ul> <li>as evil as the Deevil's daeln,</li> <li>because he kent the Laugar loor</li> <li>was set for Kjartan's slauchterin,</li> <li>and here's a thing as evillyke</li> <li>as pad-the-huif fae Hell itsel,</li> <li>he didnae juist no tell oor Kjartan</li> <li>whit was in store for him for deid,</li> <li>but aye sinsyne haes geggied him</li> <li>as anticlyke as humph an grumph</li> <li>an caa him names he cannae hear</li> <li>tae caw him doon that cannae ryse."</li> </ul>	110
"I'm thinkin, gin you Kjartan brithers are waek as cannae puit the hems on sic a skellum as thon Thorkell, it's naither wunner nane o you yins will eever finnd a wy tae puit the heid on ithers for oor vengein whuin odds are mair, no evenlyke."	120
Tho whit she said was ryfe as rare wi meikle made for rowthe o thocht,	

wi meikle made for rowthe o thocht, eechie-nor-ochie Halldor said excep tae tell his mither, Thorgerd, tae fee the lauddie gif she waantit.

	The Laxd
A day or twoe gaun on, tho, lyke for tak a thocht on whit tae dae, Halldor was up for thocht it thru, and oot for ruidie for the daein, then aff upon his naig fae hame alang wi twoe-three ither men.	130
He gaed ower Goatfells wy as quaet as didnae let the Thorkell chiel ken whit was aa adae til duin, an brocht him furth o hoose and hame. Afore Thorkell was slauchtert thare,	
he made a geggie o hissel lik onie antic humphin, grumphin as saut tears bleared his blinkie een, lips growein blae as cauld wi fricht sae hertsome folk were black-affrontit tae him gyan yellae-bellied as lillie-leevert, face gane whey as he maun thocht o's ruid bluid skailin until the guts he haednae werenae.	140
Aa duin as was enyeuch tae dae, thocht Halldor, and he wuidnae let the oniebodie wi him herrie ocht ben the hoose or roondaboot it, sayin they'd lae the place alane as men that did ocht needit duin wi nocht the mair needcessitous, an no lik herds that herrie nests in haidge and holt, in park an moss tae gar the burds forsake thur beilds: an sae aff hame he gaed, as pleased as kennin whit duin better faur nor ocht micht be the waur in tyme.	150
That suimmer, tho the folk were quaet as soond o gairies ben the flooers, atween the Olafsons an Bolli thare was ill-will lik angrie birr athin a herried gairie byke.	
Againss the Bolli chiel, the brithers set faces sterk as onie stane haed stuid as thrawn as stoore thru tyme againss the onslaucht o the swaw, thur een lik whinstanes buhlletit	170

athin the post thru centuries that drappt the whinstanes fae the post haed murlit roon them intil saun. Bolli let thae yins hae thur wy in this an that, as lang as *this* was no ower ill tae tak, an that no that ower ill tae gie: he was as prood a man as wuidnae brekk as lang as he cuid bend a bit, ay, prood as wuidnae bend avaa 180 gin folk micht wecht him for tae brekk him. As weel-afflyke as weel-puit-on, Bolli haed monie bodies roond him that waantit naething, folk that kent gin hunger is guid kitchen, as the saw says, that saw micht gang on tae say that better kitchen maks the byte an sup as dentie as haes neever need o tichteners; guid scran gangs ben the saul, as weel 190 as ben the wame tae mak a myndin: that was the wy folk leeved wi Bolli. Thon Steinthor, yin o Olaf's sons, was bydein ower in Danasteid, a ferm in Saumonreeverdale; he mairriet Thurid, Asgeir's dochter that yince was wyfe til Thorkell Kuggi:

Steinthor an Thurid haed a son

caad Steinthor tae, bynameit "Stane-grig."

### Chaipter LIII

# Thorgerd's Eggin-on, AD 1007

Neist winter ower the mools o daith that happit Olaf Hoskuldson, *The Peacock*, as his dy haed caad him, his weedae, Thorgerd, Egil's dochter, sent wurd til Steinthor that he come an meet her, swythe as swither-nane. Mither an son met up, the son speirie as wunnerin awo, the mither neever lettin dab, tho she did say she was for weeshin tae gang the waastlins ower til Saurby sae she cuid see her auld freend Aud.

Halldor, she said, cuid come anaa, an thare were five folk aathegither as they gaed waastlins till they cam fornent the fermsteid o Tongue that's ower in Saelingsdale, ye ken.

Then Thorgerd turned her horse's heid as richt as roondaboot fornent thon ferm as she speired tae ken "An whit's the name, then, o this mailen?"

Haildor gied aunswer needit-nane, "Mither, it's you ken fyne the name as you ken fyne I ken it tae: this mailen's name ye ken is Tongue."

Then Thorgerd turned her face til his as richt an roondaboot fornent thon ferm as tho she lukt his ee: "An whoe bydes here?" she speired at him.

Halldor gied aunswer yince again that he kent wasnae needit aither: "Mither, it's you ken fyne the name as I ken fyne ye ken it tae."

"Ay," Thorgerd snorkit, "weel ken I as aabodie aroon kens fyne, Bolli bydes here, the slauchterer o ma ain son, yer brither Kjartan." 10

20

"And I can tell as ken fou weel, as you'll can ken gin you'll can listen, that you are laich alow yer kin tho they were heech abuin the lave, gin you'll puit vengement nane upon the nyaff that slauchtert sic a man as your ain brither Kjartan was."	40
"Egil, yer mither's dy, yer graundy, wuid neever traikt the samin gaet as you hae traikit, aye gaun bye the Bolli's hoose an no gaun ben tae redd his inglesyde o him."	
"It's peetious as greetious tae hae the lyke o gomerils for sons wi hauf the wecht o shoother can luft an airm can luft a nieve can wecht a blade athin the grup: indaed-in-trothe for tell nae lee, meikle-bechildert as harasst wi lauddie-bairns as here I am, it micht been better you haed been a lassockie for mairriein a man micht made a better lauddie."	50
<ul> <li>"Halldor, I'm tellin you yersel, altho ye ken as weel's masel,</li> <li>it aa comes doon til thon auld saw that says lik tell the truith a yince that neednae say the same again: the ilka suimmer wi a chill as ilka faimlie wi a fuil.</li> <li>Or gin ye'd sooch it ower again for rhyme it chyme it for tae mynd it: Til ilka suimmer tyde a chill, til ilka inglesyde a fuil.</li> <li>Or yince mair gif no lykin that for onie reasoun or anither: As ilka suimmertyde a chill, sae ilka faimlie gomeril.</li> <li>Or for nae mair, as hinnermaist as mak anither yin yersel: As ilka suimmer kens a chill, sae ilka faimlie gomeril."</li> </ul>	70
«A 1 T / 11 / 11 ·	00

"And I can tell ye truith again

	Th
altho I daenae need tae tell ye	
because ye ken it fyne yersel:	
yer faither Olaf was waanchauncie	
in gettin sons wi wechtless shoothers."	
C	
"Halldor, it's you I'm niggin at	
because ye luk upon yersel	
as nae smaa drink amang yer brithers:	
see no gin you can dram yersel	
as muckle as ye think ye are."	
"Noo, we sall turn awo fae here	90
as richt an roondaboot is gaun	
fae whoere we cannae thole tae be	
less nor we ken oorsels tae be,	
for here I brocht ye for tae ken,	
in case ye haed forgotten it,	
the kynd o men that you were yince	
and as ye micht weel be again."	
and as ye micht weer de again.	
Whether she saw thon Aud, her freen	
whether she saw thon Aud, her neen wi Are ye weel? and Hoo's yersel?	
is naither here for wunner whoere	100
	100
nor yonner for as faur as that,	
sin as ye'll guess athooten telt,	
the Saga daesnae gie a cheep.	
Aa Thorgerd needit for hersel	
tae be the man she micht hae been,	
was heftie shoother for tae wecht	
a meikle airm for tae luft	
a heftie nieve for haudin ben it	
a meikle blade for clooterin	110
men heftie as her ain fell sel.	110
"Mithan for containt" Halldon goid	
"Mither, for certaint," Halldor said,	
"we'll no can puit the wyte on you	
gin we are fautit, myndin-nane."	
And Halldor said nae mair nor that,	
ower meikle haterent ben his hert	
for Bolli, and, gif truith be telt,	
fair bealin wi hissel anaa,	
no thinkin thon was for his mither,	
or gin ye lyke, fair bealin at her,	100
altho he thocht it was hissel.	120

The winter bye lik mynd its chitter,

an suimmer come wi <i>My, it's bonnie!</i> auld tyme taen haud o weet an wuin tae gar folk gether for the Althing.	116
Halldor and aa his brithers said that they'd gang owerbye Althingwy, an sae they rade til't, wi ahint them, a tail o muckle companie tae bigg the bothie for a beild haed yince been ben the Olaf's aucht.	130
The Althing was as quaet as kent naething byordnarlyke for speak, aathing in order lyke <i>Say 'please'!</i> an <i>Thank ye for yer caunnie wurd</i> . wi naething gulderie as gorkie the wy clash whyles is clattiness.	
Amang the bodies Althingwy, were men fae norlins Sauchiedale, the sons o Gudmund Solmundson; yon Bardi Gudmundson was thare, then juist the aichteen winters auld weel-at-hissel this suimmertyde, an muckle, was he no, at that: nae sumph, but. Ay, a michtie chiel.	140
Olaf's sons speired an priggit at him tae byde at Herdshaw for a whyle; the Olaf brithers' sister-son, Hall, wasnae hame in Yceland then.	
Because he wasnae laith tae gang, thae kinsmen bein gyan fonde o yin and ither, Bardi rade the waastlins fae the Althing meet, syne ower til Herdshaw for tae byde for whit was left o suimmertyme.	150

### Chaipter LIV

# Halldor maks ruidie for tae venge Kjartan

Halldor telt Bardi, deep in dern as Daenae say I said a wurd, that he and aa his brithers meant tae yoke on Bolli sometimm suin because they coodnae thole the thocht o bein lichtlied onie mair bi thair ain mither, thon yin Thorgerd. "An mynd ye, Bardi," Halldor said, "altho ye ken we lyke ye fyne as we ken fyne ye lyke us tae, 10 that's no the whye we brocht ye here, the reasoun bein we'd lyke fyne gin you, as freenlielyke, wuid help us." Bardi gied aunswer til him then: "Thare's yae thing you suid no forget, because ye'll neever hear the end o some ill-gabbitness will puit an immerage upon us aa; and yae thing ither you maun mynd, ye'll finnd it sair-gaun nabbin Bolli 20 tae dae him doon as duin for aye." "He aye haes monie men aboot him can wecht a sworde as skeelielyke as oniebodie else aroond, and as ye ken that needs nae tellin, he wechts a sworde hissel mair skeelie nor oniebodie else aroond: an no juist that that's no that bad for oor gaun on wi, he's weel-fund wi guid avysement gaun for grabs 30 fae Osvif, his guid-faither, ken, an neever myn fae's wyfe, thon Gudrun: aa thae things puit thegither mak for sklim a knowe was thocht a howe." Halldor reponit: "We're in need o eikin til oor aucht a mair will mak enyeuch will tober Bolli, an no an eikin til thon Bolli will be a mair will mak enveuch will let the Bolli blooter us." 40

"I wuidnae said the ocht anent it until I kent it haed tae be the nocht the less nor mak avengement on Bolli for a yince foreever, an shairlie, kinsman, you'll be wi us the gaet we'll gang, alangsyde wi us."	
<ul> <li>Bardi gied aunswer was as roond as twoe haufs o it made a haill lik punt a thocht o blether-baa:</li> <li>"I ken ye daenae think it lykelie that I'll renague ont, no gaun furrit, an naither will I gin I see I cannae gar ye dae-it-nane."</li> </ul>	50
"Ye're in it wi us then," said Halldor, "as dacentlyke as we kent fyne oniewhoere else ye coodnae be."	
Then Bardi said they'd hae tae be the gyan caunnielyke at that, and Halldor said that he'd heard tell Bolli haed sent awo his hoose-carles, a wheen o thaem til Ramfrith norlins tae meet a ship o his gaun thare, the lave o thaem a curn o bodies he'd sent til Middlefell straund thonner.	60
And he gaed on, "It's said anaa that Bolli's bydein at the sheilin in Saelingsdale, wi naebodie but thae hoose-carles hymakkin thare: we'll neever hae a better chaunce nor noo for yokin on the Bolli."	70
Here noo's the wy ot, for a gaet tae gang was no a pad aroond a park for hirdin sheep, was taen bi Halldor an bi Bardi thon timm: thare was a man, Thorstein-the-Black, a man as wyss as waalthie, bydein at Hundidale in Braidfrithdales, whoe langsinsyne haed been a freen til Olaf Hoskuldson, the Peacock.	
A sister o this Thorstein chiel was Solveig caad haed mairriet yin	80

caad Helgi was the son o Hardbein. Helgi, a man o meikle hicht, an strappin wi't, a sailorman haed no that langsyne juist come back til Yceland fae abroad, an styein wi Thorstein-the-Black his ain guid-brither. Halldor sent wurd til Thorstein-the-Black and Helgi, Thorstein's ain guid-brither, an ginn they cam til Herdshaw, Halldor 90 then telt them o the ploy he was for playin, hoo it wuid be played, an speired at thaem tae gang his gaet. Thorstein-the-Black, tho, wyss in wurds as waalthie wi a siller speak, said he was no for haein it, nae maitter hoo the-tithers claucht it as ticht as coodnae lowsse thursels: "This thing," said he, "haes haterent ben it for kinsmen o yer ain tae thole 100 as weel as puits ver ain paer sels the furder ben it for tae dree the dowie weerd o slauchterin ver kin, aa clannit ben the mools: ye ken, thare's no an awfie lote o men lik Bolli ben the faimlie." Tho Thorstein spak the wy he did, naebodie mowtit aither ay for Naw, I daenae think I'll dae it, or naw for Ay, I will at that, 110 but Thorstein, haein said his wurd lik Naw, it's no sae wyss a thing, noo gied his wurd tae syde wi thaem lik Ay, I will gif lyke-it-nane. Halldor noo sent wurd ower til Lambi hauf-brither til his faither, Olaf, an ginn he gat til Herdshaw, telt him his ettlement anent the Bolli, an Lambi, takkin in the sooch ot, pecht-oot, Ay, cowp the Bolli cran. 120 Guidwyfie Thorgerd eggit on the companie tae gang thur gaet,

het-treddin, skliffin huif on stane,

an said she neever wuid see vengement for Kjartan duin until thon Bolli haed pyd the mail ot wi his lyfe.

Wi that, tho mirrie men the-nane,<br/>mak ruidie mak mair ruidie was<br/>the wy o things for tak the thyeuk<br/>an tak the gaet for herriein130<br/>130<br/>the place, an wummanbodie o it<br/>athooten man micht been thare wi her.

Ootgangin fae Herdshaw, thare were fower sons o Olaf Hoskuldson gaed oot upon the slauchter ploy: here telt-aff, coont Halldor an Steinthor, Helgi and Hoskuld; Bardi fift, a Gudmundson; Lambi was sixt; the seeventh Thorstein-the-Black; the aicht 140 his ain guid-brither Helgi; nynth o aa the men, An Brushwuidbellie.

Thorgerd gaed wi them tae, tho they said, "Naw, for onie sake, this wark is no a darg for wemen!" But she was set on gangin wi them, sayin, "I ken thae sons o myne the better nor they ken thursels; this tongue o mynes will whet thur blades!"

At that they said til Thorgerd, "Mither, for onie sake, come on, come on, then!"

<b>C</b> 11	•		T	<b>T</b> 7
( 'h	01r	star		<b>\</b> /
VΠ	ан	oter		γ <b>ν</b>

# The Daith o Bolli

Thae nyne menbodies rade awo fae Herdshaw, thon guidwyfe Thorgerd makkin ten folk thegither gaun.

Norlins they rade along the foreshore, as faur as Leashaws gettin, come the smaa oors o the nicht, as some say, (mibbes the wee, smaa mornin oors); ithers say aer-on pairt o nicht.

But ryde an better ryde did they, athooten let or hinder ot until they cam til Saelingsdale richt aerlie in the mornin thare.

At that timm, wuids were growein thick the here an thare alang the glen, sae folk micht be in hiddlins beildit as seein aa are seen bi nane lik neever lettin bug's a flae, nor eever lettin dab's a jag.

As Halldor haed been telt for truith was nithin o a cairriet storie, Bolli was ben the sheilin biggins, the sheilin airtit roond, alang the reever at the place noo kent as Bollistofts tae mynd us o him.

Abuin the sheilin, yae lang rigg o grund is liggin aa the wy richt doon til Stackgill, and atween thon rigg and heecher hillsyde, is a meikle meadae kent as Barni: thon was the place whoere Bolli's hoose-carles were at the graft, no nearhaun til him.

Halldor, wi's fieres an brithers roond him, rade ower Ranmeads, bye Owsenshaw, an syne abuin the Haimmermeadae that liggit richt fornent the sheilin, as some folk say, tho ithers hae it furst bye the Owsenshaw, an syne athorte the Ranmeads tae come oot 10

20

	The Laxdale
on Haimmermeadae, eikin til't	
that Haimmermeadae liggs acorss	40
the reever fae the sheilin grun.	
Kennin that thare were monie chiels	
still at the sheilin, Halldor's folk	
taen thocht as tentielyke as caw	
gy caunnie, sae they lichtit doon	
fae horse tae byde thur tyme until	
the carles aboot the sheilin biggins	
left tae get yokit at thur dargs.	
Noo, Bolli's herd-loon haed gane oot	
richt aerlie in the samin morn	50
efter his sheep haed taen the hill,	
an fae among them thare, he saw	
a wheen o men athin the wuids,	
thur horse aa tethert haundilie:	
Misdoot masel the-nane, thocht he,	
it's I'm jalousin they're ower slee	
for tae be paecefoulyke, thon crew.	
jer we ee paecejewijke, men erem	
As swythe as daenae let the thocht	
taigle his mynd or shanks, he taen	
as shorte a cut back til the sheilin	60
as ower a dyke an thru a burn	
and ower a knowe was jook-the-nane,	
sae he micht tell his maister Bolli,	
athooten taigle tongue for braith,	
that men were come micht no gang bye him,	
an gif byde wi him, werenae thare	
tae claw his back but waarm his lugs	
an lyke as no tae steek his gab.	
Helldon was av fann sightit sus	
Halldor was gy faur-sichtit aye,	70
an saw the lauddie rinnin doon	70
as even on as even-tyme	
is hunker-slydin nae avaa,	
an sae he thocht the loon was lyke	
tae clype til Bolli whit he'd seen.	
Halldor then said amang his folk:	
"Thonner's the Bolli's herd. I'm thinkin	
he maun hae seen us here in hiddlins,	
sae meet wi him will we, juist, makkin	
as siccar as nae doot aboot it	
that he'll get nae wurd til the sheilin."	80

They did at that, that was as meikle	Ine
as didnae need the ocht mair duin,	
for An caad Brushwuidbellie gaed	
lik onie whitterick, an claucht	
the loon tae hicht him up an cast him doon upon the grun, wi bowff	
that gart the lauddie's backbaen gie	
a snick tae skreech a yaummerin	
fae his paer lips, an then gied snack	
for brekk ootthru cuid gar nae soond	90
again tae yaummer for a skaith was sic a sair wuid neever better.	
was sie a san ware neever beder.	
They rade then til the sheilin biggins	
that were twoe bothie kinna warks,	
the yin o thaem for slaepin in, the-tither yin the byre for kye.	
Bolli, lang waukent, and afuit for oot and aff tae see the men thursels	
aa oot and aff and yokit at it,	
haed gane back ben tae bou an ee,	100
sae thare were juist hissel an Gudrun	
athin the sheilin biggin waas.	
A whylie bye for bou an ee,	
then doverin til slaep cam doon	
tae gar a dream become a dwaumin	
as think a nichtmeir on the shoothers,	
wi jingle-jangle o the graith that maks a horse a weirelik baess	
even as clitter-claitterin o steel	
can mak a man a fechtin chiel:	110
an thare noo, Bolli kent the din	
a nichtmeir nane athin his slaep	
but men doon-lichtin fae thur naigs an chowein-the-fat anent the yin	
wuid breenge ben furst tae blooter Bolli.	
Procht up wi monie o then arow	
Brocht up wi monie o thon crew as fostert in amang them, Bolli	
kent fyne the wy that Halldor spak,	
as weel's the sooch o ither speak.	
He lukt at Gudrun, puit his finger	120
upon his lips for Haud yer wheesht, hen,	
then telt her for tae up an gang	
an daenae mak a din aboot it,	

	The Laxda
because, he said, the kynd o things	
lyke tae be ongaun inbye thare	
wuid no be til her lykin, naw.	
Gudrun was naething gif nae blate	
that thocht hersel nae sheepshank baen,	
sae tho she kept a caunnie sooch	
fornent her Bolli's fash anent her,	130
she said, for clish-ma-claver nane	
but for the ferlie ben her spreit	
was chawed for naething less nor aathing,	
that she was thinkin ocht adae	
athin thae waas that bonnie mornin	
wuid be weel waarth the lukin at,	
an for the lave ot, shairlie she	
cuid neever puit the hems on Bolli	
bi staunin thare asyde her man.	
But Bolli wuidnae listen til her,	140
kennin the whit she haed tae dae	
was no for wurds that bonnie mornin,	
whiteever micht be said anent it	
whuin tyme-tae-come wuid spell the speil ot	
for cairriein the story ot	
asyde the ingle some braw nicht.	
Bolli wuid dae whit he'd tae dae	
athooten fash anent his Gudrun	
tae fankle mynd as taigle haun,	
sae gart her gang the gaet awo	150
for onie sake, gif no her ain.	
An sae she gaed awo, did she,	
thinkin nae doot she'd raither byde	
an see the ploy that wuid be played,	
mibbes a weething angrielyke;	
sae she gaes doon the brae alang	
a bonnie burnsyde for tae sloonge	
some linen back an furrit thare	
athin the weet tae waash her claes:	1.60
the saw can say, as weel's ye ken,	160
an angrie wumman's gyan clean.	
Bolli was noo his leesome-lane	
athin the sheilin, makkin ruidie	
for whit was no for gangin bye him	
gin it cuid throch-an-thru him gang;	
an sae he taen his graith o weire	

for set aboot the folk wuid skaith him, puit helmet on his powe, wi tairge in yae haund and his sworde <i>Legbyter</i> claucht tichtlie ben the-tither nieve: for onie ward, nae airn guaird upon his back, but ben his kist a wecht o hert tae get stuck-in.	The 170
Halldor and aa his crew aboot him were yarkin this wy <i>You can dae it</i> , an that wy <i>Mibbes you yersel</i> , then thon wy <i>Naw</i> , <i>we'll gang thegither</i> , anent the wy they'd yoke on Bolli: they were, as you'll can ken the saw says, gy backwart thaem in gangin furrit.	180
An Brushwuidbellie, tho, spak yince that was nae gitterin a slooch o slaivers, nor a haverin mair lyke a glag o yuchellin, but cleir as coodnae be ocht else, an straucht as furrit fae the shoother, as lyfie as quick aff the merk, sayin, "Thare are some chiels aboot me here	
nearer til Kjartan as his kin nor I am, but thare's no the yin amang ye's lyke tae neebor me the-wy I ken thon fell stramash whuin Kjartan gaed ben orrie daith and it was thocht I neebort him."	190
"Whuin I was brocht hame ower til Tongue, hauf-deid as didnae ken I leeved, and hauf-alyve as kent the-nane gif whit I was was deid for certaint, altho paer Kjartan liggit deid as duin wi kennin lyfe or daith, whuin I cam roond as kent the licht was Gode's ain licht alow the sun, an no the licht o hellish lowes fae Auld Nick's fyre alow the Yerd, the yae thing ben ma thocht was this that I wuid see the day wuid come	200
wi licht enyeuch tae let me see the skaith that I wuid gie til Bolli wuid let him see the lowes o Hell: sae I'm for furst athin this biggin."	210

As wyss in wurds as waalthielyke	
in siller speak, Thorstein-the-Black	
said: "That was spakken bravelie as	
we micht expec fae you as brave	
as didnae dee a nichtmeir daith	
thon tyme ye thocht yer innards ootlins,	
lik sklits o kinnlin hingin doon,	
but as the same, oor wyssest coonsel	
wuid be for us tae caw gy caunnie	
an tentie as tae tae a thocht ont,	220
because the Bolli yin bi this timm	
will no staun quaet whuin we yoke on him	
the-wy paer Kjartan did whuin Bolli	
yokit upon him for his deid;	
altho he's aa hissel the-noo,	
he'll be lik three folk wi him syne	
as we play thwack on him; he's strang,	
an skeelie wi the graith o weire,	
an mynd you this, he haes a sworde	
that's lyke hissel, as strang as skeelie."	230
that 5 type misser, as strang as second.	230
Whuin Thorstein spak thon wy, no yin	
amang the brithers said an ay	
or naw the yae wy or the-tither,	
but yin wi thaem did mair, did he,	
•	
nor yawk an yaummer wuidnae dae,	
for An played breenge athin the bothie,	
his tairge abuin his powe for ward, the nerre and at puritie furrit	
the nerra end ot pyntin furrit.	
Polli played balt at him at vince	
Bolli played belt at him at yince	240
athooten tyme tae tak a thocht ont,	240
Legbyter wheechin doon, the licht ot	
a siller skud gaun thru the air	
tae cut richt thru the tairge tail-end	
an cleave An Brushwuidbellie's heid	
fae croun til shoothers, sic a cloore	
as gart thon paer sowl dee at yince,	
athooten tyme tae tak a thocht ont.	
Trachi and has then in the same	
Lambi gaed ben then, in thon wy	
was swythe as didnae keek tae swither,	250
thon wy that meant You luk at me,	250
his tairge fornent him for a beild,	
his bare blade gruppit ben his nieve	
for slooter-slauchterie in bluid.	

As swythe as swither-nane tae keek

at whit he'd duin til Brushwuidbellie, Bolli freed his guid sworde <i>Legbyter</i> fae paer An's corp, but taiglt daein't, his tairge gaed aff the straucht a bittock an left his yae syde aff his guaird.	The Laxdal
Lambi thru thirlit Bolli's thie, thon wy was meikle skaith tae thole, even as Bolli made retour was nae turn back but onwards gaun sklifft doon the Lambi's shoother baen then doon his syde tae puit the chiel richt oot the fecht, sae you'll can guess: "By Sursse," said he, "I'm aff the gemme!	260
"Ay, aff," said he, "as sae am I, as swythe as finnd a doctor bodie tae mak a mend ot no for deid. I'm oot," said he, "Nae doot," said he, "wi naething bit a yuissless airm that cannae scart a yeukiness yince caurrie cood but richt haun cannae."	270
And aye sinsyne, he wasnae fit tae fecht avaa, as neever myn tae win a fecht yae wy or tither, his airm yuissless aa his lyfe.	
In noo cam Helgi Hardbeinson, thon strappin chiel o meikle hicht, Thorstein-the-Black's guid-brither, him, and as he breengeit ben, he haed a meikle spear athin his grup as ticht as kent fyne whit he haudit the blade ot yae haill ell in lenth he'd seen til sherp as sklit a hair, the heft ot cled in airn roon tae gar it skliff awo steel skyte.	280
Whuin Bolli saw thon meikle spear he kent was fell as sair him deid, he cast awo <i>Legbyter</i> fae him he kent cuid dae the naething mair; an claucht his tairge in baith his hauns he kent tho juist lik bittock buss was better nor nae beild avaa; then gaed on furrit til the doore tae meet wi Helgi comein at him even as Kjartan wuid hae gane,	290

		The Laxdal
for ti a	tent Bolli, whoe cuid gang nae furder: Helgi thraist the spear richt thru he tairge as tho thru dozent wuid, in thirlit Bolli throch-an-thru	300
t	ae pin him up againss the waa.	
	Bolli laenit til the waa,	
-	ovin the back an furrit fae it	
	gainss thon awfie ell o airn,	
	Olafsons aa breengeit ben,	
	t is, Halldor an brither bodies,	
an	wi them cam thur mither, Thorgerd.	
ŀ	Kennin, as whoe else better kent,	310
t	hat no yin o thae Olafsons	
h	naed breengeit ben fornent Legbyter	
	thin his haun for cleir the place	
	ae gie him room tae mak mair room,	
	hon blade noo liggin on the flaer,	
	no able noo tae byte a thoom	
	in neever mynd a fuit or leg,	
	d Bolli, "Ay, it's sauf enyeuch	
	-noo for you yins, brithers kin	220
	is I was foster-kin til you yins,	320
	come this wee bit nearer me	
nor	you were sweir tae come afore."	
The	en thon paer sowl gaed on tae say	
het	thocht that he'd be waured gy suin.	
The	orgerd gied aunswer til him then,	
	ltho her aunswer was commaundlik,	
f	or she was talkin til her sons,	
say	in they neednae be sae feart,	
	ae backwartlyke in comein furrit	
	clooter Bolli whoere he stuid:	330
	Gang you," s'she til thaem, "an tak	
	gaet ye hae tae gang, atween	
	he heid abuin the shoothers o him	
а	in frame that staunds alow his powe."	
Bol	lli, still staundin at the waa,	
	no yonner yit, altho as near it	
	s haurdlie kent the whoere he was,	
was	s haudin ticht his claes aroond	
h	is sowlcase for tae keep his innards	
	ae faain on the bothie flaer.	340

Takkin his mither's wurd as said	T
for daein whit was tae be duin	
as duin that wy, nae ither wy,	
thon Steinthor Olafson played lowp	
at Bolli, wheechin roond his powe a meikle aix at Bolli's hause	
abuin the shoothers, sneddin heid	
lik puhttin-stane cawed fae the merk	
wi shoother-wecht tae skyte it aff	
an gar it stote the twycet afore	350
the corp played dunt on bothie flaer.	
At that, said Thorgerd til her son,	
"Steinthor, may your hauns neever waant	
a piece tae stap athin yer mou."	
An then gaed on, as snicherie as onie wumman micht weel be	
that nae man lykes tae see the lyke	
or as maist men micht be anaa	
that wemen daenae lyke tae ken:	
"It will be gy ruid hair that Gudrun	360
will hae tae kaim tae mak a shed	
wyle thru the hair on Bolli's heid."	
They left the biggins then, an Gudrun	
cam up the brae abuin the burn	
whoere she'd been waashin bits o claes	
ayont the soond o thon stramash,	
an spak til Halldor, speirin at him	
anent the ongauns ben the bothie	
an whit haed happent Bolli thare.	
They telt her o it, or enyeuch ot	370
as made the ootcome o it aathing til Gudrun, tho the aathing ben it	
was mibbes mair nor whit they telt her,	
and aiblins mair nor Saga tells us.	
As Gudrun stuid fornent thae chiels,	
cled in a bonnie kirtle made	
o richt rare tweel, the waarp an waaft ot	
as skeelie wrocht the throch-an-thru	
as brawlik as was eever made	200
the lyke o brainsh an greenerie athin a wuid whoere sunsheen rins	380
alang the grund an thru the leafs	
as ferlielyke as wondrous bonnie:	
some wuids lik that micht mak a name	

The waarp an waaft o Gudrun's bodice was steekit ticht aroond her frame; the heid-dress that she wore was heech as made her peels wi onie man, an roond her waist she wore a sash for comfort in a caller morn, wi daurk-blue setts in lynes upon it for pleesurin the een tae see them, an taussels hingin fae the ends ot for haudin thaem thegither bonnie.	390
Helgi Hardbienson, strappin chiel o meikle hicht that tappit Gudrun's, gaed ower til her an taen an end o thon braw sash, then dichtit bluid aff that same spear haed thirlit Bolli an gart him grue as gy near yonner as haurdlie kent the whoere he was.	400
<ul> <li>Gudrun taen yae wee glent at him, nae glower ben the keek she taen,</li> <li>an gif she neever said a wurd, Dear kens the thocht athin her powe that micht hae said enyeuch an mair.</li> <li>Said Halldor then, mair black-affrontit at whit the Helgi yin haed duin ootwith the bothie nor athin it,</li> <li>"Man, that was awfie gruesomelyke, an bluidilie as no weel duin that micht gang bluidilie aglye."</li> </ul>	410
And Helgi "Daenae losse-the-place, for I am shair tae losse ma lyfe as bluidilie as gang aglye alow the lyfe alow thon sash, ay, gruesomelyke as ower weel duin, an orrie, ugsome kinna laer growne ben ma kennin gars me grue at whit is growein ben her wame."	420
They taen til horse an rade awo, Gudrun gaun wi them for a bittock, haein a crack on this an that lik <i>Isnae this a bonnie day?</i> and <i>Isnae that a bonnie flooer?</i>	

for onie toon caad Kirtleshaw.

tho shair enyeuch as gyan certaint, the no-a-cheep anent her man was liggin slauchtert ben the bothie.	The Laxd
And as for Halldor and his crew, they neever mowtit <i>this</i> or <i>that</i> lik "Thon yin caad An Brushwuidbellie didnae gang ben the bothie thonner afore the lave o us avaa, wi slogan yelloch on his lips lik blade til blade wi thon <i>Legbyter</i> ."	430
Nor did they utter mutter, thaem, lik "This is no the thing tae speil, that Halldor and his brithers were sae backwarts gangin furrit furst, tho on wi't ginn the wark was duin."	440
Thorgerd, ye ken, that rade hame wi them, wuid heard thon speak, an wuid she no, lik cock a lug then said her say, that micht hae telt them whit she thocht gif dry-boke that they gied thur mither wuid let her whitter on avaa.	
Thorstein-the-Black, weel-kent as wyss wi nane-the-name ot for the nocht but waalthiness in siller speak anent whit dae or daenae dae, noo kept his coonsel til hissel, altho he taen a thocht as quaet as neer let dab ot pass his lips. An this is whit he thocht for truith wuid tummle-the-wulkies-nane wi cheatrie, that coonsel is as coonsel daes an that's tae tell the wy it's duin: aye puit yer better men furst furrit,	450
sae they may gang tae mak a pad for lesser feet tae walk aa ower them tae mak a better kynd o pad for coonsellors, the wale o men, tae gang stravaigin, easie-oasie at laest, gif no at maist aye best.	460
An Gudrun, hame gaun bi hersel, wi naebodie tae think aboot but her ainsel the thrid tyme roon, myndit thon dream she'd haed langsyne	

470

anent a gowden ring she's tynt, and here is whit she thocht gaun hame acorss the parks tae redd the hoose.

Thon deid, she thocht, ma thrid man gane lik onie ring o yellae gowd wi fauts athin it gart it brekk, was mibbes wark o ma ain haun as whit is for us aye will finnd us as whit gangs ben us aye will oot.

#### Chaipter LVI

## Bolli Bollison is born, AD 1008

Gudrun gane hame, thon Halldor crew, in convocatioun wi thursels, becam as yappitie as corbies anent the whit she maun be thinkin ower Bolli slauchtert ben the bothie, myndin she'd haed the caunnie crack wi yin and aa o thaem, as tho they'd no duin yae thing for tae sair her an neever myn the Bolli slauchtert.

Halldor gied aunswer til them then: "I'm no for thinkin, naw," said he, "that Gudrun daesnae care a haet anent the Bolli's daith, as tho fair made up wi the killin, naw; I'm thinkin whye she gaed the gaet alang wi us, as whitterie as yap aboot the flooers an waather, was that she waantit for tae ken an better ken the ilka bodie

haed rade fae Herdshaw herriein."

"Anither thing thare is tae say that daesnae say the haill is said anent the Gudrun wummanbodie, is that she's vyvie ben the mynd as lyfie ben the hert, abuin the lave o common wemenfolk."

"Indaed-in-trothe that's quaet as tells nae lee lik leears leein lood, think you nocht else nor truith that says Gudrun maun taen his daith til hert, for as we ken as we maun ken that ken the differ Bolli was fae maist o us, his losse maun be as meikle as the man hissel, an we're the gy waanchauncie folk that didnae byde in paece wi him."

Wi that, they rade hame Herdshaw wy, the jingle-jangle o thur graith mair lood amang them ower the maer amang the heather nor the soond

10

20

o clish-ma-claver ower the killin amang them for nae cairriet storie.	
Ower aa the airts as ben the dales whoere nowt gaed chowein coode, an sheep snick-sneckit ilka blade o gerss the airn o thur cluits let be;	
ower hills lik thae yins yont the sae that folk think heech enyeuch tae caa no bittock knowes nor bens but Ochils;	
an roondaboot the bens thursels ower heech for folk tae daunner on, unless they gaed tae gralloch dear;	50
alang the burns as fou o troot as gart the saumon shooder bye them	
whuin soomin seekin bairnlie grush tae scoor a beild for thair ain bairns, an neever myn the whoe was guddlin; an ben the friths whoere selkies glowert	
at fishermen whoe nickit fish that selkies thocht were thair ain kitchen; and on the straunds whoere fisherfolk were thrangitie at guttin, sautin,	60
an smeekin fishes for the winter, aa ower the place the news gaed roond anent the brulyie at the sheilin,	
tae gar the bodies' herts fair stoond at thinkin on the Bolli's daith as tho it were thur ain bluid gowpin.	
Nae hunker-slydin inglesyde for dreep o saut alang the chafts	70
wi peetie for hersel as muckle's for Bolli's deid gane ben remeid, because her faither Osvif thocht	
Snorri-the-Praest a traistie chiel, Gudrun sent men awo tae see him an gie him wurd nae cairriet storie wuid let him ken the benairts ot	
sae he cuid lend a haun, no let Herdshaw folk tak a lend o thaem owerbye wi her at Saelingsdale.	80
Hearin the Gudrun's wurd anent the ongauns tobert her and hers,	
Snorri was up lik onie laverock can haurdlie wait for voartimm comein, and aff lik onie whitterick	

that cannae by tae see a scut scoot ben a beild alow the grun, syne cam til Tongue wi sixtie men tae puit an aesement ben the hert o Gudrun made her gyan gled. 90 Snorri wuid mak a saettlement wuid gart the bodies byde in paece, but Gudrun was the gyan sweir for her son Thorleik's sake tae tak bluid-siller sic as thon avaa for her man Bolli's slauchterin; s'she, "It's I'm for thinkin, Snorri, the best haund you'd be giein me for cudgie ower this dub o glaur puit here bi Olafsons fornent me, 100 wuid be for you tae tak ma hoose as I tak yours, because,'s'she, "I daenae waant tae byde as neebor til thae vins ower the Herdshaw wy." At that timm, chaise the chyce o chaunce that maks for dae or daenae dae it, no as the humph comes up the back but as the back is humphit for ye, Snorri haed cast-oot wi his neebors at Evr. sae said he'd dae as Gudrun 110 thocht fit, because o freenship wi her, "Tho Gudrun, juist the same," said he, "ye'll hae tae byde ower here at Tongue for lang as gars a towmont turn." Aa richt aroond as faur as pree it, Snorri made ruidie for tae traik til hoose at hame in Haliefell as Gudrun gied him dacent gifts tae see him on his wy, fair kittlt wi whit he'd gat for whit he'd gien. 120 And as the towmont turnt around, aathing was quaet as dae the nocht nae maitter yaummer ben the haerns for mak a din lik slogan yeiloch. That winter efter Bolli's daith that dinnelt ding ben Gudrun's powe, she brocht til birth a bonnie bairn,

a lauddie bairn sae lyke his faither

she gied him Bolli for his name. 130 Tyme gane lik Weel I myn the days, the lauddie hichtent haill as braw, his minnie growein gyan fonde as naither wunner wuid she no! Winter gane bye wi chilblain taes that gart a bodie skliff the shuin tae scart the kittle in alow; an chappit hauns gart bairnies greet, the snaw ootbye ower guid tae waste; an cooter cauld tho hetlik ruid as gart a bodie grauvat it; 140 then voartimm come wi yeukie feet for daunnerin among the wuids, or sklimmin hills or guddlin troot, the air as chirrickie wi burds as fou the lugs wi din come daw, the niffer o the hoose and haudin taen place in greeance haed been made atween thon Praest the Snorri chiel an Gudrun ower in Saelingsdale. 150 Snorri flittit til Tongue, an badd thare the lave o's lyfe, an Gudrun gaed til Haliefell alang wi Osvif, biggin a brawlik hoose tae byde in whoere her twoe sons, Thorleik an Bolli, grew up tae caa the place thur ain, Thorleik the fower year auld thon tyme Bolli his faither haed been slauchtert.

### Chaipter LVII

### Anent Thorgils Hallason, AD 1008

Weel noo, an Thorgils Hallason
was the name o a man, a chiel was kent
bi's mither's name because she'd wintert
the langer nor his faither haed,
thon yin that haed been kent hissel
as Snorri, son o Alf o Dales
as some folk say, tho ithers daenae,
but here puit doon tae let ye ken.

The Thorgil's minnie, Halla, was
the dochter o Gest Oddliefson,
tho some folk say the nocht aboot it

as ithers dae as said abuin tae let ye ken as here puit doon.

Thorgils badd ower in Hordadale at Tongue, the name the same as thon place in Saelingsdale as elsewhoere lyke the yin wi'ts kyle in Sutherland sou-aest awo in Scotland thonner.

Thorgils, tho gyan brawlik as a man, an muckle wi it tae, was faur ower gallus, glowerin at aabodie tae luk at him, an gulderie alang wi that lik bellochin for folk tae hear him, sae naebodie wuid niffer wi him ower dyot, bodle, plack or groat an think tae keep a pennie piece tae jingle wi a maik or stiver.

As gyan little luve haed passed atween Snorri-the-Praest an Thorgils thare wasnae meikle in the passin tae tyme the neever haed been thare, for Snorri thocht him meddlesome as fankle tongue or taigle fuit, whoe aye gaed stinkin bye upcootert as tho be coodnae staun the wheech o his ain guff sae fousome roond him.

But stinkin bye or no for yaisual, the Thorgils chiel was ayeways swaet 10

20

The Laxdale Saga s makkin sweit tae airt hissel 40 the waastlins ower the kintrisyde, aye gaun til Haliefell tae speir at Gudrun cood he lend a haun, makkin as lyke he was the chiel cuid sorte her ordnar wys o daein, her weelfare seen til, made byordnar as nae day cauld kail het again nor lyke auld claes an back til purritch. Gudrun was no for haein it, tho she was easie-oasie gaun 50 an quaet as listen nae lippen on aither the eechie or the ochie o thon guff fae the Thorgils fuhlla. For aa that, Thorgils speired at her tae let her aulder lauddie Thorleik gang hame wi him til Hordadale an byde at Tongue thare, puittin in his tyme at daein awo at laer anent the law wi Thorgils, whoe, as contarlyke wi folk aroon him 60 was juist as weel-acquaant as skeelie wi sic a contarmashious craft as laer o law ben byeuk for bummil. At that timm, Thorkell Eyjolfson was the name o a man aye thrangitie in trevel ower the sae for tredd: kenspecklelyke the near an faur as highheidyinlik faur an near, he was guidgaunlik faithfou freen 70 til Snorri Thorgrimson the Praest Whuin hame in Yceland, Thorkell styed wi Thorstein Kuggison, his kinsman. Weel, yae timm, ginn the Thorkell haed a ship was staunin bye at Vadil bi Bardistraund, it cam aboot in Burghfrith the son o Eid o Rigg was slauchtert bi the sons o Helga, yin that cam fae Kropp. Grim was the name o the man haed duin 80 the yokin on the paer sowl deid an Nial, the brither o the killer,

becam waanchauncielyke as droondit athin the watters o Whytereever,	17
No that lang later on, the bodie caad Grim, because o thon manslauchter, was made an ootlin, and he gaed in dern athin the hills whuin made sae; he was a muckle chiel at that, an strang as onie stirk was he: the wy ot thae days was he haed tae shoot-the-craw awo fae Yceland, but he was faur ower thrawn for that, again, ye ken, lik onie stirk.	90
At that timm, Eid, the Thorkell's kinsman, was gyan auld whuin this gaed on, sae didnae dae the ocht aboot it.	
Thorkell was awfie fautit then, as highheidyin amang his clan, for lettin Grim byde ben a beild athoot the Thorkell's haein seen til puittin skaithment on the ootlin.	100
Come voartimm neist ginn Thorkell made his ship as ruidie as alyve upon the watters slooterin alang the strakes abuin the daipth, soothlins he sailed athorte Braidfrith, then taen a naig his leesome-lane an gied the baest its heid tae gang as faur as finnd the Rigg, tae meet wi auld Eid, kinsman bydein thonner.	120
Auld Eid was in the best o tid tae meet wi Thorkell, sayin til him, "Man, ben ye come an gies yer crack!"	
Then Thorkell telt him whye he'd come the thareaboots sae faur fae hame was no juist for tae crack wi kin but for tae finnd thon fuhlla Grim, an ootlin as ayont the law; an then he speired at Eid tae ken did Eid ken whoere thon fuhlla Grim haed gane tae finnd a hydiehole.	130

Eid gied for aunswer caunnie-daes-it,

thon wy eild's no for breengein furrit tae meet wi daith it kens is comein tae meet wi man, lyke that or no, tho mynd ye, gin young men ken tae that daith comes aye for somebodie, they think that bodie's nane o thaem.	
Sae auld Eid said: "I wuidnae dae it and I were hauf the winters ower me and hauf as muckle's thon timm young; it seems til me ye tak a chaunce micht weel be mair mischauncielyke, seein ye'll hae tae mell wi yin's a messan oot o Hell lik Grim; mell-nane wi yon yin, or he'll melt ye!"	140
"But gin ye gang, gif gang maun you, then tak a wheen o men alang tae help ye puit the hems on Grim."	
"That's no a meikle thing tae dae," said Thorkell, "for tae mak a mickle dae doon a pickle; that wuid be mair yont the ordnar widdershins nor ben byordnar deishilwys."	150
Thorkell gaed on: "Whit I'm for waantin as you may guess, is that ye lend me yer braw sworde <i>Skofnung</i> , sae thon Grim, a single runagaet, nae mair, will tak a lend o me the-nane, an neever mynd his wecht an pooer."	160
"Whit you maun dae is dae as maun-dae may be the mell that melts yersel," said Eid til Thorkell, "sae ginn aa faa doon upon ye as it micht for wecht tae preen ye til the grun, daenae cast-oot wi me jalousin: but still-an-aa, sin whit ye're daein ye're daein for me as weel's yersel, <i>Skofnung</i> is yours tae haud and hain, and hain yersel lik langer airm."	170
"But listen noo," auld Eid gaed on, "an mynd I wuidnae puit ye on nae mair nor tak it oot o ye, thare is a something ben the blade as caurriewys as no that caunnie:	

the sunsheen maunna hit the haeft ot, tho naebdie says the whit nor whye ot; anither thing anent the blade no caunnielyke but caurriewys, it maun be left athin its shaeth gin onie wumman's neist or near it, the whye or whit the pachdie server	)
tho whye or whit the naebdie says; yae ither thing, mair uncolyke nor ocht else said anent the blade, gin onie man is sair skaitht wi't, the sair will neever haill itsel unless the blade's ain haellin-stane plays dicht an dab alang the skaithin."	
Thorkell said he wuid tak guid tent o whit was telt, an then he taen 190 the sworde an speirt at Eid tae let him ken thon faur whoere-awo that Grim micht hae for hydiehole an beild.	)
Eid said he was for thinkin Grim micht hae for hydiehole the norlins bi Twoedays-Moss Fishwatters wy. The norlins then, thon Thorkell rade the gaet Eid gied him for tae gang. ower braidlik maer was toom o folk but fou o midgie things an cleggs 200 that gart paer man an baess growe gyte as waantit nocht but left alane; an norlins furder Thorkell rade, ongaun the gaet that Eid haed gien him, until ayont the maer he saw a bothie biggit neist a loch, as aa itsel as reek-ma-lane, and on he gaed tae pree the place.	)

Chaipter L'	νш
-------------	----

# Anent Thorkell an Grim gaun Norowaa Wy Whuin Thorkell raxt as faur's the bothie, he saw a chiel doon on his hunkers. plappin a flae athin the loch fornent the place a burn gaed ben it tae mak the mawks an wingit thingies that gang doon burn lik Davie, laud, weel waarth a pook bi onie troot tae mak a moothfie kitchent it: the man haed his auld cloak aboot him, 10 his heid alow it dernin lown as lyke tae keep the midgies aff him. Thorkell lowpt aff his naig, but quaet as let him tether it in paece ahint the bothie waa, an then, as quaet again as tippertaed, he gaed doon til the wattersyde ahint the man was sittin thare, fou tentie for a trootie pook. The bodie thare was Grim, ye ken, that saw the scadda o a man 20 crootlin athin the keekin-gless the watter made fornent the fisher, and up he lowpit lyke a troot that brekks the watter for a flae or gies a fisher's lyne a pook maks oors o daein naething waarth the saecont that owerhaills the hert wi that fell stoond the pook can gie it. Bi that timm, tho, Thorkell haed gotten as near enyeuch til Grim as let him 30 play clooter at the man wi Skofnung, the wecht ot skliffin juist abuin the wrist, or whit's whyles caad the "wolf-jynt", but no that sair a skaith avaa. Naething else for it, as ye'll guess, Grim flew as straucht at Thorkell then as gart them waarsle hip an thie for gie a cowp, an shoother-thraw for birl ower, the-tyme the laevel o loch-aidge grush alow the feet, 40

		1
the merk o waather, watter, wuin,		
was ryved an ruchelt wi thur brogues		
as furst the yae wy then the-tither		
they focht tae mak a maisterie		
lik I'm the keeng o the castle, me,		
and You're the durtie wee rascal, you:		
then suddentlyke, the strenth o Grim,		
still bylin wi the fricht he'd haed,		
owerhaillit Thorkell as his back		
	50	
played loonder on the grush alow,	50	
an doon he gaed, fair oot for duin,		
Grim wechtit on him whoere he liggit.		
Then Grim speired at this man alow him,		
"An whoe are you whuin you're at hame?"		
All whoe are you whull you te at hame!		
An Thorkell said til Grim abuin him,		
"At hame or here awo, ma name		
is aa the yin-waan til yersel		
whiteever else til me an myne."		
Said Grim til Thorkell yince again,		
"Things arenae whit ye thocht they'd be	60	
noo you're alow and I'm abuin;	00	
-		
it's you're waanchauncie, no masel,		
yer lyfe athin ma hauns for deid."		
"Ay, sur, it's I'm for tellin you		
as you'll can ken yersel, nae boather,		
enyeuch's enyeuch whuin mair's ower muckle."		
Thorkell til Grim then, yince again,		
"I'm no for cryin oot A Baurley!		
tae let me up an gang in paece,		
for nocht lik that was ben this gemme,	70	
	70	
waanchauncie me or you waanchauncie."		
"Ay, sur, and I can tell you tae		
that daesnae need tae listen til me,		
enyeuch is muckle's daes its turn."		
chycuch is muckle's daes its turn.		
Grim said he was misfortunate		
enyeuch hissel as gart him think		
he'd let this yin gang bye for skelps,		
then he gaed on, "I think ye'll dree		
anither weerd no deed bi me,	00	
sae I'm for giein you yer lyfe	80	
no pyd as I micht be for speirin		

but as yersel may coont the lawin."	
They baith stuid up then, baith as meikle as kent thur herts were meikle tae, an taen a daunner til the bothie tae sorte thursels wi byte an sup.	
Thorkell saw Grim was growein dwaumie fae losse o bluid poored fae his airm, sae he taen oot thon haellin-stane belangit Skofnung, dichtin, dabbin the skaith upon the airm a whyle; then birlt the stane the three tymes three the widdershins aroon the wound, tae gar the Hellish guff wheech fae it; then three tymes three the deishil wy tae gar the braith o Heeven dicht it: thae things for mak an mend, he waarpt the stane aroon the airm, tae gar the gowpin stoond nae mair wi bluid	90
that gart paer Grim growe dwaumie as gy lyke tae dwyne awo for deid.	100
Made better as made haill again weel-at-hissel, no lyke hissel as he wuid been gif bluidit blae; ay, better made as no juist something the better for't that gart him byde a weething afflik, pooterie, Grim micht weel thocht Thorkell haed pyd the lawin and a something mair for betterin, but Thorkell made nae sooch nor soond for <i>Noo we're peels</i> .	110
Gin ocht is duin is duin for guid as dacentlyke as shame the Deil, an no for evil duin for badness as black-affronts the guid in Gode, then whit is duin is gy weel duin as gangs tae mak the Deevil's day as dreech as gars him scart his powe, frustrate his wark is no gaun on as bonnilie as gars him craw.	120
The sic a tyme was ben thon bothie as Grim an Thorkell taen thur byte, an ginn they taen thur sup, ye ken, "Lang may yer lum reek," micht weel Grim	

for slainte said til Thorkell, as	The
"Lang may yer kail-pat byle anaa,"	
for skol micht Thorkell said til Grim.	
Auld enemies noo fund in freenship,	
as new as noo fund paiks a pant,	
they badd that nicht athin the bothie,	130
then, wi the mornin callerlyke	
upon the watters o the loch,	
Thorkell gat ruidie for tae gang,	
an speired at Grim gin he'd gang wi him.	
Grim said that he wuid gang, as shairlie	
as nocht else nor it ettlement.	
Thorkell turnt richt an roondaboot	
at that, his horse's heid the waastlins	
nae ettlement in him tae gang	
back thonner Rigg wy for tae see	100
auld Eid, his kinsman thonner bydein:	
he gied his horse its heid for aits	
athooten stoppin aa the wy	
till Tongue owerbye in Saelingsdale.	
Snorri-the-Praest thare waalcomed him	
as blythe as dad-daud Thorkell's back	
an shak his haun wi <i>Hoo's it gaun?</i>	
Whuin he was telt that Thorkell's traik	
haed gane waanchauncielyke as bad,	
Snorri said, "Naw, naw! No sae bad	150
as micht hae been the faur mair waur,	
sin Grim's waanchauncielyke the-nane,	
and I'm for waantin you tae gie him	
as meikle's see him duin no bad til,	
as weel's yersel the nane the waur for't."	
"And here's a thing yer haerns can chowe on	
atween tak yae thocht syne anither,	
I'd lyke tae coonsel ye, ma freen,	
tae gie up aa yer sail-awo,	160
yer dae-awo at nifferin tae sell a serk an mak a merk,	100
an saettle doon an tak a wyfe	
will see til't you become, bi richts,	
as highheidyinlik as befits ye."	

Thorkell gied aunswer til him then,

athooten thocht tae chowe-the-fat ot,	The Laxa
sayin, "Ay, aye yer coonsellin was guid whuin gien me in ma needment,	
but hae ye taen a thocht yersel	
anent the kynd o wummanbodie	170
I'd hae tae winsh tae gar her mairrie?"	
Then Snorri said for say it yince	
the waarth o clash an coonter-clash,	
"The mate for maik o you the neebor,	
is naebdie else but Gudrun, ken, sae namelie as the Osvif's dochter,	
the baith o ye a guid doon-sittin."	
Thorkell said true enyeuch a mairriage	
wi sic a bodie as the Gudrun	
wuid be as honourable as	180
nae doot aboot it, "Mynd ye, tho,"	
he said, "I'm thinkin she micht be whyles ongaun wi't ower yin-waan wi't,	
whyles temerare as no aa-thare,	
gurriein, hurrie-burriein	
sae heech abuin the mynd and hert,	
she will an will she no, hae vengement	
for Bolli ower thon slauchterin."	
"An that's no aa (that aye means mair	
is no a pickle juist but mickle)	190
thon Thorgils Hallason haes puit	
hissel as furrit as fornent her	
tae speir at her tae mairrie him: but aa the same (that aye means less	
nor maks a meikle mair o it)	
I'm fair taen-on wi yon yin Gudrun."	
"It will be up til me," said Snorri,	
"no doon til you, tae see nae herm	
is yours bi bein yokit on	200
bi Thorgils; but anent the vengein	200
for Bolli's slauchter, I'm for thinkin thare will be differ in the daein,	
afore this year weares thru its winter,	
will see the wark gang bonnilie	
tae flooer the grun wi vengement bluid	
will mak remeid for Gudrun's greinin."	
An Snorri, whoe kent meikle mair	
nor he was lettin on aboot,	

	The Laxdale
was no for lettin dab til Thorkell, thinkin enyeuch the naither less nor mair wuid dae the turn for him.	210
Thorkell gied aunswer then was lyke haif-speirin for a kennin mair nor Snorri was for giein him, an said: "Thae wurds o yours aa hae a rowthieness athin them gars them chap bosse-the-nane but stoond wi ruchness lyke a foothe o kennin, but as for vengement for thon Bolli, it's nae mair lykelie for tae be the-noo nor onie tyme afore, unless, af coorse, highheidyins gie a haun that's no lik some slap-fuit."	220
Snorri, as no for lettin dab the onie mair, said naething furder but "See ye gang abroad this suimmer, an then we'll see whit will be seen bi folk that tak the blinkers aff."	
Thorkell said he wuid dae awo as dae awo was devoirs daein, an sae they pairtit, Snorri kennin as meikle as he kent afore an Thorkell as he micht jalouse fae whit the Snorri chiel haed telt him.	230
Thorkell gaed waastlins ower the Braidfrith til whoere his ship bab-babbit for him wi Grim for companie aboard an sailed in suimmer licht awo acorss the faem til Norowaa as dauphins on the aither bowe lowpit for nae mischaunce a blissin, the sooth o Norowaa the laundfaa.	200
Then Thorkell said til Grim: "Ye ken as weel's masel, that naebdie else can ken as weel as oor twoe sels, hoo aathing cam aboot atween us can neever gang awo, sae thare is naething mair for us tae say that's waarth the sayin noo anent it: for aa that, that's as meikle gaun as cannae gang the gaet the less,	250

I'd lyke it fyne gif we cuid pairt mair kyndlielyke nor furst we met."	Τŀ
Thorkell gaed on: "Man, Grim, I think that you are juist as brave a chiel as eever waarslt for a faa altho as skaitht wi blade o sworde as lyke tae puit ye aff-the-gemme: because o that, I say fareweel wi immerage the-nane upon ye."	260
"An no juist that, I'm gaun tae gie ye as meikle graith o maerchandeese as see ye richt tae jyne the guild o dacent maerchants nifferin: but daenae saettle doon for tredd airtit the norlins ben this kintrie, for Eid haes monie kinsmen traikin in tredd the thare or thareaboots, and I can tell ye they hae taen an awfie immerage at you."	270
"It's I maun thank ye awfie kynlie," said Grim at that, an then gaed on tae say he neever wuid hae thocht tae speir for ocht as meikle's gien bi Thorkell for the nocht gien back. Sae ginn they said fareweel tae gang thur wys wuid neever meet again, Thorkell gied Grim as meikle graith	
bi wy o maerchandeese as hecht, and aa men waarth the name o men thocht Thorkell heech abuin them aa for daein whit he did for skelps, staundin his haun tae set up Grim.	280
Aestlins til Oslofrith gaed Grim, an saettlt thare as snode an bien as gart him growe in tyme kenspeckle as highheidyinlik tae: an that is aa the Saga says tae say fareweel til Grim, thon namelie chiel.	
Thorkell hissel badd ower the winter in Norowaa, thocht thare a man o nae smaa drink, as waalthie wi it as ootgaun wi it, no ticht wi it.	290

Thae things, wi whit's aa roondaboot them as no that faur awo at that, hae tae be left the wy they are tae soor or swaeten as they will because the Saga haes tae tae tell whit happent here at hame in Yceland whuin Thorkell was in Norowaa.

### Chaipter LIX

## Gudrun caas for Vengement ower Bolli's Daith, AD 1019,

*Twinmont*, thon tyme o year the autumn is no richt shair that suimmer's gane, an suimmer's thinkin it's for aye a tyme the leaf will neever faa, oor Gudrun, Osvif's dochter, rade fae hame tae traik aest ben the Dales, then on until she cam til Thickshaw.

At that timm, Thorleik, her young son, was bydein whyles ower Thickshaw wy wi thae twoe sons o Armod, yin caad Halldor an the-tither Ornolf, as whyles at Tongue in Hordadale, alang wi Thorgils Hallason.

That same nicht, Gudrun sent a man til Snorri Godi (as whyles caad, tho ither folk caa him The Praest), sayin she waantit for tae see him the neist day, at the toot at that.

Nae hunker-slydin yince he heard ot, Snorri gat ruidie for tae gang, an rade wi juist yae ither man, until he cam til Hawkdale Reever whoere on the nor-airt o it staunds in Leashaw launds a craig caad Heid that haed been waled bi Gudrun as whoere she an Snorri were tae meet.

An thare, guid tymin neist the oor Gudrun haed said she'd lyke tae meet him, they met wi *My*, *I'm gled tae see ye!* an *Fyne tae see yersel anaa!* 

Yae manbodie was thare wi Gudrun, an weel was he the man enyeuch altho nae mair nor twal year auld; muckle was he at that, lik monie the twycet his winters ower thur heids, wi wit byordnarlyke no monie cuid wag the powe alangsyde peels: this young manbodie was nae ither nor Bolli, son o Bolli slauchtert, 10

20

The Laxdale Saga 40 an for tae let the haill wurld ken it, he cairriet thon braw sworde *Legbyter* that wuidnae roost nor losse an aidge, thon samin blade his faither Bolli haed yaissed tae slauchter kinsman Kjartan, then yon yin An caad Brushwuidbellie afore the Bolli gat his paiks fae Helgi Hardbeinson's lang spear an Steinthor Olafson's girt aix. Or sae it's said for truith tae tell or as it's scryvit tells nae lee, 50 tho as ye'll ken that needs nae tellin and as ye'd say nae wy ye're leein, whyles sing a saftlik sang o truith an naebodie will hear the sooch ot abuin the rant o owercome lees that yuchellers will mak o it, but sing a sang as leein as the gulderin o nyafferie, and aabodie will bliss the soond tae laud the name o nyucherie. 60 Wi Snorri's man an Gudrun's lauddie upon the craig tae cock an ee upon the kintriebodies traikin the here an thare alow them, gaun aboot thur wark an daein awo, Snorri an Gudrun haed thur crack. Efter a wurd or twoe anent the ilka bittock news thur hame wys, Snorri speired at the wummanbodie whit wy she'd caad for him tae see her 70 in sic a hurrie-burrie here. Said Gudrun til him: "Truith tae tell, an ken, a lee's no waarth the tribble o makkin shair folk think it's true, whit I'm for sayin's callerlyke ben hert an mynd as furst it was twal year sinsyne lik yesterday: it's vengement's ben ma speak the-noo, vengement for Bolli for tae redd me 80 o sic a weed athin ma hert as weel's the canker of in mynd that you ken fyne hae waarslt me as I hae waarslt thaem anaa,

		Т
for I hae telt ye aft enyeuch		
as priggit at ye for yer kennin."		
"I'm priggin at ye noo again		
tae mynd ye hoo ye hecht, did you,		
that you wuid dae yer devoirs ont		
gin I wuid thole an better thole		
-	00	
an byde ma wheesht for better days	90	
as weel as boatheratioun-nane,		
but noo it's I'm for thinkin you		
hae taen no meikle tent anent it:		
it's I can naither by de not haud		
ma wheesht the onie mair, fair taiglt		
benmaist in mynd as gane hauf-gyte wi't."		
"Tell me," s'she at lenth tae end		
her speil, "whoe ist suid py the mail,		
as faur as your best coonsel haes it,		
afore I'm hauf-gane gyte in myn wi't."	100	
afore i in naui-gane gyte in myn wr t.	100	
Said Snorri, "Whit's the benner ee		
athin yer mynd aye keekin at		
for tak anither luk tae gar		
ye see for shair whit furst was seen?"		
An Gudrun: "It is ben ma sicht		
lik tak anither keek tae see		
nae differ fae the furst timm seen,		
thae eemages o ilka face		
mak lykenesses o Olafsons,		
in skaithment gars them luk the same	110	
as thon paer face on Bolli's heid		
whuin rowein ower thon bothie flaer		
as sneddit throch-an-thru the hause."		
us should throth an third the hause.		
Snorri, as slee as aye luk roond		
afore he gaed a strauchtlik gaet,		
and aye gaed roon, no ower a knowe,		
said he was no for haein onslaucht		
on folk no juist highheidyinlyke		
aboot the airts, but nearhaun kin		
til men as furrit gaun in vengement	120	
as aye breist knowetaps, herrie howes,		
an didnae gie a docken leaf		
for whoe or whit micht staun fornent them:		
it's hightyme noo as byetyme noo,		
he said, tae dae awo wi feudin.		
,		

"Weel then," said Gudrun, "shairlie Lambi,	111
the son o Thorbjorn caad the Dwaiblie an thon Melkorka yin fae Yreland,	
maun be set up for slauchterin	
sin he was evil ongaun thon timm	130
yin foremaist at the bluidie wark	
that saw paer Bolli duin til deid?"	
Said Snorri: "Lambi is as seik	
as sackless-nane for doctorin	
wi thon remeid maks duin til daith:	
but gif we daenae caw gy caunnie	
wi Lambi as tae puit him doon	
among the mools wi Bolli deid,	
I'm thinkin we'd hae vengement nane, because the differ tween the twoe	140
wuid mak the nifferin for paece	140
six o the yin til hauf-a-dizzen	
o tither, no the richtfou wecht	
upon the weibauk o the waarth	
that Bolli was an Lambi isnae."	
Said Gudrun: "Weel then, it may be	
we sanna get oor richts avaa	
fae men o Saumonreeverdale,	
but I'll say this an say nae mair	
for nithin else is waarth the sayin,	150
yae bodie's gaun tae py for this	
as dear as dool can mak for lawin,	
nae maitter whittan dale he bydes in	
that maun be dowie for his daith."	
Then she gaed on, for makkin shair	
nae doot aboot it ben her myn:	
"Let's luk at Thorstein, caad The Black	
no juist for scad o skin and hair but for the evilness o hert	
that black-affronts the sicht tae see him,	160
abuin them as in thon stramash	100
he was the fautor wi's avysement,	
altho, as aabodie kens noo,	
ower sleeit for tae face Legbyter	
wuid slauchtert him bi lukin at it	
in Bolli's neive, no Thorstein's wame."	
As slee as neever gie yae cheep	
gin he cuid vetter lyke a stukkie	

gin he cuid yatter lyke a stukkie, the Snorri said anent her speil:

"Thorstein-the-Black's nane-sacklessness againss yersel is juist the same as sic a thing ben ither men in thon fell sheilin herrien that slauchtert Bolli, even tho that ither men puit nae skaith on him; but you wuid lae alane a wheen, o chiels hunkert in paece o mynd as weel as aesement o thur baens, altho it seems til me thae yins	170
wuid be the nane the waur o vengement; I'm thinkin o the yins that killt yer Bolli, in parteeclar yon yin ye ken, yon Helgi Hardbeinson."	180
Said Gudrun, juist as slee as Snorri, but aye said juist as meikle's needit: "Whit you hae said is true enyeuch, but I'm no shair thae yins, that ken that I'm aye at the steerin-up o sturt an stryfe againss them aa, are gaun tae sit at hame an dae the nocht againss masel, ye ken."	190
Oniewy, Gudrun said a something the lyke o that, gif no as gabbie. Thon was as some folk puit it doon, tho ithers gie it oot lik this: the Gudrun said she coodnae bear tae think the bodies ben her haterent were left tae hunker doon at hame in paece o mynd as weel as aesement	
o baens fornent the inglesyde; or something lyke that, oniewy. Said Snorri then: "I see a wy tae puit a snibble ben the wheel o sic an ongaun. Yon yin Lambi as weel's Thorstein-the-Black, maun jyne in baund wi your ain sons, bi wy o blackmail for yon Lambi's skaith on Bolli, an for Thorstein's coonsel	200
that made for Bolli's deid, altho Thorstein-the-Black puit nae haund on him; but gif they winnae jyne the baund, I'll prig-the-nane at you tae let them	210

	11
slither the sydiewys awo;	
yer haterent then can be upon them	
gif pleesurt you tae cowp the cran ot."	
8 F ) F	
Then Cudmin: "Hee're we goin too goo til't	
Then Gudrun: "Hoo're we gaun tae see til't	
that thae twoe men ye name are gaun	
tae gang wi mynes on sic a traik?"	
An Sporrie These vine that are goin	
An Snorri: Thae yins that are gaun	220
fuit-furrit as tae lead the-tithers	220
will see til't whoe's tae byde or gang."	
Then Gudrun: "Shairlie I'm for thinkin	
that your foresicht is furdermaist	
•	
in seein whoe will see til't whoe	
will be fuit-furrit furst tae lead."	
An Snorri, snicher-snirtlin then,	
said: "You ken fyne yersel, as weel	
as I ken fyne ye ken yersel,	
that you hae chaisen for yer chyce	
the man that we think baith the best."	230
Then Gudrun, tho thare's naebodie	
gies onie wurd she snicher-snirtlt:	
0	
"Ye ken fyne, as I ken fyne tae,	
the man is Thorgils Hallason."	
An Snorri: "Ay, we baith ken fyne,	
an no juist that, we baith ken whye."	
Said Gudrun then: "Thare's mair tae ken, tho.	
Areadies Thorgils an masel	
-	
hae been as pack anent this ploy	
as coodnae be mair thick thegither,	240
but ocht was said haes gane for nocht	
because the chyce he gied til me	
was no the yin o ma ain chaisin;	
no that he wasnae for the vengein	
o Bolli, but he haed tae hae	
py-waddin for't, masel his wyfe,	
and as I'm no for haein that,	
*	
I cannae speir at him tae traik	
an fecht for Bolli deid in mools	
an no for his ainsel alane	250
for me whoe's quick abuin the grun."	

Then Snorri said: "I'll gie ye coonsel.

I'd grummle-nane at Thorgils gangin thon kinna gaet we'd gie the nyaff, but wheesht an listen for the wy ot. Hecht you him mairriage, wi yer speak as dooble-tonguit as will tell him ye'll mairrie naebodie in Yceland but his ainsel, a hecht ye'll keep, for Thorkell Eyjolfson's no here the-noo but will be here in tyme will see ye mairriet til him as the man I lang hae haed in myn for naebodie but your ainsel."	260
Said Gudrun then: "He cannae be as blear-eed as no see thru that!"	
The last wurd his, as sae he thocht, altho the wummanbodie's as she didnae fash her powe tae think, Snorri gied aunswer for them baith: "Indaed-in-trothe, for it's nae lee, he winnae see thru ocht avaa, for Thorgils is the better kent for his heid-bangin, no heid-gangin. Mak you yer covenant, wi nane but whoe ye ken for whit they are as they ken you for whit ye gie them	270
as witnesses, wi Halldor thare his foster-brither, no thon Ornolf whoe's faurben cleveralitie, heid-gangin, ay, heid-bangin, naw; an gif the ploy suid gang aglye, then you mak me the fautor ot."	280
A thing that Snorri did was aye thocht thru lik birl it ben the myn fae yae lug til the-tither yin; folk said he was a dab-haund, him, an was he no, at reddin-up: gin you read on, it's fyne ye'll ken it.	
Snorri haed said as meikle's made enyeuch said for tae say fareweel, tho hoo thon Snorri rade hame weel or hoo the Gudrun wummanbodie gaed weel or ill her Thickshaw wy, the Saga ots as quaet's the grun that haps whit left o thaem the-day,	290

even as aabodie that's readin this versioun ot will murl awo in tyme that taks as little tent o its ainsel as thae yins gane.	300
Neist mornin, claitterin aboot	
thon wy that maks the din o leevin	
the coonterpynt o lyfe an daith,	
Gudrun, wi her twoe sons alangsyde,	
rade waastlins oot and ower the Shawstraund,	
seein some horsemen in ahint	
whoe cam on swythe til richt up wi them,	
lik aa at yince for My, oh, my!	
amang them Thorgils Hallason	
wi Thare ye are and here am I!	310
Then aathegither on they rade	

Then aathegither on they rade aa thru the day til Haliefell.

# Chaipter LX

# Gudrun's Eggin-on

<ul> <li>Twoe-three days efter comein hame, (some folk say "nichts", but little maitter)</li> <li>Gudrun caad baith her sons thegither inbye her kailyaird for a crack, no for tae sing a cornkister but for tae tell an orrie storie:</li> <li>an ginn they cam, thae lauddies saw for <i>Tak a geck but swither-nane</i>,</li> <li>some linen claes upon the grund,</li> <li>a serk an linen breeks, the baith clairtit wi bluid yince ruid wi lyfe, noo scaddit blae as virrfou-nane.</li> </ul>	10
Then Gudrun said: "Ye haenae seen thir claes afore because ye were ower young for thaem tae maitter til ye, but noo ye're auld enyeuch tae ken differ atween the quick an deid: thir claes fornent ye here caa-oot til you yins for tae caw-doon folk that killt yer faither whoese ruid bluid rins ben yersels as ran thru him, syne oot an ben thir claes."	20
"As meikle mair as I micht say anent the slauchter o yer dy, as weel as I micht say anent the folk that were his slauchterers, I'm no for gaun tae deave ye wi't, because, gif thae claes on the grun gar you tak tent the-nane ma losse o him that was yer dy, ma man, thare isnae meikle esperance ye'll be the men yer faither was, an dae the whit I'd say til you even as he did whit I telt him."	30
Hearin whit Gudrun haed tae say, because they haed tae hear her say it the wy she gart them listen til her, thae lauddies kent a kynd o stoond gart thair ain bluid gowp ben thur herts the wy thur faither's bluid haed gowpit fae him or he was doon for deid;	40

they telt her they haed been ower young for challans on a single sowl lik vengement wrocht on sic a bodie an thaem athooten onie leader: they said they didnae ken the wy tae mak a plan for thair ainsels an neever myn the onie ithers, altho, they said, "We aye sall myn no tae foryet whit we hae tynt 50 In him oor faither was yer man." "You ach awo or och anaa as aften as ye lyke," said Gudrun, "Ye'd raither glower at stallioun-fechts, or at the gemmes in suimmer parks be namelie as the best o men that lap an sprang an flew an flang afore the folk for bear-the-gree." "The baith o you are waens lik that," said Gudrun, "even as the men 60 that think lik that are men-the-nane but waens the neever yont thur bairnheid." She didnae say, tho, naw, she didnae, that she'd lyke fyne tae dae the same in gemmes an ploys gif she a man that wemen mak, an no a wumman maks no juist men but wemen tae. The twoe young brithers gaed awo, as fou o thocht whuin butt the hoose or ben as wuidnae let them slaep 70 o nichts, naw, neever boued an ee tae tuim thur mynds an dover ower. Gif Gudrun kent o this, she wasnae for lettin dab, but Thorgils did, for yince aa-thare, no glaikitlyke, an speired at thaem the reasoun for't. They telt him aa aboot the crack they'd haed wi Gudrun in the kailyaird, and hoo they'd seen thur faither's bluid upon the serk an linen breeks, 80 and hoo they coodnae thole thur dool ower Bolli was thur faither deid, nor cood they staun the lichtliein

fae Gudrun was thur vyvelik mither. Said Bolli Bollison, the younger o thae twoe brithers, "It is vengement we're efter, noo that we hae growne as meikle as near auld enveuch for folk tae faut the twae o us gif we're for daein nocht aboot it." 90 Neist day, Gudrun an Thorgils haed a wee collogue thegither, Gudrun gaun on: "Thorgils, I'm gy weel shair ma sons nae langer lyke tae thole the thocht o sittin here at hame in ydilset as quaet's dae nocht anent a vengement for thur faither." "The reasoun whye we haenae duin as meikle's made a mend o this langsyne or noo, is that I thocht 100 Thorleik an Bolli faur ower young for tae be thrangitie as flaze the aidge o waepons ben men's skulls: an mynd ye, tho, thare haes been need lang or the-day tae tak a thocht wuid see a wy tae dae a something wuid be an aathing duin for aye." His Nabs gied aunswer til Her Nibs: "Gudrun," said he, "I'm gy weel shair ye ken thare's nae yuiss giein me 110 anither crack anent yer craikin for vengement ower the daith o Bolli, an weel ye ken the reasoun whye I'm deavit-nane wi't is I'm deif because ye winnae gang the gaet that pads-the-huif ben mairriage wi me." "That daesnae maitter, tho, because I think the-noo a thocht was thocht the last timm we colloguit on it, an that is, gin ye pad-the-huif 120 alang the mairriage gaet wi me, it winnae tak me lang tae think o killin yin or baith o thaem haed maist adae wi Bolli's murder,

naw, no juist think aboot it, dae it!"

	The L
Said Gudrun: "I'm for thinkin, Thorgils,	
and I am no ma lane in thocht,	
for Thorleik thinks ye're juist the man	
tae be fuit-furrit as the leader	
gin oniething is duin that needs	130
the kynd o hardiheid ye hae:	
I wuidnae keep in dern the sorte	
o wark ma lauddies hae in myn	
for yokin at is the owerhaillin	
o yon yin Helgi Hardbienson,	
the berserk bodie thonner sittin	
athin his hoose in Skorridale,	
wi nae misdootins ower the ongauns."	
wi hae misdootins ower the organis.	
Mynd you, tho some folk say thon Helgi	
was yae berserkerbodie, him,	140
ithers say nocht anent sic wuidness	140
-	
gart men lik that chowe aidge o tairge	
an breenge-on, ferlie buhlletie,	
athin a battle or a brulyie	
as haurdlie kent the whoere they gaed:	
tho thinkin ont, the saw micht hae it	
thon's no the hauf as ferlie as	
the common things that folk can say	
are unco mair nor folk can dae.	
An gin ve say New new til that	150
An gin ye say <i>Naw, naw</i> til that,	150
whoe then wuid scryve a single wurd	
wuid mak a mair wuid tell a storie,	
an whoe wuid scryve a twoe-three mair	
wuid mak a verse wuid sing a sang?	
Thorgils, nae chiel tae sing a sang	
wi onie verse was eever made,	
an no the yin tae tell a storie	
wi onie o the wurds that made it,	
said: "Gudrun, I juist cannae care	
gin Helgi is his name or no,	160
but I can tell ye I'll tak care	100
o Helgi or the onie ither	
thinks his airm wechtier nor mynes:	
and I can tell ye this for skelps	
as faur as I'm concaernt aboot it,	
the sang an daunce an storie ot	
is this, that gin ye hecht til me,	
afore the witnesses tae hear it,	
that you will pad-the-huif wi me	
alang the gaet o mairriage gaun	170

gin I mak vengement slauchterie, I'll dae the wark wi your twoe sons for Bolli's sake, an yours, an mynes."	The Lax
Gudrun said she wuid hecht awo as gang the gaet for hecht o mairriage, ay, even tho thare werenae monie wuid hear the hecht for aa ongaun: and "Ay," s'she, "and here's the wy ot," caain thegither her twoe sons alang wi Thorgils' foster-brither, yon yin caad Halldor Armodson, heid-banger whyles, heid-ganger, naw.	180
Thorgils, tho, waantit Ornolf thare; Gudrun, tho, waantit him the-nane, sayin, "Ye ken, I hae ma doots anent the faithfouness o Ornlof til your ainsel nor your ainsel haes taen a thocht tae think aboot it."	
Gudrun, ye ken, kent Ornolf was the cleveralitie faurben, heid-bangin, naw, heid-gangin, ay.	190
Thorgils, gy faur ayont the wark as neever wuid be yokit at it, telt her tae dae awo hersel, kennin she haed the heidie graith.	
Thegither noo as Gudrun waantit, were her twoe sons, Bolli an Thorleik fuhll-brithers baith, the yae bluid thaem, that she cuid luft an lay at will; and Halldor, Thorgils' foster-brither, the hauf no aa-thare, lyke hissel; an Thorgils, fair taen-on wi it as tho he'd planned the paurleyin: an Gudrun, neever at a waant for oniething the bodie waantit.	200
No monie wemen o Gudrun's kyn gang for tae mak a baxter's dizzen: yin is enyeuch for twal and yin.	
An this is whit the Gudrun telt them: s'she, for naebdie else was talkin, "Thorgils haes said he'll be the leader,	210

thegither wi ma twoe sons here,
in herriein Helgi Hardbienson
wi vengement for ma guid-man, Bolli
that was the faither o ma sons;
and as the niffer for the wark,
Thorgils will get me for his wyfe;
fornent ye here as witnesses,
I hecht masel til Thorgils noo,
sayin that o aa the men in Yceland
I'll mairrie nane but him, nor dae I
hae ettlement tae gang an mairrie
in onie ither place nor Yceland."

as haud the bree o whit was said, an ticht it was as faur ower closse for him tae get a sook at it, myn-nane a keek athin it aither.

That was the end o paurleyin, greeance aa roon that Thorgils tak the wark in haun tae dae his devoirs; an sae he made aa ruidie, gangin fae Haliefell wi thae twoe sons o Gudrun as they rade awo inbye the Dales, gaun hame at furst til Tongue owerbye in Hordadale. 220

### Chaipter LXI

### Anent Thorstein-the-Black an Lambi

The neist Lorde's Day for better dae it, thare was a coort-leet for the folk. an Thorgils rade til't wi his men.

Meikle conveen was thon guid leet. Snorri-the-Praest was no thare, but.

That day, Thorgils brocht ben collogue Thorstein-the-Black, yon yin, ye'll myn, wi siller speak as wurds aye wyss, an said: "I daenae need tae tell ye that you were wi the Olafsons thon tyme they yokit on the Bolli, slauchterin him thon wy his heid gaed stoatin lyke a blether baa upon the sheilin bothie flaer. I daenae need tae tell ye aither ye haenae pyd bluid-gelt sin then til Bolli's sons, the younger caad his faither's name, the aulder, Thorleik."

"Tho thae things happent ben langsyne lik Ay, an weel I myn the tyme, Thorleik was faur ower young tae myn the day as weel as you yersel; an Bolli wasnae even born as coodnae ken the day as you can, tho Gudrun was as bairnt wi him as let him ken the winter daurk afore the voartimm licht cam on him: but tho they cannae myn thon day, they ken the men gaed herriein."

"But here's a thing as orrie as micht gar ye wunner at the whye ot; they're no for haundin-oot the paiks til onie o the Olafsons, because, ye ken, they're kin thegither, or sae they say, tho some micht think the better bluid's no waur for skailin: sae you'll jalouse they're gaun for vengement on Helgi Hardbienson because that vin gied Bolli his daith-wound as better bluid nane better skailt." 40

10

20

"Thorstein, we're speirin at ye noo tae jyne the traik wi Bolli's sons will see the herriein o Helgi an gie ye gree, guidwill upon ye for aye and on wi boather-nane."	
Thorstein-the-Black, as caunnie as say naething micht weel waur him mair, puit furrit this for wyss as caunnie: "It wuid be gyan caurrielyke for me tae mak a baund wi folk wuid dae doon ma guid-brither Helgi; for paece o myn as weel as bodie, I'd raither gie as muckle siller til thaem wuid tak it for bluid-gelt as neeborin whit they thocht richt."	50
An Thorgils then, as slee his speil as coodnae be his ain but Gudrun's: "Yer siller wuid be mair lik blackmail til thae twoe Bollisons, ma freen; they naither waant nor need yer siller, sae daenae pochle your ainsel; yer chyce is chaise the yin or tither, yin, traik alang wi us, the-tither, daenae, an staun tae thole yer paiks yince thae that gang come back for you	60
an gie ye whit they'll gie til Helgi; sae tak ma tip is tak the chyce o traikin on wi us for Helgi, guid-brither or guid-brither no; at sic a tyme for Heeven help us, <i>Deil tak the hinmaist</i> yowl awo. Then Thorstein, as the wysser noo for takkin tent, no takkin't tint: "Will chaise-yer-chyce be gien til onie	70
<ul> <li>bi Bolli's sons whoe ken the lave o thaem that yokit on thur faither?"</li> <li>"Lambi Thorbjornson," Thorgils said, "will chaise the chyce is gien til him for keek at it, see hoo it luks as tho it lukit up at him, an pree it for the gou or guff ot as tho lik his for wheech awo: the same as you yersel hae duin."</li> </ul>	80

At that, Thorstein said, "Ay, imphmn, gif that's the wy ot, I wuid be the nane the waur o takkin thocht for yokin at it gin I werenae ma leesome-lane alang wi you yins."	
That said as haed been planned for duin, Thorgils caad Lambi for tae come ben his conveen tae hae a crack, an telt Thorstein-the-Black tae listen sae he cuid dae for duin as planned.	90
"Lambi," said Thorgils, "I'm for waantin tae speak wi ye anent the maitter that I hae puit til Thorstein here. Furst, whittan bluid-gelt will ye py til Bolli's twoe sons for the wark they ken ye wrocht upon thur faither, for true enyeuch ye woundit him. An saecont, you are sackless-nane, because ye eggit-on the lave tae slauchter him an mak him duin: at that, tho, folk micht richtlie say, neist til the Olafsons, ye haed the best excyuiss for whit ye did, for gin ye puit yer skaith on Bolli, Bolli gied you the dull yin tae."	100
Lambi Thorbjornson speired at Thorgils whit was't he haed tae dae tae py bluid-gelt for paece, or no tae dae wuid py hissel in boatheratioun.	110
Thorgils telt him the samin chyce wuid be on him as puit on Thorstein: "Jyne wi the twoe young Bolli brithers and herrie Helgi Hardbienson."	
Said Lambi; "Man, that's evillyke as naething else but blackmail on me tae py for paece, an no juist that, abuin aa else, it's coordlielyke: I'm haein nane o it, naw sur, sae traik on wi't yersels, no me."	120
Said Thorstein til him then, mair sleekit nor Thorgils ben the thocht an wurd,	

an wysser faur anaa: "Man, Lambi, ye'll hae tae pree the pad ye'll gang	17	
wi yin ee takkin-in the richt,		
as weel as pree the gang-nane pad		
wi tither ee taks-in the caurrie	120	
tae ken the gaet ye'll hae tae gang	130	
wi baith een lukin whoere ye're gaun; ye see, thare are some highheidyins,		
folk heech abuin the lave, fair fankelt		
amang thir ongauns, folk that think		
they hae been lang sair duin til here;		
noo, Bolli's sons, I'm telt, are gaun		
tae be as furrit-fuitit as		
the gyan maisterfou young chiels,		
the baith o thaem mangrowne or lang:		
the wrang thae yins are gaun tae richt	140	
is wechtit burthensome upon them."		
And he gaed on: "Gif we suid think		
tae shoot-the-craw for whit we did,		
athooten pyin for the lawin,		
the gaet we'll gang's the auld craw-road,		
masel the fautor maist o aa		
because o Helgi's kinship wi me: tho hinnermaistlie aa maun dee,		
maist folk dae ocht tae byde alyve,		
an tak nae tent tae dae the nocht	150	
gif sic a naething's for thur deid."	150	
Said Lambi til the Thorstein then,		
a weething dowielyke, paer sowl.		
"Gin it is easie for tae see		
whit you waant duin is best for you,		
whether the best for me or no,		
hae it yer ain wy that's the gaet		
I'll gang masel alang wi you because we hae been twoe thegither		
this whyle back gy waanchauncielyke;	160	
this yae thing, tho, gin I gang wi ye,	100	
ma kinsmen, aa the Olafsons,		
get thair paiks nane gin we gie his		
til Helgi for a vengement on him."		
Then, speakin for the Bollisons,		
Thorgils said ay for Let's get on wi it,		
the greeance made Thorstein an Lambi		
wuid jyne wi Thorgils on the traik		
wuid see the herriein o Helgi.		

They were tae meet in Hordadale at Tongue, richt aerlie in the mornin, Tuesday, some folk caa thrid day some ither folk micht caa it saecont.	170
Wi that, they pairtit, Thorgils rydin	
back hame that eenin ower til Tongue.	
Tyme ongaun noo that taks nae tent o whit men dae, tho men tak tent o whit tyme daes til thaem in gangin, it wore the oors awo that gart Thorstein an Lambi come til Tongue richt aerlie on that thrid day mornin some say was Tuesday or the sunryse that ithers think the saecont day.	180
Thorgils was up afore they cam	

Thorgils was up afore they cam, the naething laith tae gie them waalcome.

#### Chaipter LXII

### The Thorgils Crew leave Hame

Thorgils gat ruidie noo for aff, and he and aa his tail o crew rade up alang the Hordadale, ten o them aathegither gaun.

And here they are for whoere were gaun: thur leader, Thorgils Hallason; the Bollisons, Thorleik an Bolli, wi Thord-the-Cat, thur ain hauf-brither the son o Thord Ingunnarson, yon yin was Gudrun's saecont man; that made the fower, the fift yin bein Thorstein-the-Black; the sixt yin Lambi; Halldor and Ornolf, seeventh, aichth; the nynth yin Svein, the tenth Hunbogi bi some folk caad the strenthie chiel, thae baith the sons o Alf o Dales.

Some folk say as thon crew o Thorgils were bonnie fechters, ilka yin, tho ithers say the nocht on that.

Thae bodies aa rade on thur wy til Soopinpass; an then acorss Langwatterdale; then richt acorss the Burghfrith; syne rade acorss Northreever at Ysleford; acorss Whytereever at Bankford that is a shorte wy doon fae By hamesteid.

Ower Reekdale neist they rade, and ower the rigg o grun til Skorradale, an sae up thru the wuid that neebort the fermsteid o Watternyeuk: thare ilka horse was gien a blaw as aa the fuhllas lichtit doon, the eenin oors noo drawin-in for chowe a shaef or twoe o breid or sluch a dram for dwaum or dream yince beddit doon faurben the nicht.

The fermsteid o Watternyeuk is on the sooth syde o the reever, no that faur fae the lochan thare. 10

20

"Here," Thorgils telt the men aboot him athin the wuid for beild aroon, "ye'll byde the nicht and I sall gang tae tak a keek aroon the ferm an see gin Helgi is at hame. I'm telt for yaisual Helgi keeps a twoe-three fuhllas roondaboot him, but juist the same, he's caunnielyke as aye slaeps ben a strang press-bed, locken for tentie maks mair caunnie."	40	
His men telt Thorgils for tae gang an see whit he cuid see tae pree, an gif no see then pree tae speir whit he haed waantit for tae see.	50	
Sae no as gyte as some folk thocht, Thorgils taen aff his staund o claes as weel's the braw blue cloak he wore, an slippit-on some overalls as hodden-gray as kept oot waather, an then gaed owerbye til the hoose.		
Nearby the hame-park dyke he saw a man was comein for tae meet him, an ginn they met, no hauf as gyte as some folk thocht him, Thorgils said: "Mibbes, ma freen, ye'll think ma speirin is orrielyke as no-aa-thare, gin I say I'm for wunnerin whit is the name o this hoose here an whoe it is is bydein ben it?"	60	
Thon man gied aunswer til him then, as tho he did think Thorgils gyte: "Indaed-in-trothe, it's you maun be a fuil as ferlie as a freit as yin athoot ingyne, no wyss as neever haein heard the speak anent oor Helgi Hardbienson, as brave a fechter as he is berserkerlyke, highheidyin tae."	70	
Thorgils speired neist did Helgi tak kyndlie avaa til siccan bodies as freemit folk an folk in need comein til him tae ask for help.	80	

"Gif truith be telt." the bodie said til Thorgils, "naething can be said but guid anent oor Helgi. He is yae maist meikle-hertit man, no juist in giein beild til folk but in his ilka wy o daein."	
"Is Helgi hame the-noo?" said Thorgils "for I'm for speirin at the man gin he wuid let me byde wi him."	90
The ither bodie speirt at Thorgils whit fasherie was tash haed gart him grein this wy for the Helgi's hainin.	
"This suimmer back," said Thorgils til him, the Althing made me ootlinbodie, sae I'm for lukin for the help o somebodie as michtielyke wi haun-wecht as wi wysslik wys whoe micht be freenlie wi masel as I for daein ma devoirs til him: sae tak me til his hoose at hame tae see him as he keeks at me."	100
"Nae boather, man, avaa," said yon yin, "for me tae tak ye hame owerbye, and you'll be waalcome for tae byde the-nicht wi byte for chowe the shaef, an sup for slooch a waucht o yill, an bed for coorie doon an slaep, but as oor Helgi's no at hame, ye're no for seein him the-nicht."	110
Thorgils speired at him: "Whoere is Helgi?"	
The man gied aunswer: "Helgi's yonner at Sarp, thon sheilin place o his."	
Thorgils speired at him: "Whoere is that? Hoo monie men daes he hae wi him?"	
The man gied aunswer: "Helgi's son, caad Hardbien's wi him, wi twoe ithers, baith ootlinbodies he haes taen for hainin in alow his beild sae they can dae thur devoirs til him."	120
-	

Then Thorgils badd the bodie shaw him the best shortecut tae mak the sheilin as suin as swythe as swither-nane, "because," said he, "I'm fain tae meet wi Helgi juist as suin as swythe as swithernane tae prig at him tae tak me on as yin o thae that dae for him as he for thaem."	
Thon hoosecarl did as he was telt, an shawed him whoere he haed tae gang as best-fuit-furrit-lyke as fast, an sae they said fareweel, <i>Guidgaun wi't</i> .	130
Thorgils gaed back amang his fieres athin the wuid haed gien them beild, an telt them aa that he'd fund oot anent the Helgi chiel, sayin til them, "We'll see the nicht oot here, an let the-morra morn see oor ootgangin owerbye til Helgi's sheilin thonner."	
That nicht they did as Thorgils badd them, and in the mornin rade awo ootthru the wuid until they saw nearhaun the sheilin ower at Sarp, whoere Thorgils telt them tae licht doon aff horse and hae thur bit o scran for brekfast byte: an sae they did, an bydit thare tae hae thur blaw.	140

Chaipter LXIII

# The Descryvement o his Faes as brocht til Helgi bi his Herdlauddie Noo we maun tell whit happent that timm whoere Helgi was athin the sheilin alang wi thae men hae been nameit. Aer-on that mornin, Helgi telt his hird tae gang ootthru the wuids nearhaun the sheilin neeborin, tae luk aroon for folk gaun bye, an tak guid tent o aathing else was waarth a wurd for tell nae lee, "because," he said, "I gat a fricht or waukenin this bonnie morn that gart me goave aroon me lyke a dream-flyed bairnie ben a nichtmeir." The lauddie gaed awo, an did aa Helgi telt him whit tae dae, that was as muckle as was seen was waarth the tellin as a truith, no yae wurd ot lik tell a lee. He was awo as lang enveuch as see the whit thare was tae see was waarth a wurd in Helgi's lugs whuin that yin speired at him tae tell gin he haed seen the ocht avaa haed gart him tak anither keek. The lauddie gied for aunswer: "I hae seen a something waarth a wurd that's waarth yer whyle tae listen til me." And Helgi speired: "Whit hae ye seen that's waarth ma whyle tae listen til ye?" "Some men," said thon herdlauddie then, "a wheen o men at that," he said, "men no fae hereaboots, I'm shair, but yont this airt, misdoot-me-nane." And Helgi speired: "Whoere were thae chiels whuin furst ye saw them gart ye tak anither keek sae you made siccar?

10

20

	The L
Whit were they daein gart ye ken	
the kynd o men ye saw fornent ye?	
An did ye tak guid tent tae see	
the claes that chiels had on thur backs	40
an whit they lukit lyke as gart ye	
ken thaem as ordnar or byordnar?"	
The lauddie gied for aunswer: "I	
was no as fleggit at the sicht	
as let it slip ma myn tae see	
the whit they were lik that or this; the whit they wore lik this or that;	
the whit they did they wy they were	
the men they were, because I kent	
that you wuid speir anent thae things."	50
that you wale spon alone that things.	50
The lauddie then gaed on tae say	
thae men were no faur fae the sheilin,	
haein thur byte o scran for brekfast,	
a bit o blaw for men and horse.	
And Holei anoined aif they were coatit	
And Helgi speired gif they were saetit athin a ring for luk aa roond,	
or were they saetit in a lyne	
sydie-for-sydie seein naething?	
The lauddie said the men were saetit	
for luk aa roond athin a ring,	60
ilk yin upon his saiddle saetit,	
ruidie for up and aff at yince.	
And Helgi said: "Noo let me ken	
whitlyke they lukit sae I'll see	
gin I can guess the whoe they are	
bi kennin whit they lukit lyke."	
The lauddie said: "Thare was yae man	
saetit upon a pentit saiddle,	
an wearein a braw blue cloak. He was	70
a gyan muckle bodie, bravelik, a weething beld in front, bucktitht,	70
as folk wuid say, for gansh at maet."	
us fork wurd suy, for gansir at matte	
And Helgi said: "As cleir as tho	
fornent me here, I see the man,	
an ken him tae be naebdie else	
but Thorgils Hallason ye saw,	
fae waastlins oot o Bordadale:	

	Ine
I'm wunnerin, for tak a thocht	
I daenae lyke, whit daes that fechter	
waant wi us, comein here avaa?"	80
The lauddie said: "Asyde him sat	
a man upon a gildit saiddle.	
He wore a jaiket crammasie	
as waarmed the hert tae see it as	
it maun hae waarmed the hart tae weare it;	
thare was a gowd ring on his airm	
that haed a scadda on it lyke	
the mornin sunsheen skytein aff it;	
-	
a baund aroond his heid was plaitit	00
aa throch-an-thru wi gowden threed	90
the neebor o the gowden ring.	
For gowden maik for gowden marra,	
his yellae hair rowed gowden doon	
upon his shoothers, framin face	
sae fair o skin the bluid shawed thru it;	
he'd something o a cruikit neb	
uptippit snoofin caller air;	
his een were gyan bonnie yins,	
as blue as marra suimmer luft	
but sherp as rake aroon tae see	100
an restless scartin air in lukin;	
his broo was braid abuin the een	
tae neebor chafts as fuhllie-made	
as made a pictur wi his hair	
cut straucht alang abuin his eebroos	
tae let him see the fae afore him	
as weel as let his fae tak tent	
the yin afore him dwaiblie-nane.	
•	
Altho sae young, he was mangrowne	110
thon wy the braidth a guidlie shoothers	110
set aff the daipth o's meikle kist;	
his hauns, tho, were as bonnielyke	
as maks for daein whit is duin	
as guid as can be duin nocht else.	
His mainner was as mensefoulyke	
as no ower gallus, nae need for't;	
and haver-nane aboot it, I	
hae neever seen anither bodie	
lik this yin, brave an brawlik wi it.	
A young yin, tho, because his baird	120
was growein-nane yit: here's a thing, but,	
it seemed til me he lukit auld	
as sair harasst wi meikle dool."	

Helgi gied aunswer til the lauddie: "Ye hae taen tent, and hae ye no,	The La
<ul> <li>tae see this bodie as hissel</li> <li>micht lyke tae see hissel sae seen,</li> <li>and I'm no for misdootin you</li> <li>he's aa ye saw an mibbes mair;</li> <li>an tho I haenae seen this man,</li> <li>I'll mak a guess at whoe he is</li> <li>as nae yin ither nor thon chiel</li> </ul>	130
caad Bolli Bollison, whoe's said tae be a laud o pairts, the makkins athin him o a man ootcomein.	
The lauddie then gaed on: "Neist him, on an enamelled saiddle sittin, thare was a man whoese jaiket haed a yellae-greenishlyke o scad as onie yellayite or gowdspink;	140
he wore a meikle finger-ring as gowd as gliskit in the sunsheen; and he was gyan brawlik tae, and young as thinks he'll no growe auld as young folk lyke masel aye think;	
his hair was no as daurk as made his skin the whyter-lukin for it, nor was it moosie-broon as tho it didnae ken the scad it waantit,	150
but ruiddish whoere the licht athin it made sprecklie gleens alow the sunsheen: it was a bonnie heid o hair set-aff a face as mensefoulyke as yon yin that ye say is caad young Bolli Bollison, nae less."	150
Helgi gied aunswer til the lauddie: "I think I ken whoe that yin is ye pictur wi yer wurd o mooth as cleir athin the air atween us as onie skeelie haun descryvin on skin or wuid or cut in stane: he maun be Thorleik Bollison an naebdie else, tho you yersel, I'm thinkin, arenae juist a herd, nae mair nor I a sheepie-mèh."	160
The lauddie said again: "Neist til him a youngish kinna man was sittin; the scad o this yin's jaiket was	

	The Laxa
blaeberrielyke upon his bodie, the breeks upon his hurdies black as scaddit lyke a lum inwith, his jaiket runkelt intil thaem; this man's neb was as straucht as made a dacent cast o face as made the heid o hair as fair as made they wy he lukt as gracefoulyke as he was sklender as a rash that bous afore the wuin thon wy ye ken the wuin's no lyke tae brekk it."	170
<ul> <li>Said Helgi til the lauddie then:</li> <li>"I ken that yin, for I hae seen him, tho thon timm ginn he was as young gif mibbes no as smert's yersel; he maun be thon Thord Thordson whoe Snorri-the-Praest was fosterin.</li> <li>My, thae Waastfrith folk hae a wheen o mensefoulyke an brawsome fechters!</li> <li>Whit hae ye yit tae tell me, son?"</li> </ul>	180
"Ay," said the lauddie, "thare is mair tae tell, anent a man that sat his dowp upon a Scottish saiddle, his baird was growein gyan groo, his face as black-avized as juist aff-yellaelyke as tho hauf-scunnert; his hair no wylit back for gallus, curlie as neever saw a kaim, an black as aer-on autumn brammles; no brawlik, him, a fechter, tho, yin that ye wuidnae lyke tae meet doon some daurk road, and he no lykin	190 200
tae meet ye oniegaets avaa: he haed a cloak upon his back, as groo as neeborin his baird." And Helgi til the lauddie: "I can see whoe this yin is, as cleirlie as tho athin a keekin-gless or ben a pown o watter-sheen as caum as no the runkle on it.	
As caum as no the runkle on it. He is thon Lambi Throbjornson, and he's fae Saumonreeverdale the naewhoere else but aa the wy fae here til thare as thare til here; I cannae for the lyfe o me	210

	7
think whye a chiel lik him suid be	
awo fae hame amang this crew	
an no awo fae thaem at hame,	
tho aiblins for the daith o me	
he's whoere he is, no whoere I'd hae him."	
,	
Then thon bit lauddie spak again:	
"The neist yin was a man was saetit	220
upon a pommelled saiddle, him,	
wearein for overalls a cloak	
cuid cleed him in fae thies til powe,	
a cloak as blue as faur awo	
yslands are scaddit on the swaw;	
upon his airm for gauderin	
yae siller ring an naething mair;	
he lukit lyke some fermer chiel	
no younglik, gettin-on a bit,	
wi hair as lang as daurksone ruid,	230
in curliness that focht the kaim:	200
a wheen o aurs were on his face."	
(Tho mynd ye, some folk say yae aur).	
Helgi, fair kennin fyne whit ongaun,	
said til thon wysslik lauddie herd:	
"Yer storie's no as cairriet as	
a cairrie-on for tellin lees	
altho it's faur ower waur tae hear	
nor sweetie-wyfin yatterin	
aroond an ingle or at maerket;	240
Thorstein-the-Black, ma ain guid-brither,	
was shairlie on thon pommelled saiddle,	
tho whye he's traikin here avaa	
is ferlie-fuhll as gy waanchauncie,	
for I'd gang-nane tae see him this wy."	
Then Helgi speired awo again:	
"And hae ye mair tae tell me, son?"	
Yon young herd-lauddie spak again:	
"The neist yae thing tae tell is dooble,	
for tell it yince sees twoe men sittin	250
the yin lik tither, tho the baith	
o thae yins shairlie lukin lyke	
a wheen o winters ower thur heids	
as waitin for the leafs tae faa	
until thon winter hinnermaist	
will sorte them oot the wy it sortes	
the ilka bodie eever pechs;	
for aa that, tho, they were, ye ken,	

	The La.
gy strappin-lukin bodies, thaem,2ruid-haired tae let us ken thur bluid2was no the wishie-waashie kyndan thaem thursels no peelie-waallie:they haed the brawlik faces, thaem,for aa the fernitickles on them."	60
<ul> <li>Helgi again, richt intilt as</li> <li>no yin for splooterin aboot:</li> <li>"It's I ken fyne whoe thae men are, as cleirlie seen inwith ma mynd as wuid be kent fornent me here</li> <li>a yaird or twoe ayont me een;</li> <li>they're Thorgils' foster-brithers, yin</li> <li>caad Halldor Armodson, whoe is</li> <li>heid-ganger, naw, heid-banger whyles, the-tither Ornolf Armodson, heid-gangin aye, heid-bangin, naw.</li> </ul>	70
And I can tell ye, son, ye aretraistwaarthielyke as I am shairI'm no a sheepie-mèh maselas you mair nor a herd yersel.But hae ye telt the coont in fuhll0 aa the men ye saw ootbye?"	80
The herd said noo for gettin on wi't: "Neist, thare was yae man saetit thare, lukin ootwith the ring they made, a plate-mail corselet aroond him tae flaze a blade or skyte a flane; he wore a bunnet made o steel, the brim ot haun's-braidth wyde at that, tae keep his heid haill, skaithit-nane bi mell o mace or clooter sworde; his shoother taen yae lang, strang shank tappit wi sic a muckle aix skinklin athin the mornin sun that thon lang aidge ot seemed tae be an ell in lenth as some folk say."	90
(Ithers, tho, say the hauf an ell lik yae auld English ell at that, or mibbes, hauf a Scottish ell, but shairlie no yae haill ell thon,	00

	The
an we are ben thon place that frichts us	
as meikle as thon chiel wuid dae,	
for he was vikinglyke as eever	
sailed ower the swaw tae breist a brulyie."	
Said Helgi til thon hauflin then:	
"Fae whit ye tell me o the man,	310
I see him cleirlie as I coont him	
upon ma fingers as the nynth,	
a three-tymes-three that's luckie for him	
as gy waanchauncie for his fae.	
That yin's Hunbogi caad the Strang,	
and he's the son o Alf o Dales,	
but whit I'm no for kennin, tho	
I tell masel lik coont ma fingers,	
whit's in ahint that thir men waant,	
traikin ower here lik champions?"	320
uuikii ower here iik enumpions:	520
As Helgi didnae speir again,	
the lauddie taen it on hissel	
tae let his maister ken the lave	
that made the storie coont ten men:	
"Thare was yae ither man sat neist	
this pooerfou-lukin chiel; he haed	
a waalth o daurk ruid hair, an was	
as braid o face as ruid o hue,	
wi bussie eebroos, and his hicht	
was something mair nor commonlyke."	330
was something man nor commonlyke.	330
Then Helgi, kennin aa thare was tae ken,	
that's better faur nor juist jalousin,	
said til his herd: "Yer storie cairries	
itsel as faur as it need gang,	
•••	
for yon yin is nae ither chiel	
nor Svein the son o Alf o Dales,	
the brither o thon daurk Hunbogi."	
Aathing fornent him noo for kent	
0	
athin his myn tae lowp a dub	240
noo lyke jalousement, noo mosshag	340
a calleratioun ben the thocht,	
Helgi, no yin for ydilset,	
said: "Daenae let us staund aroon	
lik onie haun's-turn eever duin	
is dae awo as dae nae mair	
gif oor haun's-turn is for tae fecht	
the lyke o that men comein at us,	
for I'm as shair, as no ayont	

		The Lax
is aye aa-thare, thir men are gaun tae gie's a luk-in or they leave this airt for yonnerwys awo."	350	
"As I can guess, lik oniebodie that's no ayont is aye aa-thare, that thare are chiels amang thae men wuid raither been lik baird til baird wi me langsyne an thocht it tymeous."		
"Here's whit tae dae, as swythe as soop the stoor awo fae fleein fuit: the wemen ben the sheilin bothie maun aff wi wemen's claes and on wi menfolk's, hunker-slydin nane, then lowp upon thur naigs and aff as hurrie-burrielyke as see them hame at the ferm in neist til nae timm."	360	
"Mibbes the yins oncomein at us will ken-the-nane gif thaem on horse are menfolk or are wemenbodies, sae gin thae men haud aff a wee bit tae think anent whoe's gaun or comein, we'll aiblins get some men thegither will gie us here the hauf a chaunce tae see thaem aff an no thaem us."	370	
The wemen noo rade aff thegither, fower bodies weel awo fae thare.		
Thorgils haed his misdootins noo in case a speak anent thur comein haed gane as faur as raxit Helgi, sae he badd aa his companie tak horse and up and efter thaem that rade awo fornent them thonner.	380	
Afore they gat thur graith thegither tae let them lowp upon thur saiddles, whoe but yae man cam rydin up as aipenlyke as cleirlie seen.		
This chiel, tho mangrowne, was as shorte as little mair nor hauf the hicht o monie men no hauf his age, but he was quick as vyve in mainner, his een aa-thare as back an furrit		

	200	The Laxdale Saga
as taen as in left naething oot,	390	
the horse he sat on vyve's hissel.		
He speired at Thorgils, "Hoo's it gaun, sur?"		
an Thorgils speired at him for name		
his folk at hame haed gied for kennin;		
an whoe his kinsmen were, ye ken,		
whuin they were ben thur hoose at hame;		
an whoere the airt o hoose at hame?		
He said his name was Hrapp, an cam		
fae Braidfrith on his mither's syde,		
and he gaed on: "Ginn I grew up,	400	
the name o Killer-Hrapp was gien me,		
the sic a name that lets ye ken		
the kynd o man I'm lyke tae be		
gif sic a humph comes up ma back		
tae be the kynd o man is ill		
tae deal wi, tho I'm smaaerlyke		
nor monie men no hauf ma age,		
ay, little mair nor hauf thur hicht."		
"I differ on ma faither's syde,"		
said Hrapp, "for thare I'm fae the sooth	410	
whoere monie winters I hae seen	410	
weare thru the days that mak a man		
the aa the man he'll eever be,		
an weare thru nichts that mak a wumman		
mair wumman nor she eever thocht		
wuid mak a man the lykes o me."		
"Noo, Thorgils, here's a bit o luck		
I'm shair ye neever thocht ye'd hae		
in meetin wi me here, for I	420	
hae haed an ettlement as yeukie	420	
athin ma mynd as coodnae scart it,		
that I was gaun tae luk ye up,		
no lettin doon masel in daein't,		
even altho no easielyke		
for me tae fash masel tae dae it."		
"I hae a bit o boatheratioun,"		
Hrapp said again, "ower castin-oot		
wi yon yin caas hissel ma maister,		
and he nae man tae maister me;		
he did me doon, and as I'm no	430	
the kynd o man that lykes tae tak		
a laetherin the lyke o thon,		
		101

440

I clootert him, an did I no,
tho no as bad as I micht lykit;
I didnae byde ma wheesht tae see
hoo ill or guid he faired, but taen
this naig o his, and here I am:
ach! castin-oot's anither wy
for cast a cloor's a clowt, nae cloot!"
Altho Hrapp splootert on at lenth,
he didnae speir: for aa that, tho,
he suin fund oot that they were set
for on til Helgi, herriein,
and he was fair taen-on wi that,

sayin they wuidnae finnd him backwart in gangin furrit, naw, nor wuid they.

Hrapp was the sorte o chiel wuid been the nane the waur o haein haed twoe eggs at brekfast-tyme a bairn wuid gart him growe the mair nor hauflin; 450 he aye haed waantit tae be strang as able for tae waarsle bears, an soople for tae lowp wi leeons.

#### Chaipter LXIV

#### The Daith o Helgi, AD 1019

As suin as they gat on thur horse, Thorgils and aa his men rade oot the wuid as fast as gied thur naigs nae tyme avaa tae sneer or snicher, and as they gaed they saw fower men ryde fae the sheilin fast anaa: or whit they thocht were men, as some say, tho ithers say they saw juist folk. Seein the wheech o thaem awo no bydein for the stoor tae saittle, 10 some o Thorgils' fuhllas said they'd better efter thaem anaa as swythe as daenae deedle-dawdle. "Naw, naw," said Thorleik Bollison, "juist haud yer horses. Let us gang the furstlins til the sheilin thonner an see whit men are thare, whit kynd o men at that, an whoe they are: I hae ma doots thae yins on horseback are men avaa; it seems til me 20 they haud thursels mair lyker wemen." Maist o the bodies roondaboot him were no for haein that, but Thorgils said he wuid hae them dae whit Thorleik wuid hae them dae, because he kent Thorleik cuid see a flae in flicht a hunder yairds awo afore it ludgeit ben a heid o hair: wi that, they traikit til the sheilin. Het-tredlik, Hrapp rade aff afore them, 30 as shortielyke as juist the dab for Hogmanay or Neerday mornin, shakkin a smaalik spear fornent him, wheechin the blade ot back an furrit, an sayin, "Dae it noo lik me, an gin ve think tae dae it better, gie me a haund an dae yer devoirs!" As fast they gaed as flicht a flane,

Helgi an thaem alang wi him

The Laxdale Saga 40 kent-nane the whit was whaat til Thorgils and his companie were roondaboot the sheilin bothie wi nae wy ben it but a doore an nae wy oot ot but a winnock. Noo kennin whaat was mibbes whit was no juist richt ootwith the bothie, Helgi an companie inwith sneckit an baured the doore as ticht as gied them tyme tae airm thursels, As smert o fuit as naething laith 50 tae shaw he was a man, nae hauflin, Hrapp lowpit on the bothie ruif lik onie messan at a wheech, and yaummert at the folk alow him was slee Tod Lowrie ben the hoose at hame wi his ainsel for yince, or haed he gane til grund awo fae folk no vince at hame wi him? Helgi gied aunswer fae inbye, 60 kennin for shair whit he'd jaloused was fell for wrangous, caurrielyke as coodnae be for deishilgaun: "It's you will ken as shair the-noo whit yince ye micht weel hae jaloused, Tod Lowrie here can play the gansh athin his lair will mak a lair for onie messan bairds him ben it." Wi that, that was for say was dae as dae enyeuch aa said an duin, Helgi drave up and oot the winnock 70 wi his lang spear tae thirl thru Hrapp, whoe yaummert yince again for aye that was the vince foreever mair whuin aa is said an duin, enyeuch as made for siccar thon paer Hrapp wuid neever hae twoe eggs for brekfast that neever did a man a herm but micht hae gart him growe abuin his hicht a man's hicht, no a hauflin's. 80 Paer Hrapp fell aff thon bluidie blade was fell as gyan orrie for him, an plappit doon upon the erd

wuid tak him ben an fou him up wi its ainsel the same as fuhll the ilka muckle man no hauf the pith an pech the hauf o Hrapp.	
Said Thorgils til his ither men: "Fuhllas, puhll-in yer horns a bit; caw caunnie gin ye'd caw oot melt fae thae yins ben the bothie thare, an no hae thaem caw your melts oot." And he gaed on; "I'm tellin you that mibbe need the tellin nane, aathing we need is in oor hauns tae mak a wrack o that bit biggin alang wi Helgi ben the place, as he kens noo an we sall ken, for shairlie thare's no monie wi him."	90
The riggin o the bothie ruif was ower yae lang haill tree that liggit upon the baith the gavel-ens; the tree itsel stack oot ayont them, the thack upon the bothie juist a single wecht o turf, nae mair, no auld as weel-growne aathegither.	100
Some o his men then Thorgils telt tae tak a haud o thae tree-ends an wecht doon on them hivvielyke as gar the tree brekk in the middis, or gar the cabers sklidder in and aff it for a rickle-wrackin: and at the same timm, Thorgils telt some o his men tae guaird the doore in case the bodies ben the bothie play breenge tae win ootbye the place.	110
Thare were five bodies ben the bothie: Helgi and his that was his son, caad Hardbien, twal year auld, nae mair; and Helgi's lauddie-herd, whoese name and age we daenae ken because the Saga daesnae gie a cheep; twoe ootlin bodies made the five, yin Thorgils caad, the-tither Eyolf, thae twoe that suimmer come til Helgi, an awfie traik, as you'll can guess that naither o them was jalousin	120

The Laxdale	Saga
-------------	------

wuid see them mak a winter ot.	
Thorstein-the-Black an Svein, the son o Alf o Dales, baith stuid fornent the doore the-tyme the lave played rug an ryve tae wrack the bothie ruif; Hunbogi, caad the Strang, an baith the sons o Armod, taen haud o yin end o thon ruif-tree, Thorgils, Lambi an Gudrun's sons the-tither en.	130
They heftit thon ruif-tree, did they, an better heftit, waarslin wi it, until they brakk it thru the middis, even as Hardbien drave a haubert ootthru whoere yince the doore haed stuid that noo was aipen, brust awo; the pynt o thon lang haubert blade gaed thru the front o thon steel bunnet Thorstein-the-Black wore, then it drave ben Thorstein's foreheid, ay, it gied him an awfie wound, an was it no.	140
Then Thorstein said naw, no a lee that thare were men fornent them thare, and ay, it was as true as ken it fae his ainsel ahint the bluid was blinnin him fornent them thare.	150
Then suddentlyke, as duin afore thocht haed the tyme tae think <i>Caw caunnie</i> , Helgi was oot the bothie doore, berserkerlyke as in amang them athooten thocht haed tyme tae think ower monie o his faes fornent him for aa thae yins the nearest til him becam as skrunkltlyke as gart them growe peerie in alow thur graith.	160
No Thorgils, tho, was staunin near him, for he strack wi his sworde at Helgi, a guidlie clooter on the shoother that gied thon chiel the meikle wound.	
Then Helgi turned tae meet wi Thorgils, a wuid-aix in his nieve, an said, "Ay, ay! The auld yin's still no feart tae see a waepon nor tae feel it!"	

	The L	ахс
castin the aix as straucht at Thorgils as strack him on the leg tae gie him a meikle wound an was it no. Mynd you, some folk say <i>fuit</i> , no <i>leg</i> .	170	
Whuin Bolli Bollison saw that, he lowpit furrit at the Helgi wi thon <i>Legbyter</i> sworde in haund, an thirlit Helgi throch-an-thru wi't that puit sae meikle skaith athin him daith-woundit him, corp kennin-nane.		
<i>Legbyter</i> was thon ferlie sworde haed killt paer Kjartan as foretelt bi Giermund thon timm Thured stown it, young Bolli's faither's slauchterer; blade neever roostie, neever foostie, naw, foostert-nane for slauchterin, naw, nor wuid flaze whuin cloorin baens, noo fairlie puit-the-hems on Helgi.	180	
Oot cam the Helgi's ootlinbodies, lik daenae byde tae think aboot it, and oot wi thaem cam Helgi's son, thon twal-year-auld young lauddie Hardbien, kennin he wasnae yin tae byde inwith alane tae think aboot it, his faither ootwith liggin deid.	190	
The aulder o the Bollisons, young Thorleik, turned on ootlin Eyolf, whoe was mangrowne a michtie chiel hichtit abuin young Thorleik's heid: but Thorleik brocht him doon a bit bi playin clooter wi his sworde abuin the knee ootthru the thie thon wy it taen his leg awo, yae meikle wound was duin for deid.	200	
Hunbogi, caad the Strang, then breenged tae meet wi ootlin Thorgils neist, an cloorit at him wi an aix sae meikle was the wecht ahint it the dunt ot ben the bodie's back cut clean ootthru the middis o him.		
Thord Cat was staunin neist til near whoere Hardbien lowpit oot for fecht,	210	

		Th
an waantit for tae set upon him		
as straucht awo as taen nae thocht		
that he was yokin on a lauddie;		
but Bolli lowpit ower an said		
he'd hae nae skaith duin on the sowl,		
and he gaed on: "Naebodie's gaun		
tae dae the durtie on him here;		
lae him alane tae leeve his lyfe		
until tyme lets his lyfe leave him."		
Mynd you, that mibbes needs telt-nane,	220	
the Saga daesnae say a wurd		
anent whit happent thon paer hird		
whoe was as smert as said whit seen		
was lyker truith nae cairriet storie,		
an gin haed been gien heid for speak		
anent the brulyie, micht hae said		
whit seen mair lyker truith nor gien.		
Here, tho, the Saga lets us ken		
that Helgi haed anither son	220	
caad Skorri whoe was brocht up thonner	230	
at Gugland soothlinmaist in Reekdale,		
as some say, ithers sayin fostert		
athin a ferm caad England thonner.		

# Chaipter LXV

## Anent Gudrun's Cheatrie

Aa duin lik that for dae folk doon for daein whit was duin afore tae dae folk doon that yit wuid be the merk for dae folk doon again, Thorgils and his ruid-scaddit men rade ower the rigg, then ben Reekdale whoere they gied oot for <i>Listen, here</i> , whoere they haed been an whit they'd duin tae dae for deid the folk yince thare were quick an vyve as kent aboot it that noo kent-nane an werenae carein.	10
Then they rade aestlins aa the wy that they haed ridden fae the waast an didnae draw a horse's rein for byte o breid or sup o yill until they gat til Hordadale.	
Thare they gied wurd for bluidie wurd the storie o thur herriein. whit happent thaem for tak a dunt haed gart them haud thur braith a bit, an whit haed happent ithers thonner haed taen the braith awo fae thaem; it was a tale wuid mak them namelie as tell it ower and ower again fornent the ingle come a winter for coorie-in an tak a dram an sing the owercome ot again, for was it no a ferlie thing owerhaillin yin berserkerlyke	20
as yon yin Helgi was, nane better? "It's I maun thank ye awfie kynlie," said Thorgils til his tail o men, as did the sons o yon yin Bolli the man that strack the straik haed gart anither straik play strack again tae caw him doon haed gart his sons play strack again for deidlie straik was no duin yit, as folk kent fyne.	30
Wi that, that was as meikle as dae nithin mair nor talk aboot it	40

until some ither bodie did as meikle mair as gart folk cock anither kynd o lug tae listen for ither ferlies differ soochin, the men that gaed til Helgi's sheilin alang wi Thorgils said fareweel; Lambi rade waastlins aa the wy as faur as Saumonreeverdale, but caain-in at Herdshaw ferm tae gie his kinsmen Olafsons a caunnie speil anent the wark, and hoo it haed gane bonnilie owerbye thon day at Skorradale.	50
His kinsmen, tho, the Olafsons, were no for lykin whit he said, an puit the Peter on him, sayin that he haed shawn he haed mair bluid fae Thorbjorn caad the Dwaiblie ben him nor whit his mither micht hae gien him fae thon auld Yrish keeng, Myrkjartan: ay, weel they kent, ben monie the yin the bluid o Yrish keengs made bluid an baen thegither ben a bodie as heidie in a brulyiement as remmelsome athin stramash, as weel as heidie ben ingyne that made for laerin staves o verse as siller-lippit sings a sang.	60
Lambi was gyan angrielyke tae hear thae Olafsons yaup-yap at him for daein whit he'd duin that he thocht lyker devoirs-daein, an said they werenae mainnerlie for flytein at him, sair owerhaillin, "because," as he gaed on tae say, "it's I hae puhlled ye aff daith's gaet."	70
Wi that, mair nor enyeuch at that, the Olafsons were left wi nocht waarth blabbin on aboot, an Lambi haed naething waarth an ocht tae speil, aabodie in thon stuishie thare as watter-brashit ben the mou wi't as tho fair bylin ben thur bellies: his ain mou splooterin lik thairs, Lambi lowpt on his naig for hame.	80

Noo, Thorgils Hallason rade ower til Haliefell, alang wi him his ain twoe foster-britherbodies, Halldor and Ornolf, and thae chiels Bolli an Thorleik, sons o Gudrun.	90
Whuin folk were doverin abed,	
Thorgils an thae yins wi him cam	
til Haliefell, as late in eenin	
as tyme for doverin becam	
faur yont nid-nod and intil slaep,	
Gudrun raise up on hearin soond	
o graith o weire ootwith the hoose,	
an gart her hoose-carles wauken tae	
an gie thae traikin bodies waalcome	100
lik My, we're awfie gled tae see ye!	100
and Are ye weel as naething ill?	
and Is aa richt as naething wrang?	
Then, haein buskit bonnilie	
the wy a wumman daes for men	
tae luk at her an keep on lukin,	
she gaed inbye her braw guest-chaumer	
whoere Thorgils and his men were gethert,	
and haein said Hullo aa roon,	
she speired at thaem tae tell thur news.	
Said Thorgils, "Ay, hullaw yersel!"	110
as cosielyke as cantie wi it,	
for he haed laid asyde his cloak	
alang wi aa the waepons on him,	
an sat in aesement wi hissel	
against the pillars o the hoose.	
He haed a jaiket on his back	
as ruid-broon as a buck-tree leaf	
in autumn come a caller nip,	
an roond his wame a siller belt	
was skinklin in the leerie licht	120
an braid as three-fower fingers wyde.	
As Gudrun sat upon the binsh	
asyde him, Thorgils spak a stave	
anent whit she haed waantil duin	
bi him and he haed duin for her.	
"Tae herrie Helgi's hoose we gaed,	

giein the corbies het man-maet, scaddin oor blades wi guid ruid bluid, paddin-the-huif on Thorleik's gaet. Three helmet-heidit chiels we slew wuid weare steel bunnets neever mair as yince they wore them, for it's true Bolli was vengeit thon day thare."	130	The La.
The Gudrun speired at thaem again tae be as caunnielyke as tell her the ilka haet o aa they'd duin for daenae need tae dae ocht mair, an Thorgils telt her ilka taet ot for her tae pree the sooch o it. "Weel," Gudrun said, "as you'll jalouse it's I maun thank we awfie kynlie	140	
it's I maun thank ye awfie kynlie for aa that you hae duin in traikin awo on sic a herriein, yer devoirs duin that needit daein noo duin for aye nae mair need daein."		
Thur byte an sup afore them set as lavrie as guid kitchen hunger, they chowed awo for bliss-the-broad, an taen thur drams for slocke-the-drooth, an then they gaed til bed an slep lik bairnies cooried cuddle doon for aa the lave was left o nicht.	150	
Neist day, that coodnae come as quick as Thorgils waantit, naither wunner, he gaed til Gudrun, and he said: "Gudrun, the wy things are atween us, as you ken fyne and I ken tae, is this for lowp-the-tallie wi me; the gaet I haed tae gang I gaed, the darg I haed tae dae is duin, even as you said <i>Gang</i> til me and I said <i>Ay</i> , <i>Gudrun</i> , <i>I'll gang</i> , ay, even as ye said til me <i>Thorgils, gang you an dae for me</i> , and I said <i>Gudrun</i> , <i>I'll dae that</i> ."	160	
"Whit I did wasnae duin for nocht tho Helgi's intil naethingness, sae I'm for askin you tae myn whit you hecht you wuid gie til me,		

yersel the ocht I'll hae for greeance,	170	The Laxdale Saga
for I'm no naethingness lik Helgi."		
The Gudrun said: "It's no that lang		
sin we colloguit baith thegither		
tae mak yae wurd no twoe things say,		
sae no that lykelie I'll forget		
the greeance thon timm made atween us tae say no twoe things wi yae wurd."		
tae say no twoe timigs wi yae wurd.		
"And here's anither yae thing said		
that isnae twoe for mak a mant,	180	
I'm gaun tae dae as I you hecht, an that's a yae thing mant-the-nane,	100	
even as you, I hecht, will ken:		
but tell you me for tell me yince		
that's no the twycet for think again,		
whit dae ye think oor greeance was		
no twycet for tellin but the yince?"		
Thorgils telt Gudrun she maun mynd		
as weel as he did, Ach, nae boather,		
an Gudrun gied for aunswer til him	100	
a wheen o wurds as easie-oasie upon the lips as oniebodie	190	
in commonalitie cuid ken.		
S'she, "I'm thinkin I said this,		
that o the men aa ower this laund,		
I'm mairrie no the yin but you:		
gin you hae ocht tae say againss		
ma wurds, then let me hear yer ain."		
"It's juist as weel then," she gaed on,		
that I myn whit was said is true		
as whit ye mynd yersel nae lee;	200	
that bein sae can be nocht else,		
nae langer I'm for haudin oot on you that I hae taen a thocht		
that gars me ken it's no ma weerd		
tae be yer wyfe, nae mair nor yours		
that you are gaun tae be ma man."		
"But juist the same," s'she, "that maks		
a differ in whit's duin, no said,		
or gin ye lyke it, whit is said	010	
a differ in the whit is duin, whuin I say that I'm gaun tae mairrie	210	
wham i say that i m gaun tae manne		

Thorkell Eyjolfson, naebdie else, whoe's no athin this laund the-noo, I'm shair ye ken that I'll dae nocht	1 110
nor hecht athin ma ilka wurd."	
Ay, Gudrun was a yae yin, yon yin, an smert as aye aa-thare, no thonner, whoe weel cuid speil a peerie taet that made a mickle o a pickle that oniebodie no aa-thare wuid neever thocht was thonner in it.	220
As flamein-ruid as sair hert-roastit, wi whit the Gudrunbodie said, for aa that, Thorgils' thochts were growein as groo an cauld as winter-bree rowein amang the voartimm saumon.	
An sae he said in bitterheid puit winter cranruch on his wurds: "A cauld wuin blaws that gars me cryne as tho I were the hauf o me that I was thon timm breistin-up til Helgi ginn he clootert me wi thon aix made a meikle wound; lik tak a tummle til masel, I ken this cauld wuin's no a freit,	230
but straucht fae whoere cauld coonsel comes, Snorri-the-Praest's ain pluffie lips."	
Uplowpit Thorgils, angrielyke as daud the feet upon the flaer, then, sayin nocht anent the bleeze o fyre-frustrate athin his kist, gaed oot amang his fechtie freens sayin that he was oot for aff mair lyker dichtin fousome clart	240
slaigert his shuin at Haliefell.	
Thorleik was awfie puittent-oot ower whit haed happent Thorgils thare, lykin-the-nane his mither's sleeness gaed gart paer Thorgils champ the flaer; but Bolli taen his mammie's syde as tho sae aye straucht-furrit gaun she coodnae jook athin a nyeuk: the Thorleik chiel, an honest fuhlla; his brither Bolli, mither's bairn.	250

Then Gudrun said that she wuid gie Thorgils a wheen o guidlie gifts tae soople-up his thochts anent her, but Thorleik telt her: "Daenae boather, for Thorgils is ower prood a chiel tae tak whit you micht lyke tae gie him for takkin sic a lend o him: shairlie ye're no for thinkin Thorgils awo ayont as no aa-thare?"	260
"Ach, weel, gif that's the case," said Gudrun, "he'll hae tae dae awo hissel whether faur gane fae whoere he's gaun, or lyke masel, ben Hameldaemae!"	
Ay, Gudrun was a sonsie blade whoe cairriet meikle graith o spreit biggit ben flesh an baen an sinnen, fuhll sixteen unce til ilka pund, wi twoe-three mair athin her haerns the weibauk didnae cowp tae ken, but were snode-bookeit bonnilie as wechtit baith her mynd an mainner.	270
Aa duin for waur as gart him be as wuid as onie Mairch bawd yokit, Thorgils rade aff fae Haliefell wi baith his fechtie foster-brithers, syne hame til Tongue in Hordadale, no hauf the man he'd been afore.	280
And ach, altho a gomeril, whiteever else cuid Thorgils duin, thon wummanbodie priggin at him tae dae, as gif she'd been a man, she'd lykit for tae dae hersel: as you'll jalouse, an naither wunner, yae pund o Gudrun on a weibauk	

was waarth the wecht o twoe haill wemen.

#### Chaipter LXVI

#### Osvif Helgison an Gest Oddliefson dee

That winter, Osvif, Gudrun's faither, gaed faurben in a seikness, then gaed furder ben ayont the licht that let folk see him gy no weel wuid see him furder yont the licht until he deed as ben the daurk: a meikle losse, the bodies thocht, as meikle as his wyssheid gane as faur as coodnae weel be fund. They yirdit him at Haliefell 10 athin the mools thare, whoere his Gudrun sae fair taen-on wi sic a name. haed haed a kirk upbiggit, thinkin it micht be halie as her ettlin. Noo, that same winter ben his baens for awfie cauld roond-happin him, Gest Oddliefson fell ill anaa, Gest Oddliefson, thon chiel, ye'll mynd haed telt Gudrun her dreams nae dwaums but whit wuid be the naething less 20 nor whit wuid be enveuch tae gar her be gyan meikle mair in storie. Great seikness growein hivvie on him, lik tak yae hinmaist thocht for freens wi wunner whit haed happent thaem for mak a sang or lilt lament, Gest caad for his son Shortie Thord, an said, "It's I'm for thinkin, son, that I'm for aff and you no wi me because I'm gaun as faurben daurk 30 as daylicht winnae let me see ye." "Whuin I am faur ayont the kennin whit yince I was an whit become, cairrie ma corp til Haliefell and yird me thare as caunnilie as tho I heard the wurds abuin me will let the folk ken whoe I was vince puit ma ain wurds ben thur kennin: ay, I can tell ye, Haliefell will be a place abuin them aa 40

	The L
yae day, for I hae aften seen	
a licht thare, halieness a lowe."	
Ach, whit it is tae be as auld	
as ken whit yince ye did hauf-richt	
as didnae let folk see ye haill,	
an ken hauf-wrang whit you did nane	
let folk see you for hauf the man	
ye kent ye cood be, gien the chaunce!	
,	
Gest kent that Aabodie noo saw him	
even as he saw his ainsel,	50
his back sae boued as set in eild	
as haed naewhoere in hicht tae gang	
tae gar him staund as sodger-straucht	
as yince in yuithheid mairched til weire.	
Ach, whit it is tae be as young as cannae ken whit eild will mean!	
as cannae ken wint end win mean:	
Wi that, Gest deed, an naither wunner,	
for winter eild was ben his baens	
even as winter waather roond him	
was thon byrodnar cauld that gart	60
the yce growe aagaets bearin-haurd	
no juist for bairns tae sklidder on	
but for tae puit-the-hems on ships:	
Braidfrith itsel alow cauld grup	
let nane sail fae the Bardistraund.	
The come of Cost was liggit out	
The corp o Gest was liggit-oot in state, gy lyke hissel, folk said,	
for twoe haill nichts, the neist yin, tho,	
a stormer o a wuin played bowff	
upon the yce tae daummer it	70
an caw it aff the straund in dauds,	70
the waather neist day caum an still.	
Thord taen a ship wi Gest aboard it	
made differ-nane in drawin watter,	
then soothlins sailed acorss Braidfrith,	
laundfaa at Haliefell that eenin.	
A lymlia waalaama aisa kira thara	
A kynlie waalcome gien him thare	
lik Mibbes it was for the best,	
an <i>We'll no see his lyke again</i> , Thord styled the night there out the cauld	80
Thord styed the nicht thare oot the cauld, the byte an sup thare kynlig gien him	00
the byte an sup thare kynlie gien him	

as Hae anither bowle o kail, and Here's a dram will gar ye slaep.	
Neist mornin, Gest was yirdit doon no lanelie as he micht hae felt gin juist hissel athin the mools, gif sic a place in sic a state is whoere a laneliness is felt, an sic a state the wy tae be tae ken a laneliness avaa: naw, sic a state o laneliness was naither here nor thare, because they yirdit him in Osvif's lair.	90
Gest's ain soothsayin langsinsyne badd wi him thare at Haliefell whoere he and Osvif badd thegither as Gest said yince, for thare his hoose and Osvif's hoose were near enyeuch tae let them crack awo, that is, gif nocht an naebodie micht say "Here, haud awo, you twoe: nae gabbin!"	100
The yirdin ower for happit snode as byde-the-wheesht for voartimm flooers, the Shortie Thord chiel made for hame as suin as he cuid say "Fareweel."	
An weel did he fare, did he no, because, the neist nicht ben a blaw, the yce was cawed upon the straund bydein thare ticht aa thru the winter, ay, ticht as gruppit ships aboot sae nane cuid mak for aipen watter.	110
Men thocht thon was a ferlie thing, that siccan waather let Gest's corp be taen bi ship acorss the watter	

whuin aa that samin winter cauld

thare were nae ither sailins made afore that tyme nor efterwarts.

#### Chaipter LXVII

## The Daith o Thorgils Hallason, AD 1020

Weel noo, Thorarin was the name
o a man that leeved ower Langdale wy;
tho highheidyinlik as aye lykit
tae luk it, thon Thorarin wasnae
whit some folk micht caa michtielyke.
His son, but, was mair vyvielyke,
Audgisl caad, that was a name
for lang wuid myn folk whoe he was.

The wy they were nae wy they waantit, whit cood they dae but byle awo whuin yon yin Thorgils Hallason taen whit highheidyinship they haed awo fae thaem for guid for skelps.

Audgisl, tho, thocht thare was yae thing that he cuid dae micht mak a differ, and aff he gaed tae see thon chiel Snorri-the-Praest tae tell him aathing no juist no fair Thorgils haed duin but mirkielyke as doonricht hellish, an speired at Snorri for a haun wuid see the Thorgils chiel duin doon.

Snorri, as folk aboot the doores are lyke tae say, was "fly's a jyler", spak til Audgisl fair enyeuch but wuidnae puit hissel as furrit as no the yin for hingin back, sayin, "Man, this Thorgils jooker, ay, this Halla yin, aye at the griggin, is neever backwart comein furrit, ower gallus for his ain guid wi't."

"Is this yin Thorgils aye the lyke can staund up, neever cassen doon? The lyke can ayeways luk aboot as neever see yae neebor lukin tae see him puit upon his back, duin doon for yince will be for aye?"

"Ay, doot nae doots, he's gyan muckle as no that monie marralyke, 10

20

	The Laxdale
but men the wecht o him hae drappt	
the deeper doon in Hell because	40
ower wechtie for the flicht til Heeven."	
An gin Audgisl gaed awo,	
Snorri gied him an inlaid aix	
wi naething said for whit tae dae wi't,	
tho something o a wunnerment	
juist whoere the aidge ot micht weel be	
laid-in athooten flaze upon it:	
ocht ay, an aix a hazard aye	
for onie heid gat in its wy	
athooten helm tae skyte the clooter.	50
Naething that Snorri did was duin	
haufhertitlyke as no thocht thru,	
thirlit thru myn fae lug til lug,	
as you'll can ken gin you'll read on.	
Neist voartimm, Thorgils Hallason	
an Thorstein caad the Black gaed soothlins	
til Burghfrith tae gie bluid-gelt	
til Helgi's sons and ither kinsmen,	
wi paece an greeance ilka haund	
and honour duin til Helgi deid.	60
Thare Thorstein pyed twoe pairts o siller	
in earnest o the slauchterin,	
the thrid pairt Thorgils was tae py	
come suimmer at the Althing meet.	
Aathing gaun on at Althing-tyde,	
folk thrangitie as foggie-toddlers	
getherin gowden hairst o hinnie	
wuid see them thru the winter-tyde,	
even as Althing clash an coonsel	
wuid waarsle winter thru the cauld	70
ayont the blaw bi ingle-nyeuk.	
That suimmer then, the Thorgils fuhlla	
rade til the Althing wi his men,	
but as they made thon lava-binsh	
bi Thingvellir, they saw a wumman	
was comein furrit ower til thaem,	
an Loshie-loe-me, she was muckle!	
No sweirt, lik See the whoe's fornent ye,	
Thorgils rade up til her, no feart,	

lik <i>I see whoe's fornent me tae</i> , but thon fell bodie turnt awo an said, for tak a caunnie thocht:	80	The
"Gang furrit, ay, but mynd ye this, ye'll no win bye thon Snorri's wys; for nane, say I, is hauf as wyss."		
Wi that, she gaed upon her wy that wasnae Snorri's wy nor Thorgils.	90	
An Thorgils said: "Seenlins it was, whuin aathing gaun for me guid greeance, that you were leavin Althing thonner and I gaun furrit thare lik noo."		
An ben his myn, the Thorgils' thochts were flypitlyke as ootsyde-in, as quiverie as ettle at it but waarth wurd-waarsle-nane on tongue.		
Her wurds were lyke a winze upon him, for yon yin was yae muckle fetch the lyke o trows in days gane bye, yin neever gien the licht o day for blissin ilka day saw lyfe; a freit that wasnae bairnt in wumman, naw, nor was eever craitur kyn upon the gerss in suimmer parks or ben the shaws for winter beild wi horn on heid an cluit on huif, or hairie, paddit lyke a wolf;	100	
naw, thon was nocht avaa but thocht scaddit lik his auld mitherbodie yince gied his bairnlie caufs a skelp tae gar him ken that she kent best, an mynd him man is made bi wumman whoe sees him barescud as a bairn that yowls the braith that gies him lyfe, syne sees him rickle-baen in daith as barescud as made clean for tyme an quaet as braith-the-nane tae pech.	110	
Thorgils rade on the Althing wy, an gaed til his bit bothie thare,	120	

nae doot for byte an sup o thocht tae chowe it ower an pree the bree ot.	Ine La
Aer-on for no that meikle daein, aathing was quaet as daein naething tae mak this Althing yin byordnar.	
Yae day, whuin folk hung oot thur claes for droothieness tae gar them divot, Thorgils ain braw, blue coulit cloak spreid langwys on the bothie waa, whuin it is said, thon wy heard-tell micht said it, thon same cloak was heard tae say in speak byordnarlyke:	
"As weet as dreepin on the waa, a hoodie-cloak lik hoodie-craw kens yae braid made for cheatrie twoe that neever will be waasht awo."	
Folk thocht thon was yae ferlie thing for wunnerment, an naither wunner, for some folk say the tongue that spak140fae in amang the blue claith cloak belangit Thorgils' trowlik fetch.140	
Neist day then, Thorgils gaed ower waast the reever for tae py bluid-siller til Helgi's sons, hissel doon-saettin upon the lava-bink fornent the bothies, foster-brither Halldor an twoe-three mair alang wi'm gaun	
The sons o Helgi deid cam ower tae tak the siller pyed bluid-lawin, 150 Thorgils the fautor coontin it, whuin Audgisl Thorarinson cam ower as coont was taen til ten, an wheecht thon inlaid aix ootthru paer Thorgils' hause tae caw his heid	
fae aff his shoothers as his tongue, folk say, Was heard tae coont eleeven. Tak you thon wurd for wunnerment, or daenae tak it, ferlie-nane, it's you'll can tak for siccar telt 160 paer Thorgils neever gat the lenth o coontin oot the nummer twal, his pech bi that timm gane for aye.	

As swythe as aff gaed Thorgils' heid afore the coont haed gat til twal, sae thon Audgisl ran awo as faur's the Watterfrithers' bothie, ay, swythe in case the heid said mair, but no as fast as ower faur gane for Halldor tae catch-up wi him fornent the doore o that same bothie an clooter him no juist a dull yin but sic a dunt as cawed him deid afore his tongue cuid coont til three lik onie bairn caas O'Learie tae "haud his whup" til he "birls his peerie."	170
As slee's a jooker eever jinkit, Snorri-the-Praest, whuin telt the news anent the slauchterin o Thorgils, said til the man gied wurd o mooth anent the brulyie, "Shairlie, noo, thare's some mistak, for shairlie then it maun be Thorgils Hallason that did sic daein o the devoirs?"	180
The man said, "Aw, but shairlie naw! Man, gin he did, it was hissel he killt, for it was his ain heid played stoat upon thon lava-bink."	
The fell, slee, jinkin jooker, yon yin Snorri-the-Praest said: "Dae ye tell me! Then mibbes aa the devoirs duin were meant tae dae the whit they did because thon was the Thorgils' weerd he haed tae dree as dree he did!"	190
Whether a weerd thon slauchterin, lik cannae luft a haun tae stope it, or whether chaunce lik tyme an place an dae a yaething or a naething, the wy paece-saettlement was made is telt athin the wark is caad <i>Saga o Thorgils Hallason</i> .	200

#### Chaipter LXVIII

### Gudrun's Mairriage wi Thorkell Eyjolfson

That suimmer Thorgils Hallason was killt for nichtit lyke the winter that he wuid neever see, no weerdit, intil Bjornshaven cam a ship belangit Thorkell Eyjolfson.

Bi that timm, gettin gy weel-aff, Thorkell haed twoe braw maerchant ships at wark for him athorte the swaw, the-tither boddom come ben Ramfrith at Bordeyr liggin: baith thae ships haed timmer til the gunnels stappit.

As suin as Snorri heard that Thorkell was hame, he didnae let the stoor hing roondaboot him as he rade fuhll-pelt til whoere Thorkell haed bertht.

Snorri, ye ken, was neever slaw in daein whit haed tae be duin, naw, even tho his speak was whyles a weething caunnielyke as let ither folk dae the daein in it.

Thorkell was awfie gled tae see him, giein him the waarmer o a waalcome, for thare were drams galore aboard the skipper o the craft poored oot, lik brim-fou and a bit skailed ower, tae slocken drooth wi *My*, *that's guid!* an soople thocht wi *I was thinkin!* Ay, monie were the things were said lik *Let me tell ye this! Believe me!* an monie were the things were thocht lik *Whit's ahint whit he is sayin?* 

Syne, drammin-hunger gien its burst, a richt guidgaun tichtener, Snorri speired at the Thorkell chiel tae tell him aa anent the ongauns o thae yins ower in Norowaa, in Norowaa acorss the faem,

an Thorkell telt him ilka thing as weel as drammin let him dae it, 10

20

The Laxdale Saga 40 an truithfoulyke thon wy the saw says the truith is ben a tassie keekin, mairsae fornent an ingle reekin. Then Snorri telt aa ongaun here in Yceland waastlins ower the swaw. whuin Thorkell was awo fae hame, tellin him ilka ither thing, for drammin made him gyan caunnie as tongue ower fankeltlyke tae speak thon wy the saw wuid say gin able: truith isnae ben a tassie keekin, 50 fornent a mirkie ingle smeekin. Said Snorri til the Thorkell chiel, thon wy wuid gart a bodie ken he'd lykit fyne tae been as fly as walk the ceilin upsyde-doon: "Man, noo it seems til me that you suid tak guid tent o whit I said afore ye gaed awo the last timm; ye ken, it's tyme ye didnae let this seawys trailin efter siller 60 tak sic a lend o ye, because it's high tyme that ye plappit doon upon yer dowp as quaet as caunnie, an taen a wyfe, ye ken, the yin we crackt aboot afore ye gaed." Then Thorkell said: "Man, shair I ken whit you're gaun on aboot, for aathing we said thon tyme is uppermaist athin ma myn the-noo, and I 70 can tell ye I'll no chip awo the chaunce o sic a waarthie mairriage gin it be brocht aboot for siccar." Said Snorri til him: "I'm no sweir tae dae as I see's needit duin, because the place is weel redd noo o thae twoe maitters boathert us gif Gudrun is tae be yer wyfe sae you can dree yer weerd wi hers: vengement haes noo been duin for Bolli 80 an Thorgils haes been wheecht awo, weerdit wi Bolli faurben thonner." Said Thorkell til him then: "Man, Snorri,

yer coonsels rin as deep as saumon	
an wyss as thae same fishes are;	
yer coonsels come an gang lik waather	
alang wi wuins that come an gang;	
and even as I am a man	
for lang haes seen the saumon come	
because o wuins that bring the waather,	
•	00
I'll think on you an whit ye say	90
as weel as Gudrun and masel	
as tho you were baith wuin an waather	
and I a saumon comein hame	
amang the grush that gied me beild."	
As some folk say, for twoe-three nichts	
Snorri badd on the ship, tho ithers	
say twoe-three days, it maitters little,	
the-tyme that Thorkell Eyjolfson	
was soomin ben his burns o kennin;	
an then they taen a ten-oared boat	100
liggin alangsyde Thorkell's ship,	
an made it ruidie for tae cairrie	
a score-an-five menbodies in it	
as faur as ower til Haliefell.	
as faur as ower in francien.	
Thare Gudrun was fair gled tae see them,	
giein the Snorri fuhlla waalcome	
lik Och, high tyme we're bye wi tyme	
gane bye us lyke nae myndin bye us,	
as he til her, Ach, Gudrun, hen,	
,	110
I 'm aye faurben wi gledness near ye:	
	110
that duin, for say no meikle mair	110
that duin, for say no meikle mair as needit-nane, they taen thur gless.	110
-	110
as needit-nane, they taen thur gless.	110
as needit-nane, they taen thur gless. Yae nicht ongaun for let things byde	110
as needit-nane, they taen thur gless. Yae nicht ongaun for let things byde the-tyme a thocht is taen anent them,	110
as needit-nane, they taen thur gless. Yae nicht ongaun for let things byde the-tyme a thocht is taen anent them, Snorri caad Gudrun for tae hae	110
as needit-nane, they taen thur gless. Yae nicht ongaun for let things byde the-tyme a thocht is taen anent them, Snorri caad Gudrun for tae hae a peerie bit o coonsellin, an said til her: "The things that 'aye	110
as needit-nane, they taen thur gless. Yae nicht ongaun for let things byde the-tyme a thocht is taen anent them, Snorri caad Gudrun for tae hae a peerie bit o coonsellin,	110
as needit-nane, they taen thur gless. Yae nicht ongaun for let things byde the-tyme a thocht is taen anent them, Snorri caad Gudrun for tae hae a peerie bit o coonsellin, an said til her: "The things that 'aye maun be a somewy' are lik this that cannae be ocht else nor this	120
as needit-nane, they taen thur gless. Yae nicht ongaun for let things byde the-tyme a thocht is taen anent them, Snorri caad Gudrun for tae hae a peerie bit o coonsellin, an said til her: "The things that 'aye maun be a somewy' are lik this that cannae be ocht else nor this or I wuid no be here avaa;	
as needit-nane, they taen thur gless. Yae nicht ongaun for let things byde the-tyme a thocht is taen anent them, Snorri caad Gudrun for tae hae a peerie bit o coonsellin, an said til her: "The things that 'aye maun be a somewy' are lik this that cannae be ocht else nor this or I wuid no be here avaa; I'm here wi Thorkell Eyjolfson	
as needit-nane, they taen thur gless. Yae nicht ongaun for let things byde the-tyme a thocht is taen anent them, Snorri caad Gudrun for tae hae a peerie bit o coonsellin, an said til her: "The things that 'aye maun be a somewy' are lik this that cannae be ocht else nor this or I wuid no be here avaa; I'm here wi Thorkell Eyjolfson as you ken fyne he's here wi me	
as needit-nane, they taen thur gless. Yae nicht ongaun for let things byde the-tyme a thocht is taen anent them, Snorri caad Gudrun for tae hae a peerie bit o coonsellin, an said til her: "The things that 'aye maun be a somewy' are lik this that cannae be ocht else nor this or I wuid no be here avaa; I'm here wi Thorkell Eyjolfson as you ken fyne he's here wi me no for the sake o oor ainsels	
as needit-nane, they taen thur gless. Yae nicht ongaun for let things byde the-tyme a thocht is taen anent them, Snorri caad Gudrun for tae hae a peerie bit o coonsellin, an said til her: "The things that 'aye maun be a somewy' are lik this that cannae be ocht else nor this or I wuid no be here avaa; I'm here wi Thorkell Eyjolfson as you ken fyne he's here wi me	

whiteever else may come o it."

"Thorkell, ye ken, is gy kenspeckle as no that monie saut abuin him, as you ken fyne whoe ken his kynd as furrit as no laich alow the saut in onie companie: forbye, he's naither shorte o siller, nor wi it, shorte-the-shullin ot."	Th 130
"As faur as I'm concaernt, Thorkell this bonnie day is yin maist lykelie athin this waastlins airt will be highheidyinlyke abuin them aa, that is, gin he hae craikin for't will gar him pad-the-huif alang the grushie gaet ot for the gree ot."	140
"Amang the lave in Yceland here, as you ken fyne that needs nae tellin, folk thocht him aye a laud o pairts become a man as haill as ocht that made him aathegither ticht, but even ower in Norowaa, in Norowaa acorss the faem, the highheidyins amang folk thare luk up til him as tho he were the heid an shoothers ower them aa."	150
Gudrun gied aunswer til him then: "As meikle as ye say that I hae heard that daenae need the tellin, Thorleik an Bolli, ma twoe sons, will hae a meikle mair tae say, sae they micht need tae hae mair tellin."	
"No juist that, tho, thare is anither, Snorri, yersel, whoe else but you, the thrid man nearest til masel for coonsellin on meikle maitters; and I can tell ye this nae lee, ye aye hae gien me guid avysement, lik haun for kent tae lowp a dub, or airm tae lean upon in tribble, or shoother for tae wecht a burthen."	160
Til that speil, Snorri was as straucht as naither jookerie nor jinkie, sayin that Gudrun maun be wyss as laith-the-nane tae mairrie Thorkell.	

Then, caain-in the sons o Gudrun, Snorri puit aathing furrit til them tae let them ken they wuidnae losse wi Thorkell's wecht o waalth ahint them, as weel's the wyssheid gart him hain it: thon Snorri speil puit furrit wasnae a something gyan yuchellin as tho a haar athin the hause were fou o tyuch yins no for oot, but mair lik hinnie aff the kaim as swaet as dreeblie fae the mou tae sook back ben as lavrie as the best o kitchen ben the hoose.	170
It was the Bolli gied him aunswer: "I'm shair ma mither's mair the yin will see whit's ben yer speak as cleirlie as tho she saw yer verie wurds scartit athorte her kennin ee; and you be shair I'll lippen on whit she says she haes seen can please her."	
Bolli gaed on: "Mynd you, tho, Snorri, we think it wyss tae listen til ye an tak guid tent o whit ye say, because we ken as best can ken whit you gane bye hae duin for us."	190
Gudrun puit wecht upon her wurds wi her ain speak was nae smaa booke: "Snorri, we aye tak your avysement as aye abuin the lave for coonsel, an neever hae we haed tae tak til avizandum ocht ye telt us."	200
Wi ilka wurd the Snorri spak he priggit on for better say it, as wi the ilka ither wurd he said as naither here nor thare, he eggit on the mairriage ploy, til coonsel said was coonsel made: Gudrun an Thorkell were tae mairrie.	
A caurrie yin the Snorri yin til thaem were neever freens but faes; an creeshie thick as clabber-da til thaem were freens as neever faes.	210

Snorri said noo he'd lyke tae hae the waddin ben his hoose at hame, Thorkell the fair taen-on at that, because, he said, "For siller, ken, I'm gy weel-breekit, pootshes fou as ruidie for the skailin-oot for ocht ye'd lyke tae see weel duin."	
Yae wurd fae Gudrun then, in passin, said mair nor waasht twoe byne o claes wi neebor wemen sooin at it, thur tongues as clish-ma-claverie as sapples thrangitie at wark. S'she, "We'll haud the waddin-faest	220
richt here at Haliefell, because the siller needit for tae haud it will gar me blink an ee the-nane, and here's anither thing no gaun tae gar Thorkell nor onieyin tae blink an ee, I speir at nane	230
tae boather heid or siller ower it." "Och, Gudrun, hen, indaed-an-trothe, said Snorri, "aften dae ye shaw ye hae a spreit no juist abuin the lave o wemen, but abuin a gyan wheen o men at that!"	
Lik clabber-da, the creeshie thick wi thaem were neever faes but freens, the Snorri yin the caurrie yin til thaem were faes as neever freens.	240
Aa saettlt noo for nocht tae dae but byde the wheesht until the waddin wuid tak place thare at Haliefell, as some say, waantin six weeks suimmer, or as some ithers say, six weeks afore the comein o the winter.	
Aathing in haun for wark tae dae as duin the wy the haun can dae it, Snorri an Thorkell gaed awo, Snorri for hame, nae doot tae think whit he was no for tellin folk unless he waantit thaem tae think they aye haed thocht they thocht it furst;	250

or mibbes hame tae mak a plan that he wuid be for haein folk tae dae as tho they thocht they'd made the plan thursels thursels tae dae: an Thorkell til his ship tae see the suimmer thru as faur's the waddin, wi turn an turn aboot owerbye thonner til Tongue then back aboard.	260
Tyme ongaed til the waddin-day as tho the oors ower suin gane bye as left but little tyme tae pech at aa the wark was duin bi Gudrun tae mak aa ruidie byte an sup, altho, as cleckin bodies said, it wasnae lyke she didnae hae a kennin haun for whit was duin lik thon guid gangin fuit she haed for acttin no was man but forwar	270
for gettin no yae man but fower. Snorri cam owerbye til the faest wi Thorkell Eyjolfson, an wi them a tail o gy near sixtie men, a wale o chiels, the maist o thaem as weel puit-on as rorie-lukin as staunds o claes cuid mak them, scaddit wi colours lyke a wheen o tartans.	
Gudrun haed brocht thegither roond her nearhaund yae hunder and a score o guests, the chycest o the chaisen, whoe gaed oot ower the gaet wi Bolli an Thorleik for tae meet wi Snorri and aa thaem wi him, haudin-oot a richt guid waalcome til them aa wi <i>Here ye are for whoere ye're gaun!</i> an <i>Gin ye're comein, on ye come!</i>	280
The horse an claes an bits o things brocht wi the guests for thair ain yuiss were aa taen ower bi Gudrun's hoose-carles, aabodie gien guest-chaumer room: Thorkell an Snorri wi thur train taen saets upon the heicher bink, whyle Gudrun and her guests were saetit upon the laich bink o the twoe.	290

### Chaipter LXIX

### The Castin-oot anent Gunnar

That autumn, as the Saga says, tho mibbe suimmer wearein intilt. a chiel haed been sent on til Gudrun for beild a place athin her hoose and hainin see nae skaith upon him. Gudrun haed taen him ben in hiddlins, even his verie name in dern: that name was yon yin Gunnar, made an ootlin bodie for the slauchter o yin Thridrandi, Geiter's son, a fasherie that haes been telt at lenth in The Nyardvikings' Saga. Aboot the place, he gaed lik yin whoese heid was in alow the wuid, because thare was a feck o folk lukin for him, highheidyin bodies. The waddin-faest furst eenin, then, as men gaed doon tae hae a waash alang the wattersyde, they saw a muckle bodie staunin thare. wearein a bunnet on his heid: he was braid-shoothert ower the kist, braid-kistit haurd abuin the wame, wame sooplelyke athooten creesh. Thorkell speired at him, "Whoe are you whuin you're at hame, gif no hame here?" Gunnar gied him a name was no the name he haed at hame, nor was the lyke o name was kent here aither. Said Thorkell til him then, as smert as kent a man can mak a name

is no the same as maks the man: "Altho ye arenae speakin lood

the wy a lee is aften telt, I'm thinkin you're no tellin truith that is as quaet as neednae gulder. And even as a cairriet storie can cairrie truith as weel's a lee,

10

20

		The Laxa
fae whit heard-tell haes said aner		
the chiel that slauchtert thon Thr I'm thinkin heard-tell telt nae		
gars you luk lyke Thridrandi's		
	KIIICI.	
an gin ye're sic a flamein hero, as monie ither bodies say,		
whye dae ye keep yer name in hi	ddlins?"	
whye dae ye keep yer hame in m	uumis!	
An Gunnar then til Thorkell, as		
straucht-furritlyke as mant-the	-nane:	
"Ye speak as lood's ye lyke fo	r truith	
as weel as quaet as tells nae le	e,	
sae gin I say the truith tae tell	50	
is aathing ben baith quaet an d	in,	
ye'll ken I cannae byde in hiddlin	18	
athin a name I'm no at hame w	vi.	
Ma name is Gunnar, as ye ken,		
and I maun tell ye. Tell you m	ie,	
whit ettle you tae dae aboot it?"		
"Ye'll ken that quick enyeuch," s	said Thorkell.	
seikin his men lik duags on Gu		
Aa this gaun on, Gudrun was s		
wi ither wemen on a bink	60	
the heicher end o her haa-biggin,		
the ilka yin o thaem weel-busk		
the young yins, wyfies, ilka au	•	
haed heid-graith made o snaw-	•	
young wemen kent for whit the	5	
bi wearein snoods telt aabodie		
thur mithers coift new-fankelt	•	
as telt folk they were in the fau		
lik <i>Tak a luk at us, we're sayir</i> the aulder wemen wearein mu		
that telt o days langsyne whuir	•	
yince young enyeuch tae wear		
then auld enyeuch tae deck thu	-	
afore they taen a mutch for con	mon.	
As suin's she kent o thae onga	uns	
wi Gunnar at the wattersyde,		
up Gudrun gat fae brydal bink,		
caain her men tae oot an gang		
an gie the Gunnar bodie help,		
tellin them for tae gie nae quarter		
til oniebodie stuid againss the	n.	

As Gudrun haed a guidlie wheen o men the mair nor Thorkell haed, the baess that waarslt ower the grun was differ o a soo bi snoot.	The
Snorri-the Praest gaed in atween the baith the sydes, an telt them aa for Heeven's sake tae haud thur horses, an for tae dae the Deevil doon for onie sake tae hae a baurley. 90	
An then he said, as fly's a chiel as micht puit snitchers on a jyler, "Thorkell, thare's yae thing suid be cleir til you gif no til aa the lave that think they see but cannae ken whit you can ken that see for shair,	
an that is hoo byordnar is Gudrun, owerhaillin baith o us."	
Thorkell, tho, said that he haed hechthis namesake, Thorkell, Geiter's son,100that he wuid kill the Gunnar chielgif that yin airtit waastlins wy,because, he said, his Thorkell namesakeand his ainsel were guidgaun freens.	•
The Snorri fuhlla, sleekitlyke as ayeways said a yae thing twycet for makkin siccar heard the furst timm, whoe ayeways said a saecont thing tae caw oot myndin o the furst gif that yin no that thrang at wark, 110 then gied a mixter-maxter speil tae pauchle truith wi hauf a lee: said he, "Thorkell, the devoirs on ye noo pynt oot the gaet that you maun gang is doon the pad we'd gar ye traik;	)
<ul> <li>Is doon the pad we'd gar ye track,</li> <li>but mair nor that, the wy it is <ul> <li>for your ainsel ye pad-the-huif,</li> <li>hoo faur ye gang, the naewhoere else</li> <li>will let ye licht upon the sicht</li> <li>o wummanbodie lyke oor Gudrun."</li> </ul> </li> <li>Fankelt in myn bi Snorri's speak <ul> <li>that gart him think he'd heard the truith</li> <li>as quaet as no lyke gulderin</li> <li>that ayeways is as lood as lee,</li> </ul> </li> </ul>	)

	Т
Thorkell puit his ainsel athin	
the caumest sooch he'd eever kent,	
an that same eenin saw the Gunnar	
get aff his merk for yonner gaun.	
The waddin-faest gaed furrit noo wi lauch athooten snicher in it;	130
wi sang that rowed aroon the lips	
lik hinnie aff the kaim for swaetness;	
wi storie made in verses liltit	
o men the ilka yin highheidyin	
as braw athorte the broo as braid	
athorte the shoothers in a brulyie;	
o wemen ilk yin neeborin	
the men were fit for thaem tae neebor,	
thae wemen bonnie as men braw;	
whyles folk were fain tae sing an owercome	140
as at anither tyme were quaet	
as nod the heid til melodie	
neeborin wurds were sangs thursels	
were gowden sunlicht whyles fae singers,	
and ither tymes lik siller muinlicht.	
Syne, as heid-fuhll wi sang an clash wuid mynd them whoere they'd been lang efter, an bellie-fou wi tichteners	
wuid see they werenae bosse gaun hame,	
the guests made ruidie for tae gang,	150
wi aa the highheidyins an Snorri	
gien guidlie gifts at Thorkell's hauns	
tae see them gaun wuid mynd them been thare.	
Snorri-the-Praest then speired at Bolli that that young lauddie gang wi him	
an byde as lang thare as he lykit;	
Bolli then rade alang wi Snorri	
til his new hame in Saelingsdale	
at Tongue tae byde wi Snorri, sayin	
"It's I maun thank ye awfie kynlie,"	160
for whit else cood he say, the lauddie,	100
sae weel duin for bi Snorri as	
nae doot Snorri weel duin for tae	
bi Bolli gien the hauf a chaunce.	
<u> </u>	
Noo saettlt doon at Haliefell,	
lik tak a turn aboot the place	
as deishilwys as richt gaet gaun,	
Thorkell gat yokit at the wark	

	Inc	силише
aroon the mains an ben the steidin no widdershins as caurrielyke,	170	
folk seem syne he was as guid		
a fermerbodie as a trader.		
Tae mak his merk upon the place as naebdie else's but his ain, he dangit doon the meikle fermsteid		
an biggit up a braw new hoose		
afore onset o winter waather.		
Thare Thorkell and his Gudrun thrave in luve as dearlie as they luved the braith o thairsels dearlie tae, as winter passed ootbye thur beild an left them lown an snode inbye it.	180	
Come voartimm for a caller braith o air athorte the mains braid parks vyvie wi gerss a scad o green,		
an Gudrun speired as caunnilie		
at Thorkell in the Snorri wy		
that haed a something ben the speak that wurds thursels kep weel in hiddlins:		
s'she, "Whit are ye gaun tae dae	190	
anent Thridrandi's killer, Gunnar?"	170	
anent Tinterandi S Kiner, Ouiniai?		
This gars ye think, gif praise the Lorde		
an luve alane were ben the wurd,		
we'd hae nae speak for damn the Deil.		
the a line openit for anim the Defit.		
An Thorkell, soochin-in a braith		
o air as caller as still myndit		
auld winter blawin snaw aboot,		
said, weel content wi caunnie paece,		
that he wuid dae the whit she thocht,		
because, as he gaed on, "I ken	200	
ye're set in mynd as cannae moodge		
unless tae caw thon man awo		
wi honour lyke a sang o praise,		
an treisure trove athin his kist."		
Gudrun said Thorkell wasnae wrang:		
s'she, "I'll tell ye whit I'm waantin,		
an that's a ship as dacentlyke		
as eever sailed acorss the faem,		
an wi it, aa the graith aboard it cannae sail awo athoot."	210	
it califiar sall awo athout.	210	

Said Thorkell, wi a wee fonde smirtle: "Nae maitter juist hoo meikle is a something ben the myn tae think on, Gudrun, ye neebor it wi thocht maks little o the daein o it."
"Ye ken," said he, "ye hae a man the marra o yer mynd as man as you the marra o his mynd as gars ye neebor him aa thru: that's whit ye are; and as I am, I'll dae for you whit gars ye grein tae be the neebor o masel."
Aa this was duin. An Gunnar taen the gifts as cantielyke as kynlie, sayin, "Ma airms arenae lang enyeuch as eever can rax ben a pootsh as deep as hauds the kynd o siller needit tae py the honour duin me."
Gunnar gaed aff til Norowaa, til Norowaa acorss the faem, then later cam back hame again, as meikle-hertit as gy waalthie, as guid an true in wys o thocht

as guid an true in wys o thocht as highheidyinlik man an mainner.

220

Chaipter L	XX
------------	----

#### Thorleik Bollison gangs til Norowaa

Thorkell Eyjolfson suin becam highheidyinlyke abuin the lave, sortein hissel amang the folk in freenship til him aa aroond, even amang the yins he'd sorteit.

Whoere he was haed tae be the wy the folk aroond him haed tae be, even as whit he was an did was whoere the folk aroond him were the lyke o place an distance fae him.

He aye was thrangitie wi lawsuits merkit the yin whoe was fornent him an whoe ahint the yin fornent, as weel as whit anent them baith as faur as his ainsel affeckit: but thare is naething o thae warks spellt oot athin the Saga here.

But for Snorri-the-Praest, Thorkell aa thru his lyfe, as some folk say, was waalthiest roon Braidfrith watters, tho ithers puit it that he was the yin maist pooerfou thareaboots, as aa the yin-waan's eeksie-peeksie.

Thorkell puit hoose and hame in order: furst roond his feet at Haliefell for him and his, he made the waas as strenthielyke as let him mak the ilka biggin meikle mair, an then, for thaem an thairs aroon the place as weel's for him and his, he delved the foonds wuid haud a kirk, sayin he ettlt for tae gang hissel athorte the swaw for timmer for it.

Thorkell an Gudrun haed a son that they caad Gellir: aerlie on, he lukit lyke a laud o pairts.

Wi turn aboot for turn around is gang fae yae place til the-tither, 10

20

	тпе Цихии
as turn aroon for turn aboot is gang fae tither til the furst place, Bolli wuid be at Haliefell gin folk were lukin for him thare, or else wuid be at Tongue gin folk kent he'd gane thare fae Haliefell, Snorri-the-Praest gy fonde o him.	40
Young Bolli's brither, Thorleik, badd at Haliefell, the baith the brithers growne heech o hicht as braid o kist an strappinlyke as brawlik wi it, Bolli the yin fuit-furrit maistlie in ocht the daein duin at yince.	50
Tho Thorkell was, as some folk say, kyn til his stapsons, ither folk sayin that he was fonde o thaem, Gudrun aye luvit Bolli mair.	
At this timm, Bolli was as young as sixteen winters auld come voartimm, an Thorleik was as auld's a score o winters waarmin intil voar.	
Thorleik noo gaed tae hae a crack wi his stapfaither and his mither, anent a bit o greinin ben him for gaun abraid acorss the faem, because, he said, "I'm fair forfochen wi sittin here at hame, hoose-maltit lik onie wummanbodie cled in lazie-tartan, aa year winter: I'd lyke tae be set up for oot tae gie ma craikin aesement ben me."	60
Said Thorkell til him: "Shairlie, noo, sin I cam here amang the faimlie, thare's naething I hae said or duin haes made for castin-oot atween masel an baith o you young brithers: yince, haein been lik your ainsel, I ken fyne whit it's lyke tae waant tae gang amang folk ower the watter, an see no juist the wark they dae but hoo they yoke at it an whye;	70
gin you gang thare, I'm shair ye'll finnd ye're guid as onieyin owerbye,	80

as meikle tae as smertlik wi it."		11
"It's no I waant that meikle siller," said Thorleik, "for as you maun ken, I'm no that shair I ken masel juist whit I'd dae wi't bein young at that, an no yit set in myn."		
Thorkell telt him that he cuid hae as muckle siller as he waantit, sae he wuid neever ken a waant ot, for it's no siller maks a waant but lack ot, says the common clash.	90	
That said for neednae say ocht mair, syne duin for needit nae mair duin, Thorkell then bocht a share for Thorleik athin a ship at Brekfastness, gaed wi him til the ship, an gied him the graith an guids wuid see him richt.		
That suimmer, Thorleik gaed abraid, acorss the faem til Norowaa, the dauphins lowpin ower the watter on aither bowe for nae mischaunce tae come upon the chiel wuid be mair namelie gangin hame again.	100	
At that timm, keeng ower aa the laund o Norowaa acorss the faem, was Olaf, caad the Halie Yin, the man that Thorleik gaed tae see: gy waalcome was he made anaa.		
Olaf kent whoe an whit he was, whoe fae his kin were kent for whit they were, an whit he was because he haed tae be the naething less that cam fae kin sae meikle mair.	110	
Olaf taen Thorleik ben his paelace, an telt him for tae saettle doon an tak his blaw alang wi him.		
"It's I maun thank ye awfie kynlie," said Thorleik til the sanctlik keeng, bydein wi him that winter thru amang the ryal guaird at that:	120	

the keeng thocht him the verie dab, yae brawlik chiel for stramp the fuit an bin aroond athin a padyane, the some folk sayin Thorleik badd in saervice at Keeng Olaf's coort a wheen o months, tho ithers say a curn o years, you chaise yer chyce.	The Lu
Back noo til Bolli Bollison: come voartimm, Bolli, aichteen winters ahint him gled tae see the suin yokin yince mair on gerss tae growe, gaed til stapfaither and his mither an said he waantit for tae pootsh his share o his ain faither's siller.	130
<ul><li>Gudrun then speired at him whit was't he'd set his mynd on daein, waantin the siller suddentlyke as this.</li><li>Bolli gied aunswer til her: "Mither, I'd lyke tae mairrie wi the yin that you, Thorkell, I'd lyke tae speir for an see the niffer spat a haund on."</li></ul>	140
Thorkell then speired at Bolli, "Whoe is this yin that ye're set on winshin?" Said Bolli: "She is Thordis caad, Snorri-the-Praest's ain bonnie dochter, the wumman that I grein tae mairrie thon wy that gin I daenae mairrie I'll hurrie-burrie nane tae mairrie anither yin amang the lave: I waant this duin the wy I waant it, no somewy someyn ither micht."	150
<ul> <li>Thorkell gied aunswer til him then:</li> <li>"Ma son, I'm fair taen-on tae help ye, the mair especial sin I ken the wecht ot ben yer myn can gar ye set blytheheid on the weibauk cowp yer ain wy doon, no dowieness."</li> <li>"Afore we gang, thare's this tae say: I'm shair that Snorri's wurds will be <i>Nae boather, naw, the-nane avaa,</i> for he will ken yer hecht is guid</li> </ul>	160
· •	

as cood be bettert-nane avaa bi oniebodie, naw, bi nane."	
Then Gudrun: "Thorkell, I may say at yince that is for aye, nae less, that I sall spare nocht, deil-the-haet I hae, gif Bolli hae the marra he haes in myn will please him best: and I say this for reasouns twoe fankelt aroond ilk ither lyke a gowden threed roond him an me; the furst is that I loe him maist, the saecont that he's duin the maist for me, thon wy haill-hertit maist tae dae whit I maist waantit duin."	170
As dacentlyke as dae his devoirs as Gudrun's man an staund-in dy for Bolli, Thorkell said that he wuid no be backwart comein furrit wi whit wuid be a something lyke a guid doon-sittin in his mairriage, gaun on tae say, "Ach, daenae myn whit he haes duin is waarth guid siller, but myn this, you, I'm shair he'll dae his devoirs dacentlyke in mairriage as will be duin til him bi her he's gaun tae mairrie gif she'll hae him."	180
A wee whyle later on, Thorkell an Bolli gaed awo til Tongue, a wheen o bodies in thur train.	190
Snorri-the-Praest gied yin and aa the hertiest o kynlie waalcomes, wi byte the best o kitchen furrit, an sup the lavriest o maut for thaem that tutsht, or chyce o yill for thaem that didnae, tho the yins that lykit baith aa drammed thur drooth wi <i>Here's til aa folk wi us here!</i> and <i>Here's til thaem wuid lyke tae be here!</i>	200
Thordis, the dochter o the Snorri, was wi her faither ben the hoose: she was a bonnie young bit wumman, as doocelik in her gaun aboot as kent whoere she maun gang, an whye,	

the kynd o bodie fyne cuid mak her hoose as braw as her ainsel.		The Luxua
At hame awo fae hame, a wheen o nichts at Tongue, as some folk say, tho ither bodies hae it 'days', Thorkell puit furrit whit was gaun for guid doon-sittin in a mairriage atween his hoose an this yin Snorri's, doon-sittin brocht bi Gudrun's Bolli, its neebor tocher brocht bi Thordis.	210	
Nae yeukie-scartin noo tae redd him o nits fair hotchin ben his hair, Snorri was clawin powe tae gar him ken thochts he lukit inbye thonner lik verses bydein ben a wurd the-wy a poem's ben a verse, an sae he said: "I'm gled tae see ye, thon wy ma een are pleased, as gled tae hear ye say the whit ye say,	220	
because ma lugs are kittl hearin; tho, mynd ye, juist tae see and hear ye wuid kittle me as blythlie gled gin you were juist gaun bye, no bydein; this then the aunswer Tongue is singin for Haliefell tae sooch an owercome; a laud o pairts as Bolli was, he's growne a man gy haill thegither will mak a wumman mairries him hersel haill airt an pairt wi him."	230	
"Thare's this til't, tho; it's no for me tae say whit Thordis haes tae think. nor for tae gar the lassie dae whit she'd no think tae dae hersel: she'll mairrie naebdie but the man she wuidnae lyke tae byde athoot."	240	
The wurd gien Thordis whit was on that wuidnae up an gang awo, seein she was her faither's dochter, she gied a caurrie aunswer til't, sayin she thocht her faither's coonsel the wale o avizandum wurds, but juist the same, that maks a differ, she'd raither tak an mairrie Bolli, a man fae her ain kintrisyde,		

nor onie man ower freemitlyke fae onie o the freemit airts.	250	The Laxdale Saga
Whuin Snorrri kent the airt she speired was whoere the man she waantit leeved, an Bolli, naebdie else, the man, he said he'd pad-the-huif alang it, betrothal aa the winshin needit.		
Snorri wuid hae the waddin-faest in hoose at hame in Tongue, the tyme ot the middis o the suimmertyde.		
That duin for dae awo noo duin for, the lave aa thrangitie in myn, Thorkell an Bolli rade aff hame til Haliefell, whoere Bolli styed until the day wuid see him waddit.	260	
That tyme come roon, Thorkell an Bolli buskit thursels lik mak a padyane whuin leavin hame amang the train o fieres an freens the chycest chaisen, yae meikle companie as braw		
as eever gaed til onie waddin whuin they rade ower the wy til Tongue, yae richt guid-hertit waalcome gettin.	270	
At Tongue, thare was an awfie nummer o bodies gethert for the faest, the faest itsel byordnar meikle, yae guid hoose-waarmin thon yin was, an syne, ginn aathing ower for mynd it weel is mynd it no for ill, the guests gat ruidie for tae gang.		
Snorri gied gifts were brawlik haund-oots til Thorkell, Gudrun, freens an kinsfolk, then aabodie was at the faest rade hame, gif wearie, fasht-the-nane.	280	
Bolli, af coorse, badd on at Tongue that lang haed been his ither hame, and he an Thordis suin becam as luvinlyke as lykit luvin, as lykit luvin, luvinlyke.		
Snorri did aa was in his pooer		

tae mak young Bolli feel he was no juist at hame fae hame at Tongue, but made mair waalcome thare at that nor onie o the Snorri bairns, sae Bolli taen this in wi pleesure an badd that year in Saelingsdale at Tongue, weel-in as gy weel duin til.	290	The Laxdale Saga
Neist suimmer come, a ship cam in Whytereever wy fae ower abraid, the yae hauf-share ot ben the aucht o Thorleik Bollison, the-tither belangin some Norwegian chiel as some folk say, tho ithers hae it belangin some Norwegian chiels.	300	
Whuin Bolli heard his brither was back hame in Yceland, he taen horse an rade sooth til the Burghfrith, whoere on the ship brocht Thorleik hame the brithers met, as blythe as linties.		
Bolli badd thare for twoe-three nichts, as some folk say, tho you'll jalouse some ithers hae it twoe-three days; an then baith brithers rade awo the waastlins wy til Haliefell.	310	
"Come in!" said Thorkell, thair stapfaither. "Ay, come on ben!" said Gudrun, minnie, the baith thae folk as blythe aboot it as mavises come suimmer daw.		
They speired at Thorleik wuid he byde the winter wi them, and he said, "It's I maun thank ye awfie kynlie, for fyne I'd lyke tae hae yer crack."	320	
Thorleik badd thare at Haliefell for some timm, then he rade awo Whytereever wy tae see his ship laid up upon the straund, the-tyme he brocht his guids aboard it waast.		
Thorleik haed haed guid luck gang wi him for siller as for nameliness because he'd been weel-in wi yon yin Keeng Olaf, Lorde ower laich and heech	330	

in Norowaa acorss the faem.

Bolli an wyfe at Tongue were bydein owerbye in Saelingsdale awo; Thorleik badd aa the winter thru at Haliefell, richt gled tae be thare, for fyne he kent, lik aabdie else, he'd haed tae tak a thocht haed gart him gang thon auld gaet belanged til him tae gang the gaet belangit him: it's juist the same the-day, ye ken, 340 ye tak the gaet belangs til you tae gang the gaet that you belangs, an gin ye daenae pad-the-huif tae traik back haufwy roon the wurld, yer thocht will aften lowp the swaw tae plank yer mynd amang auld neebors.

### Chaipter LXXI

## Baurley cried atween the Bollisons and Olafsons, AD 1026

That winter, thae twoe brithers taen tae bein thrangitie thegither the wy they met, colloguin consant as mak a plan then mak anither, nae pleesure gaun til gemmes an ploys that see the wintertyme awo wi pech a bit then hae a dram, and hae a baur can gar ye snicher: yae tyme, the Thorleik ower at Tongue, they crackt the day an nicht awo.

Ay, they gaed at it, thrangitie throchin-an-thruin at it lyke thon wy men see the faa o leaf wi voartimm in it gied it lyfe noo vyvielyke as suimmer made the rucher ruits wuid see oot winter tae mak anither leaf mak ruit, even as men see thair ainsels ruitit in tyme whuin weman mak them, then see men yirdit lyke the ruits.

Nae doot they saw the whoere they were wuid no be whoere they were for lang gif they were ruitit lang afore thur leaf o lyfe gane sear in faa.

Snorri, lik oniebodie slee, thocht thae twoe brithers sleekitlyke for no allooin him tae listen, an then, jalousin thaem faurben in maitters wechtielyke in burthen, gaed doon tae speir the whit ongaun.

The brithers said, "Ay, ay, then!" til him, as freenlielyke as glower-the-nane, but didnae gie anither cheep anent the speilin in atween them afore the Snorri happent bye.

Said Snorri then: "Ay, ay, tho, tae! An whit's ongaun here will gang furder gif naebdie says *Haud on ye, noo,*  10

20

that kens ye're baith sae thrangitie as tak nae tent o slaep or maet!" 40 "Och!" Bolli said, ye ken, thon wy a bodie's waantin tyme tae think, "we're no colloguin coonsel crackin, juist easie-oasie haverin	0
a bodie's waantin tyme tae think, "we're no colloguin coonsel crackin, juist easie-oasie haverin	
as little's waarth as meikle's nithin."	
Jalousin that thae Bollisons ettlt tae haud in dern o mynd ongauns atween them that they thocht no fit for him tae hear on tongues, an thinkin thare micht weel be fash 50 gif whit they thocht tae dae were duin athooten coonsellin fae him, said Snorri til them: "I'm for haein misdootins that yer lang colloguins are naither wishie-waashie maitters nor juist a wheen o snicher-ploys, but still-an-aa, I faut ye nane, even gif richt as you gy wrang."	)
<ul> <li>"Noo, be as guid as tell me true as quaetlie telt, no gulderie</li> <li>as lood as onie lee is telt,</li> <li>an daenae puit whit you're for daein in hiddlins for tae blinn it fae me:</li> <li>gif we three puit oor thochts thegither an mak yae coonsel o the fash,</li> <li>I'm shair that we can sorte it oot; and I'll puit in nae staiver micht weel snibble ye alang the pad in honour gaun tae gether mair ot."</li> </ul>	0
The Thorleik chiel thocht Snorri's wurd anent thae things was kynlie meant, an telt him they haed been colloguin on hoo they'd yoke on Olafsons, giein them aa thur paiks wuid puit then hems upon them yince for aye: the Bollisons lackt naething noo	0
tae mak them even-haunds at that as step for step in gangin furrit wi aa the Olafsons thegither, because Thorleik was gy weel-in 80 an was he no, wi oor Keeng Olaf acorss the faem in Norowaa,	)

		Th
an Bolli was the guidson here		
in Yceland, his guidfaither Snorri,		
as muckle as highheidyinlyke,		
the sorte o chiel that naebodie		
wuid come the tin man wi, naw, sur.		
But this was hoo the Snorri aunswert,		
as micht be thocht wysslyke at that,		
tho thae folk no for lykin him	90	
wuid say was sleekitlyke as eever:	20	
"Yer faither, Bolli Thorleikson,		
haed slauchter puit upon him as		
the weerd he haed tae dree for deid,		
but that's been pyed for, lyfe for lyfe,		
bi Helgi Hardbeinson's ain weerd		
that saw him thole the daith was gien him;		
sic fasherie haes been enyeuch		
tae gar folk say let's hae nae mair ot,		
an that's whit I'm for sayin noo."	100	
The Bolli said, as micht be thocht		
a weething afflik for a guidson		
newfanglt yit wi bein mairriet, "Snorri, whit's this then that ye're sayin?		
That you're no that taen-on wi daein		
as meikle for us noo as yince		
ye were, an that was no langsyne?"		
"Thorleik wuid no hae let ye ken		
whit was gaun on athin oor myns		
gin he'd taen coonsel wi masel	110	
on whit tae say and hoo tae say it,		
as weel as whit tae think upon		
afore he said the whit I telt him."		
"And as til that bit speil o yours		
that Helgi's lyfe was taen as gien		
in vengement for ma faither deid,		
ye ken fou weel that thare was siller		
gien for the lyfe o Helgi taen,		
even as Bolli Thorleikson,		
ma faither duin til deid, is still	120	
athooten lyke atonement gien."		
Snorri was no a gomeril,		
nae mair nor onie ither bodie		
as sleekitlyke as tak a thocht		
an birl it roondaboot a bit		

taa kan whitlyka tha ilka pairt at	The Laxa
tae ken whitlyke the ilka pairt ot, an whoere it cam fae whit airt gaun.	
an whoere it cann fac wint ant gaun.	
An seein thae young Bollisons	
were no for sayin Ay in greeance	
wi whit he said, but <i>Naw, I daarsay</i> 13	80
nae maitter whit he said, he mowtit	
that he wuid lyke tae finnd a wy	
for some atonement paecefoulyke	
atween thursels and Olafsons,	
raither nor hae mair slauchterins:	
the brithers said Ay, fair enyeuch, then.	
Wi that, that was as guid as gree	
athooten kanglin onie mair,	
Snorri rade ower the Herdshaw wy	
whoere Halldor Olafson cam oot 14	0
wi waalcome guid enyeuch as speirt	
wuid Snorri byde for byte an sup.	
wuld Shoffi byde for byte an sup.	
Said Snorri: "Naw, thanks aa the same,	
for I maun ryde back hame the-nicht,	
but I would lyke a wurd or twoe,	
clamant as cannae byde thur wheesht,	
gin you will gie's yer bittock crack."	
Halldor said Ay an Whitforno?	
an sae haed yae bit quaet collogue,	
the Snorri sayin he was thare 15	50
because he'd come tae ken the brithers	
Thorleik an Bolli werenae lyke	
tae puit up onie langer laein	
thur faither ligg among the mools	
in ongaun unatonement thare	
as duin doon deid bi Olafsons.	
Halldor was no for sayin Ay	
the onie mair nor Naw, I daarsay,	
but Mibbes ay an Mibbes naw	
thon wy a niffer micht be made. 16	50
But juist the same, as you ken fyne	
because ye hae been telt afore,	
that that means thare's a differ int,	
Halldor gaed on tae say: "I ken	
as weel as aa the lave aroon me,	
that yon yin Thorgils Hallason	
an thae twoe Bollisons were myndit	

tae yoke upon me and ma brithers (as some say, ither bodies sayin tae yoke upon me or ma brithers) afore ye cawed them aff tae skyte thur vengement ithergaets, thon wy ye gart them think it betterlyke tae slauchter Helgi Hardbeinson."	170	The Lax
"Aa thru thae ongauns," Halldor said, ye mibbes were in jookerie lik jink aroon tae tig yer scadda, but no thrugaun in pokerie lik leave nae scadda for tae tig, an neever myn the aer-on coonsels ye gied amang us, kinsmen aa."	180	
At that, the Snorri fuhlla said: "It's I'm fair set as stickit wi it that this traik haesnae been for nithin, but that thare is a something in it the maik o whit I hain in hert, the foondin o a saettlement atween you kinsmen aathegither: I ken the kynd o men ye deal wi as weel's I ken the kynd o men ye are yersels, nane better kent, and I am shair the niffer made will last as lang as ayeways ongaun."	190	
Said Halldor then: "Weel, gin it be ma brithers are as willant as masel that's sweirt-the-nane aboot it, I'll py bluid-siller for the wecht o thon fell steel was puit upon paer Bolli Thorleikson for deid, as meikle as the deemsters deem, ma niffer that thare's naebodie concaernt will be made ootlinbodie; nor sall I tyne ma hoose at hame, nor ocht aroon, glebe, park or kailyaird, nor onie kynd o baestial;	200	
nor sall I tyne highheidyinship; the ilka airt an pairt o thae things as faur's ma brithers are concaernt will byde the wy they are, still thairs athooten onie skaith upon them nae maitter whit befaa for duin: ilk syde for mak the niffer o it,	210	

will chaise its chyce o deemster daes it."		The Laxdale Saga
Snorri gied aunswer til the speil, kennin ower meikle said areadies as left him little else tae say: "Yer hecht is wechtit fair as fuhll, an gif the Bollisons tak tent o coonsellin that I sall gie them, I'm shair they'll tak ye at yer wurd."	220	
Wi that, Snorri rade hame an telt the brithers ootcome o his eeran, sayin that gif they'd gree-the-nane, his darg o wark anent the fash was ower an duin for aye and on.		
"Dae as ye think fit," Bolli said, "an Snorri, I'm for haein you chyce chaisen as oor deemster bodie" myndin, nae doot, that his ain chyce for mairriage was the Snorri's dochter.	230	
Snorri then sent wurd ower til Halldor tae say the saettlement was guid, an for tae finnd a deemster bodie wuid sorte the saettlement wi Snorri.		
Yin Steinthor Thorlakson o Eyr was Halldor's chyce for deemster wark.		
Fower weeks o suimmer soople lowpin alang the pad til caller autumn, the get-thegither for the paece tween Bollisons and Olafsons wuid tak place Drangar wy on Shawstraund.	240	
Young Thorleik Bollison noo rade back hame til Haliefell; an naething waarth onie pech o braith tae tell, nor onie scart o quill tae scryve, taen place aa thru that wintertyme was wearie on the baens for voartimm.		
The paece-colloguin oor oncomein, Snorri-the-Praest gaed owerbye thonner wi baith the Bollisons, alang wi monie ither men, in aa, a companie o fifteen men.	250	

Steinthor and his yins tae gaed ower, a companie o fifteen tae.	
Steinthor an Snorri haed a crack, nae boather comein til the greeance, an then puit oot the wurd anent the siller gien for bluid-atonement: gif naething said athin the Saga anent hoo muckle siller gien, thare's this is said for daenae doot it, the siller in the greeance made was gien for paece as taen for paece, an paece was kept as brakkent-nane.	260
The Thorness Althing saw the siller pyed oot as luftit fae a kist wi <i>Here is ilka maik o siller</i> , an taen for puittin ben a kist wi <i>Thank ye for the ilka stiver</i> .	
But no juist that, Halldor gied Bolli a sworde as guid as lukit braw, an Steinthor Olafson gied Thorleik a tairge that lukit braw as guid.	270
That puit the stopper til the Althing, aabodie sayin aa folk thare haed duin as meikle's gart thursels puit hicht abuin thur shuin, as weel	

as braidth athorte the kist an shoothers.

### Chaipter LXXII

# Bolli an Thorleik tae gang Abraid, AD 1029

Paece-saettlement atween thae folk the Bollisons and Olafsons. as ower an duin as say yae ocht anent it better said nae mair, wi Thorleik that yae winter back in Yceland, Bolli made it kent he ettlt for tae gang abraid. Snorri was no for haein him gang, an said: "Til us, yer freens around ye, wi whit's best for ye ben oor myns, 10 we're feart it micht turn oot the waur gin you gang ower the faem awo: but hooaneever, gin ye'd lyke for tae be thrangitie ower here lik gurrie-in an dae yer devoirs, I'll see ye get a bit o grund an mak ye mailinder at wark; ay, and I'll see ye made highheidyin ower monie men as see ye hichtent abuin the lave, for that wuid be 20 nae boather, son, as I can tell ye, aabodie bein fonde o you." But Bolli said: "It's lang that I hae haed it ben ma myn tae gang yae day an traival soothlins wys, for onie man that steys at hame is thocht benichtit ben the mynd as no aa-thare wi whit's gaun on gif kennin naething else nor's seen in Yceland, and in hearin nocht 30 but whit is said the hearaboots." Wuin Snorri saw his guidson Bolli was yeukie-fuitit for tae gang the naewhoere else but ower ayont afore his brogans gaed thursels, sin nocht ava wuid haud him back, he telt him he cuid tak awo as meikle siller as he lykit for aesement on the traik tae come. Bolli was aa for haein siller 40 as rowthielyke as jingle-jangle athin the pootsh keeps tyme an tune wi ilka fuitpad on the causey, because, said he, the naething laith tae say *Ay*, *shair*! as *Whitforno*? "I'm no the yin tae be behauden til oniebodie here at hame or yonner faur acorss the faem."

Soothlins til Burghfrith rade Bolli, Whytereever wy for nifferin that bocht the-tither hauf-a-share o Thorleik's ship for his ain aucht fae thaem that were the awners ot, the ship belangin noo baith brithers.

Waastlins awo hame noo rade Bolli, his feet still yeukie ben his brogans, gif kittlie yit, weel on the mend.

Bolli an Thordis haed yae dochter was Herdis caad, a bonnie bairn; an Gudrun hecht tae foster her, the waen nae mair nor yae year auld whuin she gaed ower til Haliefell.

Thordis hersel, as you'll jalouse, was ower thare tae an awfie lote, the Gudrun gyan fonde o her. 50

### Chaipter LXXIII

### Bolli abraid wi Thorleik, AD 1029

Doon til thur ship noo gaed the brithers, Bolli wi meikle wecht o siller, tho some folk say wi guids anaa.

Mak ruidie this, mak ruidie that, the brithers made thur ship as snode an gyan ticht as tiddley-made, til aa was richt for doon the watter and oot til sae the-tyme they saw the dauphins vyvelik aither bowe play lyke the swaw-bricht bairns they are, doon stabbord strakes for skoosh an scoor lik *Here, ye're no as swythe as we are!* doon labbord strakes for lowp an dook lik *Here, ye're awfie slaw, you folk!* 

"Ay, here they're comein!" said the dauphins, tho naebdie heard them but thursels, "And arenae they the brawlik men! And here they're gaun awo fae Yceland, awo fae bonnie wemenfolk til Norowaa, til Norowaa, til Norowaa acorss the faem!"

Nae wunner dauphins thocht them slaw as hunker-slydin, naething smertlik! At furst, the wuins were no that guid, sae leagues were lang wi sails as sleck an plapperie as flafferie,

the ship noo back an furrit gaun lik veer awo as scunnersome as tack aboot wuid gar ye greet, but syne-an-on, wi autumn comein as caller's gart the chafts growe ruid,

they gat til Norowaa at lenth, til Trondheim norlins puittin-in.

Ower aestlins wy, bi Oslofrith, Keeng Olaf was in hoose at hame, aathing made ruidie thare richt ryal for him tae tak his winter aesement.

Whuin Bolli and his brither Thorleik heard that Keeng Olaf wasnae gaun

10

20

The Laxdale Saga 40 tae come til Trondheim leaf-faa tyme, Thorleik said he wuid lyke tae sail alang the shorelyne aestlins wy, sae he cuid caa-in on the keeng. "No me!" said Bolli, "I'm no gaun tae stoat aboot the autumn thru fae maerket toon til maerket toon wi naething but wee fasheries anent the whit's a wy o daein an whit is no the thing tae dae: I'd raither byde ma wheesht thru winter 50 in this toon here wi things tae dae mair sib wi ma ain wy o daein." "They tell me that Keeng Olaf's lyke tae come the norlins wy bi voartimm, an gin he daes, I'll no say naw tae caain-in upon him here." Things noo the lyke atween the twoe nae differ nor they aye haed been, Thorleik let Bolli hae his wy; sae they unladent guids an graith 60 an puit thur ship up for the winter, wi ludgeins ben the toon for thaem tae see them snode come caulder waather. Aboot the place for Luk at him! as roondaboot for *Dae ve see him?* suin aabodie no even lukin cuid see the Bolli chiel gy furrit as yin wuid let nane gang afore him; for aa that, tho, gif gien the gree as aye the furst among the lave, 70 the man was seen tae staund his haund as rowthilie as gallus wi it, til aabodie in Norowaa thocht him byordinarlie dacent. Bolli aye kept a wheen o men aroond him aa that wintertyde in Trondheim toon, an ginn he gaed whoere guild folk met tae hae collogue an tak a dram or twoe for drooth. aabodie saw his tail o men 80 were buskit bonnier nor onie, thur graith o weire the brawest gaun.

An no juist that, he was the chiel that pyed the lawin for his men athin the guild haas drammin at it, and on a par wi that, aa roond in ither things, he'd toom his pootshes, the ilka nicht wi him hoose-waarmin.	
The brithers badd athin the toon that winter thru, the-tyme the keeng was saetit aestlins wy in Sarpsburgh, an wurd cam thru fae thare His Hieness was no that lykelie for tae come as faur north as the lenth o Trondheim.	90
Aer-on in voartimm, then, the brithers gat aa things ruidie on the ship, twoe-sixin at it shipshapelyke, an then sailed aestlins doon the shorelyne.	
Aathing gaed weel, wi naething waur nor no enyeuch tae feed the sea-maws, an sae they made thur aestlins wy til Sarpsburgh, whoere oot they gaed at yince tae meet wi thon Keeng Olaf an feed him kennin o thursels.	100
The keeng gied his ain liegeman Thorleik, as weel's the lave o Ycelanders Thorleik haed brocht alang wi him, a waalcome guid as gyan kynlie.	
An then the keeng speired: "Whoe is that yin staunin heid-heech abuin the lave? Thon richt, braw, strappin chiel amang them? Ay, lukin at him, I'm jalousin thare naething o the chookie thare!"	110
"He is ma brither," Thorleik said, "ma faither's namesake, Bolli caad."	
And Olaf said, "It's naither wunner he's mettlesome and is he no!"	
The keeng then speired at baith the brithers an wuid they come an byde wi him tae hae thur crack an let him ken the ongauns ower in Yceland thonner	120

<ul> <li>anent the whoe was up-an-comein as weel's the yins as doon as duin:</li> <li>the brithers taen this hecht fae Olaf</li> <li>wi meikle thanks, an badd wi him the lave o voartimm, gyan snode.</li> <li>The keeng was kynd enyeuch til Thorleik,</li> <li>as meikle noo as yince afore,</li> <li>yit in thon wy o things aye made</li> <li>the younger brither something else;</li> <li>ay, luckie as the Twal Apostles,</li> <li>or mibbes as Eleeven o them,</li> <li>Olaf thocht Bolli juist the dab</li> <li>as middis o the men aroon,</li> <li>wi no the yin o thaem his maik.</li> </ul>	Τl
as meikle noo as yince afore, yit in thon wy o things aye made the younger brither something else; 130 ay, luckie as the Twal Apostles, or mibbes as Eleeven o them, Olaf thocht Bolli juist the dab as middis o the men aroon,	
•	
The voar gaed on, wi rin-aff watter streekit lik siller doon the braes an ben the burns tae puit some pech athin the saumon soomin hame, the brithers haein some bit coonsel, 140 wi Thorleik speirin at the Bolli gin he was myndit for tae gang back hame til Yceland suimmer comein, or wuid he be for bydein on a langer tyme in Norowaa?	
<ul> <li>Bolli gied aunswer, as ye'll guess was his ain thocht, nane neeborin,</li> <li>"I hae nae ettlement tae dae aither the yin or tither o them; and I can tell ye this for truith 150 that neednae yatter ocht anent the mibbe-ays an mibbe-naws;</li> <li>whuin I left Yceland wi the dauphins on aither bowe for caunnie-daes-it,</li> <li>I taen a thocht that naebodie</li> <li>wuid speir for news o me aroon the doores or ower the parks:</li> <li>brither, it's I'm for waantin you tae tak ower oor haill ship an gang yer wys, as I sall gang ma ain."</li> </ul>	
Thorleik was sair puit-oot tae hear that he an Bolli haed tae pairt, for he'd thocht they'd dae mair thegither, an sae he said: "Bolli, as aye it haes been aa yer lyfe, ye'll hae	

	The	Laxdal
yer ain wy noo, for certaint shair		
as naebdie else's wy's lik yours."		
An honest chiel, the Thorleik fuhlla.		
Things then lik that for certaint shair		
the Bolli's wy an naebdie else's,	170	
they telt the keeng, an that yin speired:		
"Ye'll byde nae langer wi us, Bolli?"		
An then gaed on tae tell the chiel.		
"It's I wuid lyke it fyne gin you		
wuid byde an ser amang ma guaird;		
I'd mak ye lyke yer brither Thorleik,		
leigeman in name an fame the same."		
Bolli gied aunswer til him, but:		
"I'd lyke it fyne, ma lorde an keeng,		
an that wuid be some haunsellin,	180	
yit furstlins, no for saecont-haund		
it's I maun up an traik awo		
the gaet will see me dree the weerd		
that I hae puttent on masel		
lik greinin winnae lae abee:		
but gif that weerd grun me back here,		
I'd lyke it fyne tae tak yer hecht."		
Then said Keeng Olaf til him: "Bolli,		
gang you yer wys ye waant tae gang,		
for you Ycelanders can be thrawn	190	
as winnae moodge whuin cawed against	170	
unless tae caw mair furrit gaun.		
For aa that, tho, ma hinmaist wurd		
is that it's I'm for thinkin, Bolli,		
in aa ma days, nane oot o Yceland		
haes been byordnarlyke as you."		
naes oeen oyorunarryke as you.		
The keeng's leave gien for up an gang,		
Bolli gat ruidie for his traik,		
gangin aboard a maerchant ship		
boond soothlins, airtit Denmerk wy.	200	
Wi meikle siller in his aucht,		
a wheen o cullans wi him gaun,		
Bolli and Olaf pairtit freenlie		
as Weel, I haed tae gang, ye ken,		
and Ach, it's I kent fyne ye haed tae!		
as Olaf gied the Bolli chiel		
a wheen o brawlik pairtin gifts.		

Thorleik badd on in Norowaa,	
liegeman til his Keeng Olaf thare,	
as Bolli made his wy doon sooth	210
as faur as Denmerk, whoere he styed	
the winter, weel-in, honours gien him	
bi highheidyins amang the Danes:	
whyle thare, he leeved wi nae less luft	
nor he haed yaised tae hicht hissel	
whuin he haed been in Norowaa.	
Yae winter ben the Denmerk blast	
that puit the ruid upon his chafts,	
an gart him dirl fingers het	
bi daudin haunds at oxter hicht,	220
Bolli begood his traik wuid tak him	
til kintries faur ayont his ken	
that he wuid come tae ken in tyme,	
an furder on til Meiklegarth	
yince caad Byzantium, then later	
Constantinople caad, an then	
caad Istanbul, its name the-day.	
Bolli was no thare lang afore	
he listit wi the sodgers caad	
Varangian Guaird, an we hae heard,	230
tho mibbes it's a cairriet storie,	
nae Norseman eever taen weiregeld,	
or as some say, the Garth keeng's shullin,	
afore young Bolli Bollison.	
In Meiklegarth for monie winters,	
Bolli was thocht the bonnie fechter	
amang a rowthe o brawlik men,	
aye furrit wi the foremaist o them	
an neever yin tae dodge the column,	
aa the Varangians at yin	240
in sayin he was waarth his wecht	
in Meiklegarth whuin he was wi them.	

# Chaipter LXXIV

# Thorkell Eyjolfson gangs til Norowaa

Back yonner yince again in Yceland whoere Thorkell Eyjolfson was sittin, highheidyinlyke as naething dauntit.	
Gellir, that was the son o Thorkell an Gudrun, was brocht up at hame, and aer-on aabodie cuid see he grew up manlie, lykesome wi it.	
"Noo, yince upon a wheesht o nicht that didnae ken daylicht fae daurk, I dreamed," said Thorkell til his Gudrun, his een ootlukin yont hissel, "that I haed growne sae great a baird it hovit ower the haul o Braidfrith."	10
Then he gaed on: "Speir you the spae ot." his een ayont hissel again lik wunner whoere he'd haed been o nichts wuid tell him whoere he'd been o days.	
Said Gudrun, whoe was aye as gled tae ken a something as jalouse it, "Whit dae ye think it means, yersel?"	20
An Thorkell said, as gled anaa tae mak a mickle o a pickle, "Ye're no faur wrang tae say it means masel, whoe's mibbes richt in thinkin that this highheidyinship o mynes will suin be streekit ower haill Braidfrith."	
Then Gudrun said, "Och ay for richt, och naw for wrang! Whoe kens but that it's lyker six-and-hauf-a-dizzen that you're as lyke tae dook that baird o yours doon ben the Braidfrith watters!"	30
Thorkell ran oot his ship that suimmer, makkin it tiddley as shipshape is ticht and happie on the swaw for Norowaa acorss the faem, his twal-year-auld son Gellir gangin ayont the saes alang wi him.	

Thorkell telt aabodie aroon that he was gaun owerbye tae coff a gyan hantle timmer graith for biggin-up a brawlik kirk, then aff he sailed ayont the frith and ower the maindeep aestlins gaun.	40
Gin easie-oasie aa the wy an slaw as no waarthwhyle for dauphlns tae let the sailors see a turn o speed the waarth the whyle tae luk at, they did mak Norowaa at lenth, athin the norlins airt ot gaun.	
Keeng Olaf at that tyme was plankit athin his Paelace Trondheim toon, an Thorkell wastit nae tyme gaun tae hae collogue wi His Ryal Hieness, Gellir, his son, gaun wi him thare.	50
The keeng gied thaem a guidlie waalcome, Thorkell weel thocht o as weel seen til that samin winter that the clash amang the folk was that the keeng gied him a fuhll yae hunder merk o siller, sterlin throch-an-thru it.	60
An no juist that, that mibbes was as meikle's something ower the merk, at Yule, Keeng Olaf gied young Gellir a mantle waarth a wecht o siller an made o claith the brawest gaun.	
That samin winter, Olaf biggit a meikle kirk athin the toon, the timmer and the lave athin it the chycest o the chaisen, wrocht tae mak the biggin minster meikle.	70
Come voar, the timmer that the keeng haed gien til Thorkell was brocht doon for ladin on the ship, guid timmer it was anaa, an lenthie tae, for Thorkell haed been gyan caunnie at walin onie waur awo.	

Noo, aer-on yae tyne voartimm morn,

it happent that the keeng gaed oot	
wi twoe-three fieres tae tak a daunner,	
an saw a man heech on the kirk	80
the keeng was haein biggit thare.	
<b>TT 1 1 1 1</b>	
He was a wee bit stammagastit	
at seein oniebodie thare	
yokit areadies, faur ower aer	
for jyners or the ither tradesmen	
tae be at wark, ay, faur ower aer	
for even haein a chitterin byte	
afore they sooed-in at the wark.	
As suddentlyke as startlement	
a wheech o kennin ben the haerns,	90
was it no Thorkell Eyjolfson	<i>)</i> 0
•••	
as thrangitie as eemocklyke	
amang the timmers, merkin lenth	
o raifters, corssbeams, winnock-soles,	
and hichts o siccan things as peillars!	
The keeng gaed ower the wy at yince,	
an said: "Whit's ongaun here then, Thorkell?	
Are you for makkin aa thae timmers	
ye're takkin wi ye ower til Yceland	
the samin lenths as the inbiggit	100
will mak ma ain kirk here in Trondheim?"	100
will mak ma am kirk here in frondheim?	
"The truith tae tell, ma lorde an keeng,	
is naething lyke a lee tae say,"	
said Thorkell, whoe culd say nocht else	
athooten leein his ainsel.	
Said Olaf then: "Cut you twoe ell	
aff ilka lenth that maks the merk	
upon the ilka mainbeam gaun	
tae mak the kirk that you will bigg	
in Yceland, and it's you'll still hae	110
a kirk the meiklemaist thare biggit."	
Dut Therball, noo os throughilt os	
But Thorkell, noo as thrawnlik as	
no langsin thrangitie wi timmers,	
gied aunswer, Ycelander at hert:	
"Keep you yer timmer til yersel	
gin you think you hae gien ower muckle,	
an gin yer haund is yeukielyke	
tae tak it back athin yer aucht,	
then I can tell ye this for nocht,	

no yae ell lenth will I cut aff it. And here's anither thing I'll tell ye for naething mair nor say it yince: I ken baith hoo tae gang aboot the wy tae dae as weel's tae hae aa ither timmer I'll be gettin."	120	The Laxdale Saga
Keeng Olaf, noo a weething caumer, said; "Thorkell, that's the wy ot, then! It's no that you're no juist a man as meikle as ye think ye are, but noo ye mak yersel ower muckle as faur ower graun for yin whoe's juist an orrabodie's son at that, ower laich a chiel for you tae think tae hichten yoursel peels wi us."	130	
Mynd you, Keeng Olaf didnae say hoo faur back his ain kinsmen gaed tae finnd the hinnermaist o his that howkit shuchs an dibblt kail.		
Then he gaed on: "It isnae true I grummle giein you the timmer gin you were weerdit for tae bigg a kirk wi't, for gif that ye did, it coodnae be as meikle as gie your pryde room tae ligg athin it."	140	
"Noo listen, for ye'll mibbes myn whit I'm for tellin you, whuin myndin will be the last thing you will think: it's ben ma thocht as wrocht for oot the wy it cannae byde in hiddlins, the timmer will be yuisslesslyke til oniebodie, and ye'll finnd a naebodie tae darg a day wi't."	150	
The gab was ower, for gab it was, an no the caunnie, kynlie crack as Olaf birled upon his heel an gaed awo, hauf in the strunts wi Thorkell for his nyucherie, the bodies roondaboot him kennin he lykit-nane the wy that Thorkell haed taen nae tent o whit was said. Amang the folk aboot the toon, tho,	160	

Olaf was dacentlyke enyeuch as no for lettin dab anent the castin-oot he'd haed wi Thorkell, the Saga tellin us they said fareweel at lenth wi richt guidwill.		T
Thorkell an crew then gaed aboard, an sae puit oot fae laund for hame fae Norowaa, fae Norowaa acorss the faem fae Norowaa, an tho they haed a guidgaun wuin an werenae lang upon maindeep, they neever saw a single dauphin on aither bowe for best o luck, tho mynd ye, they haed nae mischaunce.	170	
Thorkell gat meikle guidliheid for gangin whoere he'd gane fae hame, an daein whit he'd duin owerbye, but no a wurd athin the Saga gies him a sooch o guidliheid for whit he'd said owerbye fae hame.	180	
Noo, tho, he hauled his ship ashore, an made it sauf as shift-the-nane, wi aa the timmer for his kirk howfft weel awo as taen nae skaith, the autumn back-end ower late as some say, for tae hae it brocht doon fae the norlins, tho some ithers say autumn back-end ower late tae hae it brocht the soothlins airt, Thorkell the faur ower thrangitie.	190	
Thorkell was hame aa thru that winter, haein a guid Yule-drammin tyme at Haliefell, wi monie freens, as highheidyinlik as he lykit, an nae doot as he thocht folk lykit.		
Gudrun was no for sayin <i>Naw</i> , but whit she did say was <i>Ay</i> , <i>ay</i> , sin efter aa, whit was this siller but yuissless troke and it no yaissed tae booke a bodie up abuin the lave o folk that haed nae siller: an no juist that, she wuid hae said gif she'd been speired at, she wuid hae it	200	

tae let folk ken whoe she was tae; Thorkell, her man, wuid see til that.

That winter, Thorkell divvied-oot amang his freens a wheen o braws he'd brocht back hame wi him til Yceland, tho ithers say, brocht fae abraid.

#### Chaipter LXXV

#### Thorkell an Thorstein and Halldor Olafson, AD 1026

Efter Yuletyde that winter, Thorkell gat ruidie for tae gang fae hame norlins til Ramfrith for tae fetch the timmer he haed stowed awo. Furstlins, he rade up til the Dales, then ower til Leashaws for tae see his kinsman Thorstein Kuggison, getherin thare baith men and horse. Norlins then til Ramfrith, an styin a whylock thare, gy thrangitie 10 anent the flittin o the timmer, gettin anither wheen o horse aroond aboot the frith thegither, waantin the nae mair nor yae traik wuid see the wark duin in a waanie. As thrangitie as Thorkell wrocht, the wark gaed-nane sae bonnilie, ay, Thorkell baestin at the graft, ay, sooin-in at it til Lent. 20 Get tore-in, tho, will aye wurk oot, sae syne he haed his timmer puhlled fae norlins wy bi twintie horse, then at Lea-Eyr aa stackit up for shippin ower til Haliefell. Thorstein haed yae great ferrie-boat Thorkell was myndit for tae yaise, hame-airtin wi his timmer lade. Thru Lent, then, Thorkell badd at Leashaws, the kinsmen croose as gyan fonde, wi drams as fonde as gyan croose. 30 Yae day, the Thorstein said til Thorkell that they haed better gang til Herdshaw, because, said he, "I'd lyke tae puit a hecht til Halldor Olafson for something o his grund. Ye ken, thare's little siller in his aucht sin he pyed oot the Bollisons

the weiregeld for thur faither's deid,	The Le
an thare is naething I waant mair nor thon grun ben ma aucht for aye."	40
nor mon grun ben ma aucht for aye.	40
Mynd you, that's whit the some folk say	
anent the grun that Thorstein waantit,	
whyle ithers say the haill the grund,	
an that, as you'll can ken in tyme,	
was faur the lyker o the twoe.	
Said Thorkell til his freen: "You dae	
as your ain humph comes up yer back	
as I sall dae wi myne wi you,"	
an sae they gaed wi aichteen ithers	
awo the Herdshaw wy, an gat	50
a guidlie waalcome thare fae Halldor,	
s kynlie gien as cantie taen.	
Thare werenae monie men at hame,	
for maist haed been sent norlins wy	
bi Halldor ower til Steingrimsfrith,	
whoere he haed some bit share tae hain	
upon a grampus straundit thare.	
Yin Beiner, that was caad the Strang,	
was here at hame, the hinmaist man	
still left alyve o aa were thare	60
alang wi Halldor's faither, yon yin,	
ye ken, was caad Olaf-the-Peacock.	
A dab haun kennin whit fae whaat	
as weel as whitforno fae whye,	
an jiffielyke as tak a thocht	
an gar it jink an jook aboot	
tae ken the best-gaun gaet tae gang,	
whuin Halldor taen a caunnie keek	
at Thorstein wi his Thorkell freen	70
come rydin ower the Herdshaw wy, he said til Beiner: "I ken fyne	70
whit thae twoe kinsmen are aboot,	
an shair as certaint's nae mair siccar,	
they're here tae puit a hecht upon me	
for ma grund here, an gin I'm richt,	
they'll caa me oot tae tak a turn	
awo fae lugs micht hear the crack."	
Halldor gaed on, "Here's whit they'll dae:	
I quess they're gaun tae tak a saet	

I guess they're gaun tae tak a saet,

The Laxdale Saga 80 the ilk on aither syde o me, sae mynd, an gin ye see them fash me, play wheech at Thorstein juist as suin as I yoke on the Thorkell chiel. I ken ye lang hae been gy leal til aa oor faimlie Olafsons. ay, fyne I ken whit you hae duin in tymes gane bye tae see us richt, and you ken fyne yersel whit you can dae the-noo for me tae see nae wrang avaa is puit upon me." 90 "Areadies, that is suin enyeuch, I hae sent wurd amang oor neebors tae send us ower a wheen o men, and here are twoe things I'd hae happen: the men I sent for comein here juist as oor crack begins tae creekle." Day wearein on lik waff awo the caddis o the stoor aneath a sooch o saftlik wishie wuin, 100 an Thorstein mintit at the Halldor that they suid tak a turn ootwith and hae a crack thegither faur fae aa the lugs aroon micht hear them, because, said he, "Thare is a ploy atween nane but oorsels and you." Thorstein telt aa his companie they neednae pad-the-huif alang, but juist the same, ye ken, that aye can mak a differ in the daein, Beiner-the-Strang was no for bydein, 110 an gaed alang wi thaem because he thocht whit Halldor haed jaloused was near enyeuch as gynear on them. Inbye the mains, they gaed faur oot ayont the steidin ben a park, Halldor weel-cled athin a cloak was haudit ticht aroond his kist wi yae lang-preenit brawlik brooch, as was the faushioun langsinsyne. Here Halldor clappit doon his dowp 120 upon the gerss, the ilka yin o thae twoe kinsmen aither syde,

	The La
nearhaund as gynear on the tails	
o thon cloak roond him whoere he sat:	
but Geiner stuid abuin the three	
wi yae great muckle aix in haun.	
wi yuo grout muokio uix minuun.	
Then Thorstein said: "Ma eeran here	
is that I'm fair taen-on tae think	
I'll coff the grund alow us here,	
this hecht afore ye noo because	130
ma kinsman Thorkell's here anaa	
tae ruidie it for stuidie it."	
"I'm thinkin tae, as you maun think,	
it's no the waur we'd baith be daein,	
for I hear tell ye're shorte o siller,	
the grund itsel gy gutsie for it:	
sae I'll gie you for your ain grund	
another ferm will see ye richt,	
as weel's athin the niffer ot	
as meikle siller's ben oor greeance."	140
C	
Furstlins, Halldor taen up the maitter	
as gin it were nearhaund his myn,	
•	
the speil atween them this wy that wy	
anent the waarth o that an this,	
as tho in greeance lyke a rowp,	
syne, baith thae kinsmen thinkin Halldor	
nearhaun the niffer spit-the-luif,	
Thorkell inyokit wechtie wurds	
tae mak the niffer no neargaun	
on aither syde but rowthe for Halldor.	150
on anner syde but towne for Handor.	150
Then Halldor jookit back an furrit	
wi mibbe-ay upon his tongue	
lik Whit was that? Tell me again!	
an mibbe-naw upon his lips	
lik Let me think whit you were sayin,	
until the kinsmen pressed him mair	
tae gar him soor an craise apairt;	
an syne it aa cam doon til this,	
the mair they pressed as sairer pressed,	
the tichter did he haud thegither,	160
•	100
as granite-haurd as wuidnae craise.	
Then Therball gold: "Dec you as see as	
Then Thorkell said: "Dae you no see noo,	
ma cuizzin Thorstein, no juist whoere	
we're gaun, but hoo we're gaun tae gang?	
Halldor haes puit the hems on us	

	The Laxda
no juist the lee-lang day sooch-soochin but aa the tyme lee-lyke as caunnie; and hae we no been taen-in, sittin aboot lik muckle sumphs intakkin aa his decaetfou bletherin? Noo, gin ye waant tae coff the grun, we'll hae tae waarsle nearer-haun."	170
Then Thorstein said he haed tae ken the gaet he haed tae gang fuit-furrit lik stramp alang an sklidder-nane, an telt the Halldor chiel tae oot in honestie an no tae byde in hiddlins lyke a deemster gane athin the daurk o avizandum anent the sellin o his grund.	180
Halldor gied aunswer til him then: "I'll no keep you in mirksomeness, for here's ma deemin duin for aye, lik licht upon the gaet tae gang; gang hame you wi this licht afore ye tae let ye ken nae niffer made."	
Said Thorkell til him: "Lyke yersel, we see nae need for haudin back whit we hae ben oor myns tae dae. We're gaun tae let ye chaise yer chyce, because we ken, as you ken tae, we hae a wheen mair men aboot us; and here's the hecht yae hae tae humph that's naething lyke a meikle wecht, that you be willant in yer greeance an we sall gree tae be yer freens; and here's the-tither hecht tae humph that's waur as wecht maun bou ye doon that you dae whit ye're no for lykin an sell me aa the Herdshaw grund."	190
Hearin this gulderin fae Thorstein, Halldor uplowpit suddentlyke as onie saumon fae a linn and ower a bink o watterfaa, sae ruch a lowp it ryvit lowsse the lang-preen brooch fae oot the faulds o thon braw cloak aroond his kist; and Halldor said, as gyte hissel as gulderin gy angersome,	

"A something else is gaun tae happen afore I say ocht no ma lykin."	210	The Laxdale S
<ul> <li>"An whit will that be?" Thorstein speired, an gat the aunswer was as orrie as no expeckit, naw, it wasnae:</li> <li>"A pole-aix wechtit in the nieve bi yae strang hoose-carle's gaun tae gurrie athin yer haerns ben powe for deid tae puit a stopper on yer snash an bluid-oot ocht o honestie ye didnae ken that you were blisst wi."</li> </ul>	220	
Said Thorkell: "Man, ye speak a spae as awfielyke as gy ill-gien that I howp winnae be fuhlfoued; and I'm for thinkin, Halldor, you hae gien guid reasoun for the losse o ilka bit o grund ye hae an gettin naething for it, naw."		
<ul><li>Halldor gied aunswer then til Thorkell, wi speak that folk micht weel jalouse ill-mintit, spaein weerd o deid:</li><li>"It's lyker you are gaun tae rowe athin the Braidfrith tangle, Thorkell, nor I am gaun tae sell ma grun no willantlyke but made tae dae it."</li></ul>	230	
Wi that, Halldor was up and aff acorss the park for hoose at hame, juist as the men he'd sent for cam aa booriein aroon the ferm. Thorstein was fairlie angertlyke, an wuid as waantit for tae yoke upon the Halldor thare an then, but Thorkell said, "Man, naw, I daarsay, ye cannae dae the sic a thing at sig a halig tyme a yaar	240	
<ul> <li>at sic a halie tyme o year:</li> <li>but gin it's ower, wi folk mair sib</li> <li>wi Nickie Ben nor sauchie paums,</li> <li>I'll no be staundin in the wy</li> <li>o collieshangie, bryle or brulyie</li> <li>atween the lyke o him and his</li> <li>an folk the lyke o us and oors."</li> </ul> Halldor said he wuid mak gy shair	250	

he'd aye be ruidie for tae fecht the lyke o thaem, an wuid he no, ay, that he wuid, baith thaem an thairs.	
Aa ower for nithin duin they waantit, as aa a waant for nithin duin, Thorstein an Thorkell rade awo wi yitter-yatter whit was duin was hauf-duin better left alane; the Thorstein fuhlla, speakin ot, said truith tae tell that was nae lee altho gy yuchlie in the tellin, the ploy haed been a flamein failyie that folk wuid no be lauchin ower as muckle's haein a snicher at it. "But Thorkell," Thorstein said, "whye were ye sae feart tae yoke upon the Halldor an sae puit shame upon the man?"	260
Some folk say <i>feart</i> lik that, tho ithers say <i>sweert</i> , that haes a differ til't.	270
Thorkell gied him for aunswer, tho, "Did you no see yon yin caad Beiner staundin abuin ye wi an aix as heech abuin hissel as ruidie tae clooter ye upon the powe an gurrie ben yer haerns for deid?"	
"Man, thon was no a caunnie thing, for gin I'd gien the weest moodge, he'd cawed thon aix athin yer heid!"	
Disjaiskitlyke, they aa rade hame til Leashaws; syne Lent wore awo an Passioun-week at lenth cam in.	280

10

#### Chaipter LXXVI

### The Droondin o Thorkell, AD 1026

Aer-on on Maundy Thursday morn, Thorkell gat ruidie for the aff, wi Thorstein deid against his gaun, sayin, "Ma waather ee is blear, an saut's upon tho chaft tae spae the bryne o Braidfrith on yer ain whuin waalterin athin the weet, a stormer o a storm oncomein." "Ach," Thorkell said, "a stormer-nane, but juist a bittock blast o wuin for calleratioun on the chafts an skytein faem the here an thare: kinsman, haud me back nane the-noo, for I'm for hame or Aester come." Thorkell ran oot the ferrie-boat as trig as swee upon the swaw, and haed his men lade timmer ont as swythe as gart it bab an bou, but fast as they cuid humph it on, Thorstein and his men humpht it aff 20 wi swee awo an bab aboot. Then Thorkell said, "For onie sake, gie ower ver graft an let us gang, for you'll no hae yer ain wy this timm. An Thorstein til him: "Yin o us is gaun tae dae the whit he will that's no the whit the-tither wuid; an this is whit he's gaun tae ken the-tither wuidnae hae him ken, that kennin then will sorte it nane." 30 Thorkell then said his fare-ye-weel, until the day they'd meet again, as sae he thocht, til cuizzin Thorstein, but that yin cood hae telt him fyne he'd said fareweel til his ainsel until he'd meet wi his ain deid. An Thorstein gaed awo inbye

his hoose at hame, gaed dowielie,

		The La
his ilka stap lik slap-fuit plap fuit,		
kennin he gaed as dowielyke	40	
as devoirs duin haed doakied him.		
Some say that Thorstein gaed inbye		
his guest-hoose (mibbes his guest-chaumer),		
whyle ithers caad it <i>leevin-room</i> ,		
but yae place or the-tither gaun,		
he speired tae hae a pillie-coad		
puit in alow his heid for aesement,		
an that was duin for kynliness.		
5		
His saervant-lassie saw the tears,		
that ran sae free fae Thorstein's een,	50	
blebbit upon the bowster linen		
in peeteousness for his freen.		
No that lang efter cam a blast		
o gowlin wuin that strack the hoose,		
dirlin it, timmer ruif til foond,		
an garrin Thorstein grane wi grue:		
"Noo we can hear the rampage roar		
o thon thing is the slauchterer		
6		
plays gansh an gurl at kinsman Thorkell."		
Here noo, tho, for tae tell whit happent	60	
Thorkell and aa his companie	00	
sailin the day lang doon the Braidfrith,		
ten men in aa aboard the boat.		
ten men m aa aboard the boat.		
The wuin blew laich furst, Here, I'm comein!		
Then mair nor laich, lik <i>Here, I'll skelp ye!</i>		
Then heech, lik <i>Here, I'm fairlie wheechin!</i>		
Then heecher, lyke <i>Here, I'm fair birrin!</i>		
Then no as heech, lik <i>Here, I 'm pechin!</i>		
Then laicher, <i>Here, I'll hae a blaw!</i>	70	
Then laich lik <i>Here, I'm gyan stuidie!</i>	70	
The men on board were yokit at it,		
an strappin chiels were they, and haundie,		
weel able for tae dae the wark		
that gart thon bonnie boat rowe on		
the better for tae mak it speed.		
Thorkell hand thon swords. Skofauna wi him		
Thorkell haed thon sworde, <i>Skofnung</i> , wi him, the braw blade liggin ben a locker		
the braw blade liggin ben a locker.		

Ye'll mynd thon was the sworde that Thorkell

haed gotten fae auld Eid langsyne tae tak an clooter ootlin Grim wi: 80 thon was the blade, ye'll myn, that sunsheen haed no tae licht upon the haeft ot; an gif the onie wumman near it, it haed tae byde the shaeth inbye; an no juist that, gin it suid mak a skaith upon the oniebodie, thare haed tae be a haillin-stane play dicht an dab alang the sair or thare wuid be nae betterin. Thorkell an companie sailed on 90 as faur as juist til Bjorn's Ysle, the folk along the baith the shores keepin the tabs on whoere they gaed, whuin suddentlyke as feet cawed fae ye, a skoosh o squaal claucht haud o sail, owerhaillin ship an men an timmer. Paer Thorkell was as droondit as were aa the men alang wi him, ay, droont a deider, that's for shair, rowed in amang the tangle-fankle 100 wi selkies keekin caunnie at him as at the ither bodies wi him, lik his ainsel noo corps, ilk yin rowein around in sic a plowter slaigert them mair nor Thorstein's greet for Thorkell blebbit pillie-coad. The timmer taen the wy o wuins upon the watter aa aroon the yslands, driftin here an thare, the corner-stauffs o that same kirk 110 the timmers werenae gaun tae bigg (as yince Keeng Olaf haed jaloused) drave on the ysland aye sinsyne caad Stauff Ysle (as we micht jalouse). Skofnung, fast-jaggit ben the hull, was fund waasht-up on Skofnung's Ysle, the name gien til the place sinsyne. Come eenin-tyme the Thorkell chiel and sa his companie were tynt amang the Braidfrith tangle-fankle, 120 it happent Gudrun gaed til kirk

owerbye in Haliefell, the-tyme the lave haed beddit doon for nicht: and as she steppit thru the lykeyett, she saw a ghaist fornent her staunin, bydein, ye micht jalouse, tae see his kist an corp alow the yett afore thur yirdin ben the mools, no left for aye wi selkies soomin.		
The ghaist boued ower her caunnilie as tho wi blissins on her powe, an said til her as quaet as kyn, "Gudrun, I come wi dowie wurds."	130	
S'she, as black-affrontit as she thocht a mallasin abuin her was lyke tae coorie roond her heid, back-stertit, whyter nor the ghaist, an said, as sherp as scart a face, "Haud you yer tongue anent them, grueie."		
Then til the kirk she gaed, as furst she'd ettlt for tae gang, an thare she thocht she saw that her man Thorkell and aa his companie were hame, staunin fornent the kirk doore, quaetlik as coodnae byte a thoom tae ken it, thur claes fair sploongein wi the bryne rinnin in calleratioun aff the ilka yin fae heid til brogans, the nae man thare noo feelin cauld an neever wuid feel waarm again.	140	
Gudrun was no for speakin wi them, mibbes ower halie-myndit gettin, an thinkin for tae claik wi Gode afore she haed a wurd wi Thorkell, sae ben the kirk she gaed, an styed as lang as guid enyeuch for her, tho mibbes faur ower lang at that as puit paer Thorkell in the strunts,		
because noo he and aa his men haed shote-the-craw, altho we ken whit Gudrun didnae ken juist yit, they'd no been thare tae shoot-the-craw because they aa haed gane the Craw Road.	160	

Gudrun gaed hame and haed a keek

in her guest-chaumer, thinkin Thorkell and aa his crew haed daunnert thare tae byde thur wheesht for her until she'd tuimmed hersel o haverin afore the Lorde, and he haed haed His fuhll o her fonde bletherin: no kennin yit whit we ken noo, she was fair daumert no tae finnd the smaaest hint or scad o hue o Thorkell and his companie, naw, deil the-haet, nor feint-the-taet.

Guid Fryday come, as ill a day as onie Gudrun yit haed seen, she sent oot men, some until Shawstraund, an some ayont amang the yslands, tae finnd in onie o the airts gif wuin cuid blaw a storie til her anent Thorkell an companie, as swythe as eer it blew a suitor til onie lass on Tintock Tap that eever haed the name o siller.

The flotsam fae the ferrie-boat bi that timm was ower ilka airt amang the yslands and the shores aroon the frith the boat gaed doon.

On Setterday, afore the morn o Aester, aabodie haed heard whit happent Thorkell, ilka yin thinkin the wurd gy dowielyke, for as highheidyin, Thorkell was kenspeckle as abuin the lave.

He was twoe-score and aicht year auld whuin he was droondit, juist fower year afore Keeng Olaf, sanctlik, cowpit.

Gudrun taen Thorkell's daith til hert, as weel she micht, for he wuid be her hinmaist man, as weel she kent: for aa that tho, she taen it bravelie.

Ay, weel she kent her man, paer Thorkell, haed been as hivvie's gowden helmet upon her broo wi weeble-waable wuid see it cowp amang the selkies 170

180

190

		The Laxdale Saga
or on the heid o watter-kelpie jookin amang the tangle-fankle.		
For aa the bookein o kirk timmer Thorkell haed puit athin the boat, no muckle ot was gethert in.	210	
Gellir, his son an Gudrun's, was at that timm, juist fowerteen year auld, an wi his mither he taen ower the wark aboot the ferm-haudins as weel his dy's highheidyinship: it wasnae lang or bodies saw this laud o pairts a man haill-growne.		
Gudrun grew gy releegious noo, furst wummanbodie in braid Yceland tae laer the Psalter, hert an tongue, and aye was bydein lang, lang oors athin the kirk at nicht for prayers, wi Herdis, that was Bolli's dochter, aye wi her in kyn companie, for Gudrun looed the lassie dearlie.	220	
Cairriet storie or no, it's telt that yae nicht, this young lassie Herdis dreamed that a wumman cam til her, cled in a woven cloak, a hood upon her heid: young Herdis, tho, juist didnae lyke the luk o her.	230	
The wumman spak: "Gang you an tell yer granniebodie I'm no pleased wi her at aa at aa, for she's aye creepie-crawlie ower me gaun the ilka nicht, an lettin faa upon me sic a rowthe o draps sae birnie I'm fair scaddit thru."		
"The reasoun whye I let ye ken aboot this fasherie's because I'm lykin you a weething mair nor her, altho, mynd you, thare is a something hovit roond yersel no caunnielyke, waanchauncielyke."	240	
"But still-an-aa, that means that I juist winnae haud ma wheesht anent it,		

it's I'd got on wi you versal	Ine I
it's I'd get on wi you yersel an no that bad at that gin I kent-nane thare's muckle waur wi Gudrun."	250
Ginn waukent, Herdis telt her dream til Gudrun for a ferlie thing, but Gudrun thocht thare was inwrocht some gyan haundie spaedom wark.	
Neist mornin Gudrun haed the broads lowssed aff the jysts alow the flaer athin the kirk whoere she was aye for plappin on a hassock prayin: an then she haed the grund alow uphowkit, whoere amang the mools they fund a wheen o baens as blae as gy ill-lukin, and a brooch,	260
as gy in-lukin, and a broten, as weel's a weizard's waand, as some folk say, tho ithers say it was a witch's, and a muckle yin at that, a bittock caurrielyke, because we're no richt shair avaa gif waand or witch was muckle made.	
Thinkin that they were howkin ben the mools o some auld trowlik bodie or mibbe some auld bogle bodie, the baens were gethert up an taen til some place faur awo whoere folk were no that lykelie tae pass bye them.	270
Gudrun, ye ken, fair sorteit things the yae wy that was naebdie else's, for she was yin o thaem aye haed yae place tae be, yae thing tae dae afore she wuid be yin was made tae gang an dae whit she'd no dae gif she were whoere she meant tae be: and even gif she werenae thare but whoere she did nae waant tae be, she'd gar some ither bodie dae whit she cuid no weel dae hersel.	280

#### Chaipter LXXVII

### Bolli's Retour, AD 1030

Fower winters blawin cauld abuin whoere Thorkell Eyjolfson was droondit, a ship puit in til Yslefrith watters, crew maist Norwegians, ship itsel belangin Bolli Bollison.

Bolli haed lukt at dauphins soomin alow him on the aither bowe for pleesure at the sicht o him as he abuin them pleased wi thaem, an said, "The man that kills a dauphin kills kynliness in Gode an man."

And as the dauphins lukt at him abuin them, pleased tae see the man luk doon at thaem at peels wi pleesure at seein thaem alow thare soomin, they were as gled tae see him hamewith as he was gled tae be gaun hame, sayin til him in dauphin leid: "Noo, luk awo, son, luk awo, an fou yer een wi whit ye see that made ye whit ye are the-day at hame wi us as we wi you, an myn, whuin you were faur awo whit was't ye said o whoere ye were?

Lik yae bit saw
that says it aa,
it's no the same
ye ken, as hame.

Bolli brocht siller hame galore, ay, rowthie wi it as wuid let him byde ruch ower monie years tae come, an wi it, meikle treisure trove princes and highheidyins haed gien him whuin bydein wi them faur abraid.

Back fae his traivels, Bolli was hissel highheidyinlyke as onie, for he wuid weare the nocht avaa but bonnie furs an staunds o claes

made braw fae claith o crammasie,

10

20

	40	The Laxdale Saga
tho some say silken, gowd embroidert;	40	
his waepons tae were gowd inlaid:		
Bolli-the-Graund, as some folk caad him,		
Bolli-the-Prood, said ither folk.		
He let his crew ken he was gaun		
tae gang til his ain airt the waastlins,		
an telt them they suid tak guid tent		
o his braw ship and aathing in it.		
Bolli rade fae the ship, alang		
wi twal men, as some folk hae said,		
tho ithers said it was eleeven,	50	
the ilka yin in crammasie		
lik his ainsel, wi saiddles gilt:		
aa bonnie fechterlukin men,		
Bolli, af coorse, abuin them aa.		
Fur-cled in claes the Garth Keeng gien him,		
as some say, ithers sayin wearein		
claes made o gowd-embroidert silk		
Byzantine Emperor haed gien him,		
he wore a cloak o crammasie		
ower aa, an wi him yit, thon sworde	60	
Legbyter, haeft ot gowd inlaid,		
the grup itsel gowd rowed aroon;		
the helmet on his heid was gildit;		
a ruid tairge liggit at his syde,		
a knicht upon it pentit gowd.		
Some folk say that he haed a dagger		
athin his haund, ye ken, a dirk,		
tho ithers say mair lykelie, launce,		
as is the faushioun ither places,		
but thare is greeance as aroon	70	
that at the ludgeins ilka nicht		
the wemen taen but little tent		
o ither folk nor yon yin Bolli		
and aa his fieres in companie,		
buskit sae braw in gauderie.		
Thon was the Bolli sheen o gowd		
that waarslt wi the sun's doon-settin		
the ilka day that Bolli rade		
the waastlins wy til Haliefell		
wi aa his freens a tail ahint him.	80	
Gudrun was doonricht gled tae see him,		

but Bolli didnae byde thare lang until he up an rade til Tongue in Saelingsdale tae meet wi Snorri his auld guidfaither, an tae see Thordis his ain dear wyfe, thur meetin as blythe as daenae haver ower it.

Snorri then speired wuid Bolli byde thare at his place wi aa the men micht lyke tae stye, an sae he did, the winter thru, wi ilka man haed ridden fae the north airt wi him.

Bolli was gyan namelie noo for whoere he'd been an whit he'd duin.

Snorri was fair taen-on tae mak as meikle adae wi Bolli noo as yince he'd duin wi kynliness whuin Bolli hame at hame wi him.

# Chaipter LXXVIII

The Daith o Snorri, an the End o the Saga, AD 1031
Whuin Bolli Bollison haed been back hame in Yceland juist yae winter, Snorri-the-Praest begood tae be a bittock ongaun seiklik gettin.
Lang liggit Snorri seik in bed, as malaisefou athin hissel as yince he'd been sae malicefuhll til ither men lang deid afore him; an noo it poued him doon until growne sair-failed kent nae betterin, he caad thegither aa his kin and hingers-on, an said til Bolli: "Efter I gang the gaet o deid I see noo streekit oot afore me, it is ma weesh that you tak ower ma fermtoon here and aathing wi it, as weel's ma highheidyinship; ay, I grummle-nane at honours gien ye, nae mair nor gien til ma ain sons: forbye, thare's yin o thaem no here Halldor, whoe'll be abuin them aa.
Wi that, the Snorri taen lang pech wuid see him sklim the brae o deid that breistit up lik ilka brae 'that wasnae thare whuin we were young', then ower the snab ot til the tap whoere pech gaed oot lik ra-ta-tattle athin the hause, and he was gane ayont the licht for wunner whoere, ayont hissel for didnae ken.
Whuin Snorri deed, his winters were as cauld as seeven year abuin the three-score year an ten we're gien, his hinmaist wintertyde the yin afore Keeng Olaf, sanctlik, deed, as sae was telt til us at lenth bi Ari Laer-faurben-yin caad.
Some ither folk, tho, say that Snorri was seeven year abuin three-score

		The Laxdale Saga
whuin he'd nae pech tae pech ocht mair.	40	The Landate Suga
Snorri was yirdit whoere he'd badd at Tongue, his mailin thare taen ower bi Bolli and his wyfe ye'll myn was Thordis whoe was Snorri's dochter: an Snorri's sons, bi aa accoonts, puit up wi thon wi richt guidwill, tho, as ye'll ken, guidwill ootwith is whyles no willantlyke athin.		
Bolli becam kenspecklelyke		
as aye fornent folk, and he was weel-thocht o as thocht weel hissel, an weel-respeckit as weel-lykit, respectabeelitie weel lykin; muckle beluvit, some folk say.	50	
Herdis, her mither Thordis, faither Bolli,		
the quyne fostert bi her graunminnie		
Gudrun, grew up at Haliefell		
a richt wee stoater, then becam the bonniest o bonnie wemen.		
the bolimest o bolime wemen.		
Yin Orm, that was the son o Hermund, that was Illugi's son, syne speired for Herdis' haund; an she was gien	60	
til Orm, thur son, yin Kodran caad,		
that haed for wyfe yin Gudrun caad,		
that was the dochter o yin Sigmund;		
the son o Kodran was caad Hermund, whoese wyfe was Ulfeid caad, the dochter		
o Runolf, son o Bishop Kelill;		
yin o thur sons was Kelill whoe		
becam Abbot o Haliefell;	70	
they haed three ither sons, yin Reinn, the ither twoe Kodran an Styrmir:		
thur dochter Thorvor mairriet Skeggi,		
Bard's son, an fae them cam the Shawmen.		
Ospak was the name was gien the son o Bolli Bollison an Thordis;		
the dochter o Ospak was caad Gudrun		
that Bard's son caad Thorarin, mairriet:		
thur son was Brand, yon yin that later		
foondit the benefice o Hoosefell.	80	
Gellir, the son o Thorleik, taen		

<ul> <li>a wyfe caad Valgerd was the dochter</li> <li>o Thorgils Arison o Reekness.</li> <li>Gellir gaed ower the faem, awo</li> <li>til Norowaa, til Norowaa,</li> <li>til saervice wi the Guid Keeng Magnus</li> <li>whoe gied him gowd, twal unce o it,</li> <li>wi monie ither braws forbye;</li> <li>Thorkell an Thorgils were the sons</li> <li>o Gellir, and a son o Thorgils</li> <li>was yon kenspeckle chiel was kent</li> <li>as Ari Laer-faurben-yin aye.</li> <li>The son o Ari was caad Thorgils,</li> <li>and his son caad Ari-the-Strang.</li> </ul>	90
Some gie us aa that fankle-freens athin the Saga, ithers tho,	
say nocht anent the maist thae folk.	
The namelie Gudrun, whoese ain name was gien til monie ither wemen, was growin gyan auld bi noo, bydein in meikle dool, nae doot for whit she'd duin, as weel as bydein in dowieness for whit she'd said, as haes been telt a wee whyle back	100
bi clash for claik aroon the doores: she was furst nun, furst eremyte	
in Yceland, maist the folk aye sayin amang the highfalutin kyn	
thare wasnae yin her maik for marra, naw, no the yin cuid neebor her.	110
Gudrun becam faurben releegioun as Ari faurben common laer, makkin her darg o day the thocht wuid gar her pray at nicht tae ken that gif Gode haill is Aa-the-Yin as twoe-fauld wi the Halie Spreit, Mary was wummankynd that made	
her Son three-faulditlyke as Yin wi Halie Spreit an Gode Hissel, as peels as Three-Thegither-Yin as yae day men an wemen baith will aa be yin-waan thonnerwys.	120
Noo, vince upon a wheesht-for-listen.	

Noo, yince upon a wheesht-for-listen, Bolli cam ower til Haliefell, for Gudrun aye was gy weel-pleased

	The Laxda
whuin he cam bye tae hae a crack,	
sittin alangsyde his auld mither	
tae hae a wurd on whit was daein	
the nooadays on this an that,	
an whit yince duin on that an this.	130
Yince on the sic a wheesht o tyme	
for Listen, and I'll tell ye mair,	
Bolli said, "Will ye tell me, mither,	
anent a thing the hauf o twoe	
that's juist itsel an naething else,	
whoe is the man ye looed the maist?"	
Gudrun gied Bolli aunswer then	
was no the yae thing, nor was twoe,	
nor three, but fowerfauld aathegither as	
we micht expec that werenae thare	140
but lyke tae think we ken as muckle	
as thaem that were but haenae telt us.	
S'she, "Thorkell, abuin them aa	
was michtiest, highheidyinlyke,	
but mibbes ower heid-strang, no heidie;	
no yin amang ma men, son Bolli,	
was maik for Bolli was yer faither,	
in makkin ruidie for tae dae	
or gangin furrit wi it, daein;	
Thord Ingunnson amang them aa	150
was wyssest, fou o law-laer gaun,	
no wyss, tho, kennin whoere it taen him:	
anent Thorvald I say a naething,	
for nocht can neever mak an ocht	
ocht mair nor nithin bookein-nane."	
Said Bolli: "I'm for kennin fyne	
that whit ye tell me gars me see	
the wy yer men were made, as tho	
I dichtit blear awo fae een,	
but still ye haenae said the yin	160
ye luvit maist amang thae fower:	
thare is nae langer onie need	
for you tae keep his name in hiddlins."	
Gudrun gied Bolli aunswer then	
that was lik switheratioun said	
the yince wuid mak a bodie sweert	
tae say whit was in myn tae say	
afore anither thocht was taen	
tae think on whit tae say the twycet:	

The Laxdale Saga 170 s'she, "Ye press me haurd, ma son, ay, gyan haurd on this that's been gif ben ma myn, no on ma tongue, but gin it's I maun needs tell't noo til oniebodie, you're the yin that needs maun hear it, chycest chaisen." Bolli said: "Mither, tell me noo the yin ye luvit maist o aa, no mibbe naw nor mibbe ay." Gudrun gied Bolli aunswer then, nae mibbe ay aboot it, naw, 180 nor mibbe naw aboot it aither. that said aa eever wuid be said thon wy the nae mair said the better: s'she, "The yin I luvit maist was yon yin that I yaissed the waarst." Said Bolli: "Mither, noo I'm thinkin the haill truith telt nae cairriet storie," an then gaed on tae say he thocht she'd duin gy weel tae let him ken whit he haed greinit ower for lang. 190 Whyles mibbes Gudrun thocht the reasoun whye she was no for deein young was that her Gode was aa-forgiein, but whyles again she mibbes thocht her Gode was no for waantin her tae share the blissins o His Heeven because He coodnae thole the thocht she'd kick up stoor in paecefouness or kick the paecefouness til stoor. 200 Gudrun grew gyan auld at lenth, some sayin that she losst her sicht; she deed at Haliefell, an thare she bydes her wheesht for thon Last Trump will gie her back her sicht again tae see her wy, as weel's her tongue tae tell the Heevenlie Host the wy. Ay, aichtie-seeven year auld she deed, an gaed – yer guess as guid as mynes – ben Heeven or ben Hell, or haed 210 a wee bit keek the noo an then athin Valhalla for tae speir

gin onie o her muckle men haed gane amang forgotten godes. A guid rin haed she for her siller haed yon yin Gudrun, haed she no?	
Gif naething else, tho, Gudrun was yin wi ilk seasoun o the year the-wy she was wi her fower men, daein wi thaem nocht else nor whit she haed tae dae as they wi her, even as waather airts the gaet we hae tae gang upon the grund or in alow it wintertyme	220
oor deid upon it yont the mools, whether whuin voartimm brekks the yce in ilka lochan, burn or pown tae gie a sooch o air til troot or let them pook the auntrin flea; or in the suimmer daffin-tyme	
that aften maks for bairnin-tyde, tae mak a wumman gy bechildert; or in the faa o leaf that stowes the byres wi chowe-the-coode for kye tae keep us ruch wi melk an kebbock; or in the winter-tyde itsel that sees us waarm fornent the ingle	230
<ul><li>that aither gars us think o Heeven alowe alow a gowden sun, or else can gar us think o Hell as het as lazie-tartan brandert.</li><li>Gellir, the yin was Thorkell's son, was hoose-at-hame in Haliefell</li></ul>	240
till eild, byordnar things anent him lang telt in monie ither sagas, tho nithin meikle said in this yin. A gyan brawlik kirk was biggit	
at Haliefell bi Gellir, as is telt bi Arnor, yon yin caad the Jarls' makar ginn he scryvit his <i>In Memoriam</i> on Gellir, in wurds weel-waarthie o the deid, the makar and the sang he made.	250
Whuin Gellir was faur gane in eild, nane thinkin he wuid steer his shanks excep tae dotter roon the doores,	

		The
he taen a thocht tae gang awo fae Yceland for a lang stravaig, furst gangin ower til Norowaa, til Norowaa acorss the faem the-wy a ballat's lyke tae say it, but didnae byde sae lang ower thare: then up and aff for pad-the-huif the haill wy sooth in pilgrimage as faur as Rome sae he cuid see the halie apostle Peter thare.	260	
Whuin he set oot fae Yceland watters, the dauphin on his labbord bowe said til its neebor, stabbord skooshin, <i>Paer sowl, it's no juist Rome he's gaun til,</i> for he will pad-the-huif the Craw Road	270	
A gy lang darg o days was that for clap the fuit doon on the causey or lowp a dub or jook aroond it, as weel's a darg o wearie nichts for claw the flechs an scart the flaes, or coorie ben the claes ower cauld for ocht but nid-nod oors awo, no able for tae bou an ee.		
At lenth, he traikit fae the sooth as faur as Denmerk wy, an thare grew seik as gart him tak til bed for lang enyeuch, paer sowl, sair-failed: the last rytes gien him for his paece, auld Gellir deed, yirdit at Roskild.	280	
Gellir haed taen upon his traik thon braw blade <i>Skofnung</i> caad, the sworde yince herriet fae the howie mools were biggit up ower Halie Kraki: the blade was tint for eevermair, an gin it wasnae, naebodie in Yceland clappt an ee on it.	290	
Wurd o auld Gellir's daith at last come til Yceland, Thorkell his son taen ower the mains and aathing else at Haliefell haed been his faither's.		
Anither yin o Gellir's sons, caad Thorgils, still a youngish man,		

was droondit ben the Braidfrith, wi him the ilka haund aboard his ship.

Thon Thorkell Gellirson yin was300weel-thocht o as a dacent chiel,<br/>his mynd abuin the lave o men,<br/>pangfou wi rowthe o meikle laer.300

That's sa the saga says anent the men o Saumonreeverdale, whiteever else it daesnae say anent thur wemenfolk in Yceland.

T.S. Law

(Made ower in Auchterarder fae July 1991 til August 1992.)

Crib in English

to

# THE LAXDALE SAGA

as made over in Scots Verse

by

T.S. Law

## **Source**

The principal English text of *The Laxdale Saga* which was used in making the Scots verse form of the story is that one contained in the third edition (September 1924) of the work by Muriel A. C. Press: the editor was Israel Gollancz M. A. The book was published by J. M. Dent and Co. Recourse was also made to the valuable *Laxdaela Saga* by Magnus Magnusson and Hermann Pálsson, published by the Folio Society in 1975. The J. M. Dent volume was published originally in 1899.

As explained in the dedicatory verses entitled *Gift*, which introduce the Scots version, my copy was given to me by one Gavin Love, whose name and address appear three times in the front leaves of the little volume: beneath one of those records, the date 28.5.32 is given. As I was born in 1916, Guy could not have had the volume long in his possession before he passed it on to me. His address is given as 15 Whittagreen Avenue, County Houses, Newarthill. Another name noted on a front leaf above the legend *The Temple Classics* is in the hand-of-write of Hugh Moore, Moss View, Newarthill, Motherwell.

Hugh Moore was the eldest son of William Moore, one of the local coalminers, a man who was a bard of those days and that place. The Moss of the View, by the way, was the self-same bogland where the young Keir Hardie wrocht at the wark in the Newarthill area. Hugh Moore became a schoolteacher and emigrated to South Africa. Willie Moore, like myself and many others in the West of Lowland Scotland, was either immediately or one generation out of Ulster, his people from Carrickfergus as mine from Antrim, Fermanagh and Monaghan. That is one of the reasons for the heavy inlay of Ulster-Scots pronunciation and preoccupation throughout the verses.

Like Willie Moore, Guy Love was a miner, as was my father, my grandfather and myself at one time, but unlike the old bard and my father, Guy did not see his life out in retirement. That is one reason for the many mining references in the verses. Guy was killed in a pit accident many years after giving me the Laxdale book. He was my senior by a few years, enough to let him sit in my kirk Sunday School and discover (as he informed my sister Mary) that I asked questions that "he could not answer".

There is a peculiar blue stamp on the front leaf of my J. M. Dent copy. Within a square, information states

The A. B. C. Coy.
GLASGOW.
2-15 P. M. 29 APR.
80, W. REGENT ST, (near Renfield St.) My own name and address on the front leaf are given as Tom Law, 8 Laughland Drive, Newarthill, so I am in good company.

That was the book and those were the people. I read the Saga in my youth and went back to it here and there over the years, thinking that some day I might "do something about it", never imagining that I would do what I have now done. In places, Muriel A. C. Press's English is as obscure as the original language must be, but adding to one's sense of historical perspective.

Unaware of my lifelong interest in the Saga, one of my sons gave me a Christmas present of the Folio Society volume in 1975, a quick glance through it advising me of its importance and worth. Nevertheless, l did not read it then, but kept it for better days and no bother, because I did not want to be influenced by it until I did the something I thought I might do to the text of Muriel A. C. Press. In finally taking the work in hand, I decided to use her text as guide, and refer to the Magnusson/Pálsson text of the Folio Society volume when light was required for the obfuscation in the older volume.

## **Manner of Presentation of the Verses**

Because I used the older text, everything is included, even the tedious geneological material which is not included in the Folio Society text: the verse form used is very accommodating for such matter. Where that verse form alters in metre or into rhyme, the lines are double-indented. For the rest, single indentation is used to denote that the treatment given departs from the Saga information into decoration, extrapolation, judgement, dissertation, speculation and parochialism.

By the end of the versifying, it is obvious that all those departures from the original works are largely blessings upon the heads and hands of those who made those Originals for posterity. And equally, many of those matters introduced are not just part of the *In Memoriam* verses to Gavin Love who gave me the book, but to the environment of my youthful days which gave me the languages of both the verses and this Crib.

As the general form of the scansion is near enough ballad style, it was thought fit to introduce echoes of song and ballad as well as reference to bits of poetry here and there. Repetition and tautology are deliberate, since those are the staples of common idiom and ballads. Echoes will be dealt with below under the Chapter headings. Repetitions will not be noted, since they will be obvious.

## Sources of Language used

Since the base of my pronunciation centres on the manners of the Lowland West in the neighbourhood of Glasgow, I am very aware of the distinction between the acute é and the grave è, nicely juxtaposed in the French word *élève*. One says *trade*, another *tredd*; and where the Afrikaner has given the

grave *trek* to the world, we have retained our acute *traik* which is used in the Saga verses in the sense of journeying and making expeditions, whether done wearily or comfortably. Much is made of this preferred acute sound in the verses, even where the ee sound becomes the acute ae sound so reminiscent of Irish usage in words such as *sae* (sea), *aesment* (easement), *praest* (priest), and *faest* (feast); or the conventional Scots grave *fremmit* becoming not the acute but the ee form *freemit*. Similarly, the conventional *smeddum* becomes *smeedum*. But *tae* always prepositions the verb, while *til* indicates the direction towards the object.

Because the ch is used to indicate the sound of those letters in words such as *loch*, they are not used in such words as *pootsh* (pouch) or *winshin* (winchin which means courting from the English word wench).

Generally, because the ow sound is often given to words with an ou spelling, preferred usage here is oo, words like *drouth* becoming *drooth*. An exception is *cou* (pronounced coo) for the English *cow*.

Because the conventional *dour* is often sounded erroneously as *dower*, the verses use the form *doore*, which, however, is also used in place of *door*, the house entrance.

Very importantly, the letter y is used extensively to distance the Scots pronunciation from the English in words with the vowel sound like *white* and *bite*, as well as *like* itself. *Like* itself is *lyke* when accented, but *lik* when unaccented, even as *tyme* becomes *timm*, and *thaem* becomes *them*. Also, unaccented *thur* (their) becomes *thair* when accented.

Sympathetically with the standard diacritical use of a final letter e on a word such as *knowe* to distinguish its pronunciation from what must otherwise be *know*, and on such a word as *howe* to distinguish it from the word *how*, that final letter e is added to words such as *bow* (of a ship) and *row* (roll). When unnecessary, as in the word *trow* (troll), it is not used.

In the Lowland West of my formative years, apart from the divisive acute and grave local accents, the broad O sound was common, so that such a word as *common* itself was not pronounced "caw-mon" but "co-mon", that is, when the speaker was at ease in his parent tongue. The same is true today. In order to make the full o sound clear to the reader, the conjunck oa is used now and then, for example in the word *boatheratioun* instead of *botheration*. However, because such usage can lead to an "o-ah" pronunciation, recourse is made to the use of a final letter e in a diacritical manner to indicate that the oa sound should be used. This can be seen in the words *lote* and *losse* to indicate that the vowel sound is not aw but o.

One youthful local prejudice remains to be noted. The ah sound in words such as *hand* and *land* becomes aw sound, the spelling usually becoming *haund* and *laund* where the final d is retained. Conventionally in my own work, the final d is retained only in front of vowel or aspirate or where emphasis is required. I have seen fit to leave the *land* sound alone in the names of countries, while

changing it to the aw sound throughout in *straund*, *lauddie* and *laund*, though the diminutive *lassie* is never altered.

A spelling variation of the aw sound remains to be mentioned: aa at the end of a word as in *faa* or *caa* or by itself where it means *all*, is pronounced aw, but in the middle of a word such as *waant* it becomes ah to distinguish it from the English equivalent *want*.

Not quite a prejudice local to the Lowland West, but more into Glasgow itself, is the predilection for the use of the definite article in unusual situations, not to mention the substitution of the word *the* for *to* in such words as *to-day* and *to-morrow*. Such situations are made commonplace in the Scots version of the Saga. Once upon a listen, I heard an incomer say: "Why do I have *flu*, when all around me I hear people say that they have The Flu?"

# **Style of Composition**

It might have been easier to play the parochial game by dipping here and there into the regions and making for local memorability my using a mixter-maxterie of phrases and peculiarities of pronunciation, but finally I decided to stick to the prejudices of youth and auld acquaintanceship. Thus, the composition was allowed to make its own language according to my ancient prejudices, for after all, that is what life is, reinforcement of first impressions. This is obvious if the original pencil manuscript is examined. It will be seen that the language is at first tentative and then becomes assured. My method of composition was to do it in its entirety and then to read each chapter, correct it and type it. The original dates of composition were from 26 July 1991 until 17 March 1992, the amendments and typing time being from 18 March 1992 until 2 August 1992.

In the information given below according to Chapter numbers, I shall do two things: refer to echoes of ballads and song from my youthful reading and hearing, as well as from subsequent reading and listening; and I shall gloss colloquial expressions as far as I am able to express opinion or fact, and where I cannot find information in the books to my hand. Because of the amount of peculiarly Scots words used, and peculiarly Scots usage in words common to English use, it would be a major effort to compile a complete glossary.

Because of repetition throughout the text, I shall explain the first usages only, and only where I consider explanation necessary.

I daresay everything this original saga is has long been explored in criticisms unseen by me, even as many things the saga is not may well have been examined or ignored. The continuity of narrative may easily call for adverse criticism, the whole work obviously in much need of recasting in form according to context. This is apparent even in the chapter headings, for the Muriel A. C. Press and the later Magnusson/Pálsson one use different advertisements of the story below each chapter. In order to preserve my ancient prejudices, by and large I have retained the Muriel A. C. Press headings.

With much of the Saga as basic as strike a blow and draw blood with it, the two translations into English are equally basic and often result in copy-cat language. Therefore, it is no surprise to find identical phrasing in both the translations. Generally, however, the simplicity of language by Muriel A. C. Press disappears in the modern, more Latinate language of the Magnusson/Pálsson translation. The latter is very useful indeed in shedding light upon the occasionally obfuscatory language of the former.

While endeavouring to keep the Scots text technically true to the time of Saga story, now and again colloquialism was allowed excess freedom, such as the reference to such things as "gunnels", since though wales might well have been known in Old Norse times as in Old English, guns were unknown in saga days. Some of the food and drink alluded to may also be suspect, but the reader should bear with that because my common fodder menus may have been nearer the common Norse appetite than more modern cuisine: besides, the Saga is as silent on those matters as it is on the nature of the games I made its children and menfolk play.

The same indulgence is expected from the reader when the eye meets with words outwith the strictly northern tongues of Scotland, Iceland, Norway, Denmark, England and Ireland. There are plenty of them, especially French such as devoirs, *battle*, *renague*, *parley*, *leige(s)*, *champion*, *esperance*, corselet, crew, company and possibly a fair number more than fifty others. Apart from those words, which might seem to distance the Saga from its past, it was decided to use older Scots speak in order to preserve a sense of the remoteness of the saga-time; but also, in order to hold such language tightly within the present, those older mannerisms of speech were offset by current colloquialism more at home in the streets today. Among those things, attempts are made at playing melodies upon the relationships of words and phrases, not always avoiding dissonances and punning. Thus, sometimes the language is taken over by myself, even as sometimes it is allowed to take over its own utterances, the technique being to let the form of the versing speak the lines until they learned the language sufficiently well, or until the versing taught itsel sufficiently well to let it speak itself in terms of lines of verse.

Somewhere I have seen laudatory criticism in the form of reference to economy of phrase and general bare statement in the composition of sagas. My immediate reaction was to dismiss that opinion, because it is at odds with the received poetic practice of elaboration of the commonplace: everything creatable recreates its original creation in some form or another. Even as annihilation of matter is merely transmutation of it into the all-pervasive energy from which it came, and even as pulverisation of a rock is merely recreation of the original dust that made it, so the addition to, and extrapolation from the bare stories within the Saga is merely the reconstitution of much that must, in the first place, have made for the original bare narrative.

Internal evidence, such as the occasional reference to proverb, as well as the occasional quotation of verse, point to some desire in the creator's mind to enliven the work. Those are the facts which made for the additional fancies

put into the Scots version. Having done so, I am surprised that nothing artistically major has been done so far with the material of this particular saga in its countries of origin. Having done what I have done in a tentative manner, I am only too aware of the vast potential behind the stories and the characters in such early works. But perhaps something has been done, and here I am merely exposing my ignorance.

Undeservedly anonymous on radio, someone once said of an acquaintance that that person "could play tig with a fox and never be het". I thought that was said as memorably as ever said by old Anonymous of the ballads. It was a remark of colloquial genius, the sort of utterance beloved especially by Glasgow comedians facing appreciative Glasgow audiences. It is also the antithesis of such a directive by Hugh MacDiarmid to "eschew humour". He took tent of his own advice, for little of his work provides us with examples to the contrary.

Strangely enough, with the exceptions of Byron's work and Shakespeare's, the feck of high English poetry is notable for its having eschewed both humour and colloquial fashions of speech. It may have been that many poets have either been too unsure of themselves as all-encompassing writers, or were afraid high purpose would be contaminated with low manners. With that sort of thing in mind, and realising how deep the plunge from pathos to bathos, how thin the divide between the humourous and stumerous, I decided not only to be deliberate in verging on the music-hallish in places but also to be equally emphatic in using alliteration, pun, repetition and allusion, and thus to leave no doubt in the reader's mind that the life of the common ballad was the liveliness of common speech. To say that and do nothing about it when given the opportunity, is simply to make a talking-point and nothing more: to do it may seem excessive, but after all, to say it and to do it is surely QED and QEF rolled into one.

What then made for the form of Scots versing used? Simply to verse the Saga would mean making nothing more of it than versified restatement, a fashion which retains less artistry than poetic prose. Verse it by all means then, but make the verse as artistically poetic as the language and story permit.

Which kind of verse to hold the poetry? Multiform rhymed or unrhymed lyrics interspersed with continuity passages where further lyricism fails the talent? Rhymed or unrhymed iambic pentameters, avoiding academic posturing upon the heroics in the narrative? Multiples of stanza forms made to set patterns of line quantities?

Finally, it was decided to use the common iambic tetrameter line which is so very useful in narrative compositions. And to use it as blank verse because rhyme can be a hindrance in extended narrative. While there is internal departure from that norm here and there because of the occasional rhymed portions in the Saga, the stanza form and lines are allowed to take over narrative, the masculine and feminine endings falling into place as the humph comes up the back of the language. The Chapter details given below will advise departures and the reasons for such.

One thing more. Because the idiom in common Scots song is so suffused with common speech, I may have missed the occasional echo from that source. The reader can assess personal mastery of idiom by finding those I have missed: and where there is success in discovery, let that reader decide if the find amounts to just another cliché.

# **Chapter I**

In the Muriel A. C. Press volume which is followed faithfully throughout in these Chapters, the first stopper was in her description of Ketill as "a mighty and high-born chieftain (hersir) in Norway." Initially, I used the word "chieftain" but seeing it qualified by the unusual word "hersir", which is from Old Norse and means the ruler of a district, right away I decided to depart from academic and romantic language. The word of common currency made the character scribbled in as "highheidyin", and would be used throughout in place of such people as chieftains and noblemen, though a king would be called a king and a queen queen.

Where I seem to be remiss in not mentioning the maker of any song or poem mentioned below, that is the silence of ignorance.

### **Chapter II**

Line 20

A "nyaff" is a despicable person.

Line 22

A "nyuch" is a nonentity.

Lines 23-24

A "bowle o whammlins" is a bowl of emptiness.

### Chapter III

Line 45

In the Muriel A. C. Press volume, the "wuiden totem stabs" of this line are glossed in the words "Bjorn found the pillars of his temple washed up in a certain creek..." The Magnusson/Pálsson book gives us "the pillars of his high-seat".

### Chapter IV

Line 23

The word "baurley" (elsewhere called "barley") is a call for truce in a children's game, or probably in a battle, and is generally thought to be a variant of "parley"

Lines 25-28

Normally, throughout the verses, where the Press book says one thing and the Magnusson/Pálsson one omits mention, or says something else, I add a phrase like "Some folk say. ..and ithers..." Here is the first mention of such a situation, one that necessitated editorial insertion of Line 28 to rectify the information when writing this Crib.

Line 73

In the Press translation, the word *Hersir* is used for the second and last time, but is ignored in this line.

### Chapter V

Line 49

The word "commonalitie" here means the common people.

### **Chapter VI**

Comments are unnecessary

# **Chapter VII**

Line 35

The words "fornent her lukin" do not mean the possessive, but "looking in front of her."

Line 232

Even as "aye aa-thare" means always aware of what is going on, so "neever thonner" means never far away from awareness.

Line 253

"Bydein ruch" neans living prosperously.

### Line 294

As Herjolf, who married Thorgerd in her widowhood, is described as a "landed man", opportunity is taken to describe his landedness in "ells an faas o grund". The ell varied from country to country and is now retained in the Netherlands as the metre (39.37 inches). The English ell was 45 inches, the old Dutch and Flemish about 27 inches, the Scottish about 37 inches and the Jersay ell 48 inches. As the Danish ell was 24.7 inches, like enough I am advising Herjolf's land in that measure. The faa or fall was 1/40 furlong, a pole or a rod, the square measure being 1/160 acre: in Scotland it is assessed at 36 square Scottish ells.

Line 321

The "sittin-doon" here is the same as a "doon-sittin", that is, a settling down into marriage, with the means to do so around the person.

### Chapter VIII

### Line 58

Although the title of this Saga bears the name "Laxdale", a name in itself not strange in Scottish ears, as the Isle of Lewis indicates, I decided to use the Muriel A. C. Press version of it throughout as given in Line 58. "Saumonreeverdale" runs so well into Scots phrasing and scansion that it had to survive.

Line 64

Being "gyan ruch in siller" means being very wealthy.

# **Chapter IX**

Line 153

"Clannit folk" are people loosely connected with the predominant group; such folk are rather like a sept of a clan, not clansfolk themselves.

# Chapter X

Comments are unnecessary.

# **Chapter XI**

Line 63

"Tae see whit was whaat" is a play on "what's what", the "whit" being the Lanarkshire Scots form of the word and the "whaat" being the Fife expression.

### Lines 66-69

The mouth of the River Blanda is here given in the variations of the rivermouth term as known in Scotland, that is, the Scots "mooth", the Gaelic "inver" and the Cymric (North Briton) "aber".

Lines 77-78

Those lines are echoes from the Scots ballad Sir Patrick Spens.

# **Chapter XII**

# Line 37

"Lazie tartan" is the name given to the skin discolouration caused by persistent exposure of the legs to fireside heat. Sometimes, it is called lazy-woman's tartan, and other such nomenclature.

Line 87

"Dollie-shots" are missiles cast at objects in a fairground stall.

Line 124

"Enyeuch" is a variant pronunciation of "enyeuch"

"Timms" is the unaccented form of "tymes".

### Line 240

"It's I maun thank ye awfie kynlie" was the expression used in my boyhood by an old, bearded man who used to come begging in the village of Newarthill. He came from the local poor's-house (in the neighbouring village of Cleland) on occasional Saturdays, and thus was known as "the auld Setterday man". We used to vie with one another to hand him a penny. The local Co-operative Store changed his coppers into silver.

# **Chapter XIII**

# Line 64

"Twoe-sixin" is a lift from Royal Air Force slang, meaning heaving or pulling at command, or any kind of physical effort in manhandling. Probably the expression was picked up from the Royal Navy in those days when the Air Arm of the Royal Navy was manned by Royal Air Force personnel. Two and six are reputed to have been two members of an old muzzle-loading gun team whose energies were employed in a particularly heavy manual task during gun firing.

Line 163

To "gie purr til't" is to make a noise about it.

# Lines 314-315

Mention of "faerie ysles" and "blue watters o Lough Erne" is a lift from some verses by Tom Law of Holytown, an old second cousin of mine who became the local schoolmaster in the village of that name. Part of of his verses are as follows:

To the mountains of Mourne, and where fairy isles lie

In Lough Erne's blue waters, I love till I die.

# Line 322

The word "cullan" is the Lanarkshire variant of the more usual "callant".

# **Chapter XIV**

Line 60

"Whye whyles whitforno" means "Why at times why not"

Line 71

"Divvie-up" means "divide".

# Line 96

"Losst-the-place" is a euphemism akin to "lost one's head" where an individual takes precipitate action.

# Line 99

"Shote-the-craw" here means that Thorold left hurriedly. The craw is the throat. In another long poem of mine called *The Magical Well*, I used the expression and explained it in the following note taken from *Crib to the Magical Well*.

"In his *Children of the Dead End*, Patrick MacGill, in saying of one character that 'He had just come out of the jail after serving six months' hard labour because he shot the crow in a Greenock public house' explains in a footnote that "Ordering and drinking whisky, and having no intention of paying for the drink, is known as 'shooting the crow.""

In saying this, Patrick Macgill makes the same error as the 'polite' Scottish classes in imagining he is Englishing a Scots dialect pronunciation of the word for the bird, not the thrapple. The actual meaning of his note is the action of swallowing, nothing else.

# Line 185

"Kinnafa" is a colloquial corruption of "kind of a", that is to say, "somewhat".

Line 192

The "wyfe o stoot courage" is an echo from William Dunbar's poem *The Twa Mariit Wemen and the Wedo*, though in that poem it is certain gallants

"....stalwardlie steppis ben, with ane stout curage..."

Line 217

"Bonnie fechter", now in common usage, is probably out of R.L.Stevenson's *Catriona* from the mouth of Alan Breck, one of the characters in the book.

Line 221

To "mak a kirk or mill ot" is common clash for what may be done with, say, patrimony or good fortune.

# Line 258

While "Cap out" is given dictionary space as verb "to drink to the bottom" and as a noun "the act of drinking", "capootert" may have come into common talk via the German "kaput". Though that is my own guess, "capootert" certainly was the state of Thord here in this Chapter.

# Line 278

The expletive "By Sursse" is the old-fashioned "By Sirs" or "Sirs" where the Scots accent has annihilated both the "i" and the "s" in the words.

# Chapter XV

Lines 157-158

A Gaelic saw says that the stone at the laird's door is very slippery.

Lines 182-183

"...the lavriest/o kail, the twoe-or-three-day-auld". It is said that soup older by a day or two is far tastier than that fresh off the fire.

# **Chapter XVI**

Comments are unnecessary.

# Chapter XVII

Line 6

A "rowster" is a "rowdy".

Lines 58-60

"Nyafferie" may be glossed here as "worthlessness", while "nyucherie" is near enough "nothingness".

# **Chapter XVIII**

Lines 161-163

There are variations in the old counting-out rhymes in children's games. In this one, some begin with "zeentie-peentie", though others say "zeentieteentie". The village children of Newarthill, some ten years before I first held the *Laxdale Saga* copy in my hands would say:

Zeentie-peentie picketie-pell, zell-dell dominell, zurkie -purkie taurrie rope, zan-tan joose-joke: you are out and out you must go. Lines 170-173 Refer to Lines 161-163.

Lines 215-216

The reference here to the inability to see anyone in one's porridge is a colloquialism used to express how a certain person is considered to be insignificant.

Line 243

A "leear lood" is a "loud liar". The adjective "lood" as applied consistently in these verses is an echo from the ballad *Sir Patrick Spens*, in which that hero reiterates

"Ye lee, ye lee, ye leears lood.

Fou lood I hear ye lee."

Line 216

"Doakies" means "dares".

Lines 370-371

"...the airts/the wuin can blaw" are an echo from Robert Burns's *song Of a' the Airts*.

# Chapter XX

Lines 96-97

The children's common cry "The gemme's a bogie" signifies that a game has become unplayable for whatever circumstances. Whether that originally meant that it had "gone to the Devil" or not, the children of my day and place could not have said, but when that cry arose, their counter-cry was "The wheels are mynes" because, of course the other bogey they knew was the flat undercarriage of a colliery hutch.

### Lines 302-309

As is well-known, the word of the brogue slips on and off the tongue as easily as a well-worn shoe slips on and off the foot.

# **Chapter XXI**

Line 44

A "hymie gairie" is a large, golden, stingless bee.

Line 74

Sometimes in Scotland there is a tautological habit of combining Scots and English words for effect, here given in "sych an sigh" and sometimes heard in "pechin an pantin" as in "sighin an sychin".

Line 126

"Chapman billie" is a lift from the opening line of Robert Burns's *Tam* 0'Shanter.

Lines 190-191

The children's rhyme remembered here is

Roonaboot, roonaboot, catch a wee moose, ben a closse, up a stair, in a wee hoose.

The accompanying action is that the adult tickles the child's palm, then walks the fingers along the length of the child's arm, then locates them in the armpit, where the final words are underscored in tickling. There is now an English corruption of the words.

#### Line 199

The songs in mind are *O* weel may the Boatie row by John Ewen (1741-1821), and the Jacobite *As I cam doon the Canongate*.

### Lines 210-213

The colours in the first three lines are those of the Irish banner, the fourth line commentary on them.

#### Line 258

From Naval parlance that penetrated other Services, reveille used to be emphasised by a senior N. C. O. shouting to arouse sleepers,

> Wakey, wakey, rise and shine. You've had your time and I've had mine!

Line 738

The injunction to "screw-the-heid" means "Be sensible".

Line 782

"Makkin speils for fuils tae say" is a paraphrase of words from Robert Burns's poem *The Vision* where he speaks of

"... How I spent my youthfu' prime An' done nae-thing But stringin' blethers up in rhyme, For fools to sing."

# Line 825

The words "turned richt an roondaboot" are an echo from Robert Burns's song *The Farewell*, where one of the verses says the following, though I am sensible of the slightly different version given to Sir Walter Scott by Thomas Sheridan, and included in Scott's *Notes to Rokeby*.

"He turn'd him richt, and round about, Upon the Irish shore;

And gae his bridle-reins a shake, With adieu for evermore, my dear, With adieu for evermore."

# **Chapter XXII**

Line 53

"Whittanlikken place" means "whatever sort of place".

Lines 107-108

"fareweel/lik waalcome ower the back again" means that the farewell was identically as pleasant as the original welcome had been.

### **Chapter XXIII**

Lines 300-305

A "scatter" or a "scrammle" at a wedding is the casting abroad of coins among the children of the neighbourhood. Perhaps only a Scottish custom?

### **Chapter XXIV**

Comments are unnecessary.

### **Chapter XXV**

Comments are unnecessary.

### **Chapter XXVI**

Line 10

There is an echo here from William Dunbar's *Lament for the Makaris*, written *Quhen he wes seik*.

"I that in heill wes and glaidness, Am trublit now with gret seikness, And feblit with infirmitie; Timor Mortis conturbat me."

### Lines 145-172

Those lines are double-indented, in this case because they are extra to the Saga as commentary arising out of it. They depart from the casual scansion of the verses in general since their scansions are regular as similar, and shown by the further indentation of the masculine line endings.

Line 191

"Whitlikken arval" means "What sort of funeral-feast".

Line 240

"Lassie wi the yallae coatie" is a lift from the Scots folk-song of that title.

# **Chapter XXVII**

# Line 74

"Broon or yallae ben the yill" is an echo from a song heard years ago in a BBC Third Programme which was concerned with the songs in the works of James Joyce. Perhaps that memory made for the inclusion of many of the references to song in these verses. The song in the BBC programme contained the words "O, the brown and the yellow ale" as sung by Joyce to James Stephens (1882-1950).

"It was from his grandfather John Murray that James Joyce as a small child learnt the words of a "lost song" The Yellow Ale, which he later told his friend, the Dublin writer James Stephens, was the most beautiful in the world, and which he was wont to sing for Parisian friends in the 1920s."

from James Joyce in the Years of Growth 1882-1915

A biography by Peter Costello published by Kyle Cashie Ltd in 1992

3 Vincent Street, London SW1P 2LX.

Line 123

The translation of a Gaelic song sings of

"Islay for swordplay and Mull for a song".

Line 132

"Yowies cawed til knowes" is an echo from the song 'Ca' the yowes' by Robert Burns, perhaps extrapolating from the original by Isabella Pagan.

Line 210

"Will ye no come back again?" is from Lady Nairne's song commonly called by that line as a title, though generally shown in print as *Bonnie Charlie's now awa'*.

# **Chapter XXVIII**

Lines 50-54

Here double-indented as a poem within the Saga. Where Muriel A. C. Press makes eight lines of it, the Scots form given has a look at haiku in the passing.

# Chapter XXIX

Line 63

"Ower the maer amang the heather" is a line from a Scots folk-song,

# Lines 81-83

To be given something "for skelps" is to have it given freely.

Lines 329-330

Should something go wrong in any enterprise, it is commonplace to say, "The ball is on the slates", the game or ploy therefore coming to an end. Here, considering that slates were not the cleeding on Iceland roofs, it is suggested that the ball is on the thatch.

Lines 340-342

The suggestion here that whisky ran with a light can please the eye, is a lift from the poem by Frederick Robert Higgins entitled *Padraic O'Conaire - Gaelic Storyteller*.

# **Chapter XXX**

The catalogue of old Scots money pieces is taken from an earlier verse of mine concerning our having been sold to the English State for a little cash.

Dyot, bodle, plack or groat, faurdin, bawbee, shillin; merk an pund an that's the lote sellt us, sweirt or willin.

A "tosser" is a coin.

Lines 207-208

The tongue-twister on which the lines are based says:

Whuither wuid ye rither or rither wuid ye whuither hae a soo's snoot stewed or a stewed soo's snoot?

Line 243

"Shufflin-the-brogue" is Irish dancing.

Lines 275-279

The words in italics in those lines are from the Scots folk-song *The Wee Cooper o Fife*.

### Chapter XXXI

Comments are unnecessary.

### Chapter XXXII

Comments are unnecessary.

# Chapter XXXIII

Lines 342-343

Those lines are double-indented because they make a couplet outwith the general scansion.

Lines 346-347

Double-indented for the same reason as Lines 342-343.

Line 348

"Speilin" is a name for touting goods in a market, even as selling-patter is.

Line 426

A "weeochie gant" is a momentary opening of the mouth.

Line 567

"Youngflas" is a corruption of "young fellows".

# **Chapter XXXIV**

Comments are unnecessary.

# **Chapter XXXV**

Line 42

"Bahllaps", pronounced in that manner, and usually plural, are the flies of trousers, elsewhere spelt curiously "ballops" and "ballups", though referred to as "the old-fashioned flap in forepart of trousers".

Lines 134-135

Those lines are double-indented because they have been made a couplet.

#### Lines 339-340

... as gyte/as fair stane-bunkered..." means "driven as mad as circumstances made her so". It is conjecture to imagine that a golfer would be thoroughly exasperated if he were to find he had to play a ball from a bunker filled not with sand but stones!

Line 553

"Skin-the-cat" is the boyish exercise of hanging on to a beam, lifting the legs between the arms and then dropping down upon the ground. To "tummle wulkies" is to tumble head over heels. The definite article usually precedes "wulkies".

# **Chapter XXXVII**

Line 65

"Nane the waur o a hingin" is a lift from the utterances of the infamous Lord Braxfield, the Scottish judge.

"Beezer-braw" means handsomely large.

# **Chapter XXXVII**

Lines 9-16

Especially in the Lowland West, it is common to hear men say in passing, either the "Ay, ay" of Line 9 or the English "Yes" of Line 12. These convey subtle undertones of meaning, two of which are given in this group of lines.

# Lines 514-518

Customarily long years ago in my childhood, when children saw a beetle pass in front of them, they would draw a finger across the throat and say, "That's no ma grannie!"

Line 556

"Dear" in this line means "God".

Lines 628-644

Preoccupation with Isaiah 60, 4 is also found in the eighteenth section of the *Orkneyinga Saga* where King Olaf has words with Earl Thorfinn that resemble what Olaf the Peacock said to old Hrut.

# **Chapter XXXVIII**

Lines 171-172

The use of the singular in "...the kye/for yaisual aa comes hame for melkin" is a lift from James Hogg's song *When the Kye comes Hame*.

# **Chapter XXXIX**

Comments are unnecessary.

# **Chapter XL**

Line 14

Here the "haar" spelling is pronounced "hahr".

# Lines 102-103

The conceit here that dolphins would leap and play is an echo of William McGonagall's *The Famous Tay Whale* in which he describes how "the monster whale did sport and play".

# Lines 111-112

As the italicised words indicate, they are taken from the popular Scots song *We're no awa tae byde awa*.

# Line 156

"Wi you, ay, an wi you" are lifted from the Scots song *Johnnie Lad* where the singer lilts

An wi you, an wi you, an wi you, Johnnie lad, I'll dance the buckles aff ma shuin wi you, ma Johnnie lad.

Line 161

The verbal form "speedikerrantin" of the "speedie-kerrant" noun seems likely to have come from the words speedy courant, a tautological fashion since a courant is or was a kind of rapid dance.

Line 454

See note below under Chapter LVIII, Line 9.

Lines 546-547

"Gaun thur dinger" here means "being extremely vociferous", while "giein it purr" means "being assiduously so (vociferous)", both those expressions being colloquialisms.

Line 576

Here "whoere the duags" means "where are the dogs", for sometimes the verb is dropped in such constructions.

#### Line 615

While "stramash" means a tumult or disturbance, the simile "stramash lik rowe-de-dowe" comes from a sectarian Ulster song which says

Then turn ye back some other way, take my advice and go no furder, for the papists they have gathered up in Tillyorrie you to murder whack, rowe-de-dowe, fol-ol-dol-de-ray.

#### Line 671-673

"Or pooterie as nuchin naither" in Line 673 means "or as insignificant as nothing into the bargain", the expression using colloquially a confirmatory second "aither" (either) following the one in Line 671, but adding a sympathetic alliterative letter "n" to the "aither".

### Line 868

"Peeheein" is a colloquialism meaning "behaving obsequiously".

#### Line 920-923

The variations of pronunciation in common usage are given here to illustrate the extent of King Olaf's spying on his compatriots.

Lines 928-929 and 932-933

Those lines are given double-indentation and italicising to illustrate their having been made couplets, and also show the different treatments in the Press and Magnusson/Pálsson books, the latter version being closer to the English tag "The better the day, the better the deed".

# **Chapter XLI**

Comments are unnecessary.

# **Chapter XLII**

Title

Although it is certain that the Scots "winshin" comes from the old-fashioned English "wenching", the meaning of "winshin" is merely "courting", both sexes using the word to denote that latter activity.

# **Chapter XLIII**

Line 217

The mention of "honours three" here is an echo from the popular Scots song *Scotland Yet* which was written by the Rev. Henry S. Riddell. The three honours are the Scottish Crown, the Sceptre and the Sword of State which are held in Edinburgh Castle.

# **Chapter XLIV**

Line 168

"Dividd" means "divided".

# **Chapter XLV**

Line 15

"On the skyte" means becoming very drunk.

Line 16

"Losst-the-place" means becoming argumentative to the degree of becoming violent.

Line 131

"Hap-stap-an-lowp" means "hop, step and jump".

Line 134

"Buhlletie", also known as "bullety" is an old game concerned with casting a ball of some sort as far along a road as possible. Probably an import from Ireland, it used to be played in Newarthill before I was born. It is still played

in Ireland, where local betting is much involved. An illustrated description of its pursuit in Newarthill is contained in a long, unpublished manuscript by the late Hiram Law Sturdy, a relative of mine, and like myself, a native of that village.

### Line 139

"Come, leg or I'll leave you" is a colloquialism for self-encouragement, sometimes said facetiously.

#### Line 151

"Daein the dooblers" is skipping while using two ropes at once, or so I have been told, for experience of it was not a boyish exercise in my young days.

### Line 156

"Fuit-and-a-hauf" was a leap-frog game which extended over long distances by virtue of a mark being set in advance of the person over whose back the others leapt. Whoever failed to leap properly, using the same number of steps as the leader, then became the person over whose back the others leapt. The past tense is used above because I have not seen that game played since my boyhood.

### Lines 158-159

"Hunsh-cuddie-hunsh" is a boys' game in which a line of boys bend, heads between the legs of those in front to where, against a fence or wall, one boy called a "pillow", stands facing the opposition, an equal number of boys. The task of that opposition is to run and jump as far along the line of bent backs to straddle the line as completely and as heavily as possible. The "pillow" shouts to his bent team to "Hunsh, cuddie, hunsh" in order to dislodge the rivals. If any of the latter cannot remain secure upon the back of the cuddie, then it is the turn of the rival team to become the cuddie. This game is still played in Scotland and the north of England.

"Rin-sheep-rin" and "Levoi" (the latter sometimes known as "Relievo") were similar games. In the latter, those caught were secured in a "den" by tapping them on the head and bottom: they were released when the den was relieved by a member of the rival side running through the den and shouting "Levoi!" In the former game, the sheep were sought by the rival side, among whom there was a shepherd figure who warned the sheep of the whereabouts of the pursuers by shouting "Rin, sheep, rin!" should the sheep be in danger of discovery. This game was played by boys and girls, but Levoi was generally a boys' game.

I have no knowledge of those games being played today. Motor traffic has put paid to more things than railway systems.

#### Line 190

"Bumbee tartan" is the name given colloquially to the Buchanan sett.

### Lines 204-215

Those lines are an echo of a favourite stanza in Robert Henryson's introduction to his *The Testament of Cresseid*.

I mend the fyre, and beikit me about, Than tuik ane drink my spreitis to comfort, And armit me weill fra the cauld thairout; To cut the winter nicht, and mak it schort, I tuik ane quair, and left all uther sport, Written be worthie Chaucer glorious, Of fair Cresseid and lustie Troylus.

### Line 303

To get one's "pit-een" is to have one's sight become accustomed to a degree of darkness. Apart from my own usage of the term, the only literary references I have come across are those contained in a long poem of about 1000 lines written by Alexander Smillie of Larkhall. The poem was published in the Stonehouse/Larkhall Gazette in 1973 when Mr. Smillie was 76 years of age. He had written it for his grandchildren who had emigrated to Australia. In it, they might have in hand the background of their native area. Apart from that, the story in the verse centred around the appearance of the ghost of a Black Lady, supposedly the Indian or Siamese wife of a local man.

In one place, the poem describes how two anglers were fishing in the River Avon at night, and one of them was

"...slowly gettin' his pit e'en.."

and later on, how the two men were

"...Keepin gey close tae yin anither,

Their pit-e'en seein mair an mair..."

Line 327

"Bumphlie" means "fat".

# **Chapter XLVI**

Line 32

Here "ben" means that it was Osvif's turn that had come around to visit Olaf.

Line 314

Here "fair bealin" means "very angry".

"As heilliefou as hellachie" means "as ill-tempered as feeling hellish".

Line 351

"Clash-the-pans" means "prepare food in the kitchen".

Line 363

"Yin-waan" means "six and half a dozen".

Lines 475-476

Those two lines make a something extra to the values given in the Press and Magnusson/Pálsson statements.

Line 537

"Stealie-thief" is an example of youthful tautological language.

Line 562

A "nyafferie" may be glossed as a "coterie of ignorant creatures".

Line 549

A "nyucherie" may be glossed as a "collection of nonentities".

# **Chapter XLVII**

Line 49

Though the colloquial name "cludgie" refers nowadays to any kind of lavatory or such convenience, in saga days such a word must have signified either a dry closet or a dry stool.

Line 156

The comment "My, the snell" means "My goodness, how cold it is".

Line 174

It used to be considered that one would put ill-luck on a farm, if, on leaving employment there, one overturned a plough in a field.

Lines 288-289 and 292-293

Those line are indented doubly because the play made with them rhymes them as couplets.

# Chapter XLVIII

Line 3

Though some dictionaries advise that "Wednesday" is a word of two syllables only, here, as in the normal Scots practice, it is given three.

Sometimes, as here, it is common speak to drop the second "d" from the word "droondin".

# **Chapter XLIX**

As those four lines are couplets extra to the story, they are double-indented. "Screw-the-heider" is colloquial for a "sensible person", and "deider" colloquial again for one either dead or destined to die soon.

# Line 65

Here, "squatter" means a collection of persons, though generally it is used to denote a fair number of family children.

# Lines 115-124

The general burthen of those ten lines, as far as style is concerned, owes a something to the old, long Pace-Egg (St. George's Annual Play) which was published in *The Halifax Courier and Guardian* on 4 April 1931. Much of that play is also the subject of part of Volume VII of *Select Writings of Robert Chambers*. My copy is the Third Edition, with the preface dated EDINBURGH, November 24, 1841. Some of this material, much corrupted, was known to me as a child and performed at Halloween. All this is dealt with fully in the verse and notes contained in a work of mine called *Away, Yeegie Landscapes*.

The rhymes in the first lines of each of the stanzas covered by 115-124 also owe a something to *The South Down Militia* which was written by Colonel the Right Hon. Robert H. Wallace, C. B., D. L. during the Boer War. That song is also analysed more fully in *Away, Yeegie Landscapes*.

Line 211

"Weet" and "waat", though variations, both mean "wet".

# Line 220

"Swaatit" is a variation of "sweitit", both meaning "sweated". "Sweit" is used in Line 226.

# Line 226

"Tyuch yins", colloquialism for concentrates of phlegm.

Line 250

"Sheepie-mèh" is a childish name for "sheep".

### Lines 322-324

It is said that a particular stone, lying on the machair of Colonsay, was used anciently as an indicator of a man's fitness to be a soldier. If such an aspirant could lift the stone, then he was ready for battle. Because of excessive back injury among the young men there, it is also said that a time came when the local laird forbade the exercise. Fairly mature in age myself, I attempted the lift, but like so many before me, I failed to move it from the spot, maybe either because I was not fit for battle or because I already had a sair back from attempting to lift another stone in a garden plot elsewhere!

### Lines 525-542

The conversation between Gudrun and Bolli was considered important enough to warrant separate treatment. As the double-indenting indicates, there is a departure from the normal general scansion. Each stanza is nine lines themselves sequentially ending masculine, masculine, feminine.

### Line 565

For some reason that I have never understood, it is considered derogatory to describe a certain type of complexion on a woman as whey-faced.

Line 732

"Crantaralyke" means resembling the fiery cross.

Lines 779-784

It is said that it "hurts the face" to see work being done badly.

### <u>Chapter L</u>

Line 10

The "cudgie" in that line means a helping hand, though often used to mean a lift, or many other things.

### Line 18

The "d" is retained here in "and" because it is accentuated as emphasis.

Lines 112-116

Those lines use as a base the refrain from the popular Scots song,

"For we're no awa tae byde awa,

We're no awa tae leave ye;

Naw, we're no awa tae byde awa,

We'll aye come back tae see ye."

### **Chapter LI**

Line 54

When one round "o" sound follows another, as in "o Olaf's sons", the first one tends to be made more akin to the short "i" sound, like the "i" in "in".

#### Chapter LII

"Dad" and "daud" mean the same, a "knock" or a "blow", the vowel variation here being convenient.

### Line 117

To "puit the hems" on anyone is to restrain or render ineffective that same person. Here the grave accent has triumphed over the acute, since the word is another form of "hames" which are draught-horse equipment.

### Lines 120-121

To "puit the heid" on anyone is to cause physical damage, so called from the way a person may be butted in the face by an opponent's brow.

### Lines 170-173

The simile used here is a memory of a beach in Cleadale in the Isle of Eigg where such things as intrusive hard boulders set in soft sandstone (post) may be seen not only in that post but scattered in the sand of the beach. The sand that had made the rock that had enclosed them is now once more the sand on which they lie, now released by the action of the sea.

### **Chapter LIII**

Lines 61-79

The comment made by Thorgerd to her son Halldor, quoted as an old proverb, that there is "No stock without a duffer" as given in the Muriel A. C. Press volume, was thought to be strong enough to warrant double-indentation in four varying couplets all saying the same thing.

### **Chapter LIV**

Line 18

"Immerage" means a spite or a grudge, probably from "umbrage", but almost always used with the indefinite article.

### **Chapter LV**

Line 12

There is an echo here of the English folk-song

"As I rode out one May morning,

One May morning right early..."

### Lines 17-18

"Neever let bug it's a flae" is a colloquial joke, Line 18 being a play on it.

"As even on as even-tyme" means "As continuously as though running one hundred yards in ten seconds".

Line 253

"Slooter-slauchterie" may be glossed as "messy slaughtering".

Lines 294-295

Those lines are an echo of Robert Burns's fancied motto:

"Better a wee bush than nae beild".

Line 305

"Yovin" here means to teeter, to move aimlessly back and forward.

Line 446

"Dry-boke" is a retching.

### **Chapter LVI**

Line 138

There is an echo in that line of once hearing a young boy exclaim that he was not yet coming into the house because the snow outside was "too good to waste".

### **Chapter LVII**

Lines 161-162

Those lines are a play on "maun-dae", "mell", and "melts yersel". A "mell" is a hammer; a "Monday" hammer is a very large one, as is a "mell"; to "melt" anyone is to deliver a severe blow upon that person. The suggestion is that a "Monday" hammer took its name from "maun dae", that is, if a hammer is large enough, it must be able to deliver a blow sufficiently hard to accomplish the desired effect.

Lines 163-164

"Gin aa/faa doon upon ye" is an echo from the Scots song *The Hills o Gallowa* which says in some of its lines:

"I'll sell my rock, I'll sell my reel,

I'll sell my grannie's spinnin-wheel;

I'll sell them aa when doon faas aa

And I'll gang ootower the hills tae Gallowa."

Line 207

The notion of the bothy sitting by itself reminded me of a cottage in Dunfermline with the legend "Reek ma lane" above its door.

# **Chapter LVIII**

# Line 6

"Doon the burn, Davie laud" is the Scots song that made for that line. Though there is a song with the title "Down the Burn" and "Davie, love" is in it instead of "Davie, laud", I have never heard a singer sing anything but "Doon the burn, Davie, laud". Generally, the song is Scoto-English. It was written by Robert Crawford whose dates are thought to have been 1695-1732. My information says that the third stanza given was altered by Burns.

# Line 9

The Scots song that made for that line is entitled *Tak your Auld Cloak about ye*.

In *The Songs of Scotland*, published in 1871, this song is noted as one of our earliest and most popular songs. We are also informed that the fourth Stanza is sung by Iago in Shakespeare's Othello (1611), and that the stanza there features King Stephen instead of our King Robert. Here is the original fourth stanza. It is easy to see why Shakespeare could not make a better of it.

In days when our King Robert rang,

His trews cost but half a croun;

He said they were a groat ower dear,

And ca'd the tailor thief and loon;

He was the king that wore a croun,

And thou 'rt a man of laigh degree:

It's pride puts a' the country doon;

Sae tak your auld cloak about ye.

And here is Shakespeare's version in the mouth of Iago.

King Stephen was a worthy peer.

His breeches cost him but a crown;

He held them sixpence all too dear,

With that he call'd the tailor lown.

He was a wight of high renown

And thou art but of low degree:

'Tis pride that puts the country down:

Then take thine auld cloak about thee.

Lines 45-46

The italicised words in those lines are the common slogans of a young boy upon an eminence to another below him.

### Lines 92-95

The turning around of the healing-stone over the wounded arm of Grim, first sunwise then anti-sunwise, recalls the ancient superstitions of three and three times three.

### Line 124 and Line 126

The salutation common in Scotland, "Lang may yer lum reek" which Grim gives to Thorkell by way of a toast, is given the common response from Thorkell who says "Lang may yer kail-pat byle."

# **Chapter LIX**

Line 18

"At the toot" is generally considered a corruption of tout de suite.

# Chapter LX

Line 89

The use of the easterly "twae" instead of the westerly "twoe" is caused by the discomfort that would be noticed were the "o" vowel sound to be repeated in such a grouping as "the twoe o us".

Lines 148-149

Those lines are double-indented because they are an intrusive couplet.

# **Chapter LXI**

Line 20

"Ay, an weel I myn the tyme" is a lift from the song *A Fine Man, John* sung by Harry Gordon, the Aberdonian comedian.

# **Chapter LXII**

Comments are unnecessary.

# **Chapter LXIII**

Comments are unnecessary.

# **Chapter LXIV**

Line 31-32

To say someone is "shortielyke" as suitable for Hogmanay or New Year's Day morning is to make a pun on shortbread, one of the Scottish comestibles in general use at New Year time.

# **Chapter LXV**

# Lines 126-133

Those lines are double-indented because a rhymed, regular stanza has been made of them.

Line 147

It is a common Scots expression that "hunger is guid kitchen", that is, hunger makes plain fare taste as good as something served as choice.

Line 151

That line is a lift from Alexander Anderson's song Bairnies Cuddle Doon.

Line 158

"Lowp-the-tallie" is a colloquialism for marrying, from the old tinker custom where the bride and groom jumped over a branch of wood before more formal rites and registration of marriage.

Line 267

Sometimes, in response to the question, "Where are you going on holiday?" the reply is "Och, Hameldaeme." That is, "Oh, home will suffice!"

# **Chapter LXVI**

Comments are unnecessary.

# **Chapter LXVII**

Line 77

"Loshie-loe-me" means "Lord, love me!"

Lines 83-88

Those lines are double-indented because a regular, rhymed syanza has been made of them.

Line 96

Where it is customary in England to say "inside out", in Scotland the equivalent meaning is generated by "outside in".

# Lines 134-137

Those lines are double-indented because they are a regular, rhymed stanza.

# **Chapter LXVIII**

### Lines 41-42

The double indendation of those lines is made because they are a couplet.

Lines 50-51

Again, those lines are indented doubly because they are a couplet complementary to Lines 41-42.

Line 70

Here, "chip awo" means "throw away".

### Lines 107-108

In those two lines, the pronunciation of the word "bye" which is used three times, rhymes with the English word "high" which occurs in Line 107. However, the play on the word "bye" is that the lines mean that Snorri was given a welcome something like

Oh, it is high time we felt free from time which in any case has gone past us as though leaving no gift of itself beside us (to remind us of itself).

#### Line 210

"Clabber-da" was the colloquial name used in my boyhood language to describe coal-pit slurry. Further reference to this is made in another set of verses of mine called *Away*, *Yeegie Landscapes* and in an Appendix to that work.

Line 221

"Sooin at it" here means being very industrious, working very busily.

# **Chapter LXIX**

### Line 14

The reference here to someone whose head is below the wood, echoes the Clan MacGregor's outlawing in cotland; from the Gaelic which says:

Fear so cheann fo'n choille - "The man whose head is under the wood."

### Line 85

That line is a variation of the common "A soo bi a differ o a lug" though sometimes "A soo bi the lug o a differ", that is "A sow by the difference of an ear".

Line 112

"Pauchle" here (elsewhere spelt "pochle") means "swindle" or "cheat".

### Chapter LXX

<u>Line 196</u>

Because of the "ch" in "touched", it is thought the use of "sh" makes the pronunciation obvious. To "touch" in this manner means to be not averse to drinking strcng liquor, though often used in the negative sense.

### <u>Chapter LXXI</u>

Here, the word "staiver" means a "hindrance".

Line 87

To "come the tin man" here means to be aggressively overbearing, and it may have more to do with a mailed soldier than a tinsmith!

Line 153

"Laein" here means "allowing" or "letting".

# **Chapter LXXII**

Comments are unnecessary.

# **Chapter LXXIII**

Line 4

"Mak ruidie this, mak ruidie that" echoes the Sir Patrick Spens ballad, where that hero says:

"Mak readie, mak readie, ma merrymen aa..."

Line 239

To "dodge the column" is a soldier's euphemism for managing to be absent from the ranks when the time comes for the line of march to become the line of battle.

# **Chapter LXXIV**

Comments are unnecessary.

# Chapter LXXV

Line 15

A "waanie" is a colloquialism for a single effort, a "one-ie".

Line 18

"Baestin at the graft" means "working like a beast", and is complementary to "sooin-in at it" in Line 19.

Line 20

To "get tore-in" is colloquial speech for becoming heavily engaged in activity.

Line 216

"Gurrie" here means "work among", "be involved thoroughly".

Line 238

"Booriein" here means "bustling".

"Daarsay" here is pronounced "dahrsay".

# Chapter LXXVI

<u>Line 8</u>

Here, "stormer" means something extra by way of a storm.

Line 52

Here, "freen" means not the conventional "friend" but a "relative".

Lines 163-185

Those lines are a lift from the rhyme as noted in *the Select Writings of Robert Chambers*, published in Edinburgh with a preface dated November 24, 1841.

Lanarkshire Rhyme on Marriage

Set a lass on Tintock tap,

Gin she ha'e the penny siller,

The wind will blaw a man till her;

But gin she want the penny siller,

There'll ne'er a ane be evened till her.

The variation of that in my youth was as follows:

Set a lass on Tintock tap,

Gin she hae the name o siller,

The wuin'll blaw a suitor till her;

But gin she daenae hae the siller,

Naebodie will be evened till her.

# Chapter LXXVII

Lines 25-28

Those lines are indented doubly because their intrusion in the Saga is rhymed.

### **Chapter LXXVIII**

Lines 24-25

It is a common, rueful expression for age to say that there was no brae at a certain place "when we were young".

Line 58

It is a colloquialism off the streets to say of a certain young girl that she is a "wee stoater", that is, bouncy as well-proportioned.

Auchterarder,

August 1992

The Laxdale Saga